

Ex libris
Joannis Kandleri
a 1704.

Year born 119

Ex lib: Joann: Kändler



Imperatoris
IVSTINIANI
INSTITVTIONVM
libri III.

*Adiecti sunt ex digestis Tituli
de verborum significatione et de
Regulis Iuris
Cum Indice ad eorundem*

COLONIAE

Apud Wilhelm. Metternich. Bibl.

1703

**Bayerische
Staatsbibliothek
München**

IMPERATORIS
JUSTINIANI
INSTITUTIONUM

LIBRI IV.

Adjecti sunt ex Digestis Tituli de
Verborum Significatione ,
& de Regulis Ju-
ris.

Cum Indice ad eosdem.



COLONIAE AGRIPPINAE

Sumptib. WILHELMI MET-
TERNICH, An der hohen Schmid-
Anno 1703.

2003
101
2003

APPROBATIO.

Imperatoris Justiniani quatuor Libri
Institutionum, quibus adjecti sunt ex
Digestis Tituli de Verborum signifi-
catione & de Regulis Juris, unà cum In-
dice ad eosdem, hactenus frequenter pro
hono publico typis dati & evulgati, iis-
dem iterum dari & evulgari poterunt.
Coloniæ Agrippinæ. 11. August. 1702.

CORNELIUS BREWER, SS. TT.
Doctor & publicus Professor, Libro-
rum Censor.

PRO-

P R O O E M I U M ³

De Confirmatione Institutionum.

[IN NOMINE DOMINI
nostri Jesu Christi.]

IMPERATOR *Cæsar Flavius Justinianus, A-*
lemanicus, Gothicus, Francicus, Germanicus, An-
ticus, Alanicus, Vandalicus, Africanus, Pius,
Felix, Inclytus, victor ac triumphator semper
Augustus, cupidæ legum juventuti. [S.D.]

IMPERATORIAM Majestatem, non so-
lum armis decoratam, sed etiam legibus
oportet esse armatam: ut utrumque tem-
pus, & bellorum, & pacis, rectè possit gu-
bernari: & princeps Romanus non solum in
hostilibus præliis victor existat, sed etiam per
legitimos tramites calumniantium iniquita-
tes expellat: & fiat tam juris religiosissimus,
quam victis hostibus triumphator [magnifi-
cus.]

1. ¶ Quorum utramque viam cum sum-
mis vigiliis, summaque providentia, annuen-
te Deo, perfecimus. Et bellicos quidem su-
dores nostros Barbaricæ gentes sub juga no-
stra redactæ cognoscunt: & tam Africa,
quàm aliæ innumerae provinciæ post tanta
temporum spatia, nostris victoriis à coelesti
numine præstitis, iterum ditioni Romanæ,

nostroque addita imperio protestantur. Omnes verò populi legibus tam à nobis promulgatis, quam compositis reguntur.

2. ¶ Et cum sacratissimas constitutiones, antea confusas in luculentam ereximus consonantiam: tunc nostram extendimus curam ad immensa veteris prudentia volumina, & opus desperatum, quasi per medium profundum euntes, cælesti favore jam adimplevimus.

3. ¶ Cumque hoc, Deo propitio, peractum est Triboniano viro magnifico, magistro, & exquæstore sacri palatii nostri (& ex consule nec non Theophilo & Dorotheo, viris illustribus antecessoribus. (quorum omnium solertiam, & legum scientiam, & circa nostras iustiones fidem, jam ex multis rerum argumentis accepimus) convocatis. mandavimus specialiter, ut ipsi nostra auctoritate, nostrisque suasionibus, Institutiones componerent ut liceat vobis prima legum cunabula non ab antiquis fabulis discere, sed ab Imperiali splendore appetere: & tam aures quam animi vestri, nihil inutile, nihilque perperam positum, sed quod in ipsis rerum obtinet argumentis, accipiant: & quod priore tempore vix post quadriennium (prioribus) contingebat. (ut tunc constitutiones Imperatorias legerent:) hoc vos à primordio ingrediamini digni tanto honore, tantaque refert felicitate ut & initium vobis & finis legum eruditionis à voce principali procedat.

4. ¶ Igitur post libros quinquaginta Digestorum seu Pandectarum, (in quibus omne jus antiquum collectum est, quod per eundem

dem

dem virum excelsum Tribonianum: nec non
ceteros viros illustres, & facundissimos con-
fecimus) in quatuor libros easdem Institutio-
nes partiri iussimus: ut sint totius legitimæ
scientiæ prima elementa.

5. ¶ In quibus breviter expositum est: &
quod antea obtinebat: & quod postea de sue-
tudine innumbratum, Imperiali remedio illu-
minatum est.

6. ¶ Quas ex omnibus antiquorum Insti-
tutionibus & præcipuè ex commentariis Caji
nostri, tam institutionum, quam rerum quo-
tidianarum, aliisque multis commentariis
compositas, cum tres viri prudentes prædicti
nobis obtulerunt: & legimus & recognovimus,
& plenissimum nostrarum constitutio-
num roboreis accommodavimus.

7. Summa itaque ope, & alacri studio
has leges nostras accipite: & vosmetipsos sic
eruditos ostendite: ut spes vos pulcherrima
foveat, toto legitimo opere perfecto, posse
etiam nostram Rempublicam in partibus ejus
vobis credendis gubernari D. C. P. xi. Ka-
lend Decemb. D. JUSTINIANO PP. A. III.
CONS.

6
INSTITUTIONUM,
seu Elementorum,
D. JUSTINIANI,
sacratissimi Principis,
LIBER PRIMUS.
DE JUSTITIA ET JURE
TITULUS I.

JUSTITIA est constans & perpetua voluntas jus suum cuique tribuendi.

1. ¶ Jurisprudentia est divinarum atque humanarum rerum notitia, justis atque injustis scientia.

2. ¶ His igitur generaliter cognitis & incipientibus nobis exponere jura populi Romani ita videntur posse tradi commodissime, si primò levi ac simplici via, post deinde diligentissima atque exactissima interpretatione, singula tradantur: alioqui si statim ab initio rudem adhuc & infirmum animum studiosi, multitudine ac varietate rerum oneraverimus: duorum alterum, aut desertorum studiorum efficiemus, aut cum magno labore, sæpè etiam cum diffidentia (quæ plerumq; juvenes avertit) serius ad id perducemus: ad quod, leviori via ductus, sine magno labore, & sine ulla diffidentia, maturius perducì potuisset.

3. ¶ Juris præcepta sunt hæc: honestè vivere, alterum non lædere, suum cuique tribuere.

4. § Hujus studii duæ sunt positiones, publicum & privatum. Publicum jus est quod ad statum rei Romanæ spectat. Privatum, quod ad singulorum utilitatem pertinet. Dicendum est igitur de jure privato, quod tripartitum est: collectum est enim ex naturalibus præceptis, aut gentium, aut civilibus.

DE JURE NATURALI gentium, & civili.

TITULUS II.

Jus naturale est, quod natura omnia animalia docuit, nam jus istud non humani generis proprium est, sed omnium animalium, (quæ in coelo,) quæ in terra, quæ in mari nascuntur. Hinc descendit maris atque sceminae conjunctio, quam nos matrimonium appellamus: hinc liberorum procreatio, hinc educatio. Videmus enim cætera quoque animalia istius juris peritia censer.

1. § Jus autem civile à jure gentium distinguitur: quod omnes populi, qui legibus & moribus reguntur, partim suo proprio, partim communi omnium hominum jure utuntur, nam quod quisque populus ipse sibi jus constituit: id ipsius proprium civitatis est: vocaturque jus civile, quasi jus proprium ipsius civitatis, quod verò naturalis ratio inter omnes homines constituit, id apud omnes peræquè custoditur: vocaturque jus gentium, quasi quo jure omnes gentes utantur. Et populus itaque Romanus partim suo proprio, partim communi omnium hominum jure utitur. Quæ singula qualia sint, suis locis proponemus.

2. ¶ Sed jus quidem civile ex unaquaque civitate appellatur, veluti Atheniensium nam si quis velit Solonis, vel Draconis leges appellare jus civile Atheniensium, non erraverit: sic enim & jus quo Romanus populus utitur, jus civile Romanorum appellamus: vel jus Quiritium, quo Quirites utuntur. Romani enim (à Romulo) Quirites à Quirino appellantur. Sed quoties non addimus nomen, cuius sit civitatis nostrum jus significamus, sicuti cum Poëtam dicimus, nec addimus nomen, subauditur apud Græcos egregius Homerus, apud nos Virgilius. Jus autem gentium omni humano generi commune est, nam usu exigente, & humanis necessitatibus, gentes humanæ (jura) quædam sibi constituerunt. Belli etenim orta sunt, & captivitates sequutæ, & servitutes, quæ sunt naturali juri contrariæ. Jure enim naturali omnes homines ab initio liberi nascebantur. Ex hoc jure gentium omnes penè contractus introducti sunt, ut emptio (&) venditio, locatio (&) conductio, societas, depositum, mutuum, & alii innumerabiles.

3. ¶ Constat autem jus nostrum quo utimur, aut scripto, aut sine scripto: ut apud Græcos τῶν ῥωμαίων οἱ μὲν ἐγγράφοι, οἱ δὲ ἀγράφοι, id est, *Legum alia (sunt) scriptæ, alia non scriptæ.* Scriptum autem jus est lex, plebiscitum, Senatus consultum, principum placita, magistratuum edicta responsa prudentum.

4. ¶ Lex est, quod populus Romanus senatorio magistratu interrogante (veluti Consule)

sule) constituerebat. Plebiscitum est, quod plebs plebejo magistratu interrogante (veluti Tribuno) constituerebat. Plebs autem à populo eo differt, quo species à genere nam appellatione populi, universi cives significantur, connumeratis etiam patriciis & senatoribus, Plebis autem appellatione, sine patriciis & senatoribus ceteri cives significantur, sed & Plebiscita, legē Hortensia lata, non minus valere quam leges cœperunt.

5. ¶ Senatusconsultum est, quod senatus jubet, atque constituit. Nam cum auctus esset populus Romanus in eum modum, ut difficile esset in unum eum convocari legis sancienda causa: æquum visum est, Senatum vice populi consuli.

6. ¶ Sed & quod Principi placuit, legis habet vigorem: quum lege Regia, quæ de ejus imperio lata est, populus ei, & in eum omne imperium suum & potestatem concedit. Quodcumque ergo Imperator per Epistolam constituit: vel cognoscens decrevit, vel edicto præcepit, legem esse constat, hæc sunt, quæ Constitutiones appellantur. Planè ex his quædam sunt personales, quæ nec ad exemplum trahuntur, (quoniam non hoc princeps vult,) nam quod alicui ob merum indulget, vel si quam pœnam irrogavit vel si cui sine exemplo subvenit: personam non transgreditur. Aliæ autem, quum generales sint, omnes proculdubio tenent.

7. ¶ Prætorium quoque edicta non modicam obtinent juris auctoritatem. Hoc etiam jus honorarium solemus appellare, quod qui

honores gerunt, id est, magistratus, auctoritatem huic juri dederunt. Proponebant & Aediles Curules edictum de quibusdam causis, quod & ipsum juris honorarii portio est.

8. § Responsa prudentum sunt sententiae & opiniones eorum, quibus permittum erat de jure respondere, nam antiquitus constitutum erat, ut essent, qui jura publicè interpretarentur, quibus à Cæsare, juris respondenti datum est, qui Jurisconsulti appellabantur, quorum omnium sententiae & opiniones eam auctoritatem tenebant, ut judici recedere à responso eorum non liceret, ut est constitutum.

9. § Sine scripto jus venit, quod usus approbavit, nam diuturni mores consensu utentium comprobati, legem imitantur.

10. § Et non ineleganter in duas species jus civile distributum esse videtur, nam origo ejus ab institutis duarum civitatum, Athenarum scilicet & Lacedæmoniorum, fluxisse videtur. In his enim civitatibus ita agi solitum erat, ut Lacedæmonii quidem magis ea, quæ pro legibus observabant, memoria mandarent: Athenienses verò ea, quæ in legibus scripta comprehendissent, custodirent.

11. § Sed naturalia quidem jura, quæ apud omnes gentes peræquè observantur: divina quadam providentia constituta, semper firma atque immutabilia permanent. Ea verò, quæ ipsa sibi quæque civitas constituit, sæpè mutari solent, vel tacito consensu populi, vel alia postea lege lata.

12. § Omne autem jus, quo utimur, vel ad personas pertinet, vel ad res, vel ad actiones.

Et

DE JURE PERSONARUM.

II.

Et prius de personis videamus nam parum est
jus nosse, si personæ, quarum causa constitu-
tum est, ignorentur.

DE JURE PERSONARUM.

TITULUS III.

Summa itaque divisio de jure personarum
hæc est: quod omnes homines, aut liberi
sunt, aut servi.

1. ¶ Et libertas quidem (ex qua etiam libe-
ri vocantur) est naturalis facultas ejus, quod
cuique facere libet, nisi si quid vi aut jure pro-
hibetur.

2. ¶ Servitus autem ex constitutio juris-
gentium, qua quis dominio alieno contra na-
turam subicitur.

3. ¶ Servi autem ex eo appellati sunt, quod
imperatores captivos vendere, ac per hoc ser-
vare, nec occidere solent, qui etiam manci-
pia dicti sunt, (eo) quod ab hostibus manu
capiuntur.

4. ¶ Servi autem aut nascuntur, aut fiunt,
nascuntur ex ancillis nostris, fiunt, aut jure
gentium, id est, ex captivitate: aut juri civili,
cum liber homo major viginti annis ad preti-
um participandum sese venundari passus est.

5. ¶ In servorum conditione nulla est dif-
ferentia: in liberis autem multæ: aut enim
sunt ingenui, aut libertini.

DE INGENUIS.

TITULUS IV.

Ingenuus est is, qui statim, ut natus est, liber
est: five ex duobus ingenuis matrimonio
editus est, five ex libertinis duobus, five ex al-

tero libertino, & altero ingenuo. Sed & si quis ex matre nascitur libera, patre verò servo, ingenuus nihilominus nascitur. quemadmodū qui ex matre libera & incerto patre natus est, quoniam vulgo conceptus est. Sufficit autem libexam fuisse matrem eo tempore, quo nascitur: licet ancilla conceperit. Et è contrario, si libera conceperit, deinde ancilla facta pariat: placuit eum, qui nascitur, liberum nasci: quia non debet calamitas matris ei nocere, qui in ventre est. Ex his illud quæsitum est. Si ancilla prægnans manumissa sit: deinde ancilla postea facta pepererit liberum, an servum pariat? Et martianus probat liberum nasci. Sufficit enim ei, qui in utero est, liberam matrem vel medio tempore habuisse, (ut liber nascatur.) quod & verum est.

1. ¶ Cū autem ingenuus aliquis natus sit, non officit ei in servitute fuisse & postea manumissam esse: sapissime enim constitutum est natalibus non officere manumissionem.

DE LIBERTINIS.

TITULUS V.

Libertini sunt, qui ex iusta servitute manumissi sunt, manumissio autem est de mandatio, nam quamdiu aliquis in servitute est, manui & potestati suppositus est; & manumissus liberatur potestate. Quæ res à jure gentium originem sumpsit: utpotè cū jure naturali omnes liberi nascerentur, nec esset nata manumissio, cū servitus esset incogni-
ta.

ta. Sed postquam iure gentium servitus invaluit: sequutum est beneficium manumissionis, & cum uno communi nomine omnes *homines* appellarentur, iure gentium tria (hominum) genera esse coeperunt: liberi, & his contrarium servi, & tertium genus libertini, qui desiderant esse servi.

1. ¶ Multis autem modis manumissio procedit, aut enim ex sacris constitutionibus in sacrosanctis ecclesiis, aut vindicta, aut inter amicos, aut per Epistolam, aut per testamentum, aut per aliam quamlibet ultimam voluntatem. Sed & aliis multis modis libertas servo competere potest, qui tam ex veteribus, quam ex nostris constitutionibus introducti sunt.

2. ¶ Servi (verò) à dominis semper manumitti solent: adeò, ut vel in transitu manumittantur: veluti cum prætor aut præses, aut proconsul in balneum, vel in theatrum eant.

3. ¶ Libertinorum autem status tripertitus antea fuerat. Nam qui manumittebantur, modò maiorem justam libertatem consequerantur, & fiebant cives Romani: modò minorem, & Latini ex lege Junia Norbana fiebant: modo interiorum & fiebant ex lege Ælia Sentia dedititii. Sed quoniam dedititiorum quidam pessima conditio jam ex multis temporibus in desuetudinem abierat, Latinorum verò nomen non frequentabatur: ideoque nostra pietas omnia augere, & in meliorem statum reducere desiderans duabus constitutionibus hoc emendavit, & in pristinum statum reduxit: quia & à primis urbibus Romæ cannabalis una atque simplex libertas compete-

bat: id est, eadem, quam habeat manumissor: nisi quod scilicet libertinus sit, qui manumittitur, licet manumissor ingenuus sit. Et dedititios quidem per constitutionem nostram expelimus, quam promulgavimus inter nostras decisiones: per quas, suggerente nobis Triboniano viro excelso quaestore (nostro,) antiqui juris altercationes placavimus. Latinos autem Junianos, & omnem quæ circa eos fuerat observantiam, alia constitutione per ejusdem quaestoris suggestionem correximus, quæ inter Imperiales radiat sanctiones. Et omnes libertos, nullo nec a tatis manumissi, nec domini manumittentis, nec in manumissionis modo discrimine habito (sicut jam antea observabatur) civitate Romana decoravimus: multis modis additis, per quos possit libertas servis cum civitate Romana, quæ sola est in præsentî, præstari.

CUI, ET QUIBUS EX CAUSIS
manumittere non licet:

TITULUS VI.

Non tamen cuicumque volenti manumittere licet. Nam is, qui in fraudem creditorum manumittit, nihil agit: quia lex Alia Sentia impedit libertatem.

1. § Licet autem domino, qui solvendo non est, (in testamento) servum suum cum libertate heredem instituere, ut liber fiat, hæresque ei solus & necessarius: si modo ei nemo alius ex eo testamento hæres extiterit: aut si nemo hæres scriptus sit, aut quia is, quæ scriptus

Scriptus est, qualibet ex causa hæres ei non extiterit. Idque eadem lege Ælia Sentia provi-
sum est, & rectè. Valde enim prospiciendum
erat, ut egentes homines, quibus alius hæres
extiturus non esset, vel servum suum necessa-
rium hæredem haberent, qui satisfactorius es-
set creditoribus: aut hoc eo non faciente, cre-
ditores res hæreditarias servi nomine ven-
dant: ne injuria defunctus afficiatur.

2. ¶ Idemque juris est, & si sine libertate
servus hæres institutus est. Quod nostra con-
stitutio non solum in domino, qui solvendo
non est, sed generaliter constituit, nova hu-
manitatis ratione: ut ex ipsa scriptura insti-
tutionis etiam libertas ei competere videat-
ur: quum non sit verisimile, eum, quem hæ-
redem sibi elegit, si prætermiserit liberatis-
dationem, servum remanere voluisse, & ne-
minem sibi hæredem fore.

3. ¶ In fraudem autem creditorum manu-
mittere videtur, qui vel jam eo tempore quo
manumittit, solvendo non est: vel qui datis
libertatibus, defuturus est solvendo esse. Præ-
valuisse tamen videtur (nisi animum quoque
fraudandi manumissor habuerit) non impedi-
ri libertatem, quamvis bona (eius) creditori-
bus non sufficiant, sæpè enim de facultatibus
suis amplius, quàm in his est, sperant homi-
nes. Itaque tunc intelligimus impediri liber-
tatem, cum utroque modo fraudulentur cre-
ditores, id est, & consilio manumittentis, &
ipsa re, eo quod ejus bona non sunt suffectu-
ra creditoribus.

4. ¶ Eadem lege Ælia Sentia domino mi-
nori

nori viginti annis non aliter manumittere permittitur quam si vindicta apud consilium, iusta causa manumissionis approbata, fuerint manumissi.

5. ¶ Iustæ autem manumissionis causæ hæ sunt: veluti, Si quis patrem aut matrem, filium filiamve, aut fratres sororeve naturales aut pædagogum, aut nutricem, aut educatorem, aut alumnum alumnamve, aut colactaneum manumittat: aut servum, procuratoris habendi gratia, aut ancillam matrimonii (habendi) causa: dum tamen intra sex menses in uxorem ducatur, nisi iusta causa impediat: & (servus,) qui manumittitur procuratoris habendi gratia, non minor decem & septem annis manumittatur.

6. ¶ Semel autem causa approbata, siue vera sit, siue falsa, non retractetur.

7. ¶ Cùm ergo certus modus manumittendi minoribus viginti annis dominis per legem Æliam Sentiam constitutus esset: eveniebat, ut qui quatuordecim annos expleverat, licet testamentum facere, & in eo sibi heredem instituire legataque relinquere posset: tamen si adhuc minor esset viginti annis, libertatem servo dare non posset. Quod non erat ferendum: nam cui tutorem suorum bonorum in testamento disposito data erat: quare non similiter ei, quemadmodum alias res; ita de servis suis in ultima voluntate disponere quemadmodum voluerit, permittimus, ut & libertatem eis possit præstare? Sed quum libertas inæstimabilis res sit & propter hoc ante xx. ætatis annum antiquitas liberta-

tem servo dare prohibebat; ideo nos mediam quodammodo viam eligentes, non aliter minori viginti annis libertatem in testamento dare servo suo concedimus, nisi decimum septimum annum impleverit, & decimum octavum attigerit. Quam enim antiquitas huiusmodi ætati, & pro aliis postulare concesserit: cur non etiam sui iudicii stabilitas ita eos adjuvare credatur, ut ad libertatem dandam servis suis possint pervenire?

DE LEGE FUSIA

Caninia tollenda.

TITULUS VII.

Lege Fusia Caninia certus modus constitutus erat in servis testamento manumittendis: quam, quasi libertates impediens, & quodammodo invidiam tollendam esse censuimus: quum satis fuerat inhumanum, vivos quidem licentiam habere totam suam familiam libertate donare, nisi alia causa impediat libertatem: morientibus autem huiusmodi licentiam adimere.

DE HIS, QUI SUI, VEL
alieni juris sunt.

TITULUS VIII.

Sequitur de jure personarum alia divisio. Nam quædam personæ sui juris sunt, quædam alieno juri subiectæ. Rursus earum, quæ alieno juri subiectæ sunt alia sunt in potestate parentum, alia in potestate dominorum.

Videa P. 17

duo m

duobus

Videamus itaque de his, quæ alieno juri subje-
ctæ sunt, nam si cognoverimus, quæ istæ per-
sonæ sunt : simul intelligemus quæ sui juris
sunt, ac prius inspiciamus de his, quæ in pote-
state dominorum sunt.

1. ¶ In potestate itaque dominorum sunt
servi, quæ quidem potestas, juris gentium est,
nam apud omnes peræquè gentes animadver-
tere, possumus, dominis in servos vitæ necis-
que potestatem fuisse : & quodcumque per
servum acquiritur, id domino adquiri.

2. ¶ Sed hoc tempore nullis hominibus,
qui sub imperio nostro sunt, licet, sine causa
legibus cognita, in servos suos (supra me-
dum) servire. Nam, ex constitutione divi An-
tonini, qui sine causa servum suum occiderit,
non minus puniri jubetur, quàm si alienum
servum occiderit. Sed & major asperitas do-
minorum, ejusdem principis constitutione
coërcetur: nam (Antoninus) consultus à qui-
busdam præsidibus provinciarum de his ser-
vis, qui ad ædem sacram, vel ad statuam prin-
cipum confugiunt, præcepit, ut si intolerabi-
lis videatur servitia dominorum, cogantur
servos suos bonis conditionibus vendere, ut
pretium dominis daretur, & rectè, expedit e-
nim Reipublicæ, ne sua re quis male utatur.
Cujus rescripti ad Ælium Martianum emissi
verba sunt hæc: Dominorum quidem potesta-
tem in servos suos illibatam esse oportet, nec
cuiquam hominum jus suum detrahi, sed &
dominorum interest, ne auxilium contra sæ-
vitiam, vel famem, vel intolerabilem inju-
riam denegetur iis, qui justè deprecantur.
Idcoque

DE PATRIA POTESTATE. 19

Ideoque cognosce de quærelis eorum qui ex familia Julii Sabini ad statuam confugerunt, & si vel durius habitos quam æquum est, vel infami injuria adfectos esse cognoveris, venire jube, ita ut in potestatem domini non revertantur. Quod si meæ constitutioni fraudem fecerit, sciat me hoc admissum severius executurum.

DE PATRIA POTESTATE.

TITULUS IX.

IN potestate nostra sunt liberi nostri, quos ex justis nuptiis procreavimus.

1. ¶ Nuptiæ autem, siue matrimonium, est viri & mulieris conjunctio, individuum vitæ consuetudinem continens.

2. ¶ Jus autem potestatis, quod in liberos habemus, proprium est civium Romanorum, nulli enim alii sunt homines, qui talem in liberos habeant potestatem, qualem nos habemus.

3. ¶ Qui igitur ex te & uxore uta nascitur, in tua potestate est. Item qui ex filio tuo & uxore ejus nascitur, id est nepos tuus & neptis, æque in tua sunt potestate, & pronepos, & proneptis, & deinceps ceteri. Qui autem ex filia tua nascuntur, in potestate tua non sunt, sed in patris eorum.

DE NUPTIIS.

TITULUS X.

Iustas autem nuptias inter se cives Romani contrahunt, qui secundum præcepta legum

honores gerunt, id est, magistratus, auctoritatem huic juri dederunt. Proponebant & Aediles Curules edictum de quibusdam causis, quod & ipsum juris honorarii portio est.

8. § Responsa prudentum sunt sententiae & opiniones eorum, quibus permittum erat de jure respondere, nam antiquitus constitutum erat, ut essent, qui jura publicè interpretarentur, quibus à Caesare, juris respondenti datum est, qui Jurisconsulti appellabantur, quorum omnium sententiae & opiniones eam auctoritatem tenebant, ut judici recedere à responso eorum non liceret, ut est constitutum.

9. § Sine scripto jus venit, quod usus approbavit, nam diuturni mores consensu utentium comprobati, legem imitantur.

10. § Et non ineleganter in duas species jus civile distributum esse videtur, nam origo ejus ab institutis duarum civitatum, Athenarum scilicet & Lacedaemoniorum, fluxisse videtur. In his enim civitatibus ita agi solitum erat, ut Lacedaemonii quidem magis ea, quae pro legibus observabant, memoria mandarent: Athenienses verò ea, quae in legibus scripta comprehendissent, custodirent.

11. § Sed naturalia quidem jura, quae apud omnes gentes peraeque observantur: divina quadam providentia constituta, semper firma atque immutabilia permanent. Ea verò, quae ipsa sibi quaeque civitas constituit, saepe mutari solent, vel tacito consensu populi, vel alia postea lege lata.

12. § Omne autem jus, quo utimur, vel ad personas pertinet, vel ad res, vel ad actiones.

Et

DE JURE PERSONARUM.

11

Et prius de personis videamus nam parum est jus nosse, si personæ, quarum causa constitutum est, ignorentur.

DE JURE PERSONARUM.

TITULUS III.

Summa itaque divisio de jure personarum hæc est: quod omnes homines, aut liberi sunt, aut servi.

1. ¶ Et libertas quidem (ex qua etiam liberi vocantur) est naturalis facultas ejus, quod cuique facere libet, nisi si quid vi aut jure prohibetur.

2. ¶ Servitus autem ex constitutio juris gentium, qua quis dominio alieno contra naturam subicitur.

3. ¶ Servi autem ex eo appellati sunt, quod imperatores captivos vendere, ac per hoc servare, nec occidere solent, qui etiam mancipia dicti sunt, (eo) quod ab hostibus manu capiuntur.

4. ¶ Servi autem aut nascuntur, aut fiunt, nascuntur ex ancillis nostris, fiunt, aut jure gentium, id est, ex captivitate: aut juri civili, cum liber homo major viginti annis ad pretium participandum sese venundari passus est.

5. ¶ In servorum conditione nulla est differentia: in liberis autem multæ: aut enim sunt ingenui, aut libertini.

DE INGENUIS.

TITULUS IV.

Ingenuus est is, qui statim, ut natus est, liber est: siue ex duobus ingenuis matrimonio editus est, siue ex libertinis duobus, siue ex al-

tero libertino, & altero ingenuo. Sed & si quis ex matre nascitur libera, patre verò servo, ingenuus nihilominus nascitur. quemadmodū qui ex matre libera & incerto patre natus est, quoniam vulgo conceptus est. Sufficit autem libexam fuisse matrem eo tempore, quo nascitur, licet ancilla conceperit. Et è contrario, si libera conceperit, deinde ancilla facta pariat: placuit eum, qui nascitur, liberum nasci: quia non debet calamitas matris ei nocere, qui in ventre est. Ex his illud quæsitum est. Si ancilla prægnans manumissa sit: deinde ancilla postea facta pepererit liberum, an servum pariat? Et martianus probat liberum nasci, sufficit enim ei, qui in utero est, liberam matrem vel medio tempore habuisse, (ut liber nascatur.) quod & verum est.

1. ¶ Cū autem ingenuus aliquis natus sit, non officit ei in servitute fuisse & postea manumissam esse: sæpissime enim constitutum est natalibus non officere manumissionem.

DE LIBERTINIS.

TITULUS V.

Libertini sunt, qui ex iusta servitute manumissi sunt, manumissio autem est de mandato, nam quamdiu aliquis in servitute est, manui & potestati suppositus est; & manumissus liberatur potestate. Quæ res à jure gentium originem sumpsit: utpotè cū jure naturali omnes liberi nascerentur, nec effet nata manumissio, cū servitus esset incognita.

ta. Sed postquam iure gentium servitus invaluit: sequutum est beneficium manumissionis, & cum uno communi nomine omnes *homines* appellarentur, iure gentium tria (hominum) genera esse cœperunt: liberi, & his contrarium servi, & tertium genus libertini, qui desiderant esse servi.

1. ¶ Multis autem modis manumissio procedit, aut enim ex sacris constitutionibus in sacrosanctis ecclesiis, aut vindicta, aut inter amicos, aut per Epistolam, aut per testamentum, aut per aliam quamlibet ultimam voluntatem. Sed & aliis multis modis libertas servo competere potest, qui tam ex veteribus quam ex nostris constitutionibus introducti sunt.

2. ¶ Servi (verò) à dominis semper manumitti solent: adeò, ut vel in transitu manumittantur: veluti cum prætor aut præses, aut proconsul in balneum, vel in theatrum eant.

3. ¶ Libertinorum autem status tripertitus antea fuerat. Nam qui manumittebantur, modò maiorem justam libertatem consequerantur, & fiebant cives Romani: modò minorem, & Latini ex lege Junia Norbana fiebant: modo interiorum & fiebant ex lege Ælia Sentia dedititii. Sed quoniam dedititiorum quidem pessima conditio jam ex multis temporibus in desuetudinem abierat, Latinorum verò nomen non frequentabatur: ideoque nostra pietas omnia augere, & in meliorem statum reducere desiderans duabus constitutionibus hoc emendavit, & in pristinum statum reduxit: quia & à primis urbibus Romæ cunabalis una atque simplex libertas compete-

bat: id est, eadem, quam habeat manumissor: nisi quod scilicet libertinus sit, qui manumittitur, licet manumissor ingenuus sit. Et dedititios quidem per constitutionem nostram expelimus, quam promulgavimus inter nostras decisiones: per quas, suggerente nobis Triboniano viro excelso quaestore (nostro,) antiqui juris altercationes placavimus. Latinos autem Junianos, & omnem quæ circa eos fuerat observantiam, alia constitutione per ejusdem quaestoris suggestionem correximus, quæ inter Imperiales radiat sanctiones. Et omnes libertos, nullo nec a tatis manumissi, nec domini manumittentis, nec in manumissionis modo discrimine habito (sicut jam antea observabatur) civitate Romana decoravimus: multis modis additis, per quos possit libertas servis cum civitate Romana, quæ sola est in presenti, præstari.

CUI, ET QUIBUS EX CAUSIS
manumittere non licet.

TITULUS VI.

Non tamen cuicumque volenti manumittere licet. Nam is, qui in fraudem creditorum manumittit, nihil agit: quia lex Alia Sentia impedit libertatem.

1. § Licet autem domino, qui solvendo non est, (in testamento) servum suum cum libertate heredem instituere, ut liber fiat, hæresque ei solus & necessarius: si modo ei nemo alius ex eo testamento hæres extiterit: aut si nemo hæres scriptus sit, aut quia is, qui scriptus

scriptus est, qualibet ex causa hæres ei non extiterit. Idque eadem lege Ælia Sentia provi-
sum est, & rectè. Valdè enim prospiciendum
erat, ut egentes homines, quibus alius hæres
extiturus non esset, vel servum suum necessa-
rium hæredem haberent, qui satisfactorius es-
set creditoribus: aut hoc eo non faciente, cre-
ditores res hæreditarias servi nomine ven-
dant: ne injuria defunctus afficiatur.

2. ¶ Idemque juris est, & si sine libertate
servus hæres institutus est. Quod nostra con-
stitutio non solum in domino, qui solvendo
non est, sed generaliter constituit, nova hu-
manitatis ratione: ut ex ipsa scriptura insti-
tutionis etiam libertas ei competere videat-
ur: quum non sit verisimile, eum, quem hæ-
redem sibi elegit, si prætermiserit liberatis
dationem, servum remanere voluisse, & ne-
minem sibi hæredem fore.

3. ¶ In fraudem autem creditorum manu-
mittere videtur, qui vel jam eo tempore quo
manumittit, solvendo non est: vel qui datis
libertatibus, defuturus est solvendo esse. Præ-
valuisse tamen videtur (nisi animum quoque
fraudandi manumissor habuerit) non impedi-
ri libertatem, quamvis bona (ejus) creditori-
bus non sufficiant, sæpè enim de facultatibus
suis amplius, quàm in his est, sperant homi-
nes. Itaque tunc intelligimus impediri liber-
tatem, cum utroque modo fraudulentur cre-
ditores, id est, & consilio manumittentis, &
ipsa re, eo quod ejus bona non sunt suffectu-
ra creditoribus.

4. ¶ Eadem lege Ælia Sentia domino mi-
nor

nori viginti annis non aliter manumittere permittitur quam si vindicta apud consilium, iusta causa manumissionis approbata, fuerint manumissi.

5. ¶ Iustæ autem manumissionis causæ hæ sunt: veluti. Si quis patrem aut matrem, filium filiamve, aut fratres sororesve naturales aut pædagogum, aut nutricem, aut educatorem, aut alumnum alumnamve, aut colactaneum manumittat: aut servum, procuratoris habendi gratia, aut ancillam matrimonii (habendi) causa: dum tamen intra sex menses in uxorem ducatur, nisi iusta causa impediat: & (servus,) qui manumittitur procuratoris habendi gratia, non minor decem & septem annis manumittatur.

6. ¶ Semel autem causa approbata, siue vera sit, siue falsa, non retractetur.

7. ¶ Cùm ergo certus modus manumittendi minoribus viginti annis dominis per legem Æliam Sentiam constitutus esset: eveniebat, ut qui quatuordecim annos expleverat, licet testamentum facere, & in eo sibi hæredem instituire legataque relinquere posset: tamen si adhuc minor esset viginti annis, libertatem servo dare non posset. Quod non erat ferendum: nam cui tutorem suorum bonorum in testamento disposito data erat: quare non similiter ei, quemadmodum alias res; ita de servis suis in ultima voluntate disponere quemadmodum voluerit, permittimus, ut & libertatem eis possit præstare? Sed quum libertas inæstimabilis res sit & propter hoc ante xx. ætatis annum antiquitas liberta-

tem servo dare prohibebat; ideo nos mediam quodammodo viam eligentes, non aliter minori viginti annis libertatem in testamento dare servo suo concedimus, nisi decimum septimum annum impleverit, & decimum octavum attigerit. Quam enim antiquitas huiusmodi ætati, & pro aliis postulare concesserit: cur non etiam sui iudicii stabilitas ita eos adjuvare credatur, ut ad libertatem dandam servis suis possint pervenire?

DE LEGE FUSIA Caninia tollenda.

TITULUS VII.

Lege Fusia Caninia certus modus constitutus erat in servis testamento manumittendis: quam, quasi libertates impediens, & quodammodo invidiam tollendam esse censuimus: quum satis fuerat inhumanum, vivos quidem licentiam habere totam suam familiam libertate donare, nisi alia causa impediat libertatem: morientibus autem huiusmodi licentiam adimere.

DE HIS, QUI SUI, VEL alieni juris sunt.

TITULUS VIII.

Sequitur de jure personarum alia divisio. Nam quædam personæ sui juris sunt, quædam alieno juri subiectæ. Rursus earum, quæ alieno juri subiectæ sunt alia sunt in potestate parentum, aliæ in potestate dominorum.

Vide

Videamus itaque de his, quæ alieno juri subje-
ctæ sunt, nam si cognoverimus, quæ istæ per-
sonæ sunt : simul intelligemus quæ sui juris
sunt, ac prius inspiciamus de his, quæ in pote-
state dominorum sunt.

1. ¶ In potestate itaque dominorum sunt
servi, quæ quidem potestas, juris gentium est,
nam apud omnes peræquè gentes animadver-
tere, possumus, dominis in servos vitæ neces-
sarie potestatem fuisse : & quodcumque per
servum acquiritur, id domino adquiri.

2. ¶ Sed hoc tempore nullis hominibus,
qui sub imperio nostro sunt, licet, sine causa
legibus cognita, in servos suos (supra me-
dum) sævire. Nam, ex constitutione divi An-
tonini, qui sine causa servum suum occiderit,
non minus puniri jubetur, quàm si alienum
servum occiderit. Sed & major asperitas do-
minorum, ejusdem principis constitutione
coërcetur: nam (Antoninus) consultus à qui-
busdam præsidibus provinciarum de his ser-
vis, qui ad ædem sacram, vel ad statuam prin-
cipum confugiunt, præcepit, ut si intolerabi-
lis videatur sævitia dominorum, cogantur
servos suos bonis conditionibus vendere, ut
pretium dominis daretur, & rectè, expedit e-
nim Reipublicæ, ne sua re quis male utatur.
Cujus rescripti ad Ælium Martianum emissæ
verba sunt hæc: Dominorum quidem potesta-
tem in servos suos illibatam esse oportet, nec
cuiquam hominum jus suum detrahi, sed &
dominorum interest, ne auxilium contra sæ-
vitiam, vel famem, vel intolerabilem inju-
riam denegetur iis, qui justè deprecantur.
Idcoque

DE PATRIA POTESTATE. 19

Ideoque cognosce de quarelibet eorum qui ex familia Julii Sabini ad statuum confugerunt, & si vel durius habitos quam æquum est, vel infami injuria adfectos esse cognoveris, venire jube, ita ut in potestatem domini non revertantur. Quod si meæ constitutioni fraudem fecerit, sciat me hoc admissum feverius executurum.

DE PATRIA POTESTATE.

TITULUS IX.

IN potestate nostra sunt liberi nostri, quos ex justis nuptiis procreavimus.

1. ¶ Nuptiæ autem, sive matrimonium, est viri & mulieris conjunctio, individuum vitæ consuetudinem continens.

2. ¶ Jus autem potestatis, quod in liberos habemus, proprium est civium Romanorum, nulli enim alii sunt homines, qui talem in liberos habeant potestatem, qualem nos habemus.

3. ¶ Qui igitur ex te & uxore natus nascitur, in tua potestate est. Item qui ex filio tuo & uxore ejus nascitur, id est nepos tuus & neptis, æque in tua sunt potestate, & pronepos, & proneptis, & deinceps ceteri. Qui autem ex filia tua nascuntur, in potestate tua non sunt, sed in patris eorum.

DE NUPTIIS.

TITULUS X.

Iustas autem nuptias inter se cives Romani contrahunt, qui secundum præcepta legum

coeunt, masculi quidem puberes, foeminae autem viri potentes, five patres familiarum sint, five filii familiarum: dum tamen, si filii familiarum sint, consensum habeant parentum, quorum in potestate sunt. Nam hoc fieri debere, & civilis & naturalis ratio suadet: in tantum, ut iussus parentis praecedere debeat. Unde quaesitum est, an furiosi filia nubere, aut furiosi filius uxorem ducere possit? cumque super filio variabatur, nostra processit decisio, qua permixtum est ad exemplum filiae furi si, filium quoque (furiosum) posse & sine patris interventu matrimonium sibi copulare, secundum datum ex nostra constitutione modum.

1. ¶ Ergo non omnes nobis uxores ducere licet, nam a quarundam nuptiis abstinendum est, inter eas enim personas, quae parentum liberorumve locum inter se obtinent, contrahi nuptiae non possunt: veluti inter patrem & filiam, vel avum & neptem, vel matrem & filium, vel aviam & nepotem, & usque in infinitum. Et si tales personae inter se coierint nefarias atque incestas nuptias contraxisse dicuntur. Et haec adeo vera sunt, ut quamvis per adoptionem parentum liberorumve loco filii esse coeperint: non possint inter se matrimonio jungi: in tantum, ut etiam dissoluta adoptione, idem juris maneat. Itaque eam, quae tibi per adoptionem filia vel neptis esse coeperit, non poteris uxorem ducere, quamvis eam emancipaveris.

2. ¶ Inter eas quoque personas, quae ex transverso gradu cognationis junguntur, est quaedam similis observatio, sed non tanta. Sa-

ne enim inter fratrem sororemque nuptiæ prohibita sunt, siue ab eodem patre eademque matre nati fuerint, siue ex altero eorum. Sed si qua per adoptionem soror tibi esse coeperit: quamdiu quidem constat adoptio sane inter te & eam nuptiæ consistere non possunt, cum vero per emancipationem adoptio sit dissoluta, poteris eam uxorem ducere. Sed & si tu emancipatus fueris, nihil est impedimento nuptiis. Et ideo constat, si quis generum adoptare velit, debere eum antea filiam suam emancipare: & si quis velit nurum adoptare, debere eum antea filium suum emancipare.

3. ¶ Fratris verò, vel sororis filiam, uxorem ducere non licet: sed nec neptem fratris vel sororis quis ducere potest, quamvis quarto gradu sint. Cujus enim filiam uxorem ducere non licet, neque ejus neptem permittitur. Ejus verò mulieris quam pater tuus adoptavit, filiam non videris impediri uxorem ducere: quia neque naturali, neque civili juri tibi conjungitur.

4. ¶ Duorum autem fratrum vel sororum liberi, vel fratris & sororis conjungi possunt.

5. ¶ Item amitam, licet adoptivam, ducere uxorem non licet, item nec materteram: quia parentum loco habentur. Qua ratione verum est, magnam quoque amitam, & materteram magnam prohiberi uxorem ducere.

6. ¶ Adfinitatis quoque veneratione, à quorundam nuptiis abstinere necesse est: ut ecce, privignam aut nurum uxorem ducere non licet: quia utraque filia loco sunt. Quod ita scilicet accipi debet, si fuit nurus aut privigna

tua. Nam si adhuc nurus tua est, id est, si adhuc nupta est filio tuo, alia ratione uxorem eam ducere non poteris: quia eadem duobus nupta esse non potest. Item si adhuc privigna tua est, id est si mater ejus tibi nupta est, ideò eam uxorem ducere non poteris, quia duas uxores eodem tempore habere non licet.

7. ¶ Socrum quoque & novercam prohibitum est uxorem ducere: quia matris loco sunt. Quod & ipsum dissoluta demum ad finitatem procedit: alioquin si adhuc noverca est, id est, si adhuc patri tuo nupta est: communi jure impeditur tibi nubere, quia eadem duobus nupta esse non potest. Item si adhuc forcrus est, id est si adhuc filia ejus tibi nupta est: ideò impediuntur tibi nuptiae, quia duas uxores habere non potes.

8. ¶ Mariti tamen filius ex alia uxore, & uxoris filia ex alio marito, vel contra matrimonium rectè contrahunt: licet habeant fratrem sororemve ex matrimonio postea contracto natos.

9. ¶ Si uxor tua post divortium ex alio filiam procreaverit: hæc non est quidem privigna tua: sed Julianus ab hujusmodi nuptiis abstinere debere ait, nam constat, nec sponsam filii nurum esse, nec patris sponsam novercam esse rectius tamen, & jure facturos eos, qui ab hujusmodi nuptiis abstinuerint.

10. ¶ Illud certum est, serviles quoque cognationes impedimento nuptiis esse: si fortè pater & filia, aut frater & soror manumissi fuerint.

11. ¶ Sunt & aliae personae, quae propter di-

versas rationes nuptias contrahere prohibentur, quas in libris Digestorum, seu Pandectarum, ex veteri jure collectarum, enumerari permisimus.

12. § Si adversus ea, quæ diximus, aliqui coierint: nec vir, nec uxor, nec nuptiæ, nec matrimonium, nec dos intelligitur. Itaque ii, qui ex eo coitu nascuntur, in potestate patris non sunt: sed tales sunt (quantum ad patriam potestatem pertinet) quales sunt ii, quos mater vulgo concepit. Nam nec hi patrem habere intelliguntur, cum & his pater incertus sit, unde solent spurii appellari *παρὰ τὴν σποράν*, id est, à *fatone*, & *ἀπάτρως*, quasi sine patre filii. Sequitur ergo ut dissoluto tali coitu, nec dotis, nec donationis exactioni locus sit. Qui autem prohibitas nuptias contrahunt & alias pœnas patiuntur, quæ sacris constitutionibus continentur.

13. § Aliquando autem evenit, ut liberi, quæ statim, ut nati sunt, in potestate parentum non sunt, postea redigantur in potestatem patris: qualis est is qui dum naturalis fuerat, postea curiæ datus, potestati patris subjicitur: nec non is, qui à muliere libera procreatus, cujus matrimonium minimè legibus interdictum fuerat, sed ad quam pater consuetudinem habuerat, postea ex nostra constitutione dotalibus instrumentis compositis, in potestate patris efficitur. Quod & aliis liberis, qui ex eodem matrimonio postea fuerint procreati, similiter nostra constitutio præbuit.

DE ADOPTIONIBUS.

TITULUS XI.

Non solum autem naturales liberi, secundum ea quæ diximus, in potestate nostra sunt verum etiam illi quos adoptamus.

1. § Adoptio autem duobus modis fit aut principali rescripto, aut imperio magistratus. Imperatoris auctoritate adoptare quis potest eos easve, qui quæve sui juris sunt: quæ species adoptionis dicitur adrogatio. Imperio magistratus adoptamus eos easve qui quæve in potestate parentum sunt, -sive primum gradum liberorum obtineant: qualis est filius, filia, -sive inferiorem qualis est nepos, neptis, pronepos, proneptis.

2. § Sed hodie ex nostra constitutione, cum filius familias a patre naturali extraneæ personæ in adoptionem datur: jura patris naturalis minimè dissolvuntur, nec quicquam ad patrem adoptivum transit: nec in potestate ejus est, licet ab intestato jura successionis ei à nobis tributa sint. Si verò pater naturalis non extraneo, sed avo filii sui materno, vel si ipse pater naturalis fuerit emancipatus, etiam avo vel proavo simili modo paterno vel materno filium suum dederit in adoptionem: in hoc casu, quia concurrunt in unam personam & naturalia, & adoptionis jura: manebit bile jus patris adoptivi, & naturali vinculo copularum, & legitimo adoptionis modo constitutum: ut & in familia, & in potestate hujusmodi patris adoptivi sit.

3. ¶ Cum autem impubes per principale rescriptum adrogatur, causa cognita abrogatio fieri permittitur, & exquiritur causa adrogationis an honesta sit, expediatque pupillo. Et cum quibusdam conditionibus adrogatio fit, id est, ut caveat adrogator personæ publicæ, si intra pubertatem pupillus decesserit, restitutum se bona illis; qui, si adoptio facta non esset, ad successionem ejus venturi essent. Item non aliter emancipare eum potest adrogator, nisi causa cognita dignus emancipatione fuerit, & tunc sua bona ei reddat. Sed & si decessens pater eum exheredaverit, vel vivus sine justa causa emancpaverit; jubetur quartam partem ei bonorum suorum relinquere, videlicet præter bona, quæ ad patrem adoptivum transtulit, & quorum commodum ei postea acquisivit.

4. ¶ Minorem natu, majorem non posse adoptare placet: adoptio enim naturam imitatur: & pro monstro est, ut major sit filius, quam pater. Debet itaque is, qui sibi filium per adoptionem vel adrogationem facit, plena pubertate, id est, decem & octo annis præcedere.

5. ¶ Licet autem & in locum nepotis vel neptis, pronepotis vel proneptis, vel deinceps adoptare, quamvis filium qui non habeat.

6. ¶ Et tam filium alienum quis in locum nepotis adoptare potest, quam nepotem in locum filii.

7. ¶ Sed si quis nepotis loco adoptet, vel quasi ex filio, quem habet jam adoptatum: vel quasi ex illo, quem naturalem in sua potestate

habet: eo casu & filius consentire debet, ne ei invito suus haeres adgnascatur. sed ex contrario, si avus ex filio nepotem de in adoptionem, non est necesse filium consentire.

8. ¶ In plurimis autem causis adsumilatur is, qui adoptatus vel adrogatus est, ei, qui ex legitimo matrimonio natus est: & ideo, si quis per imperatorem, vel apud prætorem, vel præsidem provinciæ non extraneum adoptaverit, potest eundem in adoptionem alii dare.

9. ¶ Sed & illud utriusque adoptionis commune est, quod & ii, qui generare non possunt (quales sunt spadones) adoptare possunt, (castrati autem non possunt.)

10. ¶ Fœminæ quoque adoptare non possunt: quia nec naturales liberos in sua potestate habent: sed ex indulgentia principis ad solatium liberorum amissorum adoptare possunt.

11. ¶ Illud proprium est adoptionis illius, quæ per sacrum oraculum fit, quod is, qui liberos in potestate habet, si se adrogandum dederit, non solum ipse potestati adrogatoris subicitur, sed etiam liberi ejus in ejusdem sunt potestate tanquam nepotes, sic etenim divus Augustus non ante Tiberium adoptavit, quam is Germanicum adoptasset: ut protinus adoptione facta, inciperet Germanicus Augusti nepos esse.

12. ¶ Apud Catonem benè scriptum refert antiquitas: Servos, si à domino adoptati sint, ex hoc ipso posse liberari. Unde & nos eruditi, in nostra constitutione etiam eum servum, quem dominus actis intervenientibus filium suum

QVIB. MOD. IVS. PATR. POT. 27
suum nominaverat, liberum esse constitui-
mus: licet hoc ad jus filii accipiendum non
sufficiat.

QUIBUS MODIS JUS Patriæ potestatis solvitur.

TITVLVS XII.

Videamus nunc, quibus modis ii, qui alie-
no juri sunt subjecti, eo jure liberentur.
Et quidem quemadmodum liberentur servi
à potestate dominorum, ex iis intelligere pos-
sumus, quæ de servis manumittendis superius
exposuimus. Hi verò, qui in potestate paren-
tis sunt, mortuo eo, sui juris fiunt. Sed hoc di-
functionem recipit, nam mortuo patre, sancte
omni modo filii filiaque sui juris efficiuntur.
mortuo verò avo, non omnino nepotes nep-
tesque sui juris fiunt: sed ita, si post mortem
avi in potestatem patris sui recessuri non
sunt. Itaque si moriente avo pater eorum
vivit, & in potestate patris sui est, tunc post
obitum avi in potestate patris sui fiunt. Si
verò is, quo tempore avus moritur, aut jam
mortuus est, aut (per emancipationem) exiit
de potestate patris: tunc ii, qui in potestatem
ejus cadere non possunt, sui juris fiunt.

1. § Cum autem is, qui ob aliquod malefi-
cium in insulam deportatur, civitatem amit-
tit: sequitur, ut qui eo modo ex numero civi-
um Romanorum tollitur, perinde quasi eo
mortuo, definant liberi in potestate ejus esse.
Pari ratione & si is, qui in potestate parentis
sit, in insulam deportatus fuerit, definit esse

in potestate parentis , sed si ex indulgentia principis restituti fuerint ; per omnia pristinum statum recipiunt.

2. ¶ Relegati autem patres in insulam, in potestate liberos retinent. Et ex contrario liberi relegati, in potestate parentum remanent.

3. ¶ Poenæ servus effectus, filios in potestate habere definit. Servi autem poenæ efficiuntur, qui in metallum damnantur, & quibus bestiis subiciuntur.

4. ¶ Filiusfamilias si militaverit, vel si senator, vel consul factus fuerit: remanet in potestate patris, militia enim, vel consularis dignitas de patris potestate filium non liberat, sed ex constitutione nostra summa Patriciatus dignitas illico, imperialibus codicillis præstitis, filium à patria potestate liberat, quis enim patiatur patrem quidem posse per emancipationis modum potestatis suæ nexibus filium liberare: imperatoriam autem celsitudinem non valere eum, quem sibi patrem elegit, ab aliena eximere potestate?

5. ¶ Si ab hostibus captus fuerit parens, quamvis servus ostium fiat, tamen pendet jus liberorum propter jus postliminii: quia hi, qui ab hostibus capti sunt, si reversi fuerint, omnia pristina jura recipiunt, idcirco reversus etiam liberos habebit in potestate, quia postliminium fingit eum, qui captus est, in civitate semper fuisse: Si verò ibi decesserit: exinde, ex quo captus est pater, filius sui juris fuisse videtur. Ipse quoque filius, neposve, si ab hostibus captus fuerit: similiter dicimus propter jus postliminii, jus quoque potestatis parentis

in suspensio esse. Dictum est autem postliminium à limine, & post. Vnde eum, qui ab hostibus (captus est, &) in fines nostros postea pervenit, postliminio reversum rectè dicimus. Nam limina, sicut in domo finem quemdam faciunt: sic & imperii finem esse limen veteres voluerunt. Hinc & limen dictum est, quasi finis quidam & terminus: ab eo postliminium dictum est, quia ad idem limen revertebatur quod amiserat. Sed & qui captus victis hostibus recuperatur, postliminio rediisse existimatur.

6. ¶ Præterea emancipatione quoque desinunt liberi in potestate parentum esse. Sed emancipatio antea quidem vel per antiquam legis observationem procedebat, quæ per imaginarias venditiones, & intercedentes manumissiones celebrabatur, vel ex imperiali rescripto. Nostra autem providentia etiam hoc in melius per constitutionem reformavit: ut fictione pristina explosa, recta via ad competentes iudices vel magistratus, parentes intrent: & filios suos, vel filias, vel nepotes, vel neptas, ac deinceps, à sua manu dimittant. Et tunc ex edicto prætoris in bonis huiusmodi filii, vel filia, vel nepotis, vel neptis, qui quæve à parente manumissus, vel manumissa fuerit, eadem jura præstentur parenti, quæ tribuuntur patrono in bonis liberti. Et præterea si impubes sit filius, vel filia, vel ceteri ipse parens ex manumissione tutelam ejus nanciscitur.

7. ¶ Admonendi autem sumus, liberum arbitrium esse ei, qui filium, & ex eo nepo-

tem vel neptem in potestate habebit: filium quidem de potestate dimittere: nepotem verò vel neptem retinere, & è converso filium quidem in potestate retinere, nepotem verò vel neptem manumittere, vel omnes sui juris efficere. Eadem & de pronepote & pronepte dicta esse intelligantur.

8. § Sed & si pater filium, quem in potestate haber, avo vel proavo naturali secundum nostras constitutiones super his habitas in adoptionem dederit: id est, si hoc ipsum actis intervenientibus apud competentem iudicem manifestaverit, presente eo, qui adoptatur, & non contradicente, nec non eo (presente,) qui adoptat: solvitur quidem ius potestatis patris naturalis: transit autem in huiusmodi parentum adoptivum, in cuius persona & adoptionem esse plenissimam auctoritas diximus.

9. § Illud autem scire oportet, quod si nurus tua ex filio tuo conceperit, & filium postea emancipaveris, vel in adoptionem dederis, prægnante nura tua: nihilominus quod ex ea nascitur, in potestate tua nascitur. Quod si post emancipationem vel adoptionem conceptus fuerit patris sui emancipati, vel avi adoptivi potestate subijctur.

10. § Et quidem neque naturales liberi, neque adoptivi ullo penè modo possunt cogere parentes, de potestate sua eos dimittere.

DE TUTELIS.

TITVLVS XIII.

TRanſeamus nunc ad aliam diuiſionem perſonarum. Nam ex his perſonis, quæ in poteſtate non ſunt, quædam vel in tutela ſunt, vel in curatione, quædam neutro jure tenentur. Videamus ergo de his, quæ in tutela, vel in curatione ſunt. Ita enim intelligemus cæteras perſonas, quæ neutro jure tenentur. Ac prius diſpiciamus de his, quæ in tutela ſunt.

1. ¶ Eſt autem tutela (ut Servius definiuit) vis ac poteſtas in capite libero ad tuendum eum, qui propter ætatem ſe defendere nequit, jure civili data ac permiſſa.

2. ¶ Tutores autem ſunt, qui eam vim ac poteſtatem habent, exque ipſa re nomen acceperunt, itaque appellantur tutores, quaſi tutores atque deſenſores: ſicut ædili dicuntur, qui ædes tuentur.

3. ¶ Permiſſum eſt itaque parentibus, liberis impuberibus, quos in poteſtate habent, teſtamento tutores dare. Et hoc in filios, filiasque procedit omnimodo, nepotibus verò neptibusque ita demum parentes poſſunt teſtamento tutores dare, ſi poſt mortem eorum in poteſtatem patris ſui non ſunt recaſuri. Itaque ſi filius tuus mortis tuæ tempore in poteſtate tua ſit: nepotes ex eo non poterunt (ex) teſtamento tuo tutores habere, quamvis in poteſtate tua fuerint: ſcilicet quia mortuo te, in poteſtatem patris ſui recaſuri ſunt.

4. ¶ Cum autem in compluribus aliis cau-

sis posthumi pro jam natis habeantur: & in hac causa placuit non minus posthumis, quam jam natis testamento tutores dari posse: si modò in ea causa sint, ut si vivis parentibus nascerentur, sui (heredes) & in potestate eorum fierent.

5. § Sed & si emancipatus filio tutor à patre datus fuerit testamento: confirmandus est ex sententia præsidis omni modo, id est, sine inquisitione.

QUI TESTAMENTO tutores dari possunt.

TITVLVS XIV.

DAri autem tutor potest testamento non solum paterfamilias, sed etiam filiusfamilias.

1. § Sed & servus proprius testamento cum libertate rectè tutor dari potest. Sed sciendum est, eum & sine libertate autorem datum, tacitè libertatem directam accepisse videri, & per hoc rectè tutorem esse. Planè si per errorem, quasi liber, tutor datus sit, aliud dicendum est. Servus autem alienus purè inutiliter testamento datur tutor; sed ita, cum liber erit, utiliter datur: proprius autem servus inutiliter eodem modo tutor datur.

2. § Furiosus, vel minor viginti quinque annis tutor testamento datus, tutor tunc erit, cum composuerit, aut major viginti quinque annis fuerit factus.

3. § Ad certum tempus, vel ex certo

tempore, vel sub conditione, vel ante heredis institutionem posse dari tutorem, non dubitatur.

4. ¶ Certæ autem rei vel causæ tutor dari non potest: quia personæ, non causæ, vel rei (tutor) datur.

5. ¶ Si quis filiabus suis vel filiis tutores dederit: etiam posthumæ (vel posthumæ) dedisse videtur: quia filii vel filia appellatione & posthumus & posthuma continentur. Quod si nepotes sint, an appellatione filiorum & ipsis tutores dati sint? Dicendum est, ut & ipsis quoque dari videantur: si modò liberos dixerit. Cæterum si filios: non continebuntur, aliter enim filii, aliter nepotes appellantur. Planè si posteris dederit: tam filii posthumi, quam cæteri liberi continebuntur.

DE LEGITIMA adgnatorum tutela.

TITVLVS XV.

Quibus autem testamento tutor datus non est: his ex lege duodecim tabularum adgnati sunt tutores, qui vocantur legitimi.

1. ¶ Sunt autem adgnati, (cognati) per virilis sexus cognationem conjuncti, quasi à patre cognati velut frater (ex) eodem patre natus, fratris filius neposve ex eo: item patruus, & patrum filius neposve ex eo. At qui per feminini sexus personas cognatione junguntur, adgnati non sunt: sed alias naturali jure cognati, itaque amita tua filius non est tibi ad-

gnatus: sed cognatus: & invicem tu illi eodem jure conjungeris: quia qui (ex ea) nascuntur, patris, non matris familiam sequuntur.

2. § Quod autem (lex duodecim tabularum) ab intestato vocat ad tutelam adgnatos, non hanc habet significationem, si omnino non fecerit testamentum is, qui poterat tutores dare: sed si, quantum ad tutelam pertinet, intestatus decesserit, quod tunc quoque accidere intelligitur, cum is, qui datus est tutor, vivo testatore decesserit.

3. § Sed adgnationis quidem jus omnibus modis capitis deminutione plerumque perimitur: nam adgnatio juris (civilis) nomen est: cognationis vero jus non omnibus modis commutatur: quia civilis ratio civilia quidem jura corrumpere potest, naturalia vero non minuit.

DE CAPITIS deminutione.

TITVLVS XVI.

Est autem capitis deminutio prioris status mutatio. Eaque tribus modis accidit. Nam aut maxima est capitis deminutio, aut minor (quam quidam mediam vocant,) aut minima.

1. § Maxima capitis deminutio est, cum aliquis simul & civitatem & libertatem amittit, quod accidit in his, qui servi poenae efficiuntur atrocitate sententiae: vel libertis, ut ingratis erga patronos condemnatis: vel his, qui se ad pretium participandum venditari passi sunt.

2. § Minor, sive media, capitis deminutio est,

DE CAPITIS DEMINVTIONE. 37

est, cum civitas quidem amittitur, libertas vero retinetur, quod accidit ei, cui aqua & igni interdictum fuerit: vel ei, qui in Insulam deportatus est.

3. ¶ Minima capitis deminutio est, cum civitas retinetur & libertas sed status hominis commutatur: quod accidit in his, qui cum sui juris fuerint, coeperunt alieno iuri subiecti esse, vel contra, (veluti si filius familias a patre emancipatus fuerit, est capite deminutus.)

4. ¶ Servus autem manumissus, capite non minuitur: quia nullum caput habuit.

5. ¶ Quibus autem dignitas magis, quam status permutatur: capite non minuuntur: & ideo à senatu mores capite non minui constat.

6. ¶ Quod autem dictum est, manere cognationis ius etiam post capitis deminutionem: hoc ita est, si minima capitis deminutio interveniat, manet enim cognatio, nam si maxima capitis deminutio interveniat: ius quoque cognationis perit, ut puta servitute alicuius cognati: & ne quidem manumissus fuerit, recipit cognationem. Sed & si in Insulam quis deportatus sit, cognatio solvitur.

7. ¶ Quum autem ad adgnatos tutela pertineat non simul ad omnes pertinet, sed ad eos tantum, qui proximiores gradu sunt: vel si plures ejusdem gradus sunt, ad omnes (pertinet; veluti si plures fratres sunt, qui unum gradum obtinent, pariter ad tutelam vocantur.)

DE LEGITIMA

patronorum tu-
tela.

TITVLVS XVII.

EX eadem lege duodecim tabularum liber-
torum & libertarum tutela ad patronos
liberosque eorum pertinet, quæ & ipsa legiti-
ma tutela vocatur: non quia nominatim (in)
ea lege de hac tutela caveatur: sed quia perin-
de accepta est per interpretationem, ac si ver-
bis legis introducta esset. Eo enim ipso, quod
hereditates libertorum libertarumque, si in-
testati decessissent, jufferat lex ad patronos
liberosve eorum pertinere: crediderunt vete-
res voluisse legem etiam tutelas ad eos per-
tinere: cum & agnatos, quos ad heredita-
tem (lex) vocat, eodem & tutores esse jusse-
rit: quia plerumque ubi successionis est emo-
lumentum, ibi & tutelæ onus esse debet.
Ideo autem diximus plerumque: quia si à foe-
mina impubes manumittatur, ipsa ad here-
ditatem vocatur, quum alius sit tutor.

DE LEGITIMA

parentum tutela.

TITVLVS XVIII.

EXemplo patronorum recepta est & alia tu-
tela, quæ & ipsa legitima vocatur, nam si
quis filium aut filiam, nepotem aut neptem
ex filio, & deinceps impuberes emancipa-
verit: legitimus eorum tutor,

DE FIDUCIARIA
Tutela.

TITVLVS XIX.

Est & alia tutela, quæ fiduciaria appellatur, nam si pater filium, vel filiam, nepotem, vel neptem, vel deinceps impuberes manumiserit: legitimam nanciscitur eorum tutelam. Quo defuncto, si liberi(ejus) virilis sexus existant, fiduciarii tutores filiorum suorum, vel fratris, vel sororis & cæterorum efficiuntur. Atqui patrono legitimo tutore mortuo; liberi quoque ejus legitimi sunt tutores: quoniam filius quidem defuncti, si non esset à vivo patre emancipatus, post obitum ejus sui juris efficeretur, nec in fratrum potestatem recideret, ideoque nec in tutelam. Libertus autem, si servus mansisset, utique eodem jure apud liberos domini post mortem ejus futurus esset. Ita tamen hi ad tutelam vocantur, si perfectæ sint ætatis, quod nostra constitutio in omnibus tutelis & curationibus observari generaliter præcepit.

DE ATTILIANO

tutore, & eo qui ex lege Julia
& Titia dabatur.

TITVLVS XX.

Si cui nullus omnino tutor fuerat: ei dabatur in urbe quidem à prætore urbano, & majore parte tribunorum plebis, tutor ex lege Attilia: in provinciis verò à præsidibus provinciarum ex lege Julia & Titia.

1. § Sed & si in testamento tutor sub conditione, aut ex die certo datus fuerat: quamdiu conditio aut dies pendebat, ex eisdem legibus tutor dari poterat. Item si purè datus fuerat: quamdiu ex testamento nemo heres existeret, tamdiu ex eisdem legibus tutor petendus erat; qui definebat esse tutor, si conditio extiterat, aut dies venerat, aut heres extiterat.

2. § Ab hostibus quoque tutore capto, ex his legibus tutor petebatur: qui definebat esse tutor, si is, qui captus erat, in civitatem reversus fuerat, tam reversus recipiebat tutelam jure postliminii.

3. § Sed ex his legibus tutores pupillis desierunt dari, posteaquam primò consules pupillis utriusque sexus tutores ex inquisitione dare cœperunt, deinde prætores ex constitutionibus. Nam supradictis legibus neque de cautione à tutoribus exigenda, rem salvam pupillis fore: neque de compellendis tutoribus ad tutelæ administrationem, quidquam cavebatur.

4. § Sed hoc jure utimur, ut Romæ quidem præfectus urbi, vel prætor secundum suam jurisdictionem, in provinciis autem præsides ex inquisitione tutores crearent, vel magistratus jussu præsidum, si non sint magnæ pupilli facultates.

5. § Non autem per constitutionem nostram hujusmodi difficultates hominum rescantes nec expectata jussione præsidum, disposuimus, si facultates pupilli vel adulti usq; ad quingentos solidos valeant, defensores civitatum unà cum ejusdem civitatis religiosissimo

sumo antistite, vel alias publicas personas, id est, magistratus, vel juridicum Alexandrinæ civitatis, tutores vel curatores creare: legitima cautela secundum ejusdem constitutionis normam præstanda, videlicet eorum periculo, qui eam accipiunt.

6. § Impuberes autem in tutela esse naturali juri conveniens est, ut is, qui perfectæ ætatis non sit, alterius tutela regatur.

7. § Quum ergo pupillorum pupillarumque tutores negotia gerant: post pubertatem tutelæ judicio rationem reddunt.

DE AUCTORITATE tutorum

TITVLVS XXI.

Auctoritas autem tutoris in quibusdam causis necessaria pupillis est, in quibusdam non est necessaria, ut ecce si quid dari sibi stipulentur: non est necessaria tutoris auctoritas: quod si aliis promittant pupilli necessaria est tutoris auctoritas. Namque placuit meliorem quidem conditionem licere eis facere etiam sine tutoris auctoritate: deteriorum verò non aliter quam (cum) tutoris auctoritate. Vnde in his causis, ex quibus obligationes mutue nascuntur, ut in emptionibus, venditionibus, locationibus, conductionibus, mandatis, depositis: si tutoris auctoritas non interveniat: ipsi quidem qui cum his contrahunt, obligantur: at invicem pupilli non obligantur.

1. § Neque tamen hereditatem adire, neque

que bonorum possessionem petere, neque hereditatem ex fideicommissio suscipere aliter possunt, nisi tutoris auctoritate (quamvis) (illis lucrosa sit,) ne ullum damnum habeant.

2. ¶ Tutor autem statim in ipso negotio præsens debet auctor fieri, si hoc pupillo prodesse existimaverit: post tempus verò, vel per Epistolam interposita auctoritas, nihil agit.

3. ¶ Si inter tutorem pupillumque iudicio agendum sit: quia ipse tutori in rem suam auctor esse non potest: non prætorius tutor (ut olim) constituitur, sed curator in locum ejus datur: quo (curatore) interveniente, iudicium peragitur: & eo peracto, curator esse definit.

QUIBUS MODIS tutela finitur.

TITVLVS XXII.

PVpilli, pupillæque, cum puberes esse cœperint, (à) tutela liberantur. Pubertatem autem veteres quidem non solum ex annis, sed etiam ex habitu corporis in masculis æstimari volebant. Nostri autem majestas dignum esse castitate nostrorum temporum (existimans,) benè putavit: quod in fœminis etiam antiquis impudicum esse visum est, id est, inspectionem habitudinis corporis hoc etiam in masculos extendere. Et ideo (nostri) sancta constitutione promulgata, pubertatem in masculis post decimum quartum annum completum illicò initium accipere disposui-

mus:

mus : antiquitatis normam in fœminis benè
positam, (in) suo ordine relinquentes, ut post
duodecim annos completos viri potentes es-
se credantur.

1. ¶ Item finitur tutela, si adrogati sint ad-
huc impuberes, vel deportati: item si in ser-
vitutem pupillus redigatur, vel (si) ab hosti-
bus captus fuerit.

2. ¶ Sed & si usque ad certam conditionem
datus sit (tutor) testamento: æquè evenit, ut
designat esse tutor existente conditione.

3. ¶ Simili modo finitur tutela, morte vel
pupillorum, vel tutorum.

4. ¶ Sed & capitis deminutione: tutoris,
per quam libertas vel civitas amittitur, om-
nis tutela perit. Minima autem capitis demi-
nutione tutoris, veluti si se in adoptionem de-
derit, legitima tantum tutela perit; cæteræ
non pereunt. Sed pupilli & pupillæ capitis
deminutio, licet minima sit, omnes tutelas
solvit.

5. ¶ Præterea qui ad certum tempus testa-
mento dantur tutores, finito eo, deponunt tu-
telam.

6. ¶ Desinunt etiam tutores esse, qui vel re-
moventur à tutela ob id quod suspecti visi
sunt: vel qui ex iusta causa sese excusant, &
onus administrandæ tutelæ deponunt, secun-
dum ea quæ inferius proponemus.

DE CURATORIBUS.

TITVLVS XXIII.

Masculi (quidem) pubes & fœminæ vi-
ri potentes, usque viginti quin-

rum annum completum curatores accipiuntur quia licet puberes sint, adhuc tamen ejus aetatis sunt, ut sua negotia tueri non possint.

1. § Dantur autem curatores ab eisdem magistratibus à quibus & tutores. Sed curator testamenti non datur: datus tamen confirmatur decreto pratoris vel praefidis.

2. § Item inviti adolescentes, curatores non accipiunt, praeterquam in litem, curator enim & ad certam causam dari potest.

3. § Furiosi quoque & prodigi, licet majores viginti quinque annis sint: tamen in curatione sunt adgnatorum ex lege duodecim tabularum. Sed solent Romae praefectus urbi vel praetores, & in provinciis praefides ex inquisitione eis curatores dare.

4. § Sed & mente captis & surdis, & mutis, & qui perpetuo morbo laborant (quia rebus suis superesse non possunt) curatores dandi sunt.

5. § Interdum autem & pupilli curatores accipiunt, ut puta si legitimus tutor non sit idoneus: quoniam habenti tutorem tutor dari non potest. Item si testamento datus tutor, vel à pratore, aut praefide, idoneus non sit ad administrationem, nec tamen fraudulentè negotia administraret: solet ei curator adungi. Item loco tutorum, qui non in perpetuum, sed ad tempus a tutela excusantur, solent curatores dari.

6. § Quod si tutor adversa valetudine, vel alia necessitate impediatur, quo minus negotia pupilli administrare possit: & pupillus vel absit, vel infans sit: quem velit actorem, periculo

culo ipsius tutoris, prætor, vel qui provinciæ præterit, decreto constituet.

DE SATISDATIONE tutorum vel curatorum.

TITVLVS XXIV.

NE tamen pupillorum pupillarumve, & eorum qui quæve in curatione sunt, negotia à curatoribus tutoribusve consumantur, vel deminuantur: curet prætor, ut & tutores, & curatores eo nomine satisfiant. Sed hoc non est perpetuum, nam tutores testamento dati satisfacere non coguntur: quia fides eorum & diligentia ab ipso testatore approbata est, item ex inquisitione tutores vel curatores dati, si satisfactione non onerantur: quia idonei electi sunt.

1. § Sed si ex testamento vel inquisitione duo pluresve dari fuerint: potest unus offerre satisfactionem de indemnitate pupilli vel adolescentis, & contutori suo vel concuratori præferri, ut solus administret: vel ut contutor (aut concurator) satis offerens præponatur ei, ut & ipse solus administret. Itaque per se non potest petere satisfactionem à contutore suo vel concuratore: sed offerre debet, ut electionem det concuratori vel contutori suo, utrum velit satis accipere, an satisfacere. Quod si nemo eorum satis offerat: si quidem adscriptum fuerit à testatore quis gerat: ille gerere debet. Quod si non fuerit adscriptum: quem maior pars elegerit, ipse gerere debet, ut edicto prætoris caveatur. Sin autem ipsi tutores dis-

senferint, circa eligendum eum, vel eos, qui gerere debent: prætor partes suas interponere debet. Idem & in pluribus ex inquisitione datis comprobandum est: id est, ut major pars eligere possit, per quem administratio fiat.

2. ¶ Sciendum autem est, non solum tutores vel curatores pupillis, vel adultis, cæterisque personis ex administratione rerum teneri: sed etiam in eos, qui satisfactionem accipiunt, subsidiariam actionem esse, quæ ultimum eis præsidium possit adferre. Subsidiaria autem actio in eos datur, qui aut omnino à tutoribus vel curatoribus satisfdari non curaverunt, aut non idoneè passi sunt caveri, quæ quidem tam ex prudentum responsis, quam ex constitutionibus imperialibus etiam in heredes eorum extenditur.

3. ¶ Quibus constitutionibus & illud exprimitur, ut nisi caveant tutores & curatores, pignoribus captis coerceantur.

4. ¶ Neque autem præfectus urbi, neque prætor, neque præses provinciæ, neque quisquam alius, cui tutores dandi jus est, hac actione tenebitur: sed hi tantummodo, satisfactionem exigere solent.

DE EXCUSATIONIBUS tutorum vel curatorum.

TITVLVS XXV.

EXcusantur autem tutores & curatores variis ex causis: plerumque tamen propter liberos siue in potestate sint, siue emancipati. Si enim tres liberos superstites Romæ quis habeat,

habeat, vel in Italia quatuor, vel in provin-
ciis quinque: à tutela vel cura potest excusari,
exemplo cæterorum munerum, nam & tute-
lam & curam placuit publicum munus esse.
Sed adoptivi liberi non profunt. In adoptio-
nem autem dati, naturali patri profunt. Item
nepotes ex filio profunt, ut in locum patris
sui succedant, ex filia non profunt. Filii autem
superstites tantum ad tutelæ vel curæ mune-
ris excusationem profunt: defuncti autem
non profunt. Sed si in bello amissi sunt: quæ-
ritur est, an profint? Et constat eos solos pro-
desse, qui in acie amittuntur, hi enim, qui pro
republica ceciderunt, in perpetuum per glo-
riam vivere intelliguntur.

1. ¶ Item divus Marcus in Semeſtribus re-
ſcripſit, eum, qui res fiſci adminiſtrat, à tutela
vel cura, quandiu adminiſtrat, excuſari poſſe.

2. ¶ Item qui reipublicæ cauſa abſunt, à tu-
tela vel cura excuſantur. Sed & ſi fuerint tu-
tores vel curatores (dati,) deinde reipublicæ
cauſa abeſſe cœperint: à tutela vel cura excu-
ſantur, quatenus reipublicæ cauſa abſunt: &
interea curator loco eorum datur: qui ſi re-
verſi fuerint, recipiunt onus tutelæ, nam nec
anni habent vacationem, ut Papinianus libro
quinto Reſponſorum ſcripſit, nam hoc ſpa-
tium habent ad novas tutelas vocati.

3. ¶ Et qui poteſtatem aliquam habent, ſe
excuſare poſſunt, ut D. Marcus reſcripſit: ſed
ſuſceptam tutelam deferere non poſſunt.

4. ¶ Item propter litem, quam cum pupillo
vel adulto tutor vel curator habet, excuſari
non poteſt; niſi fortè de omnibus bonis, vel
hæreditate controverſia ſit.

5. § Item etia onera tutela non affectata vel cura, præstant vacationem, quamdum administrantur, ut tamen plurium pupillorum tutela vel cura eorundem bonorum, veluti fratrum, pro uno computetur.

6. § Sed & propter paupertatem excusationem tribui, tam divi fratres, quam per se divus Marcus rescripsit, si quis imparem se oneri inuncto possit docere.

7. § Item propter adversam valetudinem, propter quam ne suis quidem negotiis interesse potest excusatio locum habet.

8. § Similiter eos, qui literas nesciunt, esse excusandos, divus Pius rescripsit: quamvis & imperiti literarum possint ad administrationem negotiorum sufficere.

9. Item si propter inimicitias aliquem testamento tutorem pater dederit: hoc ipsum præstat ei excusationem: sicut per contrarium non excusantur, qui se tutelam administraturos patri pupillorum promiserant.

10. § Non esse autem admittendam excusationem ejus, qui hoc solo utitur, quod ignotus patri pupillorum si divi fratres rescripserunt.

11. § Inimicitia, quas quis cum patre pupillorum vel adutorum exercuit: si capitales fuerunt, nec reconciliatio intervenit: à tutela vel cura solent excusare.

12. § Item is, qui status controversiam à pupillorum patre passus est, excusatur à tutela.

13. § Item major septuaginta annis à tutela & cura se potest excusare, minores autem viginti quinque annis, olim quidem excusaban-

bantur: nostra autem constitutione prohibentur ad tutelam vel curam adspirare : adeo, ut nec excusatione opus sit. Qua constitutione cavetur ut nec pupillus ad legitimam tutelam vocetur, nec adultus: quum sit civile, eos, qui alieno auxilio in rebus suis administrandis egere noscuntur, & ab aliis reguntur, aliorum tutelam vel curam subire

14. § Idem & in milite observandum est, ut nec volens ad tutela onus admittatur.

15. § Item Romæ grammatici, rhetores, & medici, & qui in patria sua has artes exercent, & intra numerum suat : à tutela & cura habent vacationem.

16. § Qui autem vult se excusare, si plures habeat excusationes, & de quibusdam non probaverit, aliis uti intra tempora (constituta) non prohibetur. Qui autem excusare se volunt, non appellant : sed intra quinquaginta dies continuos, ex quo cognoverint se esse tutores vel curatores datos, se excusare debent, cujuscunque generis sint, id est, qualitercunque dati fuerint tutores : si intra centesimum lapidem sunt ab eo loco, ubi tutores dati sunt. Si verò ultra centesimum lapidem habitant : di numeratione facta viginti millium diurnorum, & amplius triginta dierum, qui tamen (ut Scævola dicebat) sic debent computari, ne minus sint, quam quinquaginta dies.

17. § Datus autem tutor, ad universum patrimonium datus esse creditur.

18. § Qui tutelam alicujus gessit, invitus curator ejusdem fieri non compellitur: in tantum, ut licet paterfamilias, qui testamento tutorem

torem dedit, adjecerit se eundem curatorem dare : tamen invitum eum curam suscipere non cogendum, divi Severus & Antoninus rescripserunt.

19. § Iidem rescripserunt, maritum uxori suæ curatorem datum, excusare se posse, licet se immisceat.

20. § Si quis autem falsis allegationibus excusationem tutelæ meruerit: non est liberatus onere tutelæ.

DE SUSPECTIS

tutoribus, vel curatoribus.

TITVLVS XXVI.

Sciendum est, suspecti crimen est lege duodecim tabularum descendere.

1. § Datum est autem jus removendi tutores suspectos Romæ prætori, & in provinciis præsidibus earum, & legato proconsulis.

2. § Ostendimus, qui possint de suspecto cognoscere. nunc videamus, qui suspecti fieri possint. Et possunt quidem omnes tutores fieri suspecti, siue sint testamentarii, siue non sint: sed alterius generis tutores. Quare & si legitimus fuerit tutor, accusari poterit. Quid si patronus? Adhuc idem erit dicendum dummodo meminerimus famæ patroni parcendum esse, licet ut suspectus remotus fuerit.

3. § Consequens est, ut videamus, qui possint suspectos postulare. Et sciendum est, quasi publicam esse hanc accusationem, hoc est, omnibus patere. Quinimo & mulieres admittuntur (ex rescripto divorum Severi & Antoni-

ni.] sed ex solæ, quæ pietatis necessitudinē
ductæ, ad hoc procedunt: ut puta mater, nu-
trix quoque, & avia. potest & soror, sed & si
qua alia mulier fuerit, quam prætor propensâ
pietate intellexerit, sexus verecundiam non
egredientem, sed pietate productam, non su-
stinere injuriam pupillorum, admittet eam
ad accusationem.

4. §. Impuberes non possunt tutores suos
suspectos postulare, puberes autem curatores
suos ex consilio necessariorum suspectos pos-
sunt arguere & ita divi Severus & Antoninus
scripserunt.

5. §. Suspectus autem est, qui non ex fide
tutelam gerit, licet solvendo sit, ut Julianus
quoque scripsit. Sed & ante quam incipiat
tutelam gerere tutor, posse eum quasi suspec-
tum removeri: idem Julianus scripsit, & se-
cundum eum constitutum est.

6. §. Suspectus autem remotus, si quidem
ob dolum, famosus est: si ob culpam, non æ-
què.

7. §. Si quis autem suspectus postulatur:
quoad cognitio finiatur, interdicitur ei admi-
nistratio, ut Papiniano visum est.

8. §. Sed si suspecti cognitio suscepta fue-
rit, posteaquam tutor vel curator decesserit,
extinguitur suspecti cognitio.

9. §. Si quis tutor copiam sui non faciat, ut
alimenta pupillo decernantur. cavetur episto-
la divorum Severi & Antonini, ut in posses-
sionem bonorum ejus pupillus mittatur: &
quæ mota deteriora futura sunt, dato curato-
re distrahi jubentur. Ergo si quis suspec-
tus remo-

veri poterit, qui non præstat alimenta,

10. §. Sed si quis præsens negat propter inopiam alimenta posse decerni: si hoc per mendacium dicat: remittendum eum esse ad præfectum urbi puniendum, placuit: sicut ille remittitur, qui data pecunia ministerium tutelæ adquisierit, vel redemerit.

11. §. Libertus quoque, si fraudulenter tutelam filiorum vel nepotum patroni gessisse probetur, ad præfectum urbi remittitur puniendus.

12. §. Novissime autem sciendum est: eos, qui fraudulenter tutelam administrant, etiam si satis offerant, removendos esse à tutela: quia satisfactio tutoris propositum malevolum non mutat, sed diutius grassandi in re familiari facultatem præstat. Suspectum etiam eum putamus qui moribus talis est, ut suspectus sit. Enimverò tutor vel curator, quamvis pauper est, fidelis tamen & diligens, removendus non est quasi suspectus.

INSTITUTIONUM,

seu Elementorum,

D. JUSTINIANI,

sacratissimi Principis,

LIBER SECUNDUS.

DE RERUM DIVISIONE,

[& adquirendo ipsam dominio,]

TITULUS I.

Superiore libro de jure personarum exposuimus : modò videamus de rebus, quæ vel in nostro patrimonio, vel extra patrimonium nostrum habentur. Quædam enim naturali jure communia sunt omnium, quædam publica, quædam universitatis, quædam nullius, pleraque singulorum, quæ ex variis causis cuique adquiruntur, sicut ex subjectis apparebit.

1. §. Et quidem naturali jure communia sunt omnia hæc: aër, aqua profluens, & mare, & per hoc littora maris. Nemo igitur ad litus maris accedere prohibetur, dum tamen à villis, & monumentis & ædificiis abstineat: quia non sunt juris gentium, sicut est mare.

2. §. Flumina autem omnia & portus publica sunt, ideoque jus piscandi omnibus commune est in portu fluminibusque.

3. §. Est autem litus maris, quatenus hybernus fluctus maximus excurret,

4. §. Riparum quoque usus publicus est, jure gentium, sicut ipsius fluminis. Itaque naves ad eas appellere, funes arboribus ibi natis re-
ligare, onus aliquod in his reponere, cuilibet liberum est sicut per ipsum flumen navigare: sed proprietates earum illorum est, quorum prædiis hærent, qua de causa arbores quoque in iisdem natæ, eorundem sunt.

5. §. Littorum quoque usus publicus est, & juris gentium, sicut & ipsius maris. & ob id cuilibet liberum est casam ibi ponere, in qua se recipiat: sicut retia ficcare & ex mari deducere. proprietates autem eorum potest intelligi nullius esse: sed ejusdem juris esse, cuius & mare, & quæ subjacet mari terra vel arena.

6. §. Universitatis sunt, non singulorum, quæ in civitatibus sunt theatra, stadia, & si qua alia sunt communia civitatum.

7. §. Nullius autem sunt res sacræ & religiosæ & sanctæ, quod enim divini juris est, id nullius in bonis est.

8. §. Sacræ res sunt, quæ ritè per pontifices Deo consecratæ sunt: veluti ædes sacræ & domus naria quæ ritè ad ministerium Dei dedicata sunt: quæ etiam per nostram constitutionem alienari & obligari prohibuimus, excepta causa redemptionis captivorum. Si quis autem auctoritate sua quasi sacrum sibi constituerit, sacrum non est, sed profanum. Locus autem, in quo ædes sacræ sunt ædificatæ: etiam diruto ædificio, sacer adhuc manet, ut & Papinianus scripsit.

9. §. Religiosum locum unusquisque sua voluntate facit, dum mortuum infert in locum

sum suum (In communem autem locum pu-
rum invito socio inferre non licet) in com-
mune verò sepulchrum etiam invitis cæteris
licet inferre. (Item si alienus ususfructus est:
proprietaryum placet nisi consentiente usu-
fructuario, locum religiosum non facere.) In
alienum locum consentiente domino, licet
inferre? & licet postea ratum (non) habuerit,
quam illatus est mortuus, tamen locus reli-
gius fit.

10. ¶ Sanctæ quoque res, veluti muri &
portæ (civitatis) quodammodo divini juris
sunt: & ideo nullius in bonis sunt. Ideo autem
muros sanctos dicimus, quia poena capitis
constituta est in eos, qui aliquid in muros de-
liquerint. Ideo & legum eas partes, quibus
poenas constituimus adversus eos, qui contra
leges fecerint, sanctiones vocamus.

11. ¶ Singulorum autem hominum multis
modis res fiunt. quarundam enim rerum do-
minium nanciscimur jure naturali, quod (si-
cut diximus) appellatur jus gentium: qua-
rundam (verò) jure civili. Commodius est ita-
que à vetustiore jure incipere. palam est au-
tem, vetustius esse jus naturale quod cum ip-
so genere humano rerum natura prodidit ci-
vilia autem jura tunc esse cœperunt, cum &
civitates condi, & magistratus creari, & leges
scribi cœperunt.

12. ¶ Feræ igitur bestię, & volucres, & pis-
ces, & (omnia) animalia, quæ mari, cælo, &
terra nascuntur: simulatque ab aliquo capta
fuerint, jure gentium statim illius esse inci-
piunt, quod enim ante nullius est, id naturali

ratione occupanti conceditur, nec interest, feras bestias & volucres utrum in tuo fundo quis capiat, an in alieno. Planè qui alienum fundum ingreditur venandi aut aucupandi gratia: potest à domino, si is præviderit, prohiberi, ne ingrediatur. Quicquid autem eorum coeperis: eousque tuum esse intelligitur, donec tua custodia coercetur. Cum verò tuam evaserit custodia, & in libertatem naturalem sese receperit: tuum esse definit, & rursus occupantis fit. Naturalem autem libertatem recipere intelligitur, cum vel oculos tuos effugerit, vel ita sit in conspectu tuo, ut difficilis sit ejus persequutio.

13. § Illud quaesitum est, an si fera bestia ita vulnerata sit ut capi possit, statim tua esse intelligatur? (Et) quibusdam placuit statim esse tuam: & eousque tuam videri, donec eam persequaris, quod si defieris persequi: definire esse tuam, & rursus fieri occupantis. Alii verò putaverunt, non aliter tuam esse quàm si eam ceperis. Sed posteriorem sententiam nos confirmamus, quod multa accidere soleant, ut eam non capias.

14. §. Apium quoque fera natura est. Itaque (apes,) quæ in arbore tua confederint, antequam à te alveo includantur, non magis tuæ intelliguntur esse, quàm volucres quæ in arbore tua nidum fecerint, ideoque si alius eas incluserit: is earum dominus erit. Favos quoque si quos effecerint, eximere quilibet potest. Planè integra re si prævideris ingredientem fundum tuum, poteris eum jure prohibere, ne ingrediatur. Examen quoque quod ex alveo tuo
evo-

evolaverit, eouſq; intelligitur eſſe tuum, donec in conſpectu tuo eſt, nec diſſicilis perſequutio eiuseſt, alioquin occupantis fit.

15. ¶ Pavonum quoque & columbarum fera natura eſt, nec ad rem pertinet, quod ex conſuetudine evolare & revolare ſolent, nam & apes idem faciunt, quarum conſtat feram eſſe naturam. Cervos quoque quidam ita manſuetos habent, ut in ſylvam ire & redire ſoleant; quorum & ipſorum feram eſſe naturam, nemo negat. In iis autem animalibus, quæ ex conſuetudine abire & redire ſolent, talis regula comprobata eſt: ut eouſque tua eſſe intelligantur, donec animum revertendi habeant, nam ſi revertendi animum habere deſierint, etiam tua eſſe deſinunt, & ſunt occupantium. Revertendi autem animum videntur deſinere habere tunc, cùm revertendi conſuetudinem deſeruerint.

16. ¶ Gallinarum autem & anſerum non eſt fera natura, idque ex eo poſſumus intelligere, quod aliæ ſunt gallinæ, quas feras vocamus: item alii ſunt anſeres, quos feros appellamus. Ideoque ſi anſeres tui, aut gallinæ tuæ, aliquo modo turbati turbatave evolaverint: licet conſpectum tuum effugerint, quocunque tamen loco ſint tui tuæve eſſe intelliguntur: & qui lucrandi animo ea animalia detinet, furtum committere intelligitur.

17. ¶ Item ea, quæ ex hoſtibus capimus jure gentium ſtatim noſtra ſunt: adeo quidem, ut & liberi homines in ſervitutem noſtram deducantur: qui tamen, ſi evaſerint noſtram poteſtatem, & ad ſuos reverſi fuerint, priſtinum ſtatum recipiunt.

18. § Item lapilli, & gemmae, & cetera quae in littore maris inveniuntur, jure naturali statim inventoris sunt.

19. § Item ea, quae ex animalibus dominio tuo subjectis nata sunt, eodem jure tibi adquiruntur.

20. § Præterea, quod per alluvionem agro tuo flumen adjecit jure gentium tibi acquiritur. Est autem alluvio incrementum latens. Per alluvionem autem id videtur adjici, quod ita paulatim adjicitur, ut intelligi non possit, quantum quoquo temporis momento adjiciatur.

21. § Quod si vis fluminis de tuo prædio partem aliquam detraxerit, & vicini prædio attulerit: palam est, eam tuam permanere. Planè si longiore tempore fundo vicini tui haerit, arboreseque, quas secum traxit, in eum fundum radices egerint: ex eo tempore videntur vicini fundo acquisitæ esse.

22. § Insula, quae in mari nata est (quod rarò accidit) occupantis fit, nullius enim esse creditur. At insula in flumine nata (quod frequenter accidit) siquidem mediam partem fluminis tenet: communis est eorum, qui ab utraque parte fluminis propè ripam prædia possident: pro modo (scilicet) latitudinis cujusque fundi, quæ propè ripam sit. Quod si alteri parti proximior sit: eorum est tantum, qui ab ea parte propè ripam prædia possident. Quod si aliqua parte divisum sit flumen, deinde infra unitum, & iterum aliujus in formam Insulae redege-

erit : ejusdem permanet is ager, cujus & fuerat,

23. ¶ Quod si naturali alveo in universum derelicto, ad aliam partem fluere coeperit : prior quidem alveus eorum est, qui propè ripam ejus pradia possident : pro modo scilicet latitudinis cujusque agri, quæ propè ripam sit novus autem alveus ejus juris esse incipit, cujus & ipsum flumen est, id est, publicus. Quod si post aliquod tempus ad priorem alveum reversum fuerit, flumen : rursus novus alveus eorum esse incipit, qui propè ripam ejus pradia possident.

24. ¶ Alia sanè causa est, si ejus totus ager inundatus fuerit. neque enim inundatio fundi speciem commutat : & ob id, si recesserit aqua : palàm est, eum fundum ejus manere, cujus & fuit.

25. ¶ Quum & aliena materia species aliqua facta sit ab aliquo : quæri solet, quis eorum naturali ratione dominus sit : utrum is, qui fecerit, an potius ille, qui materiae dominus fuerit ? ut ecce, si quis ex alienis uvis, aut olivis, aut spicis, vinum, aut oleum, aut frumentum fecerit : aut ex alieno auro, vel argento, vel ære vas aliquod fecerit : vel ex alieno vino & melle mulsum miscuerit : vel ex medicamentis alienis emplastrum aut collyrium composuerit : vel ex aliena lana vestimentum fecerit : vel ex alienis tabulis navem : vel armarium, vel subsellia fabricaverit. Et post multam Sabinianorum & Proculianorum ambiguitatem, placuit media sententia existimantium, si ea

species ad priorem & rudem materiam reduci possit: eum videri dominum esse, qui materiae dominus fuerit: si non possit reduci: eum potius intelligi dominum, qui fecerit: ut ecce, vas conflatum, potest ad rudem materiam aeris, vel argenti, vel auri reduci, vinum autem, vel oleum, aut frumentum ad uvas, vel olivas, vel spicas reverti non potest, at ne mulsium quidem & vinum & mel resolvi potest. Quod si partim ex sua materia, partim ex aliena speciem aliquam fecerit quis: veluti ex suo vino & alieno melle mulsium miscuerit, aut ex suis & alienis medicamentis emplastrum aut collyrium, aut ex sua lana & aliena vestimentum fecerit: dubitandum non est, hoc casu eum esse dominum, qui fecerit: cum non solum operam suam dederit, sed & partem ejusdem materiae praestiterit.

26. § Si [tamen] alienam purpuram vestimento suo quis intexuerit: licet pretiosior sit purpura, tamen accessionis vice cedit vestimento, & qui dominus fuit purpurae, adversus eum, qui subripuit, habet furti actionem, & conditionem: sive ipse sit, qui vestimentum fecit, sive alius nam extinctae res, licet vindicari non possint, condici tamen à furibus, & quibusque aliis possessoribus possunt.

27. § Si duorum materiae ex voluntate dominorum confusae sint: totum id corpus, quod ex confusione fit, utriusque commune est: veluti si qui vina sua confuderint, aut massas argenti vel auri conflaverint. Sed & si diversae materiae sint & ob id propria species facta sit: fortè ex vino & melle mulsium, aut ex auro & argento

argento electrum: idem juris est, nam & hoc casu communem esse speciem non dubitatur. Quod si fortuito, & non voluntate dominorum confusa fuerint, vel ejusdem generis materia, vel diversa: idem juris esse placuit.

28. § Quod si frumentum Titii frumento tuo mistum fuerit, si quidem ex voluntate vestra, commune est: quia singula corpora, id est singula grana, quæ cujusque propria fuerunt, ex consensu vestro communicata sunt. Quod si casu id mistum fuerit, vel Titius id miscuerit sine tua voluntate, non videtur commune esse: quia singula corpora in sua substantia durant. Sed nec magis istis casibus commune sit frumentum, quam grex intelligitur esse communis, si pecora Titii tuis pecoribus mista fuerint. Sed si ab alterutro vestrum totum id frumentum retineatur: in rem quidem actio pro modo frumenti cujusque competit: arbitrio autem judicis continetur, ut ipse aestimet, quale cujusque frumentum fuerit.

29. § Cum in suo solo aliquis ex aliena materia edificaverit, ipse intelligitur dominus ædificii, quia omne, quod solo inædificatur, solo cedit. Nec tamen ideo is, qui materia dominus fuerat, desinit dominus ejus esse: sed tantisper neque vindicare eam potest, neque ad exhibendum de ea re agere, propter legem duodecim tabularum, qua cavetur, ne quis tignum alienum ædibus suis junctum eximere cogatur, sed duplum pro eo præstet per actionem, quæ vocatur de tigno juncto. Appellatione autem tigni omnis materia significatur, ex qua ædificia fiunt. Quod ideo provisum

est ne ædificia rescindi necesse sit. Quod si aliqua ex causa dirutum sit ædificium, poterit materiæ dominus, si non fuerit duplum jam consequutus, tunc eam vindicare, & ad exhibendum de ea re agere.

30. ¶ Ex diverso, si quis in alieno solo ex sua materia domum ædificaverit, illius sit domus, cujus & solum est. Sed hoc casu materiæ dominus proprietatem ejus amittit: quia voluntate ejus intelligitur esse alienata, utique si non ignorabat se in alieno solo ædificare: & ideo licet diruta sit domus, materiam tamen vindicare non potest. Certè illud constat, si in possessione constituto ædificatore, soli dominus petat domum suam esse, nec solvar pretium materiæ, & mercedes fabrorum: posse eum per exceptionem doli mali repelli: utiq; si bonæ fidei possessor fuerit, qui ædificavit. Nam scienti alienum solum esse, potest obijci culpa, quod ædificaverit temerè in eo solo, quod intelligebat alienum esse.

31. ¶ Si Titius alienam plantam in solo suo posuerit, ipsius erit. Et ex diverso, si Titius suam plantam in Mævii solo posuerit, Mævii planta erit. si modo utroq; casu radices egerit, ante enim, quàm radices egerit, ejus permanet, cujus fuerat. Adeo autem ex eo tempore, quo radices egerit planta, proprietas ejus commutatur: ut si vicini arbor ita terram Titii prefferit ut in ejus fundum radices egerit: Titii effici arborem dicamus, ratio enim non permittit, ut alterius arbore esse intelligatur, quàm cujus in fundum radices egerit. Et ideo propè confiniū arbor posita, si etiam in vicini fundum radices egerit, communis fit.

32. ¶ Qua ratione autem plantæ, quæ terræ coalescunt, solo cedunt, eadem ratione frumenta quoque, quæ fata sunt, solo cedere intelliguntur. Cæterum sicut is, qui in alieno solo ædificavit: si ab eo dominus petat ædificium, defendi potest per exceptionem doli mali secundum ea, quæ diximus: ita ejusdem exceptionis auxilio tutus esse potest is, qui alienum fundum sua impensa (bona fide consuevit.

33. ¶ Litteræ quoque, licet aureæ sint, perinde chartis membranisque cedunt, ac solo cedere solent ea, quæ inædificantur, aut inferuntur. ideoque si in chartis membranisque tuis carmen, vel historiæ, vel orationem Titius scripserit: hujus corporis non Titius, sed tu dominus esse videris. Sed si à Titio petas tuos libros, tuasve membranas, nec impensas scripturæ solvere paratus sis: poterit se Titius defendere per exceptionem doli mali utique si earum chartarum membranarumve possessionem bona fide nactus est.

34. ¶ Si quis in aliena tabula pinxerit, quidam putant tabulam picturæ cedere: aliis videtur picturam, qualiscunq; sit, tabulæ cedere: sed nobis videtur melius esse, tabulam picturæ cedere. Ridiculum est enim, picturam Appellis & Parrhasii in accessionem vilissimæ tabulæ cedere. Unde si à domino tabulæ imaginem possidente, is qui pinxit, eam petat, nec solvat pretium tabulæ, poterit per exceptionem doli mali submoveri. At si is qui pinxit, (eam) possideat: consequens est ut utilis actio domino tabulæ adversus eum detur: quo casu, si non solvat impensam picturæ, poterit per ex-

ceptionem doli mali repelli, utique si bona fide possessor fuerit ille, qui picturam imposuit. Illud enim palam est, quod siue is, qui pinxit subripuit tabulas, siue alius: comperit domino tabularum furti actio.

35. §. Si quis à non domino, quem dominum esse crediderit, bona fide fundum emerit, vel ex donatione, aliave qualibet iusta causa æque bona fide acceperit: naturali ratione placuit fructus, quos percepit, ejus esse pro cultura & cura. Et ideo si postea dominus supervenerit & fundū vindicet, de fructibus ab eo consumptis agere non potest. Et verò qui alienum fundum sciens possederit, non idem concessum est: itaque cum fundo etiam fructus, licet consumpti sint, cogitur restituere.

36. §. Is verò ad quem ususfructus fundi pertinet, non aliter fructuum dominus efficitur, quàm si ipse eos percepit. Et ideo licet maturis fructibus, nondum tamen perceptis, decesserit: ad heredes ejus non pertinent, sed domino proprietatis adquiruntur. Eadem ferè & de colono dicuntur.

37. §. In pecudum fructu etiam foetus est, sicuti lac, pilus & lana, itaque agni, hœdi, & vituli & æquuli, & fuculi statim naturali jure domini fructuarii sunt. Partus verò ancillæ in fructu non est, itaque ad dominum proprietatis pertinet. Absurdum enim videbatur, hominem in fructu esse: quum omnes fructus rerum natura gratia hominis comparaverit.

38. §. Sed si gregis usumfructum quis habeat, in locum de mortuorum capitum ex foetu fructuarius submittere debet, ut & Julianus
visum

ritum est, & in vinearum demortuarum vel arborum locum, alias debet substituere rectè enim colere, & quasi bonus paterfamilias uti debet.

39. ¶ Thesauros, quos quis in loco suo invenerit, divus Hadrianus naturalem æquitatem sequutus, ei concessit, qui (eos) invenerit. Idemque statuit si quis in sacro, aut religioso loco fortuito casu invenerit. At si quis in alieno loco, non data ad hoc opera, sed fortuito invenerit: dimidium domino soli concessit, & dimidium inventori. Et convenienter, si quis in Cæsaris loco invenerit, dimidium inventoris, & dimidium esse Cæsaris statuit. Cui conveniens est (ut) si quis in fiscali loco vel publico (vel civitatis) invenerit, dimidium ipsius esse (debeat) & dimidium fisci, vel civitatis.

40. ¶ Per traditionem quoque jure naturali res nobis adquiruntur: nihil enim tam conveniens est naturali æquitati, quam voluntatem domini volentis rem suam in alium transferre ratam haberi: & ideo, cujuscunque generis sit, corporalis res tradi potest, & à domino tradita alienatur. Itaque stipendiaria quoque & tributaria prædia, eodem modo alienantur. Vocantur autem stipendia & tributaria prædia, quæ in provinciis sunt, inter quæ, nec non & Italica prædia, ex nostra constitutione nulla est differentia, sed si quidem ex causa donationis aut dotis, aut qualibet alia ex causa tradantur, sine dubio transferuntur.

41. ¶ Venditæ verò res & traditæ, non aliter emptori adquiruntur, quam, si is venditori pretium solverit, sed alio modo ei satisfac-

cerit:

cerit: veluti expromissore aut pignore dato, quod quanquam cavetur ex lege duodecim tabularum, tamen rectè dicitur & jure gentium, id est, jure naturali, id effici: sed si is, qui vendidit, fidem emptoris sequutus fuerit, dicendum est, statim rem emptoris fieri.

42. § Nihil autem interest, utrum ipse dominus tradat alicui rem suam, an voluntate ejus alius, (cui ejus rei possessio permessa sit.)

43. §. Quæ ratione, si cui libera universorum negotiorum administratio permessa fuerit à domino, isque ex his negotiis rem vendiderit & tradiderit: faciet eam accipientis.

44. § Interdum etiam sine traditione nuda voluntas domini sufficit ad rem transferendam: veluti si rem, quam tibi aliquis commodaverit aut locaverit, aut apud te deposuerit, (postea aut vendiderit tibi) aut donaverit, (aut dotis nomine dederit) Quamvis enim ex ea causa tibi eam non tradiderit: eo tamen ipso, quod patitur tuam esse, statim tibi acquiritur proprietas, perinde ac si eo nomine tibi tradita fuisset.

45. §. Item si quis merces in horreo depositas vendiderit, simul atque claves horrei tradiderit emptori, transfert proprietatem mercium ad emptorem.

46. § Hoc amplius, interdum & in incertam personam collata voluntas domini transfert rei proprietatem: ut ecce, prætores & consules, cum missilia jactant in vulgus, ignorant quod eorum quisque sit excepturus: & tamen quia volunt quod quisque acceperit, ejus esse: statim eum dominum efficiunt.

47. §. Qua ratione verius esse videtur, si rem pro derelicto a domino habitam occupaverit quis, statim eum dominum effici. pro derelicto autem habetur, quod dominus ea mente abiecerit, ut id (in numero) rerum suarum esse nolit: ideoque statim dominus ejus esse definit.

48. §. Alia sanè causa est earum rerum, quæ in tempestate levandæ navis causa ejiciuntur. Hæ enim dominorum permanent: quia palam est, eas non eo animo ejici, quod quis eas habere nolit, sed quo magis cum ipsa navis maris periculum effugiat. Qua de causa, si quis eas fluctibus expulsi, vel etiam in ipso mari nactus, lucrandi animo abstulerit, furtum committit. Nec longè videntur discedere ab his, quæ de rheda corrente non intelligentibus dominis cadunt.

DE REBUS CORPORALIBUS, & incorporalibus.

TITULUS II.

Quædam præterea res corporales sunt, quædam incorporales.

1. §. Corporales hæ sunt quæ tangi possunt: veluti fundus, homo, vestis, aurum, argentum, & denique aliæ res innumerabiles.

2. §. Incorporales autem sunt, quæ tangi non possunt: qualia sunt ea, quæ in jure consistunt, sicut hereditas ususfructus, usus (&) obligationes quodque modo contractæ. Nec ad rem pertinet, quod in hereditate res corpora-

les continentur: nam & fructus qui ex fundo percipiuntur, corporales sunt: & id, quod ex aliqua obligatione nobis debetur, plerumque corporale est: veluti fundus, homo, pecunia. nam ipsum jus hereditatis, & ipsum jus utendi, fruendi, & ipsum jus obligationis incorporale est.

3. §. Eodem numero sunt jura prædiorum urbanorum & rusticorum, quæ etiam servitutes vocantur.

DE SERVITUTIBUS prædiorum.

TITULUS III.

Rusticorum prædiorum jura sunt hæc; iter, actus, via, aquæductus. Iter est jus eundi ambulandi hominis, non etiam jumentum agendi, (vel vehiculum.) Actus est jus agendi vel jumentum, vel vehiculum. Ita qui habet iter, actum non habet: qui actum habet, & iter habet, (eoque uti potest) etiam sine jumento. Via est jus eundi & agendi & ambulandi, nam & iter & actum via in se continet. Aquæductus est jus aquæ ducendæ per fundum alienum.

1. § Prædiorum urbanorum servitutes sunt hæc, quæ ædificiis in hærent: ideo urbanorum prædiorum dictæ, quoniam ædificia omnia, urbana prædia appellamus, etsi in villa ædificata sint. Item urbanorum prædiorum servitutes sunt, ut vicinus onera vicini sustineat: ut in parietem ejus liceat vicino tignum immittere:

tere:

ere : ut stillicidium vel flumen recipiat quis in ædes suas, vel in aream, vel in cloacam: aut non recipiat, ne altius quis tollat ædes suas, ne luminibus vicini officiat.

2. § Inter rusticorum prædiorum servitutes quidam computari rectè putant aquæ hau-
stum, pecoris ad aquam adpulsum, jus pascen-
di, calcis coquendæ, renæ fodiendæ.

3. § Ideo autem hæ servitutes prædiorum appellantur, quoniam sine prædiis constitui non possunt, nemo enim potest servitutem adquirere urbani vel rustici prædii, nisi qui habet prædium.

4. § Si quis velit vicino aliquod jus consti-
tuere : pactionibus atque stipulationibus id
efficere debet. Potest etiam testamento quis
heredem suum damnare ne altius tollat ædes
suas, ne luminibus ædium vicini officiat: vel
ut patiatur eum tignum in parietem suum
immittere, stillicidiumve adversus eum habe-
re: vel ut patiatur eum per fundum ire, agere
aquamve ex eo eo ducere.

DE USUFRUCTU.

TITULUS IV.

Uusufructus est jus alienis rebus utendi, fru-
endi, salva rerum substantia. Est autem
jus in corpore: quo sublato, & ipsum tolli
necesse est.

1. § Usufructus à proprietate separationem
recipit: idq; pluribus modis accidit. ecce, si
quis usumfructum alicui legaverit, nam heres
nudam habet proprietatem, legatarius verò
usum

usumfructum. Et contra, si fundum legaverit deducto usufructu: legatarius nudam habet proprietatem: heres verò usumfructum. Item alii usumfructum, alii deducto eo fundum legare potest Sine testamento (verò) si quis velit usumfructum alii constituere: pactionibus & stipulationibus id efficere debet Ne tamen in universum inutiles essent proprietates, semper abscedente usufructu: placuit certis modis extinguere usumfructum, & ad proprietatem reverti.

2. §. Constituitur autem ususfructus non tantum in fundo & ædibus, verum etiam in servis, & jumentis, & cæteris rebus: (exceptis his, quæ ipso usu consumuntur.) Nam hæ res neque naturali ratione, neque civili recipiunt usumfructum, quò (in) numero sunt vinum, oleum, frumentum, vestimenta: quibus proxima est pecunia numerata, namq; ipso usu assidua permutatione quodammodo extinguitur. Sed utilitatis causa senatus censuit, posse etiam earum rerum usumfructum constitui: ut tamen eo nomine heredi utiliter caveatur. Itaque si pecuniæ ususfructus legatus sit: ita datur legatario, ut ejus fiat & legatarius satisfaciat heredi de tanta pecunia restituenda, si moriatur, aut capite minuetur Cætera quoque res ita traduntur legatario, ut ejus fiant: sed æstimatis his, satisfacitur: ut si moriatur, aut capite minuatur, tanta pecunia restituatur, quanti hæ fuerint (æstimatæ.) Ergo Senatus non fecit quidem earum rerum usumfructum (nec enim poterat) sed per cautionem quasi usumfructum constituit.

3. ¶ Finitur autem ususfructus morte usufructuarii, & duabus capitis deminutionibus, maxima & media, & non utendo per modum & tempus: quæ omnia nostra statuit constitutio. Item finitur ususfructus, si domino proprietatis ab usufructuario cedatur: (nam cedendo extraneo, nihil agitur,) vel ex contrario si usufructuarius proprietatem rei acquirerit: quæ res consolidatio appellatur. Non amplius constat, si ædes incendio consumptæ fuerint, vel etiam terræ motu, vel vitio suo corruerint: extinguere usumfructum, & ne arce quidem usumfructum deberi.

4. ¶ Cum autem finitus fuerit totus ususfructus, revertitur scilicet ad proprietatem, & ex eo tempore nudæ proprietatis dominus incipit plenam in re habere potestatem.

DE USU ET HABITATIONE. TITULUS V.

¶ Isdem illis modis, quibus ususfructus constituitur, etiam nudus usus constitui solet: iisdemque illis modis finitur, quibus & ususfructus desinit.

1. ¶ Minus autem juris est in usu, quam in usufructu: nam is qui fundi nudum habet usum, nihil ulterius habere intelligitur, quam ut oleribus, pomis, floribus, fœno, stramentis, & lignis ad usum quotidianum utatur: in eoq; fundo hætenus ei morari licet, ut neque domino fundi molestus sit, neque iis, per quos opera rustica fiunt, impedimento: nec ulli alii jus, quod habet, aut locare, aut vendere, aut

gratis concedere potest: (quum is, qui usum fructum habet, possit hæc omnia facere.)

1. ¶ Item is, qui ædium usum habet, hætenus jus habere intelligitur, ut ipse tantum inhabitet, nec hoc jus ad alium transferre potest & vix receptum esse videtur, ut hospitem recipere liceat: & cum uxore, liberisque suis, item libertis: nec non personis aliis liberis, quibus non minus, quam servis utitur, habitandi jus habeat. Et convenienter, si ad mulierem usus ædium pertineat, cum marito eam habitare liceat.

2. ¶ Item is, ad quem servi usus pertinet, ipse tantum opera atque ministerio ejus uti potest: ad alium verò nullo modo jus suum transferre ei concessum est. Idem scilicet juris est & in jumento.

3. ¶ Sed & si pecorum, vel ovium usus legatus sit: neque lacte, neque agnis, neque lana utatur usufructarius, quia in ea fructu sunt. Planè ad stercoreandum agrum suum pecoribus uti potest.

4. ¶ Sed si cui habitatio legata, sive aliquo modo constituta sit, neque usus videtur, neque usufructus, sed quasi proprium aliquod jus: quanquam habitationem habentibus propter rerum utilitatem, secundum Marcelli sententiam nostra decisione promulgata, permittitur non solum in ea degere, sed etiam aliis locare.

5. ¶ Hæc de servitutibus, & usufructu, & usu, & habitatione dixisse sufficiat. De hereditatibus autem & obligationibus, suis locis proponemus. Expōsumus summarim quibus modis

modis jure gentium rei adquiruntur: modò videamus, quibus modis legitimo & civili jure adquiruntur.

DE USUCAPIONIBUS, ET longi temporis præscriptionibus.

TITULUS VI.

Jure civili constitutum fuerat, ut qui bona fide ab eo, qui dominus non erat, cum crederet eum dominum esse, rem emerit, vel ex donatione, aliave quavis justa causa acceperit, is eam rem, si mobilis erat, anno ubique uno: si immobilis, biennio tantum in Italico solo usucaperet, ne rerum dominia in incerto essent. Et quum hoc placitum erat, putantibus antiquioribus dominis sufficere ad inquirendas res suas præfata tempora: nobis melior sententia refedit, ne domini maturius suis rebus defraudentur, neque certo loco beneficium hoc concludatur: & idè constitutionem super hoc promulgavimus, qua cautum est, ut res quidem mobiles, per triennium: immobiles verò per longi temporis possessionem (id est, inter præsentès decennio, inter absentes viginti annis) usucapiantur, & his modis non solùm in Italia, sed etiam in omni terra, quæ nostro imperio gubernatur, dominia rerum justa causa possessionis præcedente adquirantur.

i. §. Sed aliquando etiam si maxime quis bona fide rem possederit: non tamen illi usupio ullo tempore procedit: veluti si quis li-
berum

berum hominem, vel rem sacram, vel religiosam, vel servum fugitivum possideat.

2. §. Furtivæ quoque res, & qua vi possessæ sunt, nec si prædicto longo tempore bona fide possessæ fuerint, usucapi possunt, nam furtivarum rerum lex duodecim tabularum, & lex Atilia, inhibent usucapionem: vi possessarum, lex Julia & Plautia.

3. §. Quod autem dictum est, furtivarum & vi possessarum rerum usucapionem per leges prohibitam esse: non eò pertinet, ut ne ipse fur, qui ve per vim possidet, usu capere possit (nam his alia ratione usucapio non competit, quia scilicet mala fide possident) sed ne ullus alius, quamvis ab eis bona fide emerit, vel ex alia causa acceperit usucapiendi jus habeat. Unde in rebus mobilibus non facile procedit, ut bonæ fidei possessoribus usucapio competat. Nam qui (sciens) alienam rem vendidit, vel ex alia causa tradiderit, furtum ejus committit.

4. §. Sed tamen id aliquando aliter se habet, nam si heres rem defuncto commodatam, aut locatam, vel apud eum depositam, existimans hereditariam esse, bona fide accipienti vendiderit, aut donaverit, aut dotis nomine dederit: quin is, qui acceperit, usucapere possit, dubium non est; quippe cum ea res in furti vitium non ceciderit: quum utique heres, qui bona fide tanquam suam alienaverit, furtum non committat.

5. §. Item si is, ad quem ancilla ususfructus pertinet, partum suum esse credens vendiderit, aut donaverit, furtum non committit.

tit. furtum enim sine affectu furandi non committitur.

6. § Aliis quoque modis accidere potest, ut quis sine vitio furti, rem alienam ad aliquem transferat, & efficiat, ut a possessore usucapiatur.

7. § Quod autem ad eas res, quæ solo continentur, expedit, ius ita procedit, ut si quis loci vacantis possessionem propter absentiam aut negligentiam domini, aut quia sine successore decesserit, sine vi nanciscatur: quamvis ipse mala fide possideat (quia intelligit se alienum fundum occupasse) tamen si alii bona fide accipienti tradiderit, poterit ei longa possessione res adquiri: quia neque furtivum, neque vi possessum acceperit. Abolita est enim quorundam veterum sententia, existimantium etiam fundi locive furtum fieri, & eorum utilitati, qui res soli possident, principalibus constitutionibus prospicitur, ne cui longa, & indubitata possessio debeat auferri.

8. § Aliquando etiam furtiva, vel vi possessa res usucapi potest veluti si in domini potestatem reversa fuerit. tunc enim vitio res purgato, procedit ejus usucapio.

9. § Res fisci nostri usucapi non potest. Sed Papinianus scripsit, bonis vacantibus fisco nondum nunciatis, bonæ fidei emptorem traditam sibi rem ex his bonis usucapere posse: & ita divus Pius, & divi Severus & Antoninus rescripserunt.

10. § Novissimè sciendum est, rem talem esse debere, ut in se non habeat vitium, ut à bonæ fidei emptore usucapi possit, vel qui ex alia iusta causa possidet.

11. § Error autem falsæ causæ usucapionem non parit : veluti si quis cum non emerit, emisse se existimans, possideat : vel cum ei donatum non fuerit, quasi ex donatione possideat.

12. § Diutina possessio, quæ prodesse coeperat defuncto, & heredi, & bonorum possessori continuatur, licet ipse sciat prædium alienum esse, quod si illi initium iustum non habuit : heredi & bonorum possessori, licet ignorant, possessio non prodest. Quod nostra constitutio similiter & in usucapionibus observari constituit, ut tempora continuentur. Inter venditorem quoque & emptorem conjungi tempora, divi Severus & Antoninus rescripserunt.

13. § Edicto divi Marci cavetur, eum, qui à fisco rem alienam emit, si post venditionem quinquennium præterierit, posse dominum rei exceptione repellere. Constitutio autem divæ memoriæ Zenonis benè prospexit iis, qui à fisco per venditionem, aut donationem, vel alium titulum accipiunt aliquid : ut ipse quidem securi statim fiant, & victores existant, sive experiantur, sive conveniantur. Adversus autem sacratissimum ærarium usque ad quadriennium liceat eis intendere, qui pro dominio vel hypotheca earum rerum, quæ alienatæ sunt, putaverint sibi quasdam competere actiones. Nostra autem divina constitutio, quam nuper promulgavimus, etiam de iis, qui à nostra, vel venerabilis Augustæ domo aliquid acceperint, hæc statuit, quæ in fiscalibus alienationibus præfatæ Zenonianæ constitutionis continentur.

DE DONATIONIBUS.

TITVLVS VII.

EST & aliud genus acquisitionis, donatio. Donationum autem duo sunt genera: mortis causa, & non mortis causa.

1. § Mortis causa donatio est, quæ propter mortis sit suspensionem: cum quis ita donat, ut si quid humanitus contigisset, haberet is, qui accepit, si autem supervixisset: is, qui donavit, reciperet: vel si eum donationis poenitisset: aut prior decesserit, cui donatum sit. Hæ mortis causa donationes ad exemplum legatorum redactæ sunt per omnia: nam cum prudentibus ambiguum fuerat, utrum donationis, an legati instar eam obtinere oporteret, & utriusque causæ quædam habeat insignia, & alii ad aliud genus eam retraherent: à nobis constitutum est, ut per omnia ferè legatis connumerentur, & sic procedat, quemadmodum nostra constitutio eam formavit. Et in summa mortis causa donatio est, cum magis se quis velit habere, quam eum, cui donat: magisque eum, cui donat, quam heredem suum: sic & apud Homerum Telemachus donat Piræo:

Παῖράϊ • ἔ γάρ τίδ' ἐμεν ὅπως καὶ τὰς
ἔργα,

Ἰῆκιν ἐμὲ μινυῖρες, αἰγύνους ἐν μεγά-
ροις,

Δαΐφρην κτείναντες, πατρώϊα πάντα δάσσοι-
τας,

Ἀυτὸν ἔχοντα εἰς βέλομι ἐπαυρέμεν, ἢ τίνων
τῶν δέ.

Εἶδε καὶ ἐγὼ ταυτοῖσι φόνον καὶ κῆρα οὐλεύ-
σω,

Δὴ τοῦτο μοι χαίροντι φέρειν πρὸς δόματα
χαίρων ἰ. ε.

Piræ, incertus quoniam rerum exitus harum est,

Si tacita incautum stolidi me forte necare

Morte proci poterunt, & opes vexare paternas:

Hac ego te malo, quam illorum quæpiam habere:

Sin ego eos iusta meritos affecero clade,

Tum mihi tu lato reddes illa omnia latus.

2. ¶ Aliæ autem donationes sunt, quæ sine
ulla mortis cogitatione fiunt, quas inter vivos
appellamus, quæ non omnino comparantur
legatis: quæ si fuerint perfectæ, temerè revo-
cari non possunt. Perficiuntur autem, cum do-
nator suam voluntatem scriptis, aut sine scri-
ptis manifestaverit. Et ad exemplum vendi-
tionis, nostra constitutio eas etiam in se ha-
bere necessitatem traditionis voluit: ut etiam
si non tradantur, habeant plenissimum & per-
fectum robur, & traditionis necessitas incum-
bat donatori. Et cum retrò principum dispo-
sitiones infirmari eas actis intervenientibus
volebant, si majores fuerant ducentorum so-
lidorum: constitutio nostra eam quantitatem
usque ad quingentos solidos ampliavit, quàm
stare etiam sine infirmatione statuit: sed &
quædam donationes invenit, quæ penitus in-
firmationem fieri minimè desiderant, sed in
se plenissimam habent firmitatem. Aliæ insu-
per multa ad uberiorem exitum donationum

inve-

invenimus: quæ omnia ex nostris constitutionibus, quas super his exposuimus, colligendæ sunt. Sciendum est tamen, quod et si plenissimæ sint donationes: si tamen ingrati existant homines, in quos beneficium collatum est: donatoribus per nostram constitutionem licentiam præstivimus certis ex causis eas revocare: ne illi, qui suas res in alios contulerint, ab his quandam patientur injuriam vel gacturam, secundum enumeratos in constitutione nostra modos.

§. ¶ Est & aliud genus inter vivos donationis, quod veteribus quidem prudentibus penitus erat incognitum, postea autem à junioribus divis principibus introductum est, quod ante nuptias vocabatur, & tacitam in se conditionem habebat, ut tunc ratum esset, cum matrimonium esset insequutum, idemque ante nuptias appellabatur, quod ante matrimonium efficiebatur, & nunquam post nuptias celebratas talis donatio procedebat. Sed primus quidem divus Iustinus pater noster, cum augeri dotes & post nuptias fuerat permissum: si quid tale eveniret, & ante nuptias augeri donationem & constante matrimonio, sua constitutione permisit: sed tamen nomen inconveniens remanebat, cum ante nuptias quidem vocabatur, post nuptias autem tale accipiebat incrementum. Sed nos plenissimo fini tradere sanctiones cupientes, & consequentia nomina rebus esse studentes, constituimus, ut tales donationes non augeantur tantum, sed etiam constante matrimonio initium accipiant: & non ante nuptias, sed propter nuptias vocentur: & dotibus in hoc exequantur, ut quemad-

modum dotes constante matrimonio non solum augentur, sed etiam fiunt: ita & istæ donationes, quæ propter nuptias introductæ sunt, non solum antecedant matrimonium, sed eo etiam contracto augeantur, & constuantur.

4. ¶ Erat olim & alius modus civilis acquisitionis, per jus accrescendi, quod est tale: Si communem servum habens aliquis cum Titio, solus libertatem ei imposuerit vel vindicta, vel testamento: eo casu pars ejus amittebatur, & socio accrescebat. Sed cum pessimum fuerat exemplo, & libertate servum defraudari, & ex ea humanioribus quidem dominis damnum inferri, savioribus autem dominis lucrum accedere: hoc quasi invidia plenum, pio remedio per nostram constitutionem mideri necessarium duximus. Et invenimus viam, per quam & manumissor, & socius ejus, & qui libertatem accepit, nostro beneficio fruatur libertate cum effectu procedente (cujus favore antiquos legum latôres multa etiam contra communes regulas statuisse manifestum est) & eo, qui eam libertatem imposuit, suæ liberalitatis stabilitate gaudente: & socio indemnitate conservato, pretiumque servi secundum partem domini, quod nos definivimus, accipiente.

QUIBUS ALIENARE
licet, vel non.

TITVLVS VIII.

Accidit aliquando, ut qui dominus sit, alienare non possit: & contra, qui dominus

NON

non sit, alienandæ rei potestatem habeat. Nam dotale prædium maritus invita muliere per legem Juliam prohibetur alienare: quamvis ipsius sit, dotis causa ei datum, quod nos, legem Juliam corrigentes, in meliorem statum deduximus. Cum enim lex in solis tantummodo rebus locum habebat, quæ italicæ fuerant: & alienationes inhibebat, quæ in vita muliere fiebant, hypothecas autem earum rerum etiam volente ea: utrique remedium imposuimus, ut etiam in eas res, quæ in provinciali solo positæ sunt, interdicta sit alienatio vel obligatio: ut neutrum eorum neque consentientibus mulieribus procedat, ne sexus muliebris fragilitas in perniciem substantiæ earum convertatur.

1. § Contra autem creditor pignus ex pactione, quamvis ejus ea res non sit, alienare potest. Sed hoc forsitan ideo videtur fieri, quod voluntate debitoris intelligitur pignus alienari, quia ab initio contractus pactus est, ut liceret creditori pignus vendere, si pecunia non solvatur. Sed ne creditores jus suum persequi impedirentur, neque debitores temerè suarum rerum dominium amittere viderentur: nostra constitutione consultum est, & certus modus impositus est per quem pignorum distractio possit procedere: cujus tenore utrique parti, creditorum & debitorum, satis abundè provisum est.

2. § Nunc admonendi sumus, neque pupillum, neque pupillam ullam rem sine tutoris auctoritate alienare posse. Ideoq; si mutuum pecuniam sine tutoris auctoritate alicui dederit, non contrahit obligationem: quia pecu-

niam non facit accipientis, ideoque vindicari nummi possunt, sicubi extant. Sed si nummi, quos mutuo minor dederit, ab eo, qui accepit, bona fide consumpti sunt, condici possunt: si mala fide, ad exhibendum de his agi potest. At ex contrario, omnes res pupillo & pupillæ sine tutoris auctoritate rectè dari possunt. Ideoque si debitor pupillo solvat, necessaria est debitori tutoris auctoritas, alioqui non liberabitur. Sed hoc etiam evidentissima ratione statutum est in constitutione, quam ad Cæsarientes advocatos ex suggestione Triboniani viri eminentissimi, quaestoris sacri palatii nostri, promulgavimus qua dispositum est, ita licere tutori vel curatori debitorem pupillarum solvere, ut pius judicialis sententia sine omni damno celebrata, hoc permittat, quo sublequuto, si & iudex pronunciaverit, & debitor solverit: sequatur hujusmodi solutionem plenissima securitas. Sin autem aliter quam disposuimus. solutio facta fuerit, pecuniam autem salvam habeat pupillus, aut ex ea locupletior sit, & adhuc eandem pecuniæ summam petat: per exceptionem doli mali poterit submoveri. Quod si malè consumpserit, aut furto, (aut vi) amiserit: nihil proderit debitori doli mali exceptio, sed nihilominus condemnabitur: quia temerè sine tutoris auctoritate, & non secundum nostram dispositionem solverit. Sed ex diverso, pupilli vel pupillæ solvere sine tutoris auctoritate non possunt, quia id, quod solvunt, non sit accipientis: quam scilicet nullius rei alienatio eis sine tutoris auctoritate concessa sit.

PER QUAS PERSONAS cuique acquiritur.

TITVLVS IX.

Adquiritur vobis non solum per vosmetip-
sos, sed etiam per eos, quos in potestate
habetis: (item per servos, in quibus usum-
fructum habetis:) item per homines libe-
ros, & per servos alienos, quos bona fide
possidetis, de quibus singulis diligentius dis-
piciamus.

I. ¶ Igitur liberi vestri utriusque sexus,
quos in potestate habetis, olim quidem, quic-
quid ad eos pervenerat (exceptis videlicet
castrensibus speculiis) hoc parentibus suis ad-
quirebant sine ulla distinctione: & hoc ita
parentum fiebat, ut etiam esset eis licentia,
quod per unum vel unam eorum adquisitum
esset, alii filio, vel extraneo donare, vel ven-
dere, vel quocunque modo voluerant, appli-
care. Quod nobis inhumanum visum est: &
generalis constitutione emissa, & liberis pe-
percimus, & patribus honorem debitum refer-
vavimus. Sancitum etenim à nobis est, ut si
quid ex re patris ei obveniat, hoc secundum
antiquam observationem totum parenti ad-
quiratur. Quæ etiam invidia est, quod ex patris
occasione profectum est, hoc ad eum reverti?
Quod autem ex alia causa sibi filius familias
adquisivit: huius usumfructum patri quidem
adquirat, dominium autem apud eum rema-
neat? ne quod ei suis laboribus, vel prospera
fortuna accesserit, hoc in alium perveniens
luctuosum ei procedat.

2. § Hoc quoque à nobis dispositum est & in ea specie, ubi parens emancipando liberos suos ex rebus, quæ adquisitionem effugiebant, sibi tertiam partem retinere (si voluerat) licentiam ex anterioribus constitutionibus habebat, quasi pro pretio quodammodo emancipationis: & inhumanum quidam accidebat, ut filius rerum suarum ex hac emancipatione dominio pro parte (tertia) defraudaretur: & quod honoris ei ex emancipatione additum erat, quod sui juris effectus esset, hoc per rerum diminutionem decresceret. Ideoque statuimus, ut parens pro tertia parte domini, quam retinere poterat, dimidiam non domini rerum, sed ususfructus retineat. Ita etenim res intactæ apud filium remanebunt, & pater ampliore summa fruetur, pro tertia dimidia potiturus.

3. § Item vobis acquiritur, quod servi vestri ex traditione nantiscantur: siue quid stipulentur, siue ex donatione, vel ex legato, vel ex qualibet alia causa adquirant, Hoc enim vobis ignorantibus & invitis obvenit. Ipse enim servus, qui in potestate alterius est, nihil suum habere potest. Sed si heres institutus sit, non alias nisi vestro jussu, hereditatem adire potest. Et si vobis jubentibus adierit: vobis hereditas acquiritur, perinde ac si vos ipsi heredes instituti effectis. Et convenienter scilicet vobis legatum per eos acquiritur. Non solum autem proprietas per eos, quos in potestate habetis, vobis acquiritur: sed etiam possessio. Cujuscunq; enim rei possessionem adepti fuerint, id vos possidere videmini. Vnde etiam per eos usucapio, vel longi temporis possessio vobis accidit.

4. ¶ De iis autem servis, in quibus tantummodo usumfructum habetis, ita placuit ut quicquid ex re vestra, vel ex operis suis adquirent, id vobis adjiciatur: quod verò extra eas causas consequuti sunt, id ad dominum proprietatis pertineat. Itaque si his servus heres institutus sit, legatumve quidei, aut donatum fuerit: non usufructuario, sed dominio proprietatis acquiritur. Idem placet & de eo, qui à vobis bona fide possidetur: siue is liber sit, siue alienus servus. Quod enim placuit de usufructuario, idem placet & de bonæ fidei possessore. Itaque quod extra istas duas causas acquiritur: id vel ad ipsum pertinet, si liber est: vel ad dominum, si servus est. Sed bonæ fidei possessor cum usuceperit servum, (quia eo modo dominus fit, ex omnibus causis per eum sibi adquirere potest. Fructuarius verò usucapere non potest: primum, quia non possidet, sed habet jus utendi fruendi: deinde quia scit servum alienum esse. Non solum autem proprietas per eos servos, in quibus usumfructum habetis vel quos bona fide possidetis, aut per liberam personam, quæ bona fide vobis acquiritur: sed etiam possessio. Loquimur autem in utriusque persona secundum distinctionem, quam proximè exposuimus: id est, si quam possessionem ex re vestra, vel ex suis operis adepti fuerint.

5. ¶ Ex his itaque apparet, per liberos homines, quos neque vestro juri subiectos habetis, neque bona fide possidetis: item per alienos servos in quibus neque usumfructum ha-

betis, neque possessionem justam; nulla ex causa vobis adquiri posse. Et hoc est, quod dicitur, per extraneam personam nihil adquiri posse: excepto eo, quod per liberam personam (veluti per procuratorem) placet non solum scientibus, sed & ignorantibus vobis: adquiri possessionem, secundum divi Severi constitutionem: & per hanc possessionem etiam dominium, si dominus fuerit, qui tradidit: vel usucapionem, aut longi temporis præscriptionem, sed dominus non sit.

6. ¶ Hactenus tantisper admonuisse sufficiat, quemadmodum singulæ res vobis adquirantur, nam legatorum jus, quo & ipso singulæ res vobis adquiruntur: item fideicommissorum, ubi singulæ res vobis relinquuntur: opportunius inferiore loco referemus. Videamus itaque nunc, quibus modis per universitatem res vobis adquirantur. Si cui ergo heredes facti sitis, siue cujus bonorum possessionem petieritis, vel si quem adrogaveritis, vel si cujus bona libertatum conservandarum causa vobis addicta fuerint: ejus res omnes ad vos transeunt. Ac prius de hereditatibus dispiciamus, quarum duplex conditio est, nam vel ex testamento, vel ab intestato ad vos pertinent. Et prius est, ut de his dispiciamus, quæ ex testamento vobis obveniunt, qua in re necessarium est, initium de ordinandis testamentis exponere.

DE TESTAMENTIS
Ordinandis.

TITVLVS X.

Testamentum ex eo appellatur, quod testatio mentis sit.

1. ¶ Sed ut nihil antiquitatis penitus ignoretur, sciendum est, olim quidem duo genera Testamentorum in usu fuisse; quorum altero in pace & otio utebantur, quod calatis somitiis appellabant: altero, cum in prælium exituri essent, quod præcinctum dicebatur. Accessit deinde tertium genus testamentorum, quod dicebatur per æs & libram: scilicet quod per emancipationem, id est, imaginariam quandam venditionem agebatur, quinque testibus, & libri pende, civibus Romanis puberibus præsentibus, & eo, qui familiæ emptor dicebatur. Sed illa quidem priora duo genera testamentorum ex veteribus temporibus in desuetudinem abierunt, quod verò per æs & libram fiebat, licet diutius permanserit, attamen partim & hoc in usu esse desuit.

2. ¶ Sed prædicta quidem nomina testamentorum ad ius civile referebantur, postea verò ex edicto prætoris forma alia faciendorum testamentorum introducta est. Iure enim honorario nulla emancipatio desiderabatur: sed septem testium signa sufficiebant, cum iure civili signa testium non essent necessaria.

3. ¶ Sed cum paulatim tam ex usu hominum, quàm ex constitutionum emendationibus coepit in unam consonantiam ius civile & ius

prætorium iungi: constitutum est, ut uno eodemque tempore (quod ius civile quodammodo exigebat) septem testibus adhibitis, & subscriptione testium (quod ex constitutionibus inventum est, & ex edicto prætoris) signacula testamentis imponerentur: ita, ut hoc ius tripertitum esse videatur: & testes quidem & eorum præsentia uno contextu testamenti celebrandi gratia, à jure civili descendant: subscriptiones autem testatoris & testium, ex sacrarum constitutionum observatione adhibeantur: signacula autem, & testium numerus, ex edicto prætoris.

4. ¶ Sed his omnibus à nostra constitutione propter testamentorum sinceritatem, ut nulla fraus adhibeatur, hoc additum est: ut per manus testatoris vel testium nomen heredis exprimatur, & omnia secundum illius constitutionis tenorem procedant.

5. ¶ Possunt autem omnes testes & uno anulo signare testamentum, quid enim si septem anuli una sculptura fuerint, secundum quod Papiniano visum est: Sed & alieno quoque anulo licet signare (testamentum.)

6. ¶ Testes autem adhiberi possunt ii, cum quibus testamenti factio est. Sed neque mulier, neque impubes, neque servus, neque furiosus, neque mutus, neque surdus, neque is, cui bonis interdictum est, neque ii quos leges jubent improbos intestabilesque esse: possunt in numerum testium adhiberi.

7. ¶ Sed cum aliquis ex testibus testamenti quidem faciendi tempore liber existimabatur, postea autem servus apparuit; tam di-

us Hadrianus Catonio, quam postea divi Severus & Antoninus rescripserunt, subvenire se ex sua liberalitate testamento: ut sic habeatur (firmum,) ac si, ut oportebat, factum esset, cum eo tempore quo testamentum signaretur, omnium consensu hic testis liberii loco fuerit: neque quisquam esset, qui status ei questionem moveret.

8. ¶ Pater, nec non is, qui in potestate ejus est, item duo fratres, qui in ejusdem patris potestate sunt, utique testes in uno testamento fieri possunt: quia nihil nocet, ex una domo plures testes alieno negotio adhiberi.

9. ¶ In testibus autem non debet esse is, qui in potestate testatoris est. Sed si filius familias de castrensi peculio post missionem faciat testamentum: nec pater ejus rectè adhibetur testis, nec is, qui in potestate ejusdem patris est, reprobatum est enim in ea re domesticum testimonium.

10. ¶ Sed neque heres scriptus, neque is, qui in potestate ejus est, neque pater ejus qui eum habet in potestate, neque fratres, qui in ejusdem patris potestate sunt, testes adhiberi possunt: quia hoc totum negotium, quod agitur testamenti ordinandi gratia, creditur hodie inter testatorem & heredem agi. Licet autem totum jus tale contrabatum fuerat, & veteres quidem familiarum emptorem, & eos qui per potestatem ei conjuncti fuerant, à testamentariis testimoniis repellebant: heredes (autem,) & iis, qui per potestatem ei conjuncti fuerant, concedebant testimonia in testamentis præstare, licet iis, qui id permittiebant hoc

jure minimè abuti eos debere suadebant; tamen nos eandem observationem corrigentes, & quod ab illis suasum est, in legis necessitatem transferentes, ad imitationem pristini familiæ emptoris merito nec heredi, (qui imaginem vetustissimi familiæ emptoris obtinet) neque aliis personis, quæ ei (ut dictum est) conjunctæ sunt, licentiam concedimus, sibi quodammodo testimonia præstare, ideoque nec ejusmodi veteres constitutiones nostro Codici inseri permisimus.

11. § Legatariis autem & fideicommissariis, quia non juris successores sunt, & aliis personis eis conjunctis testimonium non denegamus, immò in quadam nostra constitutione & hoc specialiter eis concessimus. Et multo magis iis, qui in eorum potestate sunt, vel qui eos habent in potestate, hujusmodi licentiam damus.

12. § Nihil autem interest, testamentum in tabulis, an in chartis, membranisque, vel in alia materia fiat.

13. § Sed & unum testamentum pluribus codicibus conficere quis potest, secundum obtinentem tamen observationem omnibus factis, quod interdum etiam necessarium est: veluti si quis navigaturus & secum ferre, & (domi) relinquere judiciorum suorum contestationem velit, vel propter alias innumera- biles causas, quæ humanis necessitatibus imminant.

14. § sed hæc quidem de testamentis, quæ scriptis conficiuntur (sufficiunt) si quis autem sine scriptis voluerit ordinare jure civili testamentum: septem testibus adhibitis,

& sua

DE MILITARI TESTAMENTO. 89
& sua voluntate coram eis nuncupata, sciat
hoc perfectissimum testamentum jure civili,
firmumque constitutum.

DE MILITARI Testamento.

TITVLVS XI.

SVpra dicta diligens observatio in ordina-
dis testamentis, militibus, propter nimiam
imperitiam eorum, constitutionibus (princi-
palibus) remissa est. Nam quamvis si neque
legitimum numerum testium adhibuerint,
neque aliam testamentorum solemnitatem
observaverint: rectè nihilominus testantur,
videlicet cum in expeditionibus occupati
sunt: quòd merito nostra constitutio introdu-
xit. Quoquo enim modo voluntas ejus su-
prema inveniatur, siue scripta, siue sine scrip-
tura: valet testamentum ex voluntate ejus. Il-
lis autem temporibus, per quæ citra expedi-
tionum necessitatem in aliis locis vel suis
ædibus degunt: minimè ad vendicandum ta-
le privilegium adjuvantur, sed testari qui-
dem, etsi filii familiarum sint, propter militiam
conceduntur: jure tamen communi eadem
observatione & in eorum testamentis adhi-
benda, quam in testamentis paganorum pro-
ximè exposuimus.

I. ¶ Plane de testamentis militum divus
Trajanus Catilio Severo ita rescripsit: Id pri-
vilegium, quod militantibus datum est, ut
quoquo modo facta ab his testamenta rata
sint: sic intelligi debet, ut utique prius con-

stare debeat, testamentum factum esse, quod & sine scriptura & à non militibus fieri potest. Si ergo miles, de cuius bonis apud te quaeritur, convocatis ad hoc hominibus, ut voluntatem suam testaretur, ita loquutus est, ut declararet, quem vellet sibi heredem esse, & cui libertatem tribueret: potest videri sine scripto hoc modo esse testatus, & voluntas eius rata habenda est. Cæterum si (ut plerumque sermonibus fieri solet) dixit alicui, *ego te heredem facio*, aut *bona mea tibi relinquo*: non oportet hoc pro testamento observari. Nec ullorum magis interest, quam ipsorum quibus id privilegium datum est, ejusmodi exemplum non admitti. Alioqui non difficulter post mortem alicujus militis testes existerent, qui adfirmarent se audisse dicentem aliquem, relinquere se bona, sui visum sit, & per hoc vera judicia subverterentur.

2. ¶ Quinimò & mutus & surdus miles testamentum facere potest.

3. ¶ Sed hæcenus hoc illis à principalibus constitutionibus conceditur, quatenus militent, & in castris degunt. Post missionem vero veterani, vel extra castra (alii,) si faciant adhuc militantes testamentum, communi omnium civium Romanorum jure id facere debent. Et quod in castris fecerint testamentum, non communi jure, sed quomodo voluerint: post missionem intra annum tantum valebit. Quid ergo si intra annum quis decesserit, conditio autem heredi adscripta post annum exiterit? ad quasi militis testamentum valeat? Et placet valere quasi mili-

4. § Sed & si quis ante militiam non jure fecit testamentum, & miles factus, & in expeditione degens resignavit illud, & quædam adjecit, siue detraxit, vel alias manifesta est militis voluntas hoc valere volentis: dicendum est valere hoc testamentum, quasi ex nova militis voluntate.

5. § Denique & si in adrogationem datus fuerit miles, vel filius familias emancipatus est, testamentum ejus quasi ex nova militis voluntate valet, nec videtur capitis diminutione irritum fieri.

6. § Sciendum tamen est, quod cum ad exemplum castrensis peculii, tam anteriores leges, quam principales constitutiones quibusdam quasi castrensiâ dederant peculia, & horum quibusdam permixtum fuerat etiam in potestate degentibus testari: nostra (id) constitutio latius extendens, permiserit omnibus in hujusmodi peculiis testari quidem, sed jure communi. Cujus constitutionis tutore prospecto; licentia est, nihil eorum, quæ ad præfatum jus pertinent ignorare.

QUIBUS NON EST PER- missum facere Testamen- tum.

TITVLVS XII.

Non tamen omnibus licet facere testamentum. Statim enim ii, qui alieno jure subiecti sunt, testamenti faciendi jus non habent: adeo quidem, ut quamvis parentes eis permiserint, nihilo magis jure testari possunt: exceptis iis, quos antea enumeravimus.

præcipuè militibus qui in potestate parentum sunt, quibus de eo, quod in castris adquisierunt, permiffum est ex constitutionibus principum testamentum facere. Quod quidem jus ab initio tantum militantibus datum est, tam ex auctoritate divi Augusti, quam Nervæ, nec non optimi Imperatoris Trajani: postea verò subscriptione divi Hadriani, etiam dimissis à militia, id est, veteranis concessum est. Itaque si quidem fecerint de castrensi peculio testamentum; pertinebit hoc ad eum, quem heredem relinquerunt, si verò intestati decesserint, nullis liberis vel fratribus superstitibus: ad parentes, eorum jure communi pertinebit. Ex hoc intelligere possumus: quod in castris adquisierit miles, qui in potestate patris est, neque ipsum patrem adimere posse, neque patris creditores id vendere, vel aliter inquietare, neque patre mortuo cum fratribus commune esse: sed scilicet proprium ejus esse, qui id in castris adquisierit: quamquam jure civili omnium, qui in potestate parentum sunt, peculia perinde in bonis parentum computentur, ac servorum peculia in bonis dominorum numerantur: exceptis videlicet iis, quæ ex sacris constitutionibus, & præcipuè nostris, propter diversas causas non adquiruntur, præter hos igitur, qui castrense peculium vel quasi castrense habent, si quis alius filius familias testamentum fecerit, inutile est, licet suæ potestatis factus decesserit.

I. ¶ Præterea testamentum facere non possunt impuberes: quia nullum eorum animi judicium est. Item furiosi: quia mente carent. Nec ad rem pertinet, si impubes, postea pubes:

bes : aut furiosus, postea compos mentis factus fuerit, & decesserit. Furiosi autem, si per id tempus fecerint testamentum, quo furor eorum intermissus est: jure testati esse videntur, certe eo, quod ante furorem fecerint, testamento valente. Nam neque testamentum recte factum, neque ullum aliud negotium recte gestum, postea furor interveniens perimit.

2. ¶ Item prodigus, cui bonorum suorum administratio interdicta est, testamentum facere non potest: sed id, quod ante fecerit, quam interdictio bonorum suorum ei fiat, ratum est.

3. ¶ Item surdus & mutus non semper testamentum facere possunt. Utique autem de eo surdo loquimur, qui omnino non exaudit, non qui tardè exaudit, nam & mutus is intelligitur, qui eloqui nihil potest, non qui tardè loquitur, sæpè enim etiam literati & eruditi homines variis casibus & audiendi & loquendi facultatem amittunt. Vnde nostra constitutio etiam his subvenit, ut certis casibus & modis secundum normam ejus possint testari, aliaque facere, quæ eis permissa sunt. Sed si quis post testamentum factum, adversa valetudine, aut quolibet alio casu mutus aut surdus esse cœperit, ratum nihilominus manet ejus testamentum.

4. ¶ Cæcus autem non potest facere testamentum, nisi per observationem, quam lex divi Iustini patris nostri introduxit.

5. ¶ Ejus, qui apud hostes est, testamentum, quod ibi fecit, non valet, quamvis redierit, sed quod, dum in civitate fuerat, fecit: sive
redie-

94 INSTIT. LIB. II. TIT. XIII.
redierit, valet jure postliminii: siue illic de-
cesserit, valet ex lege Cornelia.

DE EXHEREDATIONE Liberorum.

TITVLVS XIII.

Non tamen ut omnino valeat testamen-
tum, sufficit hæc observatio, quam supra
exposuimus: sed qui filium in potestate ha-
bet, curare debet, ut eum heredem instituat,
vel exheredem eum nominatim faciat: alio-
qui si cum silentio præterierit, inutiliter te-
stabitur: adeò quidem, ut si vivo patre filius
mortuus sit, nemo heres ex eo testamento ex-
istere possit, quia scilicet ab initio non con-
stitit testamentum. Sed non ita de filiabus, &
aliis per virilem sexum descendentibus libe-
ris utriusque sexus antiquitati fuerat obser-
vatum: sed si non fuerant scripti heredes
scriptæve, vel exheredati exheredatæve: testa-
mentum quidem non infirmabatur, jus ta-
men accrescendi eis ad certam portionem
præstabatur, sed nec nominatim eas personas
exheredare parentibus necesse erat, sed lice-
bat inter cæteros hoc facere. Nominatim au-
tem quis exheredari videtur, siue ita exhere-
detur, *Titius filius meus exheres esto*: siue ita, *filius
meus exheres esto*, non adjecto proprio nomi-
ne, scilicet si alius filius non exstet.

¶ Posthumi quoque liberi, vel heredes
institutui debent, vel exheredari. Et in eo par
omnium conditio est, quod & filio posthumo,
& quolibet ex cæteris liberis, siue foemina
sexus

sexus, siue masculini, præterito: valet quidem testamentum, sed postea adgnatione posthumæ siue posthumæ rumpitur, & ea ratione totum infirmatur. Ideoque si mulier, ex qua posthumus aut posthuma sperabatur, abortum fecerit: nihil impedimento est scriptis heredibus ad hereditatem adeundam. Sed fœminini quidem sexus personæ vel nominatim, vel inter cæteros exheredari solebant; dum tamen, si inter cæteros exheredarentur, aliquid eis legaretur, ne viderentur præteritæ esse per oblivionem. Masculos verò posthumos, id est, filios, & deinceps, placuit non aliter rectè exheredari, nisi nominatim exheredarentur: hoc scilicet modo, *quicumque mihi filius genitus fuerit, exheres esto.*

2. ¶ Posthumorum autem loco sunt & hi, qui in sui heredis locum succedendo, quasi adgnascendo fiunt parentibus sui heredes: ut ecce, si quis filium, & ex eo nepotem neptemve in potestate habeat: quia filius gradu præcedit, is solus jura sui heredis habet, quamvis nepos quoque & neptis ex eo in eadem potestate sint. Sed si filius ejus vivo eo moriatur, aut qualibet alia ratione exeat de potestate ejus: incipit nepos neptisve in ejus locum succedere, & eo modo jura suorum heredum quasi adgnatione nanciscuntur. Ne ergo eo modo rumpatur ejus testamentum: sicut ipsum filium vel heredem instituere, vel nominatim exheredare debet testator, ne non jure faciat testamentum: ita & nepotem neptemve ex filio necesse est ei vel heredem instituere, vel exheredare: ne ~~forte~~ eo vivo filio mortuo, succedat.

succedendo in locum ejus nepos neptisve, quasi adgnatione rumpat testamentum. Idque lege Julia Velleia provisum est, in qua similis exheredationis modus ad similitudinem posthumorum demonstratur.

3. § Emancipator liberos jure civili neque heredes instituere, neque exheredare necesse est: quia non sunt sui heredes. Sed præter omnes, tam foeminini sexus, quam masculini, si heredes non instituantur, exheredari jubet: virilis sexus nominatim: foeminini vero inter cæteros: quia si neque heredes instituti fuerint, neque ita (ut diximus) exheredati, permittit eis prætor contra tabulas testamenti bonorum possessionem.

4. § Adoptivi liberi, quamdiu sunt in potestate patris adoptivi, ejusdem juris habentur, cujus sunt iustis nuptiis quasi. Itaque heredes instituendi, vel exheredandi sunt secundum ea, quæ de naturalibus exposuimus. Emancipati vero à patre adoptivo, neque jure civili, neque (eo jure,) quod ad edictum prætoris attinet, inter liberos connumerantur. Qua ratione accidit, ut ex diverso (quod ad naturalem parentem attinet) quamdiu quidem sunt in adoptiva familia, extraneorum numero habeantur: ut eos neque heredes instituere, neque exheredare necesse sit, cum vero emancipati fuerint ab adoptivo patre: tunc incipiunt in ea causa esse, in qua futuri essent, si à naturali patre emancipati fuissent.

5. § Sed hæc quidem vetustas introducebat, nostra vero constitutio inter masculos & foeminas in hoc jure nil interesse existimans:

quia

quia utraque persona in hominum procreatione simili naturæ officio fungitur, & lege antiqua (duodecim tabularum) omnes similiter ad successionem ab intestato vocabantur, quod & prætores postea secuti esse videntur: ideo simplex ac simile jus, & in filiis & in filiabus & in cæteris descendentibus per virilem sexum personis, non solum jam natis, sed etiam posthumis, introduxit: ut omnes, siue sui, siue emancipati sint vel heredes instituantur, vel nominatim exheredentur: & eundem habeant effectum circa testamenta parentum suorum infirmando, & hereditatem auferendam, quem filii sui vel emancipati habent, siue jam nati sint siue adhuc in utero constituti, postea nati sint. Circa adoptivos autem (filios) certam induximus divisionem, quæ in nostra constitutione, quam super adoptivis edimus, continetur.

6. § Sed si in expeditione occupatus miles testamentum faciat, & liberos suos jam natos, vel posthumos nominatim non exheredaverit, sed (silenzio) præterierit, non ignorans, an habeat liberos: silentium ejus pro exheredatione nominatum facta valere, constitutionibus principum cautum est.

7. § Mater, vel avus maternus necesse non habent liberos suos, aut heredes instituere, aut exheredare: sed possunt eos silencio omittere, nam silentium matris aut avi materni, & cæterorum per matrem ascendentium tantum facit, quantum exheredatio patris. Neque enim mater filium filiamve, neque avo materno nepotem neptemve ex filia, si eum

camve heredem non instituat, exheredare necesse est: siue de iure civili quaeramus, siue de edicto praetoris, quo (praetor) praeteritis liberis contra tabulas bonorum possessionem permittit: sed aliud eis adminiculum servatur, quod paulò post vobis manifestum fiet.

DE HEREDIBUS instituendis.

TITULUS XIV.

Heredes instituere permissum est tam liberis homines, quam servos: & tam proprios quam alienos. Proprios autem olim quidem secundum plurimum sententias non aliter, quam cum libertate, rectè instituere licebat: hodiè verò etiam sine libertate, ex nostra constitutione heredes eos instituere permissum est. Quòd non per innovationem induximus, sed quoniam æquius erat, & Aulicino placuisse Paulus suis libris, quos tam ad Masurium Sabinum, quam ad Plautium feripit, refert. Proprius autem servus etiam is intelligitur, in quo nudam proprietatem testator habet, alio usufructum habente. Est tamen casus in quo nec cum libertate utilis servus à domina heres instituitur, ut constitutione divorum Severi & Antonini cavetur, cuius verba haec sunt: Servum adulterio maculatum, non jure testamento manumissum ante sententiam ab ea muliere videri, quæ rea fuerat ejusdem criminis postulata, rationis est. Quare sequitur, ut in eundem à domina collata heredi institutio, nullus momenti habeatur. Alienus ser-

us etiam is intelligitur, in quo usumfructum testator habet.

1. ¶ Servus autem à domino suo heres institutus siquidem in eadem causa manserit: si ex testamento liber, heresque ei necessarius. Si verò a vivo testatore manumissus fuerit, suo arbitrio adire hereditatem potest: quia non sit heres necessarius, cum utrumque ex domini testamento non consequatur. Quod si alienatus fuerit: jussu novi domini adire hereditatem debet, & ea ratione per eum dominus sit heres nam ipse alienatus, neque liber neque heres esse potest, etiam si cum libertate heres institutus fuerit. destitisse enim a libertatis datione videtur dominus, qui eum alienavit. Alienus quoque servus heres institutus, si in eadem causa duraverit, jussu ejus domini adire hereditatem debet. Si verò alienatus fuerit ab eo aut vivo testatore, aut post mortem ejus, antequam adeat, debet jussu novi domini adire. At si manu missus est vivo testatore, vel mortuo, antequam adeat, suo arbitrio adire potest hereditatem.

2. ¶ Servus etiam alienus post domini mortem rectè heres instituitur: quia & cum hereditariis servis est testamenti factio. Nondum enim adita hereditas, personæ vicem sustinet, non heredis futuri sed defuncti cum etiam ejus, qui in utero est, servus rectè heres instituitur.

3. ¶ Servus (autem) plurium, cum quibus testamenti factio est, ab extraneo institutus heres unicuique dominorum, cujus jussu adiecit, proportionē domini acquirit hereditatē.

4. §. Et unum hominem, & plures usque in infinitum quot quis heredes velit facere, licet.

5. Hereditas plerumque dividitur in duodecim uncias quæ assis appellatione continentur. Habent autem & hæ partes propria nomina ab uncia usque ad assem hæc sextans, quadrans, triens quincunx semis, septunx, bes dodrans, dextans, deunx. Non autem utique (semper) duodecim uncias esse oportet, nam tot uncia æsses efficiunt, quod testator voluerit, & si unum tantum quis ex semisse (verbi gratia) heredem scripserit: totus as in semisse erit. Neque enim idem ex parte testatus, & ex parte intestatus decedere potest: nisi sit miles, cuius sola voluntas in testando spectatur. Et è contrario potest quis in quocunque voluerit plurimas uncias suam hereditatem dividere.

6. §. Si plures instituantur heredes: ita demum in hoc casu partium distributio necessaria est, si nolit testator eos ex æquis partibus heredes esse, satis enim constat, nullis partibus nominatis, ex æquis partibus eos heredes esse. Partibus autem in quorundam personis expressis, si quis alius sine parte nominatus erit: si quidem aliqua pars assis deerit: ex ea parte heres sit. Et si plures sine parte scripti sunt, omnes in eandem partem concurrunt. Si verò totus as completus sit: ii, qui nominatim expressas partes habent in dimidiam partem vocantur: & ille vel illi omnes in alteram dimidiam. Nec interest primus, an medius, an novissimus, sine parte heres scriptus sit,

et enim pars data intelligitur, quæ vacet.

7. ¶ Videamus, si pars aliqua vacet, nec tamen quisquam sine parte sit heres institutus, quid juris sit, veluti si tres ex quartis partibus heredes scripti sunt. Et constat vacantem partem singulis tacite pro hereditaria parte accedere, & perinde haberi, ac si ex tertiis partibus heredes scripti essent, & ex diverso, si plures heredes scripti in portionibus sint: tacite singulis decrescere: ut si (verbi gratia) quatuor ex tertiis partibus heredes scripti sint, perinde habeantur, ac si unusquisque ex quarta parte heres scriptus fuisset.

8. ¶ Et si plures unciae quam duodecim distributæ sint: is, qui sine parte institutus est, quod dupondio deest, habebit. Idemque erit, si dupondius expletus sit, quæ omnes partes ad assem postea revocantur, quamvis sint plurimum unciarum.

9. ¶ Heres & purè & sub conditione institui potest: ex certo tempore, aut ad certum tempus non potest veluti, *post quinquennium quam moriar* vel *ex Calendis illis, vel usque ad Calendas illas heres esto.* Denique diem adiectum haberi pro supervacuo placet: & perinde esse, ac si purè heres institutus esset.

10. ¶ Impossibilis conditio in institutionibus & legatis nec non in fideicommissis & libertatibus, pro non scripta habetur.

11. ¶ Si plures conditiones in institutionibus adscriptæ sunt: siquidem conjunctim, ut puta, *si illud & illud factum fuerit*: omnibus parendum est, si separatim, veluti *si illud aut*

illud factum erit: cui libet (conditioni) obtemperare satis est.

12. §. Ii, quos nunquam testator vidit, heredes institui possunt: veluti si fratris filios peregrinantes, ignorans qui essent heredes instituerit ignorantia enim testantis inutilem institutionem non facit,

DE VULGARI

Substitutione.

TITULUS XV.

Potest autem quis in testamento suo plures gradus heredum facere: ut puta. Si ille heres non erit, ille heres esto? & deinceps, in quantum velit testator: ut novissimo loco in subsidium vel servum necessarium heredem instituere (possit.)

1. §. Et plures in unius locum possunt substitui vel unus in plurium, vel singuli in singulorum, vel invicem ipsi, qui heredes instituti sunt.

2. Et si ex disparibus partibus heredes scriptos invicem substituerit & nullam mentionem in substitutione partium habuerit: eas videtur in substitutione partes dedisse, quas in institutione expressit: & ita divus Pius rescripsit.

3. §. Sed si institutio heredi coherede substituto dato, alius ei substitutus fuerit: divi Severus & Antoninus sine distinctione rescripserunt, ad utramque partem substitutum admitti.

4. §. Si servum alienum quis pauperem familias

DE PUPILLARI SUBSTITUT. 10;
arbitratus, heredem scripserit, & si heres non
esset. Mævium ei substituerit: isque servus ius-
su domini adierit hereditatem: (Mævius) sub-
stitutus, in partem admittitur. Illa enim ver-
ba: *si heres non erit*, in eo quidem, quem alie-
no juri subiectum esse testator scit, sic acci-
piuntur: si neque ipse heres erit, neque alium
heredem effecerit, in eo verò, quem patrem-
familias esse arbitratur illud significant: si he-
reditatem sibi, vel ei, cuius juri postea subie-
ctus esse coeperit, non adquisierit. Idque Ti-
berius Cæsar in persona Parthenii servi sui
constituit.

DE PUPILLARI Substitutione.

TITULUS [XVI.]

Liberis suis impuberibus, quos in potestate
quis habet, non solum ita, ut supra dixi-
mus, substituere potest: id est, ut si heredes ei
non extiterint, alius sit ei heres: sed eo am-
plius ut si heredes extiterint & adhuc impu-
beres mortui fuerint sit eis aliquis heres: velu-
ti si quis dicat hoc modo, Titius, filius meus he-
res mihi esto. Et si filius meus heres mihi non erit:
filius heres eris, & prius moriatur, quam in suam
aetatem venerit: tunc Sejus heres esto. quo casu,
si quidem non extiterit heres filius: tunc sub-
stitutus patri sit heres, si verò extiterit heres
filius, & ante pubertatem decesserit: ipsi filio
sit heres substitutus, nam moribus institutum
est, ut, quum ejus ætatis filii sint, in qua ipsi

sibi testamentum facere non possunt parentes ei faciant.

1. § Qua ratione excitari, etiam constitutionem posuimus in nostro Codice, qua prospectum est, ut si qui mente captos habeant filios, vel nepotes, vel pronepotes, cujuscunque sexus vel gradus: liceat eis, & si puberes sint, ad exemplum pupillaris substitutionis, certas personas substituere, sin autem resipuerint, eandem substitutionem infirmari sancimus: & hoc ad exemplum pupillaris substitutionis, quæ postquam pupillus adoleverit, infirmatur.

2. § Igitur in pupillari substitutione secundum præfatum modum ordinata, duo quodammodo sunt testamenta: alterum patris, alterum filii, tanquam si ipse filius sibi heredem instituisset: aut certe unum testamentum est duarum causarum, id est, duarum hereditatum.

3. § Sin autem quis ita formidolosus sit, ut timeat, ne filius suus pupillus adhuc, ex eo, quod palam substitutum acceperit, post obitum ejus periculo insidiarum subjaceat: vulgarem quidem substitutionem palam facere, & in primis testamenti partibus (ordinare) debet: illam autem substitutionem per quam, si heres extiterit pupillus, & intra pubertatem decesserit substitutus vocatur: separatim in inferioribus partibus scribere eamque partem proprio lino, propriaque cera consignare: & in priore parte testamenti cavere, ne inferiores tabulae vivo filio & adhuc impubere aperiantur. Illud palam est, non ideò minùs

vale,

valere substitutionem impuberis filii; quibus sibi quisque heredem instituisse, quamvis pupillo hoc periculosum sit.

4. § Non solum autem heredibus institutis impuberibus liberis ita substituere parentes possunt, ut si heredes eis exstiterint, & ante pubertatem mortui fuerint, sit eis heres isque quem sibi voluerint: sed etiam exheredatis. Itaque eo casu si quid (exheredato) pupillo ex hereditatibus, legatibus, aut donationibus propinquorum atque amicorum acquisitum fuerit: id omne ad substitutum pertinebit. Quaecunque diximus de substitutione impuberum liberorum, vel heredum institutorum, vel exheredatorum; eadem etiam de posthumis intelligimus.

5. § Liberis autem suis testamentum nemo facere potest, nisi & sibi faciat nam pupillare testamentum, pars & sequela est paterni testamenti: adeo, ut si patris testamentum non valeat: nec filii quidem valebit.

6. § Vel singulis liberis, vel ei, qui eorum novissimus impubes morietur, substitui potest, singulis quidem, si neminem eorum intestatum decedere voluerit: novissimo si ius legitimatum hereditatum integrum eos constituere velit.

7. § Substituitur autem impuberi aut nominatim veluti Titus: aut generaliter, ut quisquis mihi heres erit. Quibus verbis vocantur ex substitutione, impubere mortuo filio, illi, qui & scripti sunt heredes, & exstiterunt, & pro qua parte heredes facti sunt.

3. § Masculo igitur usque ad quatuordecim annos substitui potest; foeminae usque ad duodecim annos : & si hoc tempus excefferint, substitutio evanescit.

9. § Extraneo verò, vel filio puberi heredi instituto, ita substituere nemo potest, ut si heres exstiterit. & intra aliquod tempus decesserit, alius ei sit heres: sed hoc solum permissum est, ut eum per fideicommissum testator obliget alii hereditatem ejus, vel totam vel pto parte restituere, quod ius quale sit, suo loco trademus.

QUIBUS MODIS

Testamenta infirmantur.

TITULUS XVII.

Testamentum jure factum usque eo valet donec rumpatur, irritumve fiat.

1. § Rumpitur autem testamentum, cum in eodem statu manente testatore ipsius testamenti ius vitietur. Si quis enim post factum testamentum adoptaverit, sive filium per Imperatorem, eum qui est sui juris: aut per prætorem, secundum nostram constitutionem, eum, qui in potestate parentis fuerit: testamentum ejus rumpitur, quasi adignatione sui heredis.

2. § Posteriori quoque testamento, quod jure perfectum est superius rumpitur, nec interest, exstiterit al quis heres ex eo an non, hoc enim solum spectatur, an aliquo casu exstiterit potuerit. Ideoque si quis noluerit heres esse aut vivo testatore, aut post mortem ejus, antequam hereditatem adiret, decesserit: aut

condi.

conditione, sub qua heres institutus est, defectus sit in his casibus paterfamilias intestatus moritur. Nam & prius testamentum non valet, ruptum a posterore: & posterius æque nullas habet vires cum ex eo nemo heres exstiterit.

3. ¶ Sed & si quis priore testamento jure perfecto posterius æque jure fecerit: etiam si ex certis rebus in eo heredem instituerit: superius tamen testamentum sublatum esse divi Severus & Antoninus rescripserunt: cujus constitutionis verba (& hic) inferi iussimus, quum aliud quoque præterea in ea constitutione expressum sit Imperatores Severus & Antoninus Coccejo Campano, Testamentum secundo loco factum, licet in eo certarum rerum heres scriptus sit, perinde jure valere, ac si rerum mentio facta non esset: sed & teneri heredem scriptum, ut contentus rebus sibi datis, aut suppleta quarta ex lege Falcidia, hereditatem restituat his, qui in priori testamento scripti fuerant propter inserta fideicommissi verba, quibus, ut valeret prius testamentum, expressum esse dubitari non oportet. Et ruptum quidem testamentum hoc modo efficitur.

4. ¶ Alio autem modo testamenta jure facta infirmantur: veluti cum is, qui fecit testamentum capite diminutus sit, quod quibus modi accidat primo libro retulimus.

5. ¶ Hoc autem casu irrita fieri testamenta dicuntur: quum alioquin & quæ rumpuntur, irrita fiant: & ea quæ statim ab initio non jure fiunt, irrita sunt, sed & ea, quæ jure facta sunt & postea per capitis diminutionem irrita fiunt, possumus nihilominus rupta dicere.

Sed quia sanè commodius erat singulas causas singulis appellationibus distinguere, ideo quædam non jure facta dicuntur, quædam jure facta rumpi, vel irrita fieri.

6. § Non tamen per omnia inutilia sunt testamenta quæ ab initio jure facta, per capitis diminutionem irrita facta sunt, nam si septem testium signis signata sunt: potest scriptus heres secundum tabulas testamenti bonorum possessionem agnoscere, si modo detransactus & civis Romanus, & suæ potestatis mortis tempore fuerit. Nam si ideo irritum factum sit testamentum, quia civitatem, vel etiam libertatem testator amisit, aut quia in adoptionem se dedit, & mortis tempore in adoptivi patris potestate sit: non potest scriptus heres secundum tabulas bonorum possessionem petere.

7. § Et eo autem solo non potest infirmari testamentum, quod postea testator id noluerit valere: usque adeò, ut & si quis post factum prius testamentum posterius facere coeperit: & aut mortalitate præventus, aut quia ejus rei poenituit, id non perfecerit: divi Pertinacis oratione cautum sit, ne alias tabulæ priores jure factæ irritæ fiant, nisi sequentes jure ordinatæ & perfectæ fuerint, nam imperfectum sine dubio nullum est.

8. § Eadem oratione expressit, non admissurum se hereditatem ejus, qui litis causa principem reliquerit heredem: neque tabulas non legitimè factas, in quibus ipse ob eam causam heres institutus erat, probaturum: neque ex nuda voce heredis nomen admissurum: neque ex nuda scriptura, cui juris auctoritas de-

fit,

Et aliquid adepturum Secundum hoc divi Severus & Antoninus sæpiissime rescripserunt. Licet enim (inquiunt) legibus soluti simus, attamen legibus vivimus.

DE INOFFICIOSO Testamento.

TITULUS XVIII.

Quia plerumque parentes sine causa liberos suos exheredant, vel omittunt: indutum est, ut de inofficioso testamento agere possint liberi, qui queruntur, aut inique se exheredatos aut inique præcitos: hoc colore, quasi non sanæ mentis fuerint, cum testamentum ordinarent. Sed hoc dicitur, non quasi vere furiosus sit, sed recte quidem fecerit testamentum non autem ex officio pietatis. Nam si vere furiosus sit, nullum testamentum est.

1. § Non autem liberis tantum permissum est testamentum parentum inofficiosum accusare, verum etiam liberorum parentibus. Soror autem & frater turpibus personis scriptis heredibus, ex sacris constitutionibus præiuncti sunt. Non ergo contra omnes heredes agere possunt. Ultra fratres igitur & sorores cognati nullo modo aut agere possunt aut agentes vincere.

2. § Tam autem naturales liberi, quam secundum nostræ constitutionis divisionem adoptati, ita deinde de inofficioso testamento agere possunt, si nullo alio jure ad defuncti bona venire possint. Nam qui ad hereditatem

totam vel partem ejus, alio jure veniunt, de inofficioso agere non possunt Posthumi quoque, qui nullo alio jure venire possunt, de inofficioso agere possunt.

3. § Sed hæc ita accipienda sunt, si nihil eis penitus à testatoribus testamento relictum est, quod nostra constitutio ad verecundiam naturæ introduxit. Sin verò quantacunque pars hereditatis vel res eis fuerit relictæ: de inofficioso querela quiescente, id, quod eis deest, usque ad quartam legitimæ partis repletur: licet non fuerit adjectum, boni viri arbitratu debere eam compleri.

4. § Si tutor nomine pupilli, cujus tutelam gerebat, ex testamento patris sui legatum acceperit cum nihil erat ipsi tutori relictum à patre suo: nihilominus poterit nomine suo de inofficioso patris testamento agere.

5. § Sed si è contrario pupilli nomine, cui nihil relictum fuerat, de inofficioso egerit, superatus est: ipse (tutor) quod sibi in testamento eodem legatum relictum est, non remittit.

6. § Iterum quartam quis debet habere, ut de inofficioso agere non possit, sive jure hereditario, sive jure legati vel fideicommissi: vel si mortis causa ei quarta donata fuerit, vel inter vivos: in his tantummodo casibus, quorum mentionem facit nostra constitutio: vel aliis modis, qui (in nostris) constitutionibus continentur. Quod autem de quarta diximus, ita intelligendum est ut sive unus fuerit, sive plures, quibus agere de inofficioso testamento permittitur: una quarta eis dari possit, ut ea
pro

DE HERED. QUAL. ET DIFF. IM
pro rata eis distribuatur: id est, pro virili por-
tione quarta.

DE HEREDUM QUALITATE, & differentia.

TITULUS XIX.

Heredes autem, aut necessarii dicuntur, aut
sui & necessarii, aut extranei.

1. § Necessarius heres, est servus heres in-
stitutus. Ideoque sic appellatur quia si ve-
lit siue nolit, omnino post mortem testatoris
protinus liber & necessarius heres fit. Unde
qui facultates suas suspectas habent: solent
servum suum primo aut secundo aut etiam
ulteriore gradu heredem instituere: ut si cre-
ditoribus satis non fiat, p. tuis eius heredis
bona, quam ipsius testatoris a creditoribus
possideantur, vel distrahantur vel inter eos di-
vidantur. Pro hoc tamen incommodo illud
ei commodum praestatur: ut ea quae post mor-
tem patroni sui sibi adquisierit ipsi reserven-
tur. Et quamvis bona defuncti non sufficiant
creditoribus: (iterum) tamen ex ea causa res
eius, quas sibi adquisierit, non veniunt.

2. § Sui autem & necessarii heredes sunt
veluti filius filia, nepos neptisq; ex filio & de-
inceps ceteri liberi, qui in potestate morientis
modo fuerint. Sed ut nepos neptisve sui here-
des sint, non sufficit eum eamve in potestate
avi mortis tempore fuisse: sed opus est, ut pa-
ter ejus vivo patre suo defierit suus heres esse,
aut morte interceptus, aut qualibet alia ratio-
ne

ne liberatus à patris potestate tunc enim ne-
pos neptive in locum patris sui succedit. Sed
sui quidem heredes ideo appellantur, quia
domestici heredes sunt, & vivo quoque patre
quodammodo domini existimantur. Unde
etiam si quis intestatus moriatur: prima causa
est in successione liberorum. Necessarii verò
ideo dicuntur, quia omninò, si e velint, si e
nolint, tam ab intestato, quam ex testamento
(ex lege duodecim tabularum) heredes sunt.
Sed his prætor permittit volentibus abstinere
hereditate: ut potius parentis quam ipsorum
bona similiter à creditoribus possideantur.

3. § Cateri, qui testatoris juri subiecti non
sunt, extranei heredes appellantur. Itaque li-
beri quoq; nostri, qui in potestate nostra non
sunt, heredes à nobis institui extranei heredes
nobis videntur. Qua de causa, & qui heredes
à matre instituuntur, eodem numero sunt:
quia foemina in potestate liberos non ha-
bent. Servus quoque heres à domino institu-
tus & post testamentum factum ab eo manu-
missus, eodem numero habetur.

4. § In extraneis heredibus illud observa-
tur, ut sit cum eis testamenti factio: si ve here-
des i, si instituuntur, si ve hi, qui in potestate
eorum sunt & id duobus temporibus inspici-
tur: testamenti quidem (facti) tempore, ut
constiterit institutio mortis verò testatoris,
ut effectum habeat: hoc amplius, & cum adit
hereditatem, esse debet cum eo testamenti fa-
ctio, si ve purè, si ve sub cond tiane heres insti-
tutus sit, nam jus heredis eo maximè tempore
inspiciendum est, quo acquirit hereditatem.

Medio autem tempore, inter factum testamentum & mortem testatoris, vel conditionem institutionis existentem, mutatio juris non nocet heredi: quia (ut diximus) tria tempora inspicere debent. Testamenti autem factionem non solum is habere videtur, qui testamentum facere potest: sed etiam qui ex alieno testamento vel ipse capere potest, vel alii adquirere licet non possit facere testamentum. Et ideo furiosus & mutus, & posthumus, & infans, & filius familias, & servus alienus testamenti factionem habere dicuntur. Licet enim testamentum facere non possint, atamen ex testamento vel sibi, vel alii adquirere possunt.

5. § Extraneis autem heredibus deliberandi potestas est de adeunda hereditate, vel non adeunda. Sed si ve is, cui abstinendi potestas est, immiscuerit se bonis hereditatis, si ve extraneus, cui de adeunda hereditate deliberare licet, adierit: postea relinquenda hereditatis facultatem non habet, nisi minor sit viginti quinque annis. Nam hujus ætatis hominibus, sicut in cæteris omnibus causis deceptis: ita & si temerè damnosam hereditatem susceperint prætor succurrit. Sciendum est tamen, divum Hadrianum etiam majori viginti quinque annis veniam dedisse, cum post aditam hereditatem grande æs alienum, quod aditæ hereditatis tempore latebat, emerisset. Sed hoc quidem divus Hadrianus cuidam speciali beneficio præstitit: divus autem Gordianus postea militibus tantummodo hoc concessit.

6. § Sed nostra benevolentia commune omnibus subjectis Imperio nostro hoc benefici-

ficiam præstitit: & constitutionem tam æquissimam quam nobilissimam scripsit: cujus te-
morem si observaverint homines, licet eis adire
hereditatem, & in tantum teneri, quantum
vale e bona hereditatis contingit: ut ex hac
causa neque deliberationis auxilium sit eis
necessarium, nisi omissa observatione nostræ
constitutionis, & deliberandum existimave-
rint & sese veteri gravamini aditionis suppo-
nere maluerint.

6. § Item extraneus heres testamento in-
stitutus, aut ab intestato ad legitimam heredi-
tatem vocatus, potest aut pro herede gerendo,
aut etiam nuda voluntate suscipiendæ here-
ditatis heres fieri. Pro herede autem gerere
quis videtur, si rebus hereditariis tamquam
heres utatur: vel vendendo res hereditarias,
vel prædia colendo locandove, & quoque mo-
do voluntatem suam declaret, vel re, vel ver-
bo de adeunda hereditate: dummodo scias
eum, in cuius bonis pro herede gerit, testatum
intestatumve obiisse, & se ei heredem esse. Pro
herede enim gerere, est pro domino gerere.
Veteres enim heredes pro dominis appella-
bant. Sicut autem nuda voluntate extraneus
heres fit: ita contraria destinatione statim ab
hereditate repellitur. Eum, qui surdus vel
mutus natus, vel postea factus est, nihil prohi-
bet pro herede gerere, & acquirere sibi here-
ditatem, si tamen intelligit, quod agit.

DE LEGATIS.

TITULUS XX.

Post hæc videamus de legatis: quæ pars juris extra propositam quidem materiam videtur, (nam loquimur de iis juris figuris, quibus per universitatem res nobis adquiruntur) sed cum omninò de testamentis & de heredibus, qui in testamento instituntur, loquuti sumus: non sine causa sequenti loco potest hæc materia tractari.

1. §. Legatum itaque est donatio quædam à defuncto relicta, ab herede præstanda

2. §. Sed olim quinam erant legatorum genera quatuor; per vindictam nem per damnationem, suendi modo per præceptionem: & certa quædam verba cuiq. generi legatorum adsignata erant per quæ singula genera legatorum significabantur. Sed ex constitutionibus divorum Principum solennitas huiusmodi verborum penitus sublata est. Nostra autem constitutio, quam cum magna fecimus lucubratione defunctorum voluntates validiores esse cupientes, & non verbis, sed voluntatibus eorum faventes, disposuit ut omnibus legatis una sit natura, & quibuscunq; verbis, aliquid relictum sit, liceat legatariis id persequi, non solum per actiones personales, sed etiam per in rem, & per hypothecam. Cujus constitutionis perpensum modum ex ipsius tenore perfectissimè accipere possibile est.

3. §. Sed non usque ad eam constitutionem standum esse existimavimus. Cum enim anti-

quitatem invenimus legata quidem strictè
concludentem, fideicommissis autem quæ ex
voluntate magis descendebant defunctorum,
pinguiorum naturam indulgentem: necessa-
rium esse duximus, omnia legata fideicom-
missis exæquare: ut nulla sit inter ea differen-
tia: sed quod deest legatis, hoc repleatur ex
natura fideicommissorum & si quid amplius
est in legatis, per hoc crescat fideicommisso-
rum natura. Sed ne in primis legum cunabu-
lis permittim de his exponendo studiosis ad-
olescentibus quandam introducamus diffi-
cultatem: operæ pretium esse duximus, inte-
rim separatim prius de legatis: & postea de fi-
deicommissis tractare, ut natura utriusque ju-
ris cognita, facile possint permissionem eo-
rum eruditi subtilioribus auribus accipere.

4. § Non solum autem testatoris vel here-
dis res, sed etiam aliena legari potest: ita, ut
heres cogatur redimere eam & præstare: vel si
eam non potest redimere, æstimationem ejus
dare. Sed si talis sit res cujus commercium nõ
est. (vel adipisci non potest:) hæc æstimatio e-
jus debetur, veluti si campum Martium, vel
basilicas, vel templa, vel quæ publico usui de-
stinata sunt, legaverit, nam nullus momenti
(tale) legatum est. Quod autem diximus alie-
nam rem posse legari: ita intelligendum est, si
defunctus sciebat alienam rem esse non si ig-
norabat. Forsitan enim si scivisset alienam
rem esse, non legasset & ita divus Pius rescri-
psit. Et verius est ipsum qui agit id est, legata-
rium probare oportere scivisse alienam rem
legare defunctum: non heredem probare o-

portere, ignorasse alienam: quia semper necessitas probandi incumbit illi, qui agit.

5. § Sed & si rem obligatam creditori aliquis legaverit necesse habet heres(eam) luere. Et(in) hoc quoque casu idem placet, quod in re aliena; ut ita eam luere necesse habeat heres, si sciebat defunctus rem obligatam esse & ita divi Severus & Antoninus rescripserunt. Si tamen defunctus voluerit legatarium luere, & hoc expresserit: non debet heres eam luere.

6. § Si res aliena legata fuerit: & ejus rei vivo testatore legatarius dominus factus fuerit; si quidem ex causa emptionis: ex testamento actione pretium consequi potest. Si vero ex causa lucrativa, veluti ex donatione, vel ex alia simili causa agere non potest: nam traditum est duas lucrativas causas in eundem hominem & eandem rem concurrere non posse. Hac ratione, si ex duobus testamentis eadem res eidem debeatur: interest, utrum rem, an æstimationem ex testamento consequutus sit, nam si rem habet, agere non potest, quia habet eam ex causa lucrativa, si æstimationem, agere non potest.

7. § Ea quoque res, quæ in rerum natura non est, si modò futura est, rectè legatur: veluti fructus, qui in illo fundo nati erunt, aut quod ex illa ancilla natum erit.

8. § Si eadem res duobus legata sit, sive conjunctim, sive disjunctim: si ambo perveniant ad legatum, scinditur inter eos legatus, si alter deficiat (quia aut spreverit legatum, aut vivo testatore decesserit, vel alio quoque

modo defectu rit) totum ad collegatarium pertinet. Coniunctim autem legatur, ve uti si quis dicat, Titio & Sejo hominem Stichum do lego, disiunctum ita, Titio hominem Stichum do lego, Sejo hominem Stichum do lego Sed & si expresserit eundem hominem Stichum, æque disiunctim legatum intelligitur.

9. § Si cui fundus alienus legatus sit, & emerit proprietatem deducto usufructu, & usufructus ad eum pervenerit, & postea ex testamento agat: recte eum agere, & fundum petere, Julianus ait: quia usufructus in petitione, servitutis locum obtinet Sed officio iudicis continetur ut deducto usufructu, iubeat æstimationem præstari.

10. § Sed si rem legatarii quis ei legaverit, inutile est legatum: quia quod proprium est ipsius amplius ejus fieri non potest: & licet alienaverit eam, non debetur nec ipsa res, nec æstimatio ejus.

11. § Si quis rem suam quasi alienam legaverit, valet eorum, nam plus valet quod in veritate est quam quod in opinione. Sed & si legatarii esse putavit valere constat quia exitum voluntas defuncti habere potest.

12. § Si rem suam legaverit testator, posteaque eam alienaverit: Celsus putat, si non ad emendi animo vendidit, nihilominus deberi. Idemque divi Severus & Antoninus rescripserunt. Idem rescripserunt eum, qui post testamentum factum prædia, quæ legata erant, pignori dedit. ad emisse legatum non videri: & ideo legatarium cum hærede (ejus) agere posse, ut prædia à creditore luantur. Si

verò quis partem rei legata alienaverit, pars, quæ non est alienata omninò debetur, pars autem alienata ita debetur, si non adimendi animo alienata sit

13. § Si quis debitori suo liberationem legaverit, legatum utile est: & neque ab ipso debitor, neque ab herede ejus potest heres petere: neque ab alio, qui hæredis loco sit. Sed & potest à debitore conveniri, ut liberet eum. Potest etiam quis vel ad tempus jubere, ne heres petat.

14. § Ex contrario, si debitor creditori suo quod debet legaverit: inutile est legatum, si nihil plus est in legato quam in debito: quia nihil amplius per legatum habet. Quod si in diem, vel sub conditione debitum ei pure legaverit: utile est legatum propter repræsentationem. Quod si vivo testatore dies venerit, vel conditio extiterit: Papinianus scripsit, utile esse nihilominus legatum: quia semel constitit quod & verum est. Non enim placuit sententia existimantium, extinctum esse legatum, quia in eam causam pervenerit, à qua incipere non potest

15. § Sed si uxori maritus dorem legaverit, valet legatum: quia plenius est legatum quam de dote actio. Sed si, quam non accepit dotē, legaverit: divi Severus & Antoninus rescripserunt, si quidem simpliciter legaverit, inutile esse legatum: si verò certa pecunia, vel certum corpus, aut instrumenta dotis in prælegando demonstrata sunt, valere legatum

16. § Si res legata sine facto heredis perierit, legatario decedit. Et si servus alienus lega-

ius sine facto heredis manumissus fuerit: non tenetur heres. Si vero heredis servus legatus sit, & ipse eum manumiserit, teneri ipsum Julianus scripsit nec interest, sciverit, an ignoraverit a se legatum esse. Sed & si alii donaverit servum, & is cui donatus est, eum manumiserit: tenetur heres, quamvis ignoraverit a se eum legatum esse.

12. § Si quis ancillas cum suis natis legaverit, etiam si ancillæ mortuæ fuerint, partus legato cedunt. Idem est, & si ordinarii servi cum vicariis legati fuerint: quia licet mortui sint ordinarii, tamen vicarii legato cedunt. Sed si servus fuerit cum peculio legatus: mortuo servo vel manumisso, vel alienato, peculii legatū extinguitur. Idem est, si fundus instructus vel cum instrumento legatus fuerit. Nam fundo alienato, & instrumenti legatum extinguitur.

18. § Si grex legatus fuerit: & postea ad unam ovem pervenerit: quod superfuerit, vindicari potest. Grege autem legato, etiam eas oves, quæ post testamentum factum gregi adjiciuntur, legato cedere, Julianus ait. Est autem gregis unum corpus ex distantibus capitibus, sicut ædium unum corpus est ex cohaerentibus lapidibus.

19. § Aedibus denique legatis, columnas & marmora, quæ post testamentum factum adjecta sunt, legato (dicimus) cedere.

20. § Si peculium legatum fuerit: sine dubio, quicquid peculio accedit, vel decedit vivo testatore, legatarii lucro vel dāno est. Quod si post mortem testatoris ante aditam hereditatem (aliquid) servus adquisierit: Julianus

ait,

ait, si quidem ipsi manumisso peculium legatum fuerit: omne, quod ante aditam hereditatem adquisitum est, legatario cedere, quia huiusmodi legati dies ab adita hereditate cedit, sed si extraneo peculium legatum fuerit: non cedere ea legato, nisi ex rebus peculiaribus auctum fuerit peculium. Peculium autem, nisi legatum fuerit, manumisso non debetur: quamvis si vivus manumiserit, sufficit, si non adimatur, & ita divi Severus & Antoninus rescripserunt. Idem rescripserunt, peculio legato, non videri id relictum, ut petitionem habeat pecuniæ, quam in rationes dominicas impenderit. Idem rescripserunt, peculium videri legatum, cum rationibus redditis liber esse iussus est, & ex eo reliqua inferre.

21. § Tam autem corporales res legari possunt, quam incorporales: & ideo quod defuncto deberetur, potest alicui legari, ut actiones suas heres legatario præstet: nisi exegerit vivus testator pecuniam, nam hoc casu legatum extinguitur. Sed & tale legatum valet, *Damnas esto heres meus domum illius reficere, vel illum are alieno liberare.*

22. § Si generaliter servus vel res alia legatur: electio legatarii est, nisi aliud testator dixerit.

23. § Optionis legatum, (id est,) ubi testator ex servis suis, vel aliis rebus optare legatarium iusserat, habebat olim in se conditionem: & ideo nisi ipse legatarius vivus optasset, ad heredem legatum non trans mittebat: sed ex constitutione nostra & hoc in meliorem statum reformatum est: & data est licentia heredi legatarii

gatarii optare (servum,) licet vivus legatarius hoc non fecerit. Et diligentiore tractatu habito, & hoc in nostra constitutione additum est: siue plures legatarii extiterint, quibus optio relicta est, & dissentiant in corpore eligendo: siue unius legatarii plures heredes (sint,) & inter se circa optandum dissentiant, alio aliud corpus eligere cupiente, ne pereat legatum (quod plerique prudentium contra benevolentiam introducebant) fortunam esse huius optionis iudicem, & fortè hoc esse dirimendum, ut ad quem fors venerit, illius sententia in optione præcellat.

24. § Legati autem illis solum potest, cum quibus testamenti factio est.

25. § Incertis vero personis neque legata, neque fideicommissa olim relinqui concessum erat. Nam ne miles quidem incertæ personæ poterat relinquere, ut divus Hadrianus rescripsit. Incerta autem persona videbatur, quam incerta opinione animo suo testator subiciebat: veluti si quis ita dicat, *quisunque fil. o meo filiam suam in matrimonium dederit, ei heres meus illum fundum dato* Illud quoque, quod iis relinquebatur, qui post testamentum scriptum primi Consules designati essent: æquè incertæ personæ legari videbatur, & denique multæ aliæ huiusmodi species sunt. Libertas quoque incertæ personæ non videbatur posse dari, quia placebat nominatim servos liberari. Sub certa vero demonstratione, id est, ex certis personis incertæ personæ rectè legabatur: veluti, *ex cognatis meis, qui nunc sunt, si quis filiam meam uxorem duxerit, ei heres meus illam rem dato*. Incertis autem personis legata

Legata vel fideicommissa relicta, & per erro-
rem soluta, repeti non posse, sacris constitu-
tionibus cautum erat.

26. ¶ Posthumus quoque alieno inutiliter
(antea) legabatur. Est autem alienus posthu-
mus, qui natus inter suos, heres testatori futu-
rus non est. Ideoque ex emancipato filio con-
ceptus nepos, extraneus erat posthumus avo.

27. ¶ Sed nec huiusmodi species penitus
est sine iusta emendatione relicta, quum in
nostro Codice constitutio posita sit, per quam
& huic parti medemur, non solum in heredi-
tatibus, sed etiam in legatis & fideicommis-
sis: quod evidenter ex ipsius constitutionis le-
ctione clarescit. Tutor autem nec per no-
stram constitutionem incertus dari debet:
quia certo iudicio debet quis pro tutela sue
posteritati cavere.

28. ¶ Posthumus autem alienus heres in-
stitui & ante poterat, & nunc potest, nisi in
uero ejus sit, quæ jure nostrorum esse non
potest.

29. ¶ Si quidem in nomine, cognomine,
prænomine, (agnomine) legatarii testator
erraverit: cum de persona constet, nihilomi-
nus valet legatum. Idemque in heredibus
servatur, & rectè. Nomina enim, significan-
dorum hominum gratia reperta sunt: qui si
alio quolibet modo intelligantur, nihil inter-
est.

30. ¶ Huic proxima est illa juris regula,
salva demonstratione legatum non perimitur
veluti si quis ita legaverit, *Stichum servum meum*
um vernam do lego. licet enim non verna, sed em-
ptus sit: si tamè de servo constat, utile est lega-

tum. Et convenienter, si ita demonstraverit; Stichum servum, quem à Sejo emi, sique ab alio emptus; utile est legatum, si de servo constat.

31. § Longè magis legato falsa causa (adjecta) non nocet: veluti cum quis ita dixerit: Titio, quia me absente negotia mea curavit, Stichum do lego: vel ita, Titio, quia patrocinio ejus capitali crimine liberatus sum, Stichum do lego. Licet enim neque negotia testatoris unquam gesserit Titius, neque patrocinio ejus liberatus sit, legatum tamen valet. Sed si conditionaliter enunciata fuerit causa: aliud juris est, veluti hoc modo, Titio, si negotia mea curaveris, fundum (meum) do lego.

32. § An servo heredis rectè legemus, quaeritur, & constat purè inutiliter legari, nec quicquam proficere, si vivo testatore de potestate heredis exierit: quia quod inutile foret legatum, si statim post factum testamentum decessisset testator, hoc non debet ideo valere, quia diutius testator vixerit. Sub conditione verò rectè legatur (servo,) ut requiramus, an quo tempore dies legati cedit, in potestate heredis non sit.

33. § Ex diverso, herede instituto servo, quin domino rectè etiam sine conditione legetur, non dubitatur. Nam etsi statim post factum testamentum decesserit testator: non tamen apud eum, qui heres sit, dies legati cedere intelligitur: cum hereditas à legato separata sit: & possit per eum servum alius heres effici, si prius, quam jussu domini adeat, in alterius potestatem translatus sit: vel manumissus ipse heres efficitur: quibus casibus utile est lega-

rum:

eum: quod si in eadem causa permanferit, & juffu legatarii adierit: evanefcit legatum.

34. ¶ Ante heredis institutionem inutiliter antea legabatur: fcilicet quia teftamenta vim ex institutione heredis accipiunt, & ob id veluti caput atque fundamentum intelligitur totius teftamenti heredis institutio. Pari ratione nec libertas ante heredis institutionem dari poterat. Sed quia incivile effe putavimus, fcripturæ ordinem quidem fequi (quod & ipfi antiquitati vituperandum fuerat vifum) fperni autem teftatoris voluntatem: per noftram constitutionem & hoc vitium emendavimus: ut liceat & ante heredis institutionem, & inter medias heredum institutiones legatum relinquere, & multo magis libertatem, cujus ufus favorabilior eft.

35. ¶ Post mortem quoque heredis aut legatarii fimili modo inutiliter legabatur: veluti fi quis ita dicat, *cum heres meus mortuus fuerit, do lego.* Item, *pridie quam heres aut legatarius morietur.* Sed fimili modo & hæc correximus, firmitatem hujusmodi legatis ad fideicommiſſorum fimilitudinem præſtantes: ne in hoc caſu deterior caufa legatorum, quàm fideicommiſſorum inveniat.

36. ¶ Poenæ quoque nomine inutiliter (antea) legabatur & adimebatur, vel transferebatur. Poenæ autem nomine legari videtur, quod coercendi heredis caufa relinquitur, quo magis aliquid faciat, aut non faciat: veluti fi quis ita ſcripſerit: *heres meus ſi filiam ſuam in matrimonium Titio collocaverit: vel ex diverſo: ſi non collocaverit, dato decem aureos Sejo:* aut ſi

ita scripserit *heres meus si servum Stichum alienaverit: vel ex diverso, si non alienaverit. Titio decem aureos dato.* Et in tantum hæc regula observabatur, ut quam plurimis principalibus constitutionibus significaretur, nec principem agnoscere, quod ei pœnæ nomine legatum sit, nec ex militis quidem testamento talia legata valebant, quamvis aliæ militum voluntates in ordinandis testamentis valdè observabantur. Quin etiam nec libertates pœnæ nomine dari posse placebat, eo amplius nec heredem pœnæ nomine adjici posse, Sabinus existimabat: veluti si quis ita dicat; *Titius heres esto, si Titius filiam suam in matrimonium Sejo collocaverit, Sejus quoque heres esto.* Nihil enim intererat, qua ratione Titius coherceretur, utrum legati datione, an coheredis adjectione. Sed hujusmodi scrupulositas nobis non placuit, & generaliter ea, quæ relinquuntur, licet pœnæ nomine fuerint relicta, vel adempta, vel in alium translata: nihil distare à cæteris legatis constituimus, vel in dando, vel in adimendo, vel in transferendo: exceptis videlicet iis, quæ impossibilia sunt, vel legibus interdicta, aut alias probrosa. Hujusmodi enim testamentorum dispositiones valere, secta meorum temporum non patitur.

DE ADEMPTIONE legatorum, & translatione.

TITVLVS XXI.

A Demptio legatorum (sive eodem testamento adimantur, sive codicillis) firma est.

est, sed & si contrariis verbis fiat ademptio: veluti si quis ita quid legaverit, *do lego*: ita adimatur, *non do, non lego*, si contrariis: sed & aliis quibuscunque verbis.

1. ¶ Transferri quoque legatum ab alio ad alium potest: veluti si quis ita dixerit: *hominem Stichum, quem Titio legavi, Sejo, do lego*: si in eodem testamento, si in codicillis hoc fecerit, quo casu simul (&) Titio adimi videatur, & Sejo dari.

DE LEGE FALCIDIA.

TITVLVS XXII.

Superest, ut de lege Falcidia dispiciamus, quomodus novissimè legatis impositus est. Cum enim olim lege duodecim tabularum libera erat legandi potestas, ut liceret vel totum patrimonium legatis erogare, (quippe) (cum ea lege ita cautum esset: *ut quisque legasset suae rei, ita ius esto*) visum est hanc legandi licentiam coarctare: idque ipsorum testatorum gratia provisum est. ob id, quod plerumque intestati moriebantur, recusantibus scriptis heredibus pro nullo aut minimo lucro hereditates adire. Et cum super hoc tam lex Furia, quam lex Voconia latae sunt, quarum neutra sufficiens ad rei consummationem videbatur: novissimè lata est lex Falcidia, qua caveatur, ne plus legare liceat, quam dodrantem totorum bonorum: id est, ut siue unus heres institutus sit, siue plures apud eam eoque pars quarta remaneat.

2. ¶ Et cum quaesitum esset, duobus heredi-
bus institutis (veluti Titio & Sejo) si Titii
pars, aut tota exhausta sit legatis, quæ nomi-
natim ab eo data sunt, aut supra modum one-
rata: à Sejo vero aut nulla relictæ sint legata,
aut quæ partem ejus duntaxat in partem di-
midiam minuunt: an quia is quartam partem
totius hereditatis aut amplius habet, Titio ni-
hil ex legatis, quæ ab eo relictæ sunt, retinere
liceat, ut quartam partem suæ partis salvam
habeat: placuit posse retinere, etenim in singu-
lis heredibus ratio legis Falcidiæ ponenda est.

3. ¶ Quantitas autem patrimonii, ad quam
ratio legis Falcidiæ redigitur, mortis tempore
spectatur. Itaq; (verb gr.) si is, qui centum au-
reorum patrimonium in bonis habeat, cen-
tum aureos legaverit: nihil legatariis prodest,
si ante aditam hereditatem per servos here-
ditarios, aut ex partu ancillarum heredita-
riarum, aut ex foetu pecorum tantum accesse-
rit hereditati, ut centum (aut eis) legatorum
nomine erogatis heres quartam partem here-
ditatis habiturus sit: sed necesse est, ut nihilo-
minus quarta pars legatis detrahatur. Ex di-
verso, si septuagintaquinque legaverit, & an-
te aditam hereditatem in tantum decreve-
rint bona (incendiis fortè, aut naufragiis, aut
morte servorum) ut non amplius, quam sep-
tuagintaquinque (aureorum substantia.) vel
etiam minus relinquatur: solida legata de-
bentur. Nec ea res damnosa est heredi, cui li-
berum est non adire hereditatem: quæ res ef-
ficat, ut sit necesse legatariis, ne destituito te-
stamento nihil consequantur, cum herede in
portione pacisci.

4. ¶ Cùm autem ratio legis Falcidiæ ponitur, ante deducitur æs alienum: item funeris impensa, & pretia servorum manumissorum: tunc demum in reliquo ita ratio habetur, ut ex eo quarta pars apud heredem remaneat, tres vero partes inter legatarios distribuuntur: pro rata scilicet portione ejus, quod cuique eorum legatum fuerit. Itaque si fingamus quadringentos aureos legatos esse, & patrimonii quantitatem, ex qua legata erogari oportet, quadringentorum esse: quarta pars legatariis singulis debet detrahi. Quod si trecentos quinquaginta legatos fingamus: octava debet detrahi. Quod si quingentos legaverit: initio quinta, deinde quarta detrahi debet. Ante enim detrahendum est, quod extra bonorum quantitatem est: deinde quod ex bonis apud heredem remanere oportet.

DE FIDEICOMMISSARIIS

hereditatibus: (& ad Senatusconsultum Trebellianum.)

TITVLVS XXIII.

Nunc transeamus ad fideicommissa, sed prius est, ut de hereditatibus fideicommissariis videamus.

1. ¶ Sciendum itaque est, omnia fideicommissa primis temporibus infirma fuisse, quia nemo invitus cogebatur præstare id, de quo rogatus erat. Quibus enim non poterant hereditatem, vel legata relinquere, si relinque-

bant, fidei committebant eorum, qui capere ex testamento poterant (hereditatem.) Et ideo fideicommissa appellata sunt, quia nullo vinculo juris, sed tantum pudore eorum, qui rogabantur, continebantur. Postea divus Augustus primus, semel iterumque gratia personarum motus, vel quia per ipsius salutem rogatus quis diceretur, aut ob insignem quorundam perfidiam, iussit consulibus auctoritatem suam interponere. Quod quia justum videbatur, & popolare erat: paulatim conversum est in assiduam jurisdictionem: tantusque eorum favor factus est, ut paulatim etiam praetor proprius crearetur, qui de fideicommissis jus diceret, quem fideicommissarium appellabant.

2. § In primis igitur sciendum est, opus esse, ut aliquis recto jure testamento heres instituat: e jusque fidei committatur, ut eam hereditatem alii restituat, alioqui inutile est testamentum, in quo nemo heres instituitur. Cum igitur aliquis scripserit, *Lucius Titius heres esto*; potest adjicere, *rego te Luci Titi, ut cum primum poteris hereditatem meam adire, eam Caio Sejo reddas restituas.* Potest autem quisque & de parte restituenda heredem rogare. Et liberum est, vel purè, vel sub conditione relinquere fideicommissum, vel ex certo die.

3. § Restituta autem hereditate, is quidem, qui restituit, nihilominus heres permanet: is vero, qui recipit hereditatem, aliquando heredis, aliquando legatarii loco habetur.

4. § Et Neronis quidem temporibus, Trebellio Maximo & Annio Seneca consulibus, sena-

senatusconsultum factum est: quo cautum est, ut si hereditas ex fideicommissi causa restituta sit: omnes actiones, quæ jure civili heredi, & in heredem competere, ei, & in eum darentur, cui ex fideicommissio restituta esset hereditas. Post quod senatusconsultum prætor utiles actiones ei, & in eum qui recipit hereditatem, quasi herede, & in heredem dare cæpit.

§. ¶ Sed quia heredes scripti, cum aut totam hereditatem, aut penè totam plerumque restituere rogabantur, adire hereditatem ob nullum vel minimum lucrum recusabant, atque ob id exstinguebantur fideicommissa: postea Vespasiani Augusti temporibus, Pegaso, & Pusione consulibus, senatus censuit: ut ei, qui rogatus esset hereditatem restituere, perinde liceret quartam partem retinere, atque ex lege Falcidia ex legatis retinere conceditur. Et singulis quoque rebus, quæ per fideicommissum relinquuntur, eadem retentio permissa est. Post quod senatusconsultum ipse heres onera hæreditaria sustinebat. Ille autem, qui ex fideicommissio recipiebat partem hæreditatis, legatarii partiarum loco erat, id est, ejus legatarii, cui pars bonorum legabatur; quæ species legati, partitio vocabatur: quia cum herede legatarius partiebatur hereditatem. Unde quæ solebant stipulatione inter heredem & partiarum legatarium interponi: eadem interponebantur inter eum qui ex fideicommissio recepit hereditatem & heredem, id est, ut lucrum & damnum hæreditarium pro rata parte inter eos commune esset.

6. ¶ Ergo siquidem non plus, quam dodrantem hereditatis scriptus heres rogatus sit restituere: tunc ex Trebelliano senatusconsulto restituebatur hereditas, & in utrumque actiones hereditariæ pro rata parte dabantur: in heredem quidem jure civili: in eum vero, qui recipiebat hereditatem, ex senatusconsulto Trebelliano tanquam in heredem. At si plus, quam dodrantem, vel etiam totam hereditatem restituere rogatus esset: locus erat Pegasiano senatusconsulto: & heres, qui semel adierat hereditatem (si modo sua voluntate adierat) siue retinuerat quartam partem, siue retinere noluerat: ipse universa onera hereditaria sustinebat. Sed quarta quidem reventa, quasi partis & pro parte stipulationes interponebantur, tanquam inter partiarium legatarium & heredem, si vero totam hereditatem restitueret, emptæ & venditæ hereditatis stipulationes interponebantur. Sed si recusabat scriptus heres adire hereditatem: ob id, quod diceret eam sibi suspectam esse quasi damnosam: cavebatur Pegasiano senatusconsulto, ut desiderante eo, cui restituere rogatus esset, jussu prætoris adiret, & restitueret hereditatem: perindeque ei & in eum, qui reciperet hereditatem, actiones darentur, ac juris est ex Trebelliano senatusconsulto, quo casu nullis stipulationibus opus: quia simul & huic, qui restituit, securitas datur, & actiones hereditariæ ei & in eum transferuntur, qui recipit hereditatem, utroque senatusconsulto in hac specie concurrente.

7. ¶ Sed quia stipulationes ex senatusconsulto Pegasiano descendentes, & ipsi antiquitati displicuerunt, & quibusdam casibus captiosas eas homo excelsi ingenii Papinianus appellat, & nobis in legibus magis simplicitas quam difficultas placet: ideo omnibus nobis suggestis tam similitudinibus, quam differentiis utriusque senatusconsulti: placuit, ex solo senatusconsulto Pegasiano, quod postea supervenit, omnem auctoritatem Trebelliano senatusconsulto præstare, ut ex eo fideicommissariæ hereditates restituantur: siue habeat heres ex voluntate testatoris quartam, siue plus, siue minus, siue nihil penitus: ut tunc, quando, vel nihil, vel minus quarta apud eum remanet, liceat ei vel quartam, vel quod deest, ex nostra auctoritate retinere, vel reperere solutum quasi ex Trebelliano senatusconsulto: pro rata portione actionibus, tam in heredem, quam in fideicommissarium competentibus, si vero totam hereditatem sponte restituerit: omnes hereditariæ actiones fideicommissario, & adversus eum competant. Sed etiam id, quod præcipuum Pegasiani senatusconsulti fuerat, ut quando recusaret heres scriptus sibi datam hereditatem adire, necessitas ei imponeretur totam hereditatem volenti fideicommissario restituere, & omnes ad eum & contra eum transferre actiones: & hoc transposuimus ad senatusconsultum Trebellianum, ut ex hoc solo necessitas heredi imponatur, si ipso nolente adire, fideicommissarius desideret restitui sibi hereditatem, nullo nec damno nec commodo apud heredem remanente.

8. ¶ Nihil autem interest, utrum aliquis ex
 asse hæres institutus, aut totam hæreditatem,
 aut pro parte restituere rogatur: an ex parte
 hæres institutus, aut totam eam partem, aut
 partem partis restituere rogatur. Nam & hoc
 casu eadem observari præcipimus, quæ in to-
 tius hæreditatis restitutione diximus.

9. ¶ Si quis una aliqua re deducta, sive præ-
 cepta, quæ quartam continet (veluti fundo,
 vel alia re) rogatus sit restituere hæredita-
 tem: simili modo ex Trebelliano senatus-
 consulto restitutio fiet, perinde ac si quarta
 parte retenta rogatus esset reliquam hæredi-
 tatem restituere, sed illud interest, quod alte-
 ro casu, id est, cum deducta sive præcepta ali-
 qua re, restituitur hæreditas: in solidum ex
 eo senatusconsulto actiones transferuntur: &
 res, quæ remanet apud hæredem, sine ullo
 onere hæreditario apud eum remanet, quasi
 ex legato ei adquisita, altero vero casu, id est,
 cum quarta parte retenta rogatus est hæres
 restituere hæreditatem, & restituit: scindun-
 tur actiones, & pro dodrante quidem trans-
 feruntur ad fideicommissarium, pro qua-
 drante remanent apud hæredem. Quin etiam
 licet una re aliqua deducta, aut præcepta, re-
 stituere aliquis hæreditatem rogatus sit, in
 qua maxima pars hæreditatis contineatur:
 æquè in solidum transferuntur actiones: &
 secum deliberare debet is, cui restituitur hæ-
 reditas, an expediat sibi restitui. Eadem sci-
 licet interveniunt, & si duabus pluribusve de-
 ductis præceptisve rebus, restituere hæredita-
 tem rogatus sit. Sed & si certa summa dedu-
 cta præceptave, quæ quartam vel etiam ma-
 ximam

nam partem hereditatis continet, rogatus sit aliquis hereditatem restituere: idem juris est. Quæ (autem) diximus de eo, qui ex asse institutus est: eadem transferimus & ad eum, qui ex parte hæres scriptus est.

10. ¶ Præterea intestatus quoque moriturus, potest rogare eum, ad quem bona sua, vel legitimo jure, vel honorario pertinere intelligit: ut hereditatem suam totam, partemve ejus, aut rem aliquam (veluti fundum, hominem, pecuniam) alicui restituat: cum alioqui legata, nisi ex testamento, non valeant.

11. ¶ Eum quoque cui aliquid restituitur, potest rogare, ut id rursum alii aut totum, aut partem, vel etiam aliquid aliud restituat.

12. ¶ Et quia prima fideicommissorum cunabula à fide heredum pendent, & tam nomen, quam substantiam acceperunt: ideo diuus Augustus ad necessitatem juris ea retraxit. Nuper & nos eundem principem superare contendentes, ex facto, quod Tribonianus vir excellentissimus. Quæstor sacri palatii suggerit, constitutionem fecimus: per quam disposuimus, si testator fidei hæredis sui commisit, ut vel hereditatem, vel speciale fideicommissum restituat, & neque ex scriptura, neque ex quinque testium numero (qui in fideicommissis legitimus esse noscitur) possit res manifestari, sed vel pauciores, quam quinque, vel nemo penitus testis intervenerit: tunc sive pater hæredis, sive alius, quicumque sit, qui fidem hæredis elegerit, & ab eo restitui aliquid voluerit: si heres perfidia tentus adimplere fidem recusat, negando rem ita esse subsequutam, si fi-

deicommissariis iusjurandum ei detulerit, cum prius ipse de calumnia iuraverit, necesse eum habere vel iusjurandum subire, quod nihil tale à testatore audiverit, vel recusantem ad fideicommissum vel universalis, vel specialis solutionem coarctari, ne depreceat ultima voluntas testatoris fidei heredis commissa. Eadem observari censuimus & si à legatario vel fideicommissario aliquid similiter relictum sit. Quod si is à quo relictum dicitur, (postquam negaverit,) confiteatur quidem aliquid à se relictum esse, sed ad legis subtilitatem recurat, omninò solvere cogendus est.

DE SINGULIS REBUS per fideicommissum relictis.

TITVLVS XXIV.

Potest tamen quis etiam singulas res per fideicommissum relinquere: veluti fundum, argentum, hominem, vestem, (&) pecuniam numeratam & vel ipsum heredem rogare, ut alicui restituat, vel legatarium, quamvis à legatario legari non possit.

1. § Potest autem non solum proprias res testator per fideicommissum relinquere: sed & heredis, aut legatarii, aut fideicommissarii, aut cujuslibet alterius. Itaque & legatarius & fideicommissarius non solum de ea re rogari potest, ut eam alicui restituat, quæ ei relicta sit: sed etiam de alia, siue ipsius, siue aliena sit. Hoc solum observandum est, ne plus quisquam rogetur alicui restituere, quam ipse ex testamento ceperit; nam quod amplius est, in-

utiliter relinquitur. Cùm autem aliena res per fideicommissum relinquitur : necesse est ei, qui rogatus est, aut ipsam redimere & præstare, aut æstimationem ejus solvere.

2. ¶ Libertas quoque servi per fideicommissum dari potest, ut heres cum rogetur manumittere, vel legatarius, vel fideicommissarius, nec interest, utrum de suo proprio seruo testator roget, an de eo, qui ipsius heredis, aut legatarii, vel etiam extranei sit. Itaque & alienus servus redimi & manumitti debet. Quod si dominus eum non vendat : si modo nihil ex judicio ejus, qui reliquit libertatem, recepit : non statim extinguitur fideicommissaria libertas, sed differtur, quia possit tempore procedente, ubicunque occasio servi redimendi fuerit, præstari libertas. Qui autem ex fideicommissi causa manumittitur, non testatoris fit libertus, etiam si testatoris servus sit, sed ejus, qui manumittit. At is, qui directo ex testamento liber esse jubetur, ipsius testatoris libertus fit : qui etiam Orcinus appellatur. Nec alius ullus directo ex testamento libertatem habere potest, quam qui utroque tempore testatoris fuerit, & quo faceret testamentum, & quo moreretur. Directa autem libertas tunc dari videtur, cùm non ab alio servum manumitti rogat, sed velut ex suo testamento libertatem ei competere vult.

2. ¶ Verba autem fideicommissorum hæc maximè in usu habentur. *peto, rogo, volo, mando, fidei tue committo*, quæ perinde singula firma sunt, atque si omnia in unum congestassent.

DE CODICILLIS.

TITVLVS XXV.

ANte Augusti tempora constat codicillo-
rum jus in usu non fuisse: sed primus Lu-
cius Lentulus, (ex cujus persona etiam fidei-
commissa (esse) cœperunt) codicillos intro-
dixit. Nam cum decederet in^{ma} Africa, scripsit
codicillos testamento confirmatos, qui-
bus ab Augusto petiit per fideicommissum,
ut faceret aliquid. Et cum divus Augustus
voluntatem ejus implevisset: deinceps reli-
qui ejus auctoritatem secuti, fideicommissa
præstabant: & filia Lentuli legata, quæ jure
non debebat, solvit. Dicitur autem Augustus
convocasse sapientes viros, interque eos Tre-
batium quoque, cujus tunc auctoritas maxi-
ma erat, & quæsisse, an posset recipi hoc, nec
absonans à juris ratione codicillorum usus
esset: & Trebatium suasisse Augusto, quod
diceret utilissimum & necessarium in hoc ci-
vibus esse, propter magnas & longas pere-
grinationes, quæ apud veteres fuissent: ubi si
quis testamentum facere non posset, tamen
codicillos posset. Post quæ tempora, cum
& Labeo codicillos fecisset: jam nemini du-
bium erat, quin codicilli jure optimo admit-
terentur.

2. ¶ Non tantum autem testamento facto
potest quis codicillos facere, sed (&) intesta-
tus quis decedens fideicommittere codicillis
potest. Sed cum ante testamentum factum
codicilli factierant. Papinianus ait, non aliter
vires habere, quam si speciali postea volun-

rate confirmantur, Sed divi Severus & Antoninus rescripserunt: ex iis codicillis qui testamentum præcedunt, posse fideicommissum peti: si appareat eum, qui testamentum fecit, a voluntate, quam in codicillis expressebat, non recessisse.

2. ¶ Codicillis autem hæreditas neque dari neque adimi potest: ne confundatur ius testamentorum & codicillorum, & ideo nec ex hæredatio scribi. Directio autem hæreditas codicillis neque dari, neque adimi potest: nam per fideicommissum hæreditas codicillis jure relinquitur. Ne conditionem hæredi instituto codicillis adjicere, neque substituire directio (quis) potest.

3. ¶ Codicillos etiam plures quis facere potest: & nullam solemnitatem ordinationis desiderant.



INSTITUTIONUM, seu Elementorum

D: JUSTINIANI,
sacratissimi Principis,

LIBER TERTIUS.

DE HEREDITATIBVS.

Quæ ab intestato deferuntur.

TITVLVS I.

INTESTATVS decedit, quia aut omnino testamentum non fecit: aut non jure fecit: aut id, quod fecerat, ruptum irritumve factum est: aut si ex eo nemo heres exierit.

1. ¶ Intestatorum autem hereditates ex lege duodecim tabularum, primum ad suos heredes pertinent.

2. ¶ Sui autem heredes existimantur (ut supra diximus) qui in potestate morientis fuerint: veluti filius filiaue, nepos neptisue ex filio, pronepos proneptisue ex nepote ex filio nato prognatus prognataue. Nec interest utrum naturales sint liberi, an adoptivi. Quibus connumerari necesse est etiam eos, qui ex legitimis quidem (nuptiis vel) matrimoniis, non sunt progeniti, cuius tamen civitatum dati secundum divalium constitutionum, quæ super his posita sunt, tenorem, (heredum) loco-

rum

rum iura nanciscuntur. Ne non eos, quos nostræ amplexæ sunt constitutiones, per quas iussimus, (ut) si quis mulierem in suo contubernio copulaverit, non ab initio affectione maritali, eam tamen, cum qua poterat habere conjugium, & ex ea liberos sustulerit: postea vero affectione procedente, etiam nuptialia instrumenta cum ea fecerit, & filios vel filias habuerit: non solum eos liberos, qui post dotem editi sunt, iustos & in potestate patris esse: sed etiam anteriores, qui & iis qui postea nati sunt, occasionem legitimi nominis præstiterunt. Quod obtinere censuimus, & si non progeniti fuerint post dotale instrumentum confectum liberi, vel etiam nati ab hac luce fuerint subtrahendi. Ita demum tamen nepos neptisve, pronepos proneptisve, suorum heredum numero sunt, si præcedens persona defuerit in potestate parentis esse: siue morte id acciderit, siue alia ratione, veluti emancipatione. Nam si per id tempus, quo quis moritur, filius in potestate ejus sit: nepos ex eo, suus heres esse non potest. Idque & in cæteris deinceps liberorum personis dictum (esse) intelligimus. Posthumi quoque, qui si vivo parente nati essent, in potestate (ejus) futuri forent, sui heredes sunt.

3. ¶ Sui autem heredes fiunt etiam ignorantes, & licet furiosi sint heredes possunt existere: quia quibus ex causis ignorantibus nobis acquiritur: ex his causis & furiosis acquiri potest. Et statim morte parentis quasi continuatur dominium, & ideo nec tutoris auctoritate opus est pupillis, cum etiam ignorantibus ac-

quiratur suis hæredibus hæreditas, nec curatoris assensu acquiritur furioso, sed ipso jure.

4. § Interdum autem, licet in potestate (parentis) mortis tempore suus hæres non fuerit, tamen suus hæres parenti efficitur: veluti (si) ab hostibus quis reversus fuerit post mortem patris (sui,) jus enim postliminii hoc facit.

5. § Per contrarium (autem hoc) evenit, ut licet quis in familia defuncti sit mortis tempore, tamen suus hæres non fiat: veluti si post mortem suam pater judicatus fuerat perduellionis reus, ac per hoc memoria ejus damnata fuerit, suum enim hæredem habere non potest, cum fiscus ei succedat, sed potest dici ipso (quidem) jure suum hæredem esse, sed desinere.

6. § Cum filius filiave, & ex altero filio nepos neptisve existunt, pariter ad hæreditatem (avi) vocantur: nec qui gradu proximior est, ulteriorem excludit. Equum enim esse videtur, nepotes neptesque in patris sui locum succedere. Pari ratione & si nepos neptisve sit ex filio, & ex nepote pronepos proneptisve: simul vocantur. Et quia placuit nepotes neptesve, item pronepotes proneptesve in parentis sui locum succedere: conveniens esse visum est, non in capita, sed in stirpes hæreditatem dividi, ut filius partem dimidiam hæreditatis habeat, & ex altero filio duo pluresve nepotes alteram dimidiam. Item si ex duobus filiis nepotes neptesve existant, ex altero unus forte aut duo, ex altero tres aut quatuor: ad unum aut duos dimi-

dimidia pars pertineat, ad tres vel ad quatuor altera dimidia.

7 ¶ Cum autem quæritur, an quis suus hæres existere possit; eo tempore quærendum est, quo certum est aliquem sine testamento decessisse, quod accidit & destituto testamento. Hac ratione, si filius exhæredatus fuerit, & extraneus hæres institutus, & filio mortuo, postea certum fuerit hæredem institutum ex testamento non fieri hæredem, aut quia noluit esse hæres, aut quia non potuit, nepos avo suus hæres existet: quia quo tempore certum est intestatum decessisse patrem familias, solus invenitur nepos, & hoc certum est.

8 ¶ Et licet post mortem avi natus sit, tamen avo vivo conceptus, mortuo patre ejus, posteaque deserto avi testamento, suus hæres efficitur. Planè si & conceptus & natus fuerit post mortem avi: mortuo patre suo, desertoque postea avi testamento, suus hæres avo non existet: quia nullo jure cognationis patrem sui patris attingit, sed nec ille est inter liberos avi, quem filius emancipatus adoptavit. Hi autem, cum non sint sui (quantum ad hæreditatem) liberi: neque bonorum possessionem petere possunt quasi proximi cognati. Hæc de suis hæredibus.

9. ¶ Emancipati autem liberi, jure civili nihil juris habent (neq; enim sui hæredes sunt, qui in potestate parentis esse desierunt) neque ullo alio jure per legem duodecim tabularum vocantur, sed prætor naturali æquitate motus, dat eis bonorum possessionem. Vnde liberi, perinde ac si in potestate parentis tempore mortis fuissent: sive soli sint, sive cum suis

here-

heredibus concurrant. Itaque duobus liberis existentibus, emancipato uno, & eo qui tempore mortis in potestate fuerit: sane quidem is, qui in potestate fuit, solus jure civili heres est, & solus suus heres: sed cum emancipatus beneficio prætoris in partem admittitur, evenit, ut suus heres pro parte heres fiat.

10. § At hi, qui emancipati à parente in adoptionem se dederunt, non admittuntur ad bona naturalis patris quasi liberi: si modo, cum is moreretur, in adoptiva familia fuerint. Nam vivo eo emancipati ab adoptivo patre, perinde admittuntur ad bona naturalis patris, ac si emancipati ab ipso essent, nec unquam in adoptiva familia fuissent. Et convenienter, quod ad adoptivum patrem pertinet, extraneorum loco esse incipiunt. Post mortem vero naturalis patris emancipati ab adoptivo patre: & quantum ad hunc adoptivum patrem pertinet, æquè extraneorum loco sunt: & quantum ad naturalis patris bona pertinet, nihilo magis liberorum gradum nanciscuntur. Quod ideo sic placuit, quia iniquum erat, esse in potestate patris adoptivi ad quos bona naturalis patris pertineant, utrum ad liberos ejus, an ad agnatos.

11. § Minus ergo juris habent adoptivi (filii) quam naturalis, namque naturales emancipati, beneficio prætoris gradum liberorum retinent, licet jure civili perdant: adoptivi vero emancipati & jure civili perdant gradum liberorum, & à prætore non admittuntur, & rectè, naturalia enim jura civilis ratio perimere non potest: nec quia desinunt sui heredes esse

esse, possunt desinere filii filiave aut nepotes neptive esse, adoptivi verò emancipati extraneorum loco incipiunt esse: quia jus nomenque filii filiaque, quod per adoptionem consequuti sunt, alia civili ratione, i. e. emancipatione, perdunt.

12. ¶ Eadem hæc observantur, & in ea bonorum possessione, quam contra tabulas testamenti parentis liberis præteritis, id est neque heredibus institutis neque ut oportet exheredatis, prætor pollicetur. Nam eos quidem, qui in potestate mortis tempore fuerint & emancipatos, vocat prætor ad eandem bonorum possessionem: eos verò, qui in adoptiva familia fuerint per hoc tempus quo naturalia patris moreretur, repellit. Item adoptivos liberos emancipatos ab adoptivo patre, sicut ab intestato, ita longè minus contra tabulas testamenti ad bona ejus (non) admittit: quia desinunt (in) numero liberorum (ejus) esse.

13. ¶ Admonendi tamen sumus, eos qui in adoptiva familia sunt, quive post mortem naturalis parentis ab adoptivo patre emancipati fuerint: intestatæ parente naturali mortuo, licet ea parte edicti, qua liberi ad bonorum possessionem vocantur, non admittantur alia tamen parte vocari, scilicet qua cognati defuncti vocantur. Ex qua parte ita admittuntur, si neque sui heredes liberi neque emancipati obstant, neque agnatus quidem ullus interveniat. Antè enim prætor liberos vocat tam suos heredes quàm emancipatos, deinde legitimos heredes, deinde proximo cognatos.

14. ¶ Sed ea omnia antiquitati (quidem)

placuerunt: aliquam autem emendationem à nostra constitutione acceperunt, quam super his personis composuimus: quæ à patribus suis naturalibus in adoptionem aliis dantur. Invenimus etenim nonnullos casus, in quibus filii & naturalium parentum successionem propter adoptionem amittebant: & adoptione facile per emancipationem soluta, ad neutrius patris successionem vocabantur. Hoc solito more corrigentes, constitutionem scripsimus, per quam definimus quando parens naturalis filium suum adoptandum alii dederit, integra omnia jura ita servari, atque si in patris naturalis potestate permanisset, nec penitus adoptio fuisset subsequuta: nisi in hoc tantummodo casu, ut possit ab intestato ad patris adoptivi venire successionem testamento autem ab eo facto: neque jure civili, neque prætorio, ex hereditate ejus aliquid persequi potest neque contra tabulas bonorum possessione agnita, neque inofficiosi querela instituta: cum nec necessitas patri adoptivo imponatur vel heredem eum instituere, vel exheredatum eum facere, utpote nullo vinculo naturali copulatum, neque si ex Sabiniano senatusconsulto ex tribus maribus fuerit adoptatus. Nam & in ejusmodi casu, neque quarta ei servatur, neque ulla actio ad ejus persequutionem ei competit. Nostra autem constitutione exceptus est is, quem parens naturalis adoptandum suscepit. Utroque enim jure tam naturali, quam legitimo in hanc personam concurrente: pristina jura tali adoptioni servamus, quemadmodum si paterfamilias se

se dederit adrogandum : qua specialiter & singulatim ex præfata constitutionis tenore possunt colligi

15. § Item vetustas ex masculis progenitos plus diligens, solos nepotes vel neptes, qui (quæve) ex virili sexu descendunt, ad suorum vocabat successionem & jure adgnatorum eos anteponebat: nepotes autem, qui ex filiabus nati sunt, & pronepotes ex neptibus cognatorum loco connumerans, post adgnatorum lineam eos vocabat tam in avi vel proavi materni quam in avia vel proavia five paternæ five maternæ successionem. Divi autem principes non passi sunt talem contra naturam injuriam sine competenti emendatione relinquere : sed cum nepotis & proneptis nomen commune sit utrifque tam qui ex masculis, quam qui ex foeminis descendunt : ideo eundem gradum & ordinem successionis eis donaverunt. Sed ut amplius aliquid sit eis, qui non solum naturæ, sed etiam veteris juris suffragiis muniuntur : portionem nepotum, vel neptum, vel deinceps (de quibus supra diximus) paulò minuendam esse existimaverunt: ut minus tertia parte accipere, quam mater eorum, vel avia fuerat acceptura, vel pater eorum, vel avus paternus, five maternus. quando foemina mortua sit, cujus de hereditate agitur: iisque (licet soli sint) adeuntibus, adgnatos minimè vocabant. Et quemadmodum lex duodecim tabularum filio mortuo nepotes vel neptes, pronepotes vel proneptes in locum patris sui ad successionem avi sui vocat: ita & principalis dispositio in locum matris

148 INSTIT. LIB. III. TIT. 7.
sux vel avix, eos cum jam designata partis
tertiæ diminutione vocat

16. § Sed nos, cum adhuc dubitatio mane-
ret inter agnatos, & memoratos nepotes,
quartam partem substantiæ defuncti agnatis
sibi vindicantibus ex cujusdam constitui-
onis auctoritate: memoratam quidem consti-
tutionem a nostro Codice segregavimus, ne-
que inferi eam ex Theodosiano Codice in eo
concessimus. Nostra autem constitutione pro-
mulgata, toti juri ejus derogatum est; & sanxi-
mus talibus nepotibus ex filia, vel pronepo-
tibus ex nepte, & deinceps, superstitibus, ad-
gnatos nullam partem mortui successionis sibi
vindicare: ne hi, qui ex transversa linea ve-
niunt, potiores iis habeantur qui recto jure
descendunt. Quam constitutionem nostram
obtinere secundum sui vigorem & tempora,
& nunc sancimus: ita tamen, ut quemadmo-
dum inter filios & nepotes ex filio antiquitas,
statuit, non in capita, sed in stirpes dividi he-
reditatem: similiter nos inter filios, & nepo-
tes ex filia distributionem fieri jubeamus, vel
inter omnes nepotes & neptes, & inter pro-
nepotes & proneptes, & alias deinceps perso-
nas: ut utraque progenies, matris vel patris,
avix vel avi, portionem sine ulla diminutio-
ne consequatur: ut si fortè unus vel duo ex u-
na parte, ex altera tres aut quatuor existent u-
nus aut duo dimidiam, alteri tres aut quatuor
alteram dimidiam hereditatis habeant.

DE LEGITIMA
Adgnatorum successione.

TITULUS II.

SI nemo suus heres, vel eorum, quos inter suos heredes prator, vel constitutiones vocant, existat, qui successionem quoquo modo amplectatur: tunc ex lege duodecim tabularum ad agnatum proximum pertinet hereditas.

1. ¶ Sunt autem adgnati (ut primo quoque libro tradidimus) cognati per virilis sexus personas cognatione conjuncti, quasi à patre conati. Itaque (ex) eodem patre nati fratres adgnati sibi sunt, qui & consanguinei vocantur: nec requiritur, an etiam eandem matrem habuerint. Item patruus fratris filio, & invicem is illi agnatus est. Eodem numero sunt fratres patruales, id est, qui ex duobus fratribus procreati sunt qui etiam consobrini vocantur. Qua ratione etiam ad plures gradus adgnationis pervenire poterimus. Si etiam, qui post mortem patris nascuntur, jura consanguinitatis nanciscuntur. Non etiam omnibus simul adgnatis dat lex hereditatem: sed iis, qui tunc proximiores gradu sunt, cum certum esse coeperit aliquem intestatum decessisse.

2. ¶ Per adoptionem quoque adgnationis jus consistit: veluti inter filios naturales, & eos, quos pater eorum adoptavit. Nec dubium est, quin improprie consanguinei appellentur.

Item si quis ex cæteris adgnatis (tuis) veluti frater, aut patruus, aut denique is, qui longiore gradu est adoptaverit aliquem : adgnatus inter suos heredes esse non dubitatur.

¶ Cæteram inter masculos quidem adgnationis jure hereditas, etiam si longissimo gradu sint, ultrò citroque capitur. Quod ad feminas verò attinet, ita placebat, ut ipse consanguinitatis jure tantum capiant hereditatem si sorores sint: ulterius non capiant, masculi autem ad earum hereditates (etiam si longissimo gradu sint) admittantur. Quae de causa fratris tui, aut patruus tui filiae, vel amittæ tuæ hereditas ad te pertinebat: tua verò ad illas non pertinebat. Quòd ideo ita constitutum erat, quia commodius videbatur ita jura constitui ut plerumque hereditates ad masculos confluerent. Sed quia sanè iniquum erat, in universum eas quasi extraneas repelli, prætor eas ad bonorum possessionem admittit ea parte, qua proximitatis nomine bonorum possessionem pollicetur, ex qua parte ita scilicet admittuntur si neque adgnatus ullus, neq; proximior cognatus interveniat. Et hæc quidem lex duodecim tabularum nullo modo introduxit: sed simplicitatem legibus amicam amplexa simili modo omnes adgnatos sive masculos, sive feminas, cujuscumque gradus ad similitudinem suorum invicem ad successionem vocabat. Media autem jurisprudentia, quæ erat quidem lege duodecim tabularum junior, imperiali autem dispositione anteriore subtilitate quadam excogitata, præfatam differentiam inducebat, & penitus eas à suc-

cessione

cessionem adgnatorum repellerebat : omnia a
successione incognita, donec praetores paula-
tim asperitatem juris civilis corrigentes : sive,
quod deerat, implentes humano proposito, al-
ium ordinē suis edicti addiderunt : & cognati-
onis linea proximitatis nomine introducta,
per bonorum possessionem eas adjuvabant &
pollicebantur his bonorum possessionem, quae
unde cognati appellatur Nos verò, legem duo-
decim tabularum sequentes, & ejus vestigia
in hac parte conservantes, laudamus quidem
praetores suae humanitatis, non tamen eos in
plenum (huic) causae mederi invenimus. Qua-
re etenim uno eodemque gradu naturali con-
currente & adgnationis titulis tam in mascu-
lis, quam in foeminis aequa lance constitutis,
masculis quidem dabatur ad successionem
venire omnium adgnatorum : ex adgnatis au-
tem mulieribus nulli penitus nisi soli sorori,
ad adgnatorum successionem patebat aditus.
Ideo (nos) in plenum omnia reducentes & ad
jus duodecim tabularum eandem dispositio-
nem exaquant, nostra constitutiones sancimus
omnes legitimas personas, id est, per vi-
tilem sexum descendentes (sive masculini ge-
neris sive foeminini sint) simili modo ad ju-
ra successionis legitimè ab intestato vocari,
secundum sui gradus praerogativam : nec ideo
excludendas, quia consanguinitatis jura sicut
germanae non habent.

4. ¶ Hoc etiam addendum nostrae consti-
tutioni existimavimus, ut transferatur unus
tantummodo gradus à jure cognationis in le-
gitimam successionem : ut non solum fratris

filius & filia (secundum quod jam definitivimus) ad successionem patris sui vocentur: sed etiam germanæ consanguineæ, vel sororis uterinæ filius & filia soli, & non deinceps personæ unā cum his ad jura avunculi sui perveniant: & mortuo eo, qui patruus quidem est sui fratris filius, avunculus autem sororis suæ soboli: simili modo ab utroque latere succedant, tanquam si omnes ex masculis descendentes, legitimo jure veniant, scilicet ubi frater & soror superstites non sunt. His etenim personis præcedentibus & successionem admittentibus, cæteri gradus remanent penitus semoti, videlicet hereditate non in stirpes, sed in capita dividenda.

5. § Si plures sint gradus adgnatorum: à parte lex duodecim tabularum proximum vocat. Itaque si (verbi gratia) sint defuncti frater, & alterius fratris filius, aut patruus: frater prior habetur. Et quamvis singulari numero usa lex (duodecim tabularum) proximum vocet, tamen dubium non est, quin, si plures sint ejusdem gradus, omnes admittantur. Nam & propriè proximus ex pluribus gradus intelligitur: & tamen non dubium est, quin licet unus sit gradus adgnatorum, pertineat ad eos hereditas.

6. § Proximus autem, si quidem nullo testamento facto quisquam decesserit, per hoc tempus requiritur, quo mortuus est is, cujus de hereditate quaeritur. Quod si facto testamento quisquam decesserit: per hoc tempus requiritur, quo certum esse coeperit, nullum ex testamento heredem existurū, tunc enim

propriè quisque intestatus decessisse intelligitur. Quod quidem aliquando longo tempore declaratur. In quo spatio temporis sæpè accidit, ut proximior mortuo proximus esse incipiat, qui moriente testatore non erat proximus.

7. ¶ Placebat autem in eo genere percipiendarum hereditatum successionem non esse: id est ut quamvis proximus, qui secundum ea, quæ diximus, vocatur ad hereditatem, aut spreverit hereditatem, aut antequam adeat decesserit: nihilo magis legitimo jure sequentes admittantur. Quod iterum prætores imperfecto jure corrigentes, non in totum sine adminiculo relinquebant: sed ex cognatorum ordine eos vocabant, utpotè adgnationis jure eis recluso. Sed nos nihil perfectissimo juri deesse cupientes, nostra constitutione quam de jure patronatus, humanitate suggerente, protulimus, (sancimus) successionem in adgnatorum hereditatibus non esse eis denegandam: cum satis absurdum erat, quod cognatis à prætore apertum est, hoc adgnatis esse reclusum: maximè cum in onere quidem tutelæ & primo gradu deficiente, sequens succedit: & quod in onere obtinebat, non erat in lucro permixtum.

8. ¶ Ad legitimam successionem nihilominus vocatur etiam parens, qui contracta fiducia filium vel filiam, nepotem vel neptem, ac deinceps emancipat, quod ex nostra constitutione omninò inducitur, ut emancipationes liberorum semper videantur quasi contracta fiducia fieri: cum apud veteres non ali-

ter hoc obtinebat, nisi specialiter contracta fiducia parens manumississet.

DE SENATUSCONSULTO Tertulliano.

TITULUS III.

L Ex duodecim tabularum ita stricto jure utebatur & præponebat masculorum progeniem: & eos, qui per fœminini sexus necessitudinem sibi junguntur, adeo expellebat, ut ne quidem inter matrem & filium filiamve ultro citroque hereditatis capiendæ jus daret: nisi quod prætores ex proximitate cognatorum eas personas ad successionem, bonorum possessione, *unde cognati*, accommodata, vocabant.

1. § Sed hæc juris angustia postea emendatae sunt. Et primus quidem divus Claudius matri, ad solatium liberorum amissorum, legitimam eorum detulit hereditatem.

2. § Postea autem senatusconsulto Tertulliano, quod divi Hadriani temporibus factum est, plenissime de tristi successione matri, non etiam avia deferenda cautum est: ut ingenua trium liberorum jus habens, libertina quatuor, ad bona filiorum filiarumve admittatur intestato mortuorum, licet in potestate parentis sit: ut scilicet cum alieno juri subiecta est jussu ejus adeat (hereditatem,) cujus juri subiecta est.

3. § Præferuntur autem matri liberi defuncti, qui sui sunt, quive suorum loco sunt sive

primi

primi gradus, five ulterioris. Sed & filia suæ mortuæ filius vel filia præponitur ex constitutionibus matri defunctæ, id est, aviæ suæ. Pater verò utriusque non etiam avus & proavus matri anteponitur, scilicet cum inter eos solos de hereditate agitur. Frater autem consanguineus tam filii, quàm filia excludebat matrem: soror autem consanguinea, pariter cum matre admittebatur. Sed si fuerant frater & soror consanguinei, & mater liberis onerata: frater quidem matrem excludebat, communis autem erat hereditas ex æquis partibus & sororibus.

4. ¶ Sed nos constitutione quam in Codice nostro nomine decorato posuimus, matri subveniendum esse existimavimus: respicientes ad naturam, & puerperium & periculum, & sæpe mortem ex hoc casu matribus illatam. Ideoque impium esse credidimus, casum fortuitum in ejus admitti detrimentum, si enim ingenua ter, vel libertina quater non peperit, immerito defraudabatur successione suorum liberorum: quid enim peccavit, si non plures sed paucos peperit? Et dedimus jus legitimum plenum matribus (five ingenuis five libertinis) & si non ter enixæ fuerint vel quater, sed eum tantum vel eam, qui quæve morte intercepri sunt, ut sic vocentur in liberorum suorum legitimam successionem.

5. ¶ Sed cum antea constitutiones jura legitimæ successionis perscrutantes, partim matrem adjuvabant, partim eam prægravabant, nec in solidum eam vocabant, sed in quibusdam casibus tertiam ei partem abstrahentes,

certis legitimis dabant personis, in aliis autem contrarium faciebant: nobis visum est recta & simplici via matrem omnibus personis legitimis anteponi, & sine ulla deminutione filiorum suorum successionem accipere: excepta fratris & sororis persona, siue consanguinei sint, siue sola cognationis jura habentes: ut quemadmodum eam toti alii ordini legitimo præposuimus, ita omnes fratres & sorores, siue legitimi sint, siue non, ad capiendas hereditates simul vocemus. ita tamen, ut si quidem solæ sorores adgnatæ vel cognatæ, & mater defuncti vel defunctæ supersint: dimidiam quidem mater alteram verò dimidiam partem omnes sorores habeant. Si verò matre superstite & fratre, vel fratribus solis, vel etiam cum sororibus, siue legitima, siue sola cognationis jura habentibus, intestatus quis vel intestata moriatur: in capita distribuatur ejus hereditas.

6. ¶ Sed quemadmodum nos matribus prospeximus, ita eas oportet suæ soboli consulere: scituris eis: quod si tutores liberis non petierint, vel in locum remoti vel excusati, intra annum petere neglexerint: ab eorum impuberum morientium successionem merito repellentur.

7. ¶ Licet autem vulgo quæritus sit filius, filiaue: potest (tamen) ad bona ejus mater ex **Tertulliano** senatusconsulto admitti.

DE SENATU SC. ORPHIT. 137
DE SENATU CONSULTO
Orphitiano.

TITULUS IV.

PER contrarium autem liberi ad bona matrum intestatarum admittantur ex senatusconsulto Orphitiano, quod Orphitio & Rufo consulibus effectum est, divi Marci temporibus, & data est tam filio quam filiae legitima hereditas, etiam si alieno juri subjecti sint: & præferuntur consanguineis & agnatis defunctæ matris.

1. ¶ Sed cum ex hoc senatusconsulto nepotes (& neptes) ad aviæ successionem legitimo jure non vocarentur: postea hoc constitutionibus principalibus emendatum est, ut ad similitudinem filiorum filiarumque & nepotes & neptes vocentur.

2. ¶ Sciendum autem est hujusmodi successiones, quæ ex Tertulliano & Orphittano senatusconsultis deferuntur, capitis deminutione non perimi, propter illam regulam, qua novæ hereditates legitimæ capitis deminutione non pereunt, sed illæ solæ, quæ ex lege duodecim tabularum deferuntur.

3. ¶ Novissimè sciendum est, etiam illos liberos, qui vulgo quæsitæ sunt ad matris hereditatem ex hoc senatusconsulto admitti.

4. ¶ Si ex pluribus legitimis heredibus quidam omiserint hereditatem, vel morte, vel alia causa impediti fuerint, quo minus adcant: reliquis, qui adierint, ad crescit illorum portio & licet ante decesserint, ad heredes tamen eorum pertinet.

DE SUCCESSIONE cognatorum.

TITULUS V.

Post suos heredes, eosque, quos inter suos heredes prætor & constitutiones vocant, & post legitimos (quo numero sunt adgnati, & hi, quos in locum adgnatorum tam supradicta senatusconsulta, quam nostra erexit constitutio) proximos cognatos prætor vocat.

1. § Qua parte naturalis cognatio spectatur, nam adgnati capite deminuti, quique ex his progeniti sunt, ex lege duodecim tabularum inter legitimos non habentur, sed à prætore tertio ordine vocantur: exceptis solis tantummodo fratre & sorore emancipatis, non etiam liberis eorum quos lex Anastasiana cum fratribus integri juris constitutis, vocat quidem ad legitimam fratris hereditatem, siue sororis: non æquis tamen partibus, sed cum aliqua deminutione, quam facile est ex ipsius constitutionis verbis colligere. Aliis verò adgnatis inferioris gradus, licet capitis deminutionem passi non sunt, tamen antepo- nit eos & proculdubio cognatis.

2. § Eos etiam, qui per feminini sexus personas ex transverso cognatione junguntur, tertio gradu proximitatis nomine prætor ad successionem vocat.

3. § Liberi quique, qui in adoptiva familia sunt, ad naturalium parentum hereditatem hoc eodem gradu vocantur.

4. ¶ Vulgò quæsitos, nullos habere adgnatos manifestum est: quum adgnatio à patre sit, cognatio à matre, alii autem nullum patrem habere intelligantur. Eadem ratione ne inter se quidem possunt videri consanguinei esse: quia consanguinitatis jus species est adgnationis. Tantum ergo cognati sunt sibi. sicut & matri cognati sunt. Itaque omnibus istis (ex) ex parte competit bonorum possessio, qua proximitatis nomine cognati vocantur.

5. ¶ Hoc loco & illud necessario admonendi sumus: adgnationis quidem jure admitti aliquem ad hereditatem, etsi decimo gradu sit: siue de lege duodecim tabularum quaeramus, siue de edicto, quo prætor legitimis heredibus daturum se bonorum possessionem pollicetur. Proximitatis verò nomine iis solis prætor promittit bonorum possessionem, qui usque ad sextum gradum cognationis sunt. & ex septimo sobrino sobrinaque nato natave.

DE GRADIBUS cognitionum.

TITULUS VI.

HOc loco necessarium est exponere, quemadmodum gradus cognationis numerentur. Quare in primis admonendi sumus, cognationem aliam suprà numerari, aliam infrà, aliam ex transverso, quæ etiam à latere dicitur. Superior cognatio est parentum, inferior liberorum, ex transverso fratrum sororumve, & eorum qui quæve ex his generantur: &
con-

convenienter patrum, amita, avunculi, mater-
tera. Et superior quidem & inferior cognatio
à primo gradu incipit: at ea, quæ ex transver-
so numeratur, à secundo.

1. ¶ Primo gradu est supra pater, mater: in-
fra filius, filia.

2. ¶ Secundo (gradu) supra avus, avia: in-
fra nepos, neptis: ex transverso frater, soror.

3. ¶ Tertio (gradu) supra proavus, proavia:
infra pronepos, proneptis: ex transverso fra-
tris sororisque filius, filia: & convenienter pa-
truus amita, avunculus, matertera. Patruus
est frater patris, qui Græcè πατράδελφος ap-
pellatur. Avunculus est frater matris, qui
Græcè μητράδελφος dicitur & uterque pro-
miscuè δείος, appellatur: amita est patris so-
ror, (quæ Græcè πατράδελφη appellatur.) Ma-
tertera verò matris soror, (quæ Græcè μητρε-
δελφή dicitur) & utraque promiscuè δεία ap-
pellatur.

4. ¶ Quarto gradu supra abavus, abavia:
infra abnepos abneptis, ex transverso fratris
sororisque nepos, neptisve: & convenienter
patruus magnus, amita magna, id est, avi fra-
ter & soror; item avunculus magnus & mater-
tera magna, id est, avi frater & soror; conso-
brinus, consobrina, id est qui quæve ex so-
roribus aut fratribus procreantur. Sed qui-
dam rectè consobrinos eos propriè dici pu-
tant, qui ex duabus sororibus progenerantur,
quasi conforinos, eos verò, qui ex duobus
fratribus progenerantur, propriè fratres pa-
truales vocari. Si autem ex duobus fratribus
filia nascuntur, sorores patruales appellari.

At

At eos, qui ex fratre & sorore progenerantur, amitinos, propriè dici (putant.) Amitæ tuæ filii consobrinum te appellant, tu illos amitinos.

5. ¶ Quinto (gradu) supra atavus, atavia: infra adnepos, adneptis: ex transverso fratris sororisque pronepos, proneptis & convenienter propatruus, proamita, id est, proavi frater & soror: (&) proavunculus & promatertera, id est, proavia frater & soror, item fratris patruelis, vel sororis patruelis, consobrini & consobrinae amitini & amitinae filius filia: propius sobrino, propius sobrina, hi sunt patruus magni, amita magnæ, avunculi magni, materne magnæ filius filia.

6. ¶ Sexto gradu supra tritavus, tritavia: infra trinepos trineptis: ex transverso fratris sororisque abnepos, abneptis, & convenienter abpatruus, abamita, id est, abavi frater & soror: abavunculus, abmatertera, id est, abavia frater & soror, (item propatruus, proamita, proavunculi, promatertera filius filia, item propius sobrino sobrinave filius filia:;) item sobrini, sobrinae, id est, qui quæve ex fratribus vel sororibus patruelibus vel consobrinis vel amitinis progenerantur.

7. ¶ Hactenus ostendisse sufficiat, quemadmodum gradus cognationis numerentur. Namque ex his palam est intelligere, quemadmodum ulteriores quoque gradus numerare debeamus: quippe semper generata persona gradum adjicit, ut longè facilius sit respondere, quoto quisque gradu sit quàm propria cognationis appellatione quemquam denotare.

8. ¶ Adgnationis quoque gradus eodem modo numerantur.

9. ¶ Sed cum magis veritas oculata fide, quam per aures animis hominum infigatur: ideo necessarium duximus post narrationem graduum, eos etiam presenti libro inscribi, quatenus possint & auribus, & oculorum inspectione adolescentes perfectissimam graduum doctrinam adipisci.

DE SERVILI COGNATIONE.

TITULUS VII.

Illud certum est ad serviles cognationes illam partem edicti, qua proximitatis nomine bonorum possessio promittitur, non pertinere: nam nec ulla antiqua lege talis cognatio computabatur. Sed nostra constitutione, quam pro jure patronatus fecimus (quod jus usque ad nostra tempora satis obscurum, atque nube plenum & undique confusum fuerat) & hoc humanitate suggerente concessimus, ut si quis in servili constitutus consortio, liberum vel liberos habuerit, sive ex libera, sive ex servilis conditionis muliere, vel contra, serva mulier ex libero vel servo habuerit liberos cujuscunque sexus: & ad libertatem his pervenientibus, ii, qui ex servili ventre nati sunt libertatem meruerint, vel dum mulieres liberae erant, ipsi in servitute eos habuerint & postea ad libertatem pervenerint: ut hi omnes ad successionem patris vel matris veniant, patronatus jure in hac parte sopito. Hoc enim

liberos

liberos non solum in suorum parentum successione, sed etiam alterum in alterius successione, mutuam vocavimus, ex illa lege specialiter eos vocante, sive soli inveniantur, qui in servitute nati, & postea manumissi sunt: sive una cum aliis, qui post libertatem parentum concepti sunt, sive ex eodem patre, sive ex eadem matre, sive ex aliis nuptiis, ad similitudinem eorum, qui ex iustis nuptiis procreati sunt.

I. ¶ Repetitis itaque omnibus, quæ jam tradidimus, apparet non semper eos, qui patre gradum cognationis obtinent, pariter vocari, eoq; amplius, ne eum quidem, qui proximior sit cognatus, semper potiozem esse. Cum enim prima causa sit suorum heredum, & eorum, quos inter suos heredes enumeravimus apparet pronepotez vel abnepotez defuncti potiozem esse, quam fratrem aut patrem matremque defuncti: cum alioqui pater quidem & mater (ut supra quoque tradidimus) primum gradum cognationis obtineant, frater verò secundum, pronepos autem tertio gradu sit cognationis, & abnepos quarto. Nec interest in potestate morientis fuerit, an non quod vel emancipatus, vel ex emancipato, aut ex foemina o sexu propagatus est. Amoris quoque suis heredibus, & quos inter suos heredes vocari diximus: adnatus, qui integrum ius habet adgnationis, etiam si longissimo gradu sit, plerumque potior habetur, quam proximior cognatus. Nam patrui nepos vel pronepos avunculo vel matre tera præferitur. Totiens igitur dicimus aut potiozem haberi eum, qui proxi-

miorem gradum cognationis obtinet, aut pariter vocari eos, qui cognati sunt: quotiens neque suorum heredum, quique inter suos heredes sunt, neque adnationis (jure,) aliquis præferri debeat secundum ea quæ tradidimus: exceptis fratre & sorore emancipatis, qui ad successionem fratrum vel sororum vocantur: qui etsi capite deminuti sunt, tamen præferuntur cæteris ultioris gradus agnatis.

DE SUCCESSIONE libertorum.

TITULUS VIII.

UNde de libertorum bonis videamus. Olim itaque licebat libertopatronum suum impune testamento præterire: nam ita demum lex duodecim tabularum ad hereditatem liberti vocabat patronum, si intestatus mortuus esset libertus, herede suo nullo relicto. Itaque intestato mortuo liberto, si is suum, heredem reliquisset, patrono nihil in bonis ejus juris erat. Et si quidem ex naturalibus liberis aliquem suum heredem reliquisset, nulla videbatur querela: si verò adoptivus filius fuisset, aperte iniquum erat, nihil juris patrono superesse.

I. § Qua de causa postea prætoris edicto hæc juris iniquitas emendata est: sive enim faciebat testamentum libertus, jubebatur ita testari, ut patrono partem dimidiam bonorum suorum relinqueret: & si aut nihil aut minus parte dimidia reliquerat: dabatur patrono contra tabulas testamenti patris dimidia bonorum possessio. Sive intestatus moriebatur,

suo

suo herede relicto filio adoptivo : dabatur æ-
que patrono, contra hunc suum heredem, pa-
tris dimidia bonorum possessio. Prodesse au-
tem libertis solebant ad excludendum patro-
num naturales liberi non solum quos in po-
testate mortis tempore habebat, sed etiam e-
mancipati : & in adoptionem dati : si modo
ex aliqua parte scripti heredes erant, aut præ-
teriti contra tabulas, bonorum possessionem
ex edicto (prætório) petierant, nam exhereda-
ti nullo modo repellebant patronum.

2. ¶ Postea (verò) lege Papia adaucta sunt
jura patronorum, qui locupletiores libertos
habebant. Cautum est enim, ut ex bonis ejus,
qui sestertium centum millium patrimonium
reliquerat, & pauciores, quam tres liberos ha-
bebat : siue is testamento facto, siue intestatus
mortuus erat : virilis pars patrono deberetur.
Itaque cum unum (quidem) filium filiamve
heredem reliquerat libertus : perinde pars di-
midia debebatur patrono, ac si is sine ullo fi-
lio filiave intestatus decessisset, cum (verò)
duos duasve heredes reliquerat, tertia pars
debeatur patrono : si tres reliquerat, repelle-
batur patronus.

3. ¶ Sed nostra constitutio, quam pro omni
natione, Græca lingua compendioso tractatu
habito composuimus, ita hujusmodi causam
definivit : ut si quidem libertus vel liberta
minores centenariis sint, id est, minus cen-
tum aureis habeant substantiam (sic enim le-
gis Papie summam interpretat sumus, ut pro
mille sestertiis unus aureus computetur)
nullum locum habeat patronus in eorum suc-

cessione : si tamen testamentum fecerint. Sin
 autem intestati decesserint , nullo liberorum
 relicto, tunc patronatus jus (quod erat ex lege
 duodecim tabularum) integrum reservavit.
 Cum verò majores centenariis sint, si heredes
 vel bonorum possessores liberos habeant : si-
 ve unum, five plures , cujuscunque sexus vel
 gradus: ad eos successiones parentum dedu-
 ximus, patronis omnibus modis una cum sua
 progenie semotis. Sin autem si e liberis de-
 cesserint: si quidem intestati, ad omnem here-
 ditatem patronos patronasque vocavimus , si
 verò testamentum quidem fecerint, patronos
 autem aut patronas præterierint , cum nullos
 liberos haberent, vel habentes eos exhereda-
 verint, vel mater five avus maternus eos præ-
 terierint, ita quod non possint argui inofficio-
 sa eorum testamenta: tunc ex nostra constitu-
 tione per bonorum possessionem contra ta-
 bulas , non dimidiam (ut antea) sed tertiam
 partem bonorum liberti consequantur : vel
 quod deest, eis ex constitutione nostra replea-
 tur , si quando minus tertia parte bonorum
 suorum libertus vel liberta eis reliquerit : ita
 sine onere, ut nec liberis liberti libertave ex
 ea parte legata vel fideicommissa præstentur,
 sed ad coheredes eorum hoc onus redundet :
 multis aliis casibus à nobis in præfata consti-
 tutione congregatis , quos necessarios esse ad
 hujusmodi dispositionem juris perspeximus,
 ut tam patroni patronæque , quam liberi co-
 rum, necnon qui ex transverso latere veniunt,
 usq; ad quintum gradum ad successi nem li-
 bertorum libertarumve vocentur, sicut ex ea

constitutione intelligendum est: & si ejusdem patroni vel patronæ, vel duorum duarumque pluriumve liberi sint: qui proximior est, ad liberti vel libertæ vocetur successione, & in capita non in stirpes dividatur successio: eodem modo & in iis, qui ex transverso latere veniunt, servando. Penè enim consonantia jura ingenuitatis & libertinitatis in successionibus fecimus

4 ¶ Sed hæc de iis libertinis hodie dicenda sunt, qui in civitatem Romanam pervenerunt: cum nec sint alii liberti, simul & Deditiis & Latinis sublati, cum Latinorum legitimæ successiones nullæ penitus erant, quia licet ut liberi vitam suam peragebant, attamen ipso ultimo spiritu simul animam atque libertatem amittebant, & quasi servorum bona eorum jure quodammodo peculii ex lege Junia (Norbana) manumissores detinebant. Postea verò senatusconsulto Largiano cautum fuerat, ut liberi manumissoris non nominatim exheredati facti, extraneis heredibus eorum in bonis Latinorum præponerentur. Quibus etiam supervenit Divi Traiani edictum, quod eundem hominem, si invito vel ignorante patrono ad civitatem Romanam venire ex beneficio principis festinaret, faciebat quidem vivum civem Romanum, Latinum verò morientem. Sed nostra constitutione propter hujusmodi conditionum vices, & alias difficultates, cum ipsis Latinis etiam legem Juniam, & senatusconsultum Largianum, & edictum divi Traiani, in perpetuum deleri censuimus: ut omnes liberti civitate Romana fruuntur, & mirabili
mod

modo quibusdam adiectis nibus ipsas vias, quæ in Latinitatem ducebant, ad civitatem Romanam capiendam transposuimus.

DE ADSIGNATIONE libertorum.

TITULUS IX.

In summa (quod ad bona libertorum [attinet]) admonendi sumus, censuisse senatum, ut quamvis ad omnes patroni liberos, qui ejusdem gradus sunt, æqualiter bona libertorum pertineant: tamen licere parenti, uni ex liberis assignare libertum, ut post mortem ejus solus is patronus habeatur, cui assignatus est: & cæteri liberi, qui ipsi quoque ad eadem bona, nulla assignatione interveniente pariter admitterentur, nihil juris in his bonis habeant: sed ita demum pristinum jus recipiant, si is, cui assignatus est, decesserit nullis relictis.

1. ¶ Nectantur libertum, sed etiam libertam & non tantum filio, nepotæ, sed etiam filia neptæ assignare permittitur.

2. ¶ Datur autem hæc assignandi facultas ei, qui duos pluresve liberos in potestate habebit, ut eis, quos in potestate habet, assignare libertum libertamve liceat. Unde quærebatur, si cum, cui assignavit, postea emancipaverit: num evanescit assignatio? Sed placuit evanescere, quod & Juliano & aliis pleniusque visum est.

3. ¶ Nec interest, (an) testamento quis assignet.

signet, an sine testamento, sed etiam quibus-
cunque verbis patronis hoc permittitur face-
re, ex ipso senatus consulto, quod Claudianis
temporibus factum est, Sabellio Rufo & Afre-
rio Scapula consulibus.

DE BONORUM Possessionibus.

TITVLVS X.

Jus bonorum possessionis introductum est
à prætore emendandi veteris juris gratia.
Nec solum in intestatorum hæreditatibus ve-
tus jus eo modo prætor emendavit, sicut su-
pra dictum est: sed in eorum quoque qui te-
stamento facto decesserint. Nam si alienus
posthumus hæres fuerit institutus: quamvis
hæreditatem jure civili adire non poterat,
cum institutio non valebat: honorario tamen
jure bonorum possessor efficiebatur, videlicet
cum à prætore adjuvabatur, sed & is à nostra
constitutione hodiè rectè hæres instituitur,
quasi & jure civili non incognitus. Aliquando
tamen, neque emendandi, neque impugnan-
di veteris juris, sed magis confirmandi gratia
(prætor) pollicetur bonorum possessionem.
Nam illis quoque qui rectè testamento facto
hæredes instituti sunt, dat secundum tabulas
bonorum possessionem. Item ab intestato
suos hæredes, & agnatos ad bonorum pos-
sessionem vocat. Sed & remota quoque bo-
norum possessione ad eos pertinet hæreditas
jure civili.

2. ¶ Quos autem solus vocat prætor ad hæreditatem, hæredes quidem ipso jure non fiunt, nam prætor hæredem facere non potest; per legem enim tantum, vel similem juris constitutionem hæredes fiunt, veluti per senatus consulta & constitutiones principales: sed cum eis prætor dat bonorum possessionem, loco hæredum constituuntur, & vocantur bonorum possesores. Adhuc autem & alios complures gradus prætor fecit in bonorum possessionibus dandis, cum id agebat, ne quis sine successore moreretur. Nam angustissimis finibus constitutum per legem duodecim tabularum jus percipiendarum hæreditatum, prætor ex bono & æquo dilatavit.

3. ¶ Sunt autem bonorum possessiones ex testamento quidem hæ. Prima, quæ præteritis liberis datur, vocaturque *contra tabulas*. Secunda, quam omnibus jure scriptis hæredibus prætor pollicetur, ideoque vocatur *secundum tabulas*. Et cum de testamentis prius locutus est, ad intestatos transitum fecit. Et primo loco suis hæredibus, & iis, qui ex edicto prætoris inter suos hæredes connumerantur, dat bonorum possessionem, quæ vocatur *unde liberi*: Secundo, legitimis hæredibus. Tertio, decem personis, quas extraneo manumissori præferebat, sunt autem decem personæ hæ: pater, mater, avus, avia, tam paterni quam materni: item filius, filia, nepos, neptis, tam ex filio, quam ex filia: frater, sororve, consanguinei, vel uterini. Quarto, cognatis proximis. Quinto, tamquam ex familia. Sexto, patrono patronæque, liberisque eorum, & parentibus. Septimo,

mo, viro & uxori Octavo, cognatis manumissoris.

4. § Sed eas quidem prætoria introduxit iurisdicção : à nobis tamen nihil incuriosum prætermisum est, sed nostris constitutionibus omnia corrigentes, contra tabulas quidem & secundum tabulas bonorum possessiones admisimus, utpotè necessarias constitutas: nec non ab intestato unde liberi & unde legitimi bonorum possessiones. Quæ autem in prætoris edicto quinto loco posita fuerat, id est, unde decem persone, eam pro proposito, & compendio sermone supervacuum ostendimus. Cum enim præfata bonorum possessio decem personas præponebat extra eo manumissori: nostra constitutio, quam de emancipatione liberorum fecimus, omnibus parentibus, eisdemque manumissoribus contracta fiducia manumissionem facere dedit: ut ipsa manumissio eorum hoc in se habeat privilegium, & supervacua fiat supradicta bonorum possessio. Sublata igitur prædicta quinta bonorum possessione, in gradum ejus sextam antea bonorum possessionem induximus: & quintam fecimus, quam prætor proximis cognatis pollicetur. Cumque antea fuerat septimo loco bonorum possessio tamquam ex familia, & octavo unde patroni patronaque & parentes eorum: utramque per constitutionem nostram, quam de jure patronatus fecimus, penitus evacuavimus. Cum enim ad similitudinem successionis ingenuorum, libertinorum successiones posuimus, quas usque ad quintum gradum tantummodo coarctavimus, ut sit aliqua inter

ingenuos & libertinos differentia: sufficit eis
 tam contra tabulas bonorum possessio, quam
unde legitimi, & unde cognati, ex quibus possunt
 sua jura vindicare, omni scrupulofita e & in-
 extricabili errore istarum duarum bonorum
 possessionum resoluta. Aliam verò bonorum
 possessionem, quæ *unde vir & uxor* appellatur,
 & nono loco inter veteres bonorum posses-
 siones posita fuerat, & in suo vigore servavi-
 mus, & altiore loco, id est, sexto eam posui-
 mus. decima quoque bonorum possessione,
 quæ erat *unde cognati manumissorum*, propter cau-
 sas enumeratas merito sublata & ut sex tan-
 tummodo bonorum possessiones ordinariæ
 permanerent, suo vigore pollentes. Septimam
 eas secuta, quam optima ratione prætores in-
 troduxerunt. Novissimo enim promittitur
 edicto iis etiam bonorum possessio, qui-
 bus ut datur, lege, vel senatusconsulto, vel
 constitutione comprehensum est: quam ne-
 que bonorum possessionibus, quæ ab intesta-
 to veniunt, neque iis quæ ex testamento sunt,
 prætor stabili jure cennumeravit: sed quasi
 ultimum & extraordinarium auxilium (pro-
 ut res exegit) accommodavit: scilicet iis, qui
 ex legibus, senatusconsultis, constitutioni-
 busve principum, ex novo jure, vel ex testa-
 mento, vel ab intestato veniunt. Cum igitur
 plures species successionum prætor intro-
 duxisset, easque per ordinem disposuisset: &
 in unaquaque specie successionis sæpè plures
 essent dispari gradu persone ne actiones
 creditorum differentur, sed haberent, quos
 convenirent, & ne facile in possessionem bo-
 norum defuncti mitterentur, & eo modo

sibi confulerent: ideo petendæ bonorum possessione certum tempus præfinivit. Liberis itaque & parentibus, tam naturalibus, quam adoptivis in petenda bonorum possessione anni spatium, cæteris (autem) agnatis, vel cognatis, centum dierum dedit.

5. ¶ Et si intra hoc tempus aliquis bonorum possessionem non petierit ejusdem gradu personis, ad crescit: vel si nullus sit, deinceps cæteris bonorum possessionem perinde ex successorio edicto pollicetur, ac si is, qui præcedebat, ex eo numero non esset. Si quis itaque delatam sibi bonorum possessionem repudiaverit, non quousque tempus bonorum possessioni præfinitum excesserit expectatur: sed statim cæteri ex eodem edicto admittuntur. In petenda autem bonorum possessione dies utiles singuli considerantur.

6. ¶ Sed benè anteriores principes & huic causæ providerunt, ne quis pro petenda bonorum possessione curet: sed quocumque modo admittentis eam indicium (intra statuta tamen tempora) ostenderit, plenum habeat earum beneficium.

DE ACQUISITIONE per adrogationem.

TITVLVS XI.

Est & alterius generis per universitatem successio, quæ neque lege duodecim tabularum, neque prætoris edicto, sed eo jure, quod consensu receptum est, introducta est.

1. ¶ Ecce enim cum paterfamilias sese in adrogationem dat, omnes res eius corporales & incorporales, quæque ei debita sunt, adrogatori antea quidem pleno jure adquirantur: exceptis iis, quæ per capitis diminutionem pereunt, quales sunt operarum obligationes, & jus agnationis. Usus etenim & usufructus, licet his antea connumerabantur, attamen capitis diminutione minima eos tolli prohibuit nostra constitutio.

2. ¶ Nunc autem nos eandem acquisitionem, quæ per adrogationem fiebat, coarctavimus ad similitudinem naturalium parentum. Nihil enim aliud, nisi tantummodo usufructus tam naturalibus parentibus quam adoptivis per filios familiarum acquiritur in iis rebus, quæ extrinsecus filiis obveniunt dominio eis integro servato. Mortuo autem filio adrogato in adoptiva familia, etiam dominium (rerum) ejus ad adrogatorem pertransit: nisi supersint aliæ personæ, quæ ex constitutione nostra, patrem in iis, quæ adquiri non possunt, antecedant.

3. ¶ Sed ex diverso, pro eo, quod is debuit, qui se in adoptionem dedit, ipso quidem jure adrogator non tenetur, sed nomine filii convenitur: & si noluerit eum defendere, permittitur creditoribus per comperentes nostros magistratus bona, quæ ejus cum usufructu futura fuissent, si se alieno juri non subjecisset, possidere, & legitimo modo ea disponere.

DE EO, CUI LIBERTATIS causa bona addicuntur.

TITVLVS XII.

Accessit novus casus successionis ex consuetudine divi Marci. Nam si ii, qui libertatem acceperunt à domino in testamento, ex quo non aditur hæreditas, velint bona sibi addici libertatum conservandarum causa, audiuntur.

1. ¶ Et ita divi Marci rescripto ad Pompilium Rufum continetur. Verba rescripti ita se habent : Si Vergineo Valenti, qui testamento suo libertatem quibusdam adscripsit, nemine successore ab intestato existente, in ea causa bona (ejus) esse ceperunt, ut venire debeant: is, cujus de ea agitur, ad ea ita addenda, ut tu habebis, ut libertatum tam earum, quæ directò, quam earum, quæ per speciem fideicommissi relictæ sunt, tuendarum gratia addicantur tibi : si id neè creditoribus caveris de solido, quod cuique debetur, solvendo: Et ii quidem, quibus directà libertas data est, perinde liberi erunt, ac si hæreditas adita esset. Ii autem, quos hæres manumittere rogatus est, à te libertatem consequentur: ita, ut si non alia conditione velis tibi bona addici, quam ut (ii) etiam, qui directò libertatem acceperunt, tui liberti fiant. Nam huic etiam voluntati tuæ, si ii, quorum de statu agitur, consentiant, auctoritatem nostram accommodamus. Et ne huius rescriptionis nostræ emolumentum alia

ratione irritum fiat: si fiscus bona agnoscere voluerit, & ii, qui rebus nostris attendunt, sciant commodo pecuniario praferendam esse libertatis causam: & ita bona cogenda, ut libertas iis salva sit, qui eam adipisci potuerunt, ac si hereditas ex testamento adita esset.

2. ¶ Hoc rescripto subventum est & libertatibus, & defunctis, ne bona eorum à creditoribus possideantur & veneant. Certè si fuerint hac de causa bona addicta: cessat bonorum venditio, existit enim defuncti defensor, & quidem idoneus, qui de solido creditoribus cavet.

3. ¶ In primis hoc rescriptum totiens locum habet, quotiens testamento libertates datae sunt. Quid ergo si quis intestatus decedens, ~~codicillis~~ ^{testamentis} dederit, neque adita sit ab intestato hereditas. ⁱⁿ favor constitutionis debet locum habere. ~~et~~ ⁱⁿ intestatus decesserit, & codicillis dederit libertatem, competere eam, nemini dubium est.

4. ¶ Tunc (enim) constitutioni locum esse verba ostendunt, cum nemo successor ab intestato existat. Ergo quamdiu incertum erit, utrum existat, an non: cessabit constitutio. Si verò certum esse coeperit, neminem existere: tunc erit constitutioni locus.

5. ¶ Si is, qui in integrum restitui potest, abstinauerit hereditate: an quamvis potest in integrum restitui, possit admitti constitutio, & bonorum addictio fieri? Quid ergo si post additionem libertatem conservandarum causa sit ut in integrum sit restitutus? Vtique non erit dicendum revocari libertates: quia semel competierunt.

6. ¶ Hæc constitutio libertatum tuendarum causa introducta est. Ergo si libertates nullæ sunt datæ: cessat (hæc) constitutio. Quid ergo si vivus dederit libertates, vel mortis causa; & ne de hoc quæratur, utrum in fraudem creditorum, an non factum sit, idcirco velint sibi addici bona: an audiendi sint? Et magis est, ut audiri debeant, cisi deficient verba constitutionis.

7. ¶ Sed cum multas divisiones ejusmodi constitutioni deesse perspeximus, lata est à nobis plenissima constitutio, in qua multæ species collatæ sunt, quibus jus hujusmodi successionis plenissimum est effectum, quas ex ipsius lectione constitutionis potest quis cognoscere.

DE SVCCESSIONIBUS subiatis, quæ fiebant per bonorum vendi- tiones, & ex senatusconsulto Claudio.

TITVLVS XIII.

ERant ante prædictam successionem olim & aliæ per universitatem successiones, qualis fuerat bonorum emptio, quæ de bonis debitoris vendendis per multas ambages fuerat introducta, & tunc locum habebat, quando judicia ordinaria in usu fuerant, sed cum extraordinariis judiciis posteritas usa est: ideo cum ipsis ordinariis judiciis etiam bonorum

ventiones expiraverunt, & tantummodo creditoribus datur officio iudicis bona possidere, & prout utile eis visum est, ea disponere, quod ex latioribus Digestorum libris perfectius apparebit.

1. ¶ Erat & ex senatusconsulto Claudiano miserabilis per universitatem adquisitio: cum libera mulier servili amore bacchata, ipsam libertatem per senatusconsultum amittebat, & cum libertate substantiam, quod indignum nostris temporibus esse existimantes, & a nostra civitate deleri, & non inferi nostris Digestis concessimus.

DE OBLIGATIONIBUS.

TITVLVS XIV.

Nunc transeamus ad obligationes. Obligatio est juris vinculum, quo necessitate adstringimur alicujus rei solvendæ secundum nostræ civitatis jura.

1. ¶ Omnium autem obligationum summa divisio in duo genera deducitur, namque aut civiles sunt, aut prætorie. Civiles sunt, quæ aut legibus constitutæ, aut certo jure civili comprobatæ sunt. Prætorie sunt, quas prætor ex sua jurisdictione constituit, quæ etiam honorariæ vocantur.

2. ¶ Sequens divisio in quatuor species dividitur. Aut enim ex contractu sunt, aut quasi ex contractu, aut ex maleficio, aut quasi ex maleficio. Prius est, ut de iis, quæ ex contractu sunt, dispiciamus. Harum æquè quatuor sunt species. Aut enim re contrahuntur, aut verbis,

aut

aut literis, aut consensu, de quibus singulis dispiciamus.

QUIBUS MODIS RE contrahitur obligatio.

TITVLVS XV.

RE contrahitur obligatio, (veluti) mutui datione. Mutui autem datio in iis rebus consistit, quæ pondere, numero, mensura constant: veluti vino, oleo, frumento, pecunia numerata, ære, argento, auro: quas res aut numerando, aut metiendo, aut adpendendo in hoc damus, ut accipientium fiant. Et quoniam nobis non eadem res, sed aliæ ejusdem naturæ & qualitatis redduntur: inde etiam mutuum appellatum est, quia ita à me tibi datur, ut ex meo tuum fiat: & ex eo contractus nascitur actio, quæ vocatur condictio.

1. ¶ Is quoque, qui non debitum accepit ab eo, qui per errorem solvit, re obligatur, daturque agenti contra eum propter repetitionem condictitia actio. Nam perinde ei condici potest, si apparet eum dare oportere, ac si mutuum accepisset. Vnde pupillus, si ei sine tutoris auctoritate indebitum per errorem datum est, non tenebitur indebiti conditione: non magis, quam mutui datione. Sed hæc species obligationis non videtur ex contractu consistere: cum is, qui solvendi animo dat, magis voluerit negotium distrahere, quam contrahere.

2. ¶ Item is, cui res aliqua utenda datur, id est, commodatur, re obligatur, & tenetur com-

modati actione. Sed is, ab eo, qui mutuum accepit, longè distat, namque non ita res datur, ut ejus fiat, & ob id ea re ipsa restituenda tenetur. Et is quidem, qui mutuum accepit, si quolibet fortuito casu amiserit, quod accepit: veluti incendio, ruina, naufragio, aut latronum hostiumve incursum: nihilominus obligatus remanet. At is, qui utendum accepit, sanè quidem exactam diligentiam custodiendæ rei præstare jubetur: nec sufficit ei tantam diligentiam adhibuisse, quantam suis rebus adhibere solitus est; si modo alius diligentior poterat eam rem custodire: sed propter maiorem vim majoremve casus non tenetur, si modo non ipsius culpa is casus intervenit, alioqui si id, quod tibi commodatum est domi, peregrinè secum ferre malueris, & vel incursum hostium prædonumve, vel naufragio amiseris: dubium non est, quin de restituenda ea re tenearis. Commoda autem res tunc propriè intelligitur, si nulla mercede accepta vel constituta, (res) tibi utenda data est, alioqui mercede interveniente, locatus tibi usus rei videtur. Gratuitum enim debet esse commodatum.

3. ¶ Præterea & is, apud quam res aliqua deponitur, re obligatur, teneturque actione depositi: quia & ipse de ea re, quam accepit, restituenda tenetur. Sed is ex eo solo tenetur, si quid solo commiserit, culpæ autem nomine, id est, desidii ac negligentia, non tenetur. Itaque securus est, qui parum diligenter custoditam rem furto amiserit: quia qui negligentiam amico rem custodiendam tradidit, (non ei) sed suæ facilitati id imputare debet.

4. § Creditor quoque, qui pignus accepit, re obligatur: quia & ipse de ea re, quam accepit, restituenda tenetur actione pignoratitia. Sed quia pignus utriusque gratia datur, & debitoris, quo magis pecunia ea credatur, & creditoris, quo magis emtuto sit creditum: placuit sufficere, si ad eam rem custodiendam exactam diligentiam adhibeat: quam si præstiterit: & aliquo fortuito casu rem amiserit: securum esse, nec impediri creditum petere.

DE VERBORUM

obligationibus.

TITULVS XVI.

Verbis obligatio contrahitur ex interrogatione & responsione, cum quid dati fieri ve nobis stipulamur, ex qua dux proficiscuntur actiones, tam condictio certi, si certa sit stipulatio: quam ex stipulatu si incerta sit, quæ hoc nomine indebitur, quod stipulum apud veteres firmum appellabatur, fortè à stipite descendens.

1. § In hac re olim talia verba tradita fuerunt. *Spondeo? spondeo. Promittis? promitto. (Fide promitto? fide promitto.) Fidejubes? fidejubeo. Dabis? dabo, facies? faciam.* Verum autem Latina, an Græca, vel qualibet alia lingua stipulatio concipiatur, nihil interest: scilicet si uterque stipulantium intellectum ejus linguae habeat: nec necesse est eadem lingua utrumque uti, sed sufficit congruenter ad interrogata respondere. Quin etiam duo Græci Latina

lingua obligationem contrahere possunt. Sed hæc solennia verba olim quidem in usu fuerunt : postea autem Leonina constitutio lata est, quæ solennitate verborum sublata, sensum & consonantem intellectum ab utraque parte solum desiderat, quibuscunque tandem verbis expressum est.

2. ¶ Omnis stipulatio aut purè, aut in diem, aut sub conditione fit. Purè, veluti, *quinque aureos dare spondes?* idque confestim peti potest. In diem, cum adjecto die, quo pecunia solvatur, stipulatio fit: veluti, *decem aureos primis calendis Martiis dare spondes?* Id autem quod in diem stipulamur, statim quidem debetur: sed peti prius, quam dies venerit, non potest; at ne eo quidem ipso die, in quem stipulatio facta est, peti potest: quia totus is dies arbitrio solventis tribui debet. Neque enim certum est eo die, in quem premissum est, datum non esse, priusquam is præterierit.

3. ¶ At si ita stipuleris, *decem aureos annuos, quoad vivam, dare spondes?* & purè facta obligatio intelligitur, & perpetuatur: quia ad tempus non potest deberi: sed hæres petendo, pacti exceptione submovebitur.

4. ¶ Sub conditione stipulatio fit, cum in aliquem casum differtur obligatio: ut si aliquid factum fuerit, vel non fuerit, committatur stipulatio: veluti: *Si Titius consul fuerit factus, quinque aureos dare spondes?* Si quis ita stipuletur, *si in capitolium non ascendero dare spondes?* perinde erit ac si stipulatus esse, cum moreretur, sibi dar. Ex conditionali stipulatione tantum spes est debitum iri: eamq; ipsam spem in hære-

heredem transminimus, si prius quam conditio exstet, mors nobis contigerit.

5. ¶ Loca etiam inseri stipulationi solent: veluti, *Carthagini dare spondes*? Quæ stipulatio licet purè fieri videtur, tamen re ipsa habet tempus adjectum, quo promissor utatur ad pecuniâ Carthagini dandam. Et ideo si quis Romæ ita stipuletur, *hodie Carthagini dare spondes*? inutilis erit stipulatio, cum impossibilis sit repromissio.

6. ¶ Conditiones, quæ ad præsens vel præteritum tempus referuntur, aut statim infirmant obligationem, aut omnino non differunt, veluti: *Si Titius Consul fuit, vel Marcius vivit dare spondes*? Nam si ea ita non sunt, nihil valet stipulatio: sin autem ita se habent, statim valet. Quæ enim per rerum naturam sunt certa: non morantur obligationem, licet apud nos incerta sint.

7. ¶ Non solum res in stipulatum deduci possunt, sed etiam facta: ut si stipulemur aliquid fieri, vel non fieri, & in huiusmodi stipulationibus optimum erit pœnam subicere, ne quantitas stipulationis in incerto sit, ac necesse sit actori probare, quod ejus interfit. Itaque si quis, ut fiat aliquid stipuletur: ita adjici pœna debet. *Si ita factum non erit, tunc pœna nomine decem aureos dare spondes*? sed si quædam fieri quædam non fieri, una eademque conceptione stipuletur quis: clausula huiusmodi erit adjicienda. *Si adversus ea factum erit: si ve quid ita factum non fuerit: tunc pœna nomine decem aureos dare spondes*?

DE DUOBUS REIS
stipulandi & promittendi.

TITVLVS XVII.

ET stipulandi & promittendi duo pluresve rei fieri possunt. Stipulandi ita si post omnium interrogationem promissor respondeat. *Spondeo*: ut puta cum duobus separatim stipulantibus ita promissor respondeat, *Utrique vestrum dare spondeo*. Nam si prius Titio sponderit, deinde alio interroganti spondeat, alia atque alia erit obligatio, nec creduntur duo rei stipulandi esse. Duo pluresve rei promittendi ita fiunt: *Mavi decem aureos dare spondeo & Seieosdem decem aureos dare spondeo*: (si) respondeant singuli separatim *spondeo*.

1. § Ex huiusmodi obligationibus, & stipulationibus solidum singulis debetur, & promittentes singuli in solidum tenentur. In utraque tamen obligatione una res vertitur: & vel alter debitum accipiendo, vel alter solvendo, omnium perimit obligationem, & omnes liberat.

2. § Ex duobus reis promittendi: alius pure, alius in diem, vel sub conditione obligari potest, nec impedimento erit dies aut conditio, quo minus ab eo, qui pure obligatus est petatur.

DE STIPULATIONE
servorum.

TITVLVS XVIII.

Servus ex persona domini jus stipulandi habet. Sed & hereditas in plerisque personæ defuncti vicem sustinet, ideoque quod servus hereditarius ante aditam hereditatem stipulatur, acquirit hereditati: ac per hoc etiam heredi postea facto acquiritur.

1. ¶ Sive autem domino, sive tibi, sive con-servo suo, sive impersonaliter servus stipuletur: Domino acquirit. Idem juris est & in liberis, qui in potestate patris sunt, ex quibus causis adquirere possunt.

2. ¶ Sed cum factum, in stipulatione continetur: omni modo persona stipulantis continetur: veluti si servus stipuletur ut tibi ire agere licet. ~~non~~ enim tantum prohiberi non debet, non etiam dominus ejus.

3. ¶ Servus communis stipulando, unicuique dominorum pro portione domini acquirit: nisi jussu unius eorum, aut nominatim alicui eorum ad stipulatur est, tunc enim soli ei acquiritur. Quod servus communis stipulatur, si alteri ex dominis adquiri non potest: solidum alteri acquiritur, veluti si res, quam dari stipulatus est, unius domini sit.

DE DIVISIONE

Stipulationum.

TITVLVS XIX.

Stipulationum alia (sunt) judiciales, alia pratoria, alia conventionales, alia communes, tam pratoria, quam judiciales.

1. **¶** Judiciales sunt dumtaxat, quae à mero iudicis officio proficiuntur: veluti de dolo cautio, (vel de persequendo servo, qui in fuga est: restituendo ve pretio.)

2. **¶** Pratoria (sunt,) quae à mero praetoris officio proficiuntur, veluti damni infecti, (vel legatorum.) Pratorias autem stipulationes sic exaudiri oportet, ut in his etiam contineantur adilitiae, nam & haec à iurisdictione (praetoris) veniunt.

3. **¶** Conventionales sunt, quae ex conventionione utriusque partis concipiuntur: (locum enim, neque iussu iudicis, neque iussu praetoris, sed ex conventionione contrahentium,) quarum totidem genera sunt, quot (penè dixerim) rerum contrahendarum.

4. **¶** Communes sunt, veluti rem salvam fore pupillo: (Nam & Praetor jubet rem salvam fore pupillo caveri & interdum iudex, si aliter haec res expediri non potest:) vel de rato stipulatio.

DE INUTILIBUS

Stipulationibus.

TITVLVS XX.

Omnis res, quæ dominio nostro subicitur, in stipulationem deduci potest: siue mobilis sit, siue soli.

1. § At si quis rem, quæ in rerum natura non est, aut esse non potest, dari stipulatus fuerit: veluti Stichum, qui mortuus sit, quem vivere credebat: aut hypocaustum, qui esse non possit: inutilis erit stipulatio.

2. § Idem juris est, si rem sacram aut religiosam, quam humani juris esse credebat: vel rem publicam, quæ usibus populi perpetuò exposita sit, ut forum, vel theatrum, vel liberum hominem, quem servum esse credebat, vel cuius commercium non habuerit: vel rem suam dari quis stipuletur. Nec in prudenti erit stipulatio ob id, quòd publica res in privatum deduci, & ex libero servus fieri potest, & commercium adipisci stipulator potest, & res (sua) stipulatoris esse definire potest: sed protinus inutilis est. Item contra: licet initio utiliter res in stipulatum deducta sit: si (tamen) postea in aliquam eorum causam, de quibus supra dictum est, sine facto promissoris devenerit: extinguitur stipulatio. At nec statim ab initio talis stipulatio valebit, *L. cum Titium, cum servus erit, dare spondet* & similia, quæ enim natura sui dominio nostro exempta sunt, in obligationem deduci nullo modo possunt.

3. § Siquis alium daturum facturumve quid promiserit : non obligabitur, veluti si spondeat Titium quinque aureos daturum, Quod si effecturum se, ut Titius daret, sponderit, obligatur.

4. § Siquis alii, quam ei, cuius juri subjectus sit stipuletur: nihil agit. Planè solutio etiam in extraneam personam conferri potest: veluti si quis ita stipuletur, *Mihi aut Sejo dare spondes* : ut obligatio quidem stipulatori adquiratur, solvi tamen Sejo, etiam invito eo, rectè possit, ut liberatio ipso jure contingat, sed ille adversus Sejum habeat mandati actionem. Quod si quis sibi, & alii, cuius juri subjectus non sit, dari decem aureos stipulatus est: vale quidem stipulatio : sed utrum totum debeatur (stipulatori,) quod in stipulationem deductum est, an verò pars dimidia: dubitatum est: sed placuit, non plus quam dimidiam partem evadquiri Et (vero,) qui juri tuo subjectus est, si stipulatus sis, tibi adquiris: quia vox tua, tanquam filii sit, sicuti & filii vox, tanquam tua intelligitur in iis rebus, quæ tibi adquiri possunt.

5. § Præterea inutilis est stipulatio, si (quis) ad ea, quæ interrogatus fuerit, non respondeat: veluti si quis decem aureos à te dari stipuletur, tu quinque promittas, vel contra: aut si ille purè stipuletur, tu sub conditione promittas : vel contra: si modo scilicet id exprimas, id est, si cui sub conditione vel in diem stipulanti, tu respondeas, *præsenti die spondeo*. Nam si hoc solum respondeas, *promitto* : breviter videris in eandem diem vel conditionem spondidisse. Neque enim necesse est in respon-

respondendo eadem omnia repeti, quæ stipulator expresserit.

6. § Item inutilis est stipulatio, si vel ab eo stipuleris, qui tuo juri subjectus est, vel si is à te stipuletur. Sed servus quidem non solum domino suo obligari non potest, sed ne quidem ulli alii, filii vero familiarum aliis obligari possunt.

7. § Mutum neque stipulari, neque promittere posse palam est, quod & in furdo receptum est: quia & is, qui stipulatur, verba promittentis, & is, qui promittit, verba stipulantis audire debet: unde apparet non de eo nos loqui, qui tardius exaudit: sed de eo, qui omnino non audit.

8. § Furiosus nullum negotium gerere potest: quia non intelligit, quod agit.

9. § Pupillus omne negotium rectè gerit: ita tamen, ut ubi tutoris auctoritas necessaria sit, adhibeatur tutor: veluti si ipse obligetur, nam alium sibi obligare etiam sine tutoris auctoritate potest.

10. § Sed quod diximus de pupillis, utique de iis verum est, qui jam habent aliquem intellectum: nam infans, & qui infantia proximus est, non multum à furioso distat: quia hujusmodi ætatis pupilli nullum habent intellectum. Sed in proximis infantia, propter utilitatem eorum, benignior juris interpretatio facta est: ut idem juris habeant, quod pubertati proximi. Sed qui in potestate parentis est impubes, ne auctore quidem patre obligatur.

11. § Si impossibilis conditio obligationibus adjiciatur: nihil valet stipulatio. Impossibilis

bilis autem conditio habetur, cui natura impedimento est, quo minus existat: veluti si quis ita dixerit, *Si digito cælum attigero, dare spondes?* At si ita stipuletur, *si digito cælum non attigero, dare spondes?* pure facta obligatio intelligitur, ideoque statim peti potest.

12. § Item verborum obligatio inter absentes concepta, inutilis est. Sed cum hoc materiam litium contentiosis hominibus præstabat, fortè post tempus tales allegationes opponentibus, & non præsentibus fuisse, vel se, vel adversarios suos, contendentibus: ideo nostra constitutio propter celeritatem dirimendarum litium introducta est, quam ad Cæsarienses advocatos scripsimus: per quam dispositum est, tales scripturas, quæ præsto esse partes indicant, omnino esse credendas, nisi is, qui talibus utitur improbis allegationibus, manifestissimis probationibus vel per scripturam, vel per testes idoneos approbaverit, toto eod die quo conficiebatur instrumentum sese vel adversarium suum in alijs locis fuisse.

13. § Post mortem suam dari sibi nemo stipulari poterat: non magis, quam post mortem, à quo stipulabatur. Ac nec is, qui in alicujus potestate est, post mortem ejus stipulari poterat: quia patris vel domini voce loqui videretur. Sed & si quis ita stipuletur. *Pridie quam moriar, vel pridie quam morieris, dare spondes?* inutilis erat stipulatio. Sed cum (ut jam dictum est) ex consensu contrahentium stipulationes valeant: placuit nobis etiam in hunc juris articulum necessariam inducere emendationem, ut sive post mortem, sive pridie quam moria-

moria-

moriatur stipulator, five promissor, stipulatio concepta sit: stipulatio valeat.

14. ¶ Item si quis ita stipulatus erat, *Si navis ex Asia venerit, hodie dare spondes?* inutilis erat stipulatio, quia præposterè concepta est. Sed quum Leo inclytæ recordationis, in dotibus eandem stipulationem, quæ præpostera nuncupatur, non esse rejiciendam existimaverit: nobis placuit, & huic perfectum robur accommodare, ut non solum in dotibus, sed etiam in omnibus valeat hujusmodi conceptio stipulationis.

15. ¶ Ita autem stipulatio concepta, veluti si Titius dicat, *cum moriar, dare spondes: vel cum merieris?* & apud veteres utilis erat, & nunc valet.

16. ¶ Item post mortem alterius rectè stipulamur.

17. ¶ Si scriptum in instrumento fuerit, promississe aliquem: perinde habetur, atque si interrogatione præcedente responsum sit.

18. ¶ Quotiens si plures res una stipulatione comprehenduntur, si quidem promissor simpliciter respondeat, *dare spondes*: propter omnes tenetur. Si verò unam ex his, vel quasdam daturum se spondiderit, obligatio in iis, pro quibus spondiderit, contrahitur. Ex pluribus enim stipulationibus, una, vel quædam videntur esse perfectæ. Singulas enim res stipulari, & ad singulas respondere debemus.

19. ¶ Alteri stipulari (ut supra dictum est) nemo potest. Inventæ enim sunt hujusmodi (stipulationes vel) obligationes ad hoc, ut unusquisque adquirat sibi, quod sua interest:

ceter.

exterum si alii detur, nihil interest stipulato-
ris. Planè si quis velit hoc facere, pœnam sti-
pulari conveniet: ut nisi ita factum sit, ut est
comprehensum, committatur pœnæ stipula-
tio etiam ei, cuius nihil interest. Pœnam enim
cum stipulatur quis, non illud inspicitur,
quod intersit ejus, sed quæ sit quantitas in
conditione stipulationis. Ergo si quis (ita) sti-
puletur, *Titio dare nihil agit, sed si adjecerit*
pœnam nisi dederis, tot aureos dare spondes? tunc
committitur stipulatio.

20. ¶ Sed (&) si quis stipuletur alii, cum ejus
intereffet, placuit stipulationem valere. Nam
his, qui pupilli tutelam administrare cœpe-
rat, cesserit administratione tutori suo, &
stipuletur rem pupilli salvam fore quoniam
intereffet stipulatoris fieri, quod stipulatus est
(cum obligatus futurus sit pupillo, si malè res
gesserit) tenet obligatio. Ergo et si quis procu-
ratori suo dari stipulatus sit: habebit vires sti-
pulationis. Et si creditori suo (quis stipulatus
sit:) quod sua interest, ne fortè vel pœna
committatur, vel prædia distrahantur, quæ pi-
gnori data erant: valet stipulatio.

21. ¶ Versa vice, qui alium facturum pro-
miserit, videtur in ea esse causa, ut non teneatur,
nisi pœnam ipse promiserit.

22. ¶ Item nemo rem suam futuram, in eum
casum, quo sua sit, utiliter stipulatur.

23. ¶ Si de alia re stipulator senserit, de alia
promissor: perinde nulla contrahitur obli-
gatio, ac si ad interrogatum responsum non
esset: veluti si hominem Stichum à te quis
stipulatus fuerit, tu de Pamphilo senseris,
quem Stichum vocari credideris.

24. § Quòd turpi ex causa promissum est, veluti si quis homicidium vel sacrilegium se facturum promittat: non valet.

25. § Cùm quis sub aliqua conditione stipulatus fuerit: licet ante conditionem decesserit: postea existente conditione heres ejus agere potest. Idem est & expromissoris parte.

26. § Qui hoc anno, aut hoc mense dari stipulatus est: nisi omnibus partibus anni vel mensis præteritis non rectè petet.

27. § Si fundum dari stipuleris, vel hominem: non poteris continuè agere: nisi tantum spatium præterierit, quo traditio fieri possit.

DE FIDEJUSSORIBUS.

TITULUS XXI.

PRO eo qui promittit, solent alii obligari, qui fidejussores appellantur: quos homines accipere solent, dum curant, ut diligentius sibi cautum sit.

1. §. In omnibus autem obligationibus adsumi possunt: id est, si re si ve verbis, si ve literis, si ve consensu contractæ fuerint. At nec illud quidem interest, utrùm civilis, an naturalis sit obligatio, cui adjicitur fidejussor: adeò quidem, ut pro servo quoque obligetur si ve extraneus sit, qui fidejussorem à servo accipiat, si ve ipse dominus in id, quòd sibi naturaliter debetur.

2. § Fidejussor non tantum ipse obligatur, sed etiam heredem relinquit obligatum.

3. § Fidejussor & præcedere obligationem, & sequi potest.

4. § Si plures sint fidejussores : quotquot erunt numero, singuli in solidum tenentur. Itaque liberum est creditori, à quo velit solidam petere. Sed ex epistola divi Hadriani compellitur creditor à singulis, qui modo solvendo sunt, litis contestata tempore, partes petere. Ideoque si quis ex fidejussoribus eo tempore solvendo non sit : hoc cæteros onerat. Sed si ab uno fidejussore creditor totum consequutus fuerit : hujus solius detrimentum erit : si is, pro quo fidejussit, solvendo non sit & sibi imputare debet, cum potuerit juvari ex epistola divi Hadriani, & desiderare, ut pro parte se detur actio.

5. § Fidejussores ita obligari non possunt, ut plus debeant, quàm debet is, pro quo obligantur. Nam eorum obligatio, accessio est principalis obligationis : nec plus in accessione potest esse, quàm in principali re. At ex diverso, ut minus debeant, obligari possunt. Itaque si reus decem aureos promiserit : fidejussor in quinque rectè obligatur : contra verò obligari non potest. Item si ille pure promiserit : fidejussor sub conditione promittere potest : contra verò non potest. Non solum autem in quantitate, sed etiam in tempore minus aut plus intelligitur. Plus est enim statim aliquid dare : minus est post tempus dare.

6. § Si quid autem fidejussor pro reo solverit : ejus recuperandi causa habet cum eo mandati judicium.

7. § Gracè etiam fidejussor ita accipitur,

τῇ ἰμῇ πίσει κελεύω ἐγώ. i. *mea fide jubeo ego.*
 (sed & si dixerit) θέλω, ἢ βέλομαι, i. *volo*
 sed & φημι, i. *affirmo*: pro eo erit. ac si di-
 xerit λέγω, i. *dico.*

8. § In stipulationibus fidejussorum scien-
 dum est hoc generaliter accipi: ut quodcun-
 que scriptum sit quasi actum, videatur etiam
 actum. Ideoque constat, si quis scripserit se
 fidejussisse: videri omnia solenniter acta.

DE L I T E R A R U M.

obligationibus.

T I T U L U S XXII.

Olim scriptura fiebat obligatio quæ nomi-
 nibus fieri dicebatur, quæ nomina hodiè
 non sunt in usu. Plane si quis debere se scri-
 pserit, quod sibi numeratum non est: de pe-
 cunia minimè numerata, post multum tem-
 poris exceptionem opponere non potest, hoc
 enim sapissimè constitutum est, sic fit, ut &
 hodie, dum queri non potest, scriptura obli-
 getur: & ex ea nascatur conditio cessante
 scilicet verborum obligatione. Multum au-
 tem tempus in hac exceptione antea quidem
 ex principalibus constitutionibus usque ad
 quinquennium procedebat, sed ne credito-
 res diutius possint suis pecuniis forsitan de-
 fraudari: per constitutionem nostram tempus
 coarctatum est ut ultra biennii metas hujus-
 modi exceptio minimè extendatur.

DE OBLIGATIONIBUS ex consensu.

TITULUS XXIII.

Consensu fiunt obligationes in emptionibus venditionibus, locationibus, condictionibus, societatibus, mandatis. Ideò autem istis modis obligatio dicitur consensu contrahi: quia neque scriptura, neque præsentia omnimodò opus est, ac necdò. quicquam necesse est ut substantiam capiat obligatio: sed sufficit, eos, qui negotia gerunt, consentire, unde inter absentes quoque talia negotia contrahuntur, veluti per epistolam, vel per nuntium. Item in his contractibus alter obligatur in id, quod alterum alter ex bono & æquo præstare oportet (cum alioqui in verborum obligationibus alius stipuletur, alius promittat.)

DE EMPTIONE ET venditione.

TITULUS XXIV.

Emptio & venditio contrahitur, simulatque de pretio convenerit: quamvis nondum pretium numeratum sit, ac ne arrha quidem data fuerit. Nam quòd arrhæ nomine datur, argumentum est emptionis & venditionis contractæ. Sed hoc quidem de emptionibus & venditionibus quæ sine scriptura consistunt,

sistunt, obtinere oportet nam nihil à nobis in huiusmodi emptionibus & venditionibus innovatum est; in iis autem, quæ scriptura conficiuntur, non aliter perfectam esse venditionem & emptionem constituimus, nisi & instrumenta emptionis fuerint conscripta, vel manu propria contrahentium, vel ab aliquo eisdem scripta, & si per tabellionem fiunt, nisi & completiones acceperint, & fuerint partibus absoluta. Donec enim aliquid deest ex his, & poenitentia locus est, & potest emptor vel venditor sine poena recedere ab emptione (& venditione.) Ita tamen impune (eis recedere) concedemus, nisi jam arrharum nomine aliquid fuerit datum: hoc enim subsequuto siue in scriptis, siue sine scriptis venditio celebrata est: is, qui recusat adimplere contractum, si quidem est emptor, perdit, quod dedit si vero venditor: duplum restituere compellitur, licet super arrhis nihil expressum est Pretium autem constitui oportet, nam nulla emptio sine pretio esse potest.

1. Sed & certum esse pretium debet, alioqui si inter aliquos ita convenerit, ut quanti Tilius rem æstimaverit, tanti sit empti inter veteres satis abundeque hoc dubitabatur constaretne venditio an non. Sed nostra decisio ita hoc constituit, ut quotiens sic composita sit venditio, *quanti ille æstimaverit*, sub hac conditione staret contractus: ut si quidem ille qui nominatus est, pretium definierit: (tunc) omnimodo secundum eius æstimationem & pretium persolvatur, & restitatur & venditio ad effectum perducatur: emptore quidem ex

empto actione venditore ex vendito agente. Sin autem ille, qui nominatus est, vel noluerit, vel non potuerit pretium definire : tunc pro nihilo esse venditionem, quasi nullo pretio statuto. Quod ius cum in venditionibus nobis placuerit: non est absurdum in locationibus & (in) conductionibus trahere.

2. ¶ Item pretium in numerata pecunia consistere debet. Nam in ceteris rebus, an pretium esse posset, valde quaerebatur: velut an homo, aut fundus aut toga alterius rei pretium esse posset (Et) Sabinus & Cassius etiam in alia re putabant pretium posse consistere, unde illud est, quod vulgo dicebatur, permutatione rerum emptionem & venditionem contrahi, eamque speciem emptionis & venditionis vetustissimam esse, argumentoque utebantur Graeco poeta Homero, qui aliquam partem exercitus Archivorum vinum sibi comparasse ait permutatis quibusdam rebus, his verbis:

Ενθεν ἄρ' οἰνίζοντο παρηκομόωντες
ἀχαιοί,

Ἄλλοι μὲν χαλκῷ, ἄλλοι δ' αὖθις
σιδήρῳ,

Ἄλλοι δὲ ῥινοῖς ἄλλοι δ' αὖτοῖς
βοῦσσιν,

Ἄλλοι δ' ἀνδραπόδεσσιν.

Id est,

Hinc sibi certatim gentis de more comati

Vina parant Graeci aere dato, fulgenteque ferro,

Tergonibusque bubus sed & ipsis, mancipiesque.

Di.

Diversæ scholæ auctores contra sentiebant: aliudque esse existimabant permutationem rerum, aliud emptionem & venditionem: alioqui non posse rem expediri, permutatis rebus, quæ videatur res venisse, & quæ pretii nomine data esse, nam utramque videri & venisse, & pretii nomine datam esse, rationem non pati. Sed Proculi sententia dicentis permutationem propriam esse speciem contractus à venditione separatam, meritò prævaluit: cum & ipse aliis Homericis versibus adjuvabatur, & validioribus rationibus argumentabatur, quod & anteriores divi principes admiserunt, & in nostris Digestis latius significatur.

3. Quum autem emptio & venditio contracta sit (quod effici diximus simulatque de pretio convenerit, cum sine scriptura res agitur) periculum rei venditæ statim ad emptorem pertinet, tametsi adhuc ea res emptori tradita non sit. Itaque si homo mortuus sit, vel aliqua parte corporis læsus fuerit aut ædes totæ vel aliqua ex parte incendio consumptæ fuerint: aut fundus vi fluminis: totus vel aliqua ex parte ablatus sit, sive etiam inundatione aquæ aut arboribus turbine dejectis longè minor aut deterior esse cœperit, emptoris dānum est, cui necesse est, licet rem non fuerit nactus, pretium solvere. Quicquid enim sine dolo & culpa venditoris accidit, in eo venditor securus est. Sed & si post emptionem fundo aliquid per alluvionem accesserit: ad emptoris commodum pertinet. Nam & commodū ejus esse debet, cujus periculum est. Quod si fugerit homo, qui venit, aut subreptus fue-

rit, ita ut neque dolus, neque culpa venditoris intervenierit: animadvertendum erit, an custodiam ejus usque ad traditionem venditor susceperit. Sanè enim si susceperit: ad ipsius periculum is casus pertinet, si non susceperit, securus est. Idem & in cæteris animalibus, cæterisque rebus intelligimus. Utique tamen vindicationem rei & conductionem exhibere debebit emptori: quia sanè qui nondum rem emptori tradidit, adhuc ipse dominus est. Idem etiam est de furti & damni injuriæ actione.

4. §. Emptio tam sub conditione quam purè contrahi potest. Sed conditione, veluti, *Si Stichus intra certum diem tibi placueris, erit tibi emptus aureis tot.*

5. §. Loca sacra vel religiosa, item publica (veluti forum, basilicam) frustra quis sciens emit, quæ tamen si pro profanis vel privatis deceptus à venditore quis emerit: habebit actionem ex empto, quòd non habere ei liceat, ut consequatur, quòd sua interest eum deceptum non esse. Idem juris est, si hominem liberum pro servo emerit.

DE LOCATIONE ET conductione.

TITULUS XXV.

Locatio & conductio proxima est emptioni & venditioni, iisdemque juris regulis consistit. Nam ut emptio & venditio ita contrahitur, si de pretio convenerit: sic & locatio &

& conductio ita contrahi intelligitur, si merces constituta sit & competit locatori quidem locati actio, conductori verò conducti.

1. ¶ Et quæ supra diximus, si alieno arbitrio pretium promissum fuerit : eadem & de locatione & conductione dicta esse intelligimus, si alieno arbitrio merces permessa fuerit. Qua de causa si fulloni polienda curandave, ac sarcinatori sarcienda vestimenta quis dederit, nulla statim mercede constituta sed postea tantum daturus, quantum inter eos convenierit : non proprie locatio & conductio contrahi intelligitur, sed eo nomine actio præscriptis verbis datur.

2. ¶ Præterea sicut vulgò quærebatur, an permutatis rebus emptio & venditio contraheretur: ita quæri solebat de locatione & conductione, si fortè rem aliquam utendam sive fruendam tibi aliquis dederit, & invicem a te utendam sive fruendam aliam (rem) acceperit. Et placuit non esse locationem & conductionem, sed proprium genus contractus, veluti si cum unum bovem quis haberet & vicinus ejus unum, placuerit inter eos, ut per denos dies invicem boves commodarent ut opus facerent & apud alterum (alterius) bos perierit; neque locati neque conducti neque commodati competit actio : quia non fuit commodatum gratuitum, verùm præscriptis verbis agendum est.

3. ¶ Adeo autem aliquam familiaritatem inter se videntur habere emptio & venditio, item locatio & conductio : ut in quibusdam causis quæri soleat, utrum emptio & venditio

contrahatur, an locatio & conductio, ut ecce de pr. diis, quæ perpetuò quibusdam fruenda trahuntur, id est, ut quamdiu pensio sive reditus pro his domino præstetur, neque ipsi conductor, neque heredi ejus cuive conductor heresve ejus id prædium vendiderit, aut donaverit, aut dotis nomine dederit, aliove quocunque modo alienaverit, auferre liceat. Sed talis contractus, quia inter veteres dubitabatur & à quibusdam locatio, à quibusdam venditio existimabatur: lex Zenoniana lata est, quæ emphyteuseos contractus propriam statuit naturam, neque ad locationem neque ad venditionem inclinantem, sed suis pactioibus fulciendam: & si quidem aliud pactum fuerit, hoc ita obtinere, ac si naturalis esset contractus, sin autem nihil de periculo rei fuerit pactum. tunc si quidem totius rei interitus accesserit: ad dominum super hoc redundare periculum: sin autem particularis: ad emphyteuticarium hujusmodi damnum venire, quo jure utimur.

4. § Item quæritur, si cum aurifice Titius convenerit, ut is ex auro suo certi ponderis certæque formæ annulos ei faceret, & acciperet (verbi gratia) decem aureos: utrùm emptio & venditio, an locatio & conductio contrahi videatur? Cassius ait, materiæ quidem emptionem & venditionem contrahi, operæ autem locationem & conductionem. Sed placuit tantum emptionem & venditionem contrahi. Quòd si suum aurum Titius dederit, mercede pro opera constituta: dubium non est, quin locatio & conductio sit.

5. § Conductor (autem) omnia secundum legem conductionis facere debet: & si quid in lege præmissum fuerit id ex bono & æquo præstare. Qui pro usu aut vestimentorum, aut argenti aut jumenti, mercedem aut dedit, aut promisit: ab eo custodia talis de fide atur, qualem diligentissimus paterfamilias suis rebus adhibet, quam si præstiterit, & aliquo casu (fortuito eam) rem amiserit: de restituenda ea non tenebitur.

6. § Mortuo conductore intra tempora conductionis, heredes ejus eodem jure in conductione succedit.

DE SOCIETATE.

TITULUS XXVI.

Societatem coire solemus aut totorum bonorum, quam Græci specialiter *κοινωνία*, appellant: aut unius alicujus negotiationis, veluti mancipiorum vendendorum emendorumque, aut olei, aut vini, aut frumenti emendi vendendique.

1. § Et quidem si nihil de partibus lucris & damni nominatim convenerit: æquales scilicet partes & in lucro & in damno spectantur. Quod si expressæ fuerint (partes:) hæc servari debent. Nec enim unquam dubium fuit, quin valeat conventio, si duo inter se pacti sint, ut ad unum quidem duæ partes & lucris & damni pertineant, ad alium tertia.

2. § De illa sanè conventionem quæ situm est, si Titius & Sejus inter se pacti sint, ut ad

Titium lucri duæ partes pertineant, damni tertia: ad Sejum duæ partes damni lucri tertia: an rata debeat haberi conventio? Quintus Mutius contra naturam societatis talem partitionem esse existimavit, & ob id non esse ratam habendam. Servius Sulpitius (cujus sententia prævaluit) contra sensit: quia sæpè quorundam ita pretiosa est opera in societate, ut eos justum sit conditione meliore in societatem admitti. Nam & ita coiri posse societatem non dubitatur, ut alter pecuniam conferat, alter non conferat, & tamen lucrum inter eos commune sit, quia sæpè opera alicujus pro pecunia valet. Et adeò contra Quinti Mutii sententiam obtinuit: ut illud quoque constiterit posse convenire, ut quis lucri partem ferat de damno non teneatur, quòd & ipsum servus convenienter (sibi) fieri existimavit. Quod tamen ita intelligi oportet, ut si in alia re lucrum, in alia damnum illatum sit: compensatione facta, solum, quod superest, intelligatur lucro esse.

3. § Illud expeditum est, si in una causa pars fuerit expressa, veluti in solo lucro vel in solo damno in altero verò omissa: in eo quoque, quod prætermissum est, eandem partem servari.

4. § Manet autem societas eo usque, donec in eodem consensu perseveraverint. At cum aliquis renunciaverit societati, solvitur societas. Sed planè si quis callidè in hoc renunciaverit societati, ut obveniens aliquod lucrum solus habeat, veluti si totorum bonorum socius, cum ab aliquo heres esset relictus, in hoc

renunciaverit societati, ut hereditatem solus lucrificeret, cogitur hoc lucrum communicare. Si quid verò aliud lucrificiat, quòd non captaverit: ad ipsum solum pertinet. Et verò, cui renunciatum est, quicquid omnino post renunciatam societatem acquiritur soli conceditur.

5. § Solvitur adhuc societas etiam morte socii quia qui societatem contrahit, certam personam sibi eligit, sed & si consensu plurium societas contracta sit: morte unius socii solvitur, nisi plures supersint: nisi in eocunda societate aliter convenerit.

6. § Item si alicujus rei contracta societas sit, & finis negotio impositus est: finitur societas.

7. § Publicatione quoque distrahi societatem manifestum est: scilicet si universa bona socii publicentur, nam cum in ejus locum alius succedat, pro mortuo habetur.

8. § Item si quis ex sociis mole debiti pregravatus bonis suis cesserit, & ideo propter publica aut privata debita substantia ejus veneat: solvitur societas: sed hoc casu si adhuc consentiant in societatem, nova videtur incipere societas.

9. § Socius socio utrùm eo nomine tantum teneatur pro socio actione si quid dolo commiserit: sicut is, qui deponi apud se passus est: an etiam culpa, id est desidii atque negligentia nomine: quæ situm est, prevaluit tamen, etiam culpa nomine teneri eum. Culpa autem non ad exactissimam diligentiam dirigenda est. Sufficit enim talem diligentiam comm-

nibus rebus adhibere (socium,) qualem suis rebus adhibere solet. Nam qui parum diligentem socium sibi adsumit: de se queri, sibi que hoc imputare debet.

DE MANDATO.

TITULUS XXVII.

Mandatum contrahitur quinque modis: siue sua tantum gratia aliquis tibi mandet siue sua & tua siue aliena tantum, siue sua & aliena, siue tua & aliena. At si tua tantum gratia mandatum sit: supervacuum est mandatum, & ob id nulla ex eo obligatio, nec mandati inter vos actio nascitur.

1. ¶ Mandantis (tantum) gratia intervenit mandatum: veluti si quis tibi mandet, ut negotia ejus gereres, vel ut fundum ei emereres, vel ut pro eo sponderes.

2. ¶ Tua gratia & mandantis: veluti si mandet tibi, ut pecuniam sub usuris crederes ei, qui in rem ipsius mutuaretur; aut si volente te agere cum eo ex fideiussoria causa, mandet tibi, ut cum reo agas, periculo mandantis, vel ut ipsius periculo sit puleris ab eo, quem tibi deleget in id, quod tibi debuerat.

3. ¶ Aliena autem (tantum) causa intervenit mandatum, veluti si tibi aliquis mandet, ut Titii negotia gereres, vel ut Titio fundum emereres, vel ut pro Titio sponderes.

4. ¶ Sua & aliena: veluti si de communibus suis & Titii negotiis gerendis tibi mandet, vel ut tibi & Titio fundum emereres, vel ut pro eo & Titio sponderes.

5. § Tua & aliena: veluti si tibi mandet, ut Titio sub usuris crederes: quia si sine usuris pecuniam crederes, aliena tantum gratia intercedit mandatum.

6. § Tua tantum gratia intervenit mandatum: veluti si tibi mandet, ut pecunias tuas in emptiones potius prædiorum colloces, quam foenere s: vel ex diverso, ut pecunias tuas foeneres potius, quam in emptione prædiorum colloces. Cujus generis mandatum, magis consilium, quam mandatum est, & ob id non est obligatorium: quia nemo ex consilio mandati obligatur, etiam si non expediat ei, cui mandabatur, cum liberum cuique sit apud se explorare, an sibi expediat consilium. Itaque si otiosam pecuniam domi te habentem hortatus fuerit aliquis, ut rem aliquam emereres, vel eam crederes: quamvis non expediat eam tibi emisse, vel credidisse, non tamen tibi mandati tenetur. Et adeò hæc ita sunt, ut quæsitum sit, an mandati teneatur, qui mandavit tibi, ut pecuniam Titio foenerares? sed obtinuit Sabini sententia obligatorium esse in hoc casu mandatum: quia non aliter Titio credidisses, quam si tibi mandatum esset.

7. § Illud quoque mandatum non est obligatorium, quòd contra bonos mores est: veluti si Titius de furto, aut (de) damno faciendo, aut de injuria facienda mandet tibi, licet enim poenam istius facti nomine præstiteris, non tamen ullam habes adversus Titium actionem.

8. § Is qui exequitur mandatum, non debet excedere fines mandati, ut ecce, si quis usque

usque ad centum aureos mandaverit tibi, ut fundum emereres, vel ut pro Titio sponderes: neque pluris emere debes. neque in ampliorum pecuniam fidejubere. alioqui non habebis cum eo mandati actionem. adeo quidem, ut Sabino & Cassio placuerit, etiam si usque ad centum aureos cum eo agere volueris: inutiliter te acturum. (Sed) diversæ scholæ auctores recte usque ad centum aureos te acturum existimant: quæ sententia sanè benignior est. Quod si minoris emeris, habebis scilicet cum eo mandati actionem: quoniam qui mandat, ut sibi centum aureorum fundus emeretur, is utique mandasse intelligitur, ut minoris (si possit) emeretur.

9. ¶ Rectè quoque mandatum contractum, si dum adhuc integra res sit, revocatum fuerit, evanescit.

10. ¶ Item si adhuc integro mandato, mors alterutrius interveniat, id est, vel ejus qui mandaverit, vel illius qui mandatum suscepit: solvitur mandatum. Sed utilitatis causa receptum est: si eo mortuo qui tibi mandaverat, tu ignorans eum decessisse, executus fueris mandatum: posse te agere mandati actione, alioquin iusta & probabilis ignorantia tibi damnum adferret. Et huic simile est, quod placuit si debitores manumisso dispensatore Titii, per ignorantiam liberto solverint liberarios, cum alioqui sit æta juris ratione non possent liberari, quia alii solvissent, quam cumolvere debuerint.

11. ¶ Mandatum non suscipere cuilibet liberum est: susceptum autem consummandum est,

est, aut quam primum enunciandum, ut per semetipsum, aut per alium eandem rem mandator exequatur. Nam nisi ita renunciatur, ut integra causa mandatori reservetur eandem rem explicandi; nihilominus mandati actio locum habet: nisi iusta causa intercesserit, aut non renunciandi, aut intempestivè renunciandi.

12. § Mandatum & in diem differri, & sub conditione fieri potest.

13. § In summa sciendum est, mandatum, nisi gratuitum sit, in aliam formam negotii cadere. Nam mercede constituta, incipit locatio & conductio esse. Et (ut generaliter dicamus) quibus casibus sine mercede suscepto officio, mandati sive depositi contrahitur negotium: iis casibus interveniente mercede locatio & conductio intelligitur contrahi. Et ideo si fulloni potienda curandave quis dederit vestimenta, aut sarcinatori sarcienda, nulla mercede constituta neque promissa: mandati competit actio.

DE OBLIGATIONIBUS,

[quæ] quasi ex contractu
[nascuntur.]

TITULUS XXVIII.

Post genera contractuum enumerata dispiciamus etiam de iis obligationibus, quæ quidem non propriè nasci ex contractu intelliguntur; sed tamen quia non ex maleficio

substantiam capiunt, quasi ex contractu nasci videntur.

1. ¶ Igitur cum quis negotia absentis gesserit ultrò citroque inter eos nascuntur actiones: quæ appellantur negotiorum gestorum, sed domino quidem rei gestæ adversus eum, qui gessit, directa competit actio: negotiorum autem gestori, contraria, quas ex nullo contractu propriè nasci, manifestum est: quippe ita nascuntur istæ actiones, si sine mandato quisque alienis negotiis gerendis se obtulerit ex qua causa ii, quorum negotia gesta fuerint, etiam ignorantes obligantur. Idque utilitatis causa receptum est ne absentium, qui subita festinatione coacti, nulli demandata negotiorum suorum administratione, peregrè profecti essent, deferrentur negotia: quæ sanè nemo curaturus esset, si de eo, quòd quis impendisset, nullam habiturus esset actionem. Sicut autem is, qui utiliter gessit negotia, dominum habet obligatum negotiorum gestorum: ita & contra iste quoque tenetur, ut administrationis reddat rationem. Quo casu ad exactissimam quisque diligentiam compellitur reddere rationem: nec sufficit talem diligentiam adhibere, qualem suis rebus adhibere solet: si modò alius diligentior (eo) commodius administraturus esset negotia.

2. ¶ Tutores quoque, qui tutelæ iudicio tenentur, non propriè ex contractu obligati (esse) intelliguntur, (nullum enim negotium inter tutorem & pupillum contrahitur) sed quia sanè non ex maleficio tenentur, quasi ex contractu teneri videntur. Hoc autem casu

mutuæ sunt actiones. Non tantum enim pupillus cum tutore habet tutelæ actionem: sed & contra tutor cum pupillo habet contrariam tutelæ, si vel impenderit aliquid in rem pupilli, vel pro eo fuerit obligatus, aut rem suam creditoribus ejus obligaverit.

3. Si Item si inter aliquos communis res sit sine societate: veluti quod pariter eis legata donatave esset: & alter eorum alteri ideo teneatur communi dividundo judicio, quòd solus fructus ex ea re perceperit, aut quod socius ejus solus in eam rem necessarias impensas fecerit: non intelligitur ex contractu propriè obligatus esse: quippe nihil inter se contraxerunt, sed quia ex maleficio non tenetur: quasi ex contractu teneri videtur.

4. ¶ Idem juris est de eo, qui coheredi familiæ eriscundæ judicio ex his causis obligatus est.

5. ¶ Heres quoque legatorum nōmine non propriè ex contractu obligatus intelligitur: (neque enim cum herede, neque cum defuncto, ullum negotium legatarius cessisse propriè dici potest) & tamen quia ex maleficio non est obligatus: quasi ex contractu debere intelligitur.

6. ¶ Item is, cui quis per errorem non debitum solvit, (quasi ex contractu debere videtur) adeo enim non intelligitur propriè ex contractu obligatus (esse,) ut si certiore rationem sequamur: magis (ut supra diximus) ex distractu, quam ex contractu possit dici obligatus esse. nam qui solvendi animo pecuniā dat: in hoc dare videtur, ut distrahat potius

negotium, quàm contrahat. Sed tamen perinde
de is, qui accipit, obligatur, ac si mutuum ei
daretur & ideo conditione tenetur.

7. ¶ Ex quibusdam tamen causis repeti non
potest, quod per errorem non debitum solu-
tum sit, sic namque definierunt veteres. ex
quibus causis inficiando lis crescit, ex iis cau-
sis non debitum solutum repeti non posse: ve-
luti ex lege Aquilia, item ex legato. Quod ve-
teres quidem in iis legatis locum habere vo-
luerunt, quæ certa constituta, per damnatio-
nem cuique legata fuerant, nostra autem con-
stitutio, cum unam naturam omnibus legatis
& fideicommissis indulget, huiusmodi aug-
mentum in omnibus legatis & fideicommissis
extendi voluit: sed non omnibus legatariis hoc
præbuit, sed tantummodo in iis legatis & fi-
deicommissis, quæ sacrosanctis ecclesiis & ca-
teris venerabilibus locis, quæ religionis vel
pietatis intuitu honorantur, relicta sunt, quæ
& indebita solvantur, non repetuntur.

PER QUAS PERSONAS
nobis obligatio acquiritur.

TITULUS XXIX.

EXpositis generibus obligationum, quæ ex
contractu vel quasi ex contractu nascuntur:
ad monendi sumus adquiri nobis non solum
per nosmetipsos, sed per eas quoque perso-
nas, quæ in nostra potestate sunt, veluti per
servos & filios nostros: ut tamen, quod per
servos (nostros) nobis acquiritur, totum no-
strum

strum fiat : quod autem per liberos , quos in potestate habemus , ex obligatione fuerit adquisitum hoc dividatur secundum imaginem rerum proprietatis & ususfructus , quam nostra decrevit constitutio ; ut quod ab actione commodum perveniat , hujus ususfructum quidem habeat pater , proprietatem autem filio servetur , scilicet patre actionem movente secundum novellæ nostræ constitutionis divisionem.

1. § Item per liberos homines , & alienos servos quos bona fide possidemus , acquiritur nobis : sed tantum ex duabus causis , id est si quid ex operis suis , vel ex re nostra acquirant.

2. § Per eum quoque servum in quo ususfructum (vel usum habemus,) similiter ex duabus istis causis non acquiritur.

3. § Communem servum pro dominica parte dominis adquirere certum est excepto eo, quo nominatim uni stipulando. aut per traditionem accipiendo, illi soli acquirit : veluti cum ita stipulatur, *Titio Domino meo dare spondes ?* Sed si domini unius jussu servus fuerit stipulatus, licet antea dubitabatur, tamen post nostram decisionem res expedita est ut illi tantum adquirit, qui hoc ei facere iussit, ut suprâ dictum est.

QUIBUS MODIS TOLLITUR obligatio.

TITULUS XXX.

Tollitur autem omnis obligatio solutione ejus quod debetur : vel si quis consentiens

te creditore aliud pro alio solverit. Nec inter-
est, quis solvat: utrum ipse, qui debet, an alius
pro eo, liberatur enim & alio solvente: five
sciente five ignorante debitore, vel invito (eo)
solutio fiat. Item si reus solverit: etiam ii, qui
pro eo intervenerunt, liberantur. Idem ex
contrario contingit, si fidejussor solverit: non
enim ipse solus liberatur, sed etiam reus.

1. ¶ Item per acceptilationem tollitur ob-
ligatio. Est autem acceptilatio, imaginaria so-
lutio. Quod enim ex verborum obligatione
Titio debetur, id si velit Titius remittere, po-
terit sic fieri, ut patiatur hæc verba debitorem
dicere: *Quod ego tibi promisi, habesne acceptum?*
& Titius respondeat. *habeo.* Sed & Græcè po-
test acceptilatio fieri: dummodo sic fiat, ut
Latinis verbis solet (exigi,) *ἔχεις λαβών*
δηνάρια τόσα ἔχω λαβών, id est, *tot dena-*
rios acceptos habes? acceptos habeo. Quo gene-
re (ut diximus) tantum exsolvuntur obliga-
tiones, quæ ex verbis consistunt, non etiam
ceteræ. Consentaneum enim visum est, verbis
factam obligationem, aliis posse verbis dissol-
vi. Sed & id, quod alia ex causa debetur, potest
in stipulationem deduci. & per acceptilatio-
nem dissolvi. Sicut autem quod debetur pro
parte recte solvitur: ita in parte debiti accep-
tilatio fieri potest.

2. ¶ Est (autem) prodita stipulatio, quæ
vulgò Aquiliana appellatur, per quam contin-
git ut omnium rerum obligatio in stipulatum
deducatur, & ea per acceptilationem tollatur.
Stipulatio enim Aquiliana renovat omne ob-
liga-

ligationes, & a Gallo Aquilio ita composita est: *Quicquid te mihi ex quaovunque causa dare facere oportet, oportebitve, praesens in diemve: quarumque rerum mihi tecum actio est, quaeque adversus te petitio, vel adversus te persecutio est, eritve: quodve tu mecum habes, tenes, possides, (dolo ve malo fecisti, quo minus possideas?) quantoque earum rerum res erit, tantam pecuniam dari stipulatus est Aulus Agerius. spondit Numerius Nigidius quod Numerius Nigidius Aulo Agerio spondit, id haberetne a se acceptum Numerius Nigidius Aulum Agerium rogavit. Aulus Agerius Numerio Nigidio acceptum fecit.*

3. ¶ Præterea novatione tollitur obligatio: veluti si id quod tibi Sejus debebat, à Titio dari stipulatus sis. Nam interventu novæ personæ nova nascitur obligatio, & prima tollitur translata in posteriorem: adeo, ut interdum, licet posterior stipulatio inutilis sit, tamen prima novationis jure tollatur: veluti si id, quod tu Titio debes, à pupillo sine tutoris auctoritate stipulatus fuerit, quo casu res amittitur, nam & prior debitor liberatur & posterior obligatio nulla est. Non idem juris est, si à servo quis fuerit stipulatus nam tunc prior perinde obligatus manet, ac si postea nullus stipulatus fuisset. Sed si eadem persona sit à qua postea stipuler: ita demum novati fit, si quid in posteriore stipulatione novi sit: fortè si conditio aut dies, aut fidejussor adjiciatur, aut detrahatur. Quod autem diximus, si conditio adjiciatur novationem fieri: sic intelligi oportet, ut ita dicamus factam novationem, si con-

diti

ditio exti erit: alioqui si defecerit, durat prior obligatio. Sed cum hoc quidem inter veteres constabat tunc fieri novationem, cum novandi animo in secundam obligationem initium fuerat per hoc autem dubium erat, quando novandi animo videretur hoc fieri, & quasdam de hoc presumptiones alii in aliis casibus introducebant: ideo nostra processit constitutio, quæ apertissime definivit tunc solum novationem prioris obligationis fieri, quoties hoc ipsum inter contrahentes expressum fuerit, quod propter novationem prioris obligationis convenerunt alioqui & manere pristinam obligationem & secundam ei accedere, ut maneat ex utraque causa obligatio secundum nostræ constitutionis definitionem, quam licet ex ipsius lectione apertius cognoscere.

4. ¶ Hoc amplius, ex obligationes, quæ consensu contrahuntur, contraria voluntate dissolvuntur. Nam si Titius & Sejus inter se consenserint, ut fundum Tusculanum emptum Sejus haberet centum aureis: deinde re nondum secuta, id est neque pretio soluto, neque fundo tradito placuerit inter eos, ut discederetur ab ea emptione & venditione: invicem liberantur. Idem est in conductione & locatione & in omnibus contractibus, qui ex consensu descendunt, sicut jam dictum est.

INSTITUTIONUM,

feu Elementorum

D. JUSTINIANI,

sacratissimi Principis,

LIBER QUARTUS.

DE OBLIGATIONIBVS

Quæ ex delicto nascuntur.

TITVLVS I.

QVVM sit expositum superiore libro de obligationibus ex contractu, (& quasi ex contractu) sequitur, ut de obligationibus ex maleficio, (& quasi ex maleficio) dispiciamus. Sed illæ quidem (ut suo loco tradidimus) in quatuor genera dividuntur: hæ vero unius generis sunt, nam omnes ex re nascuntur, id est, ex ipso maleficio, veluti ex furto, rapina, damno, injuria.

1. § Furtum est contractatio fraudulosa, luri faciendi gratia, vel ipsius rei, vel etiam usus ejus possessionisve, quod lege naturali prohibitum est admittere.

2. § Furtum autem vel à furvo, id est, nigro, dictum est, quod clam & obscurè fiat, & plerumque nocte: vel à fraude, vel a ferendo, id est, auferendo: vel à Græco sermone, quod

φῶρας appellant fures. Imò & Græci à ferendo *φῶρας* dixerunt.

3. ¶ Furtorum autem duo sunt genera: manifestum, & nec manifestum. Nam conceptum & oblatum, species potius actionis sunt furto coherentes, quam genera furtorum, sicut inferius apparebit Manifestus fur est, quem Græci *ἐν αὐτοφώρῳ* appellant: nec solum is, qui in ipso furto apprehenditur, sed etiam is, qui in eo loco apprehenditur, quo (furtum) fit: veluti qui in domo furtum fecit, & non dum egressus januam, apprehensus fuerit: & qui in oliveto olivarum, aut in vineto uvarum furtum fecit, quamdiu in eo oliveto aut vineto apprehensus fuerit. Imò ulterius furtum manifestum est extendendum, quamdiu eam rem fur tenens visus vel apprehensus fuerit: sive in publico, sive in privato: vel à domino, vel ab alio, antequam eo pervenerit, quo deferre vel deponere destinasset. Sed si pertulit, quo destinavit, tamen si apprehendatur cum re furtiva, non est manifestus fur. Nec manifestum furtum quid sit, ex iis, quæ diximus, intelligitur. Nam quod manifestum non est, id scilicet nec manifestum est.

4. ¶ Conceptum furtum dicitur, cum apud aliquem testibus præsentibus furtiva res quaesita & inventa sit, nam in eum propria actio constituta est, quamvis fur non sit, quæ appellatur concepti. Oblatum furtum dicitur, cum res furtiva ab aliquo tibi oblata sit, eaque apud te concepta sit; utique si ea mente tibi data fuerit, ut apud te potius quam apud eum, qui dedit, conciperetur, nam tibi, apud quem

quem

quem concepta sit, propria adversus eum, qui obrulit, quamvis fur non sit, constituta est actio, quæ appelletur oblata. Est etiam prohibiti furti actio adversus eum, qui furem querere testibus presentibus volentem prohibuerit. Præterea poena constituitur edicto prætoris per actionem furti non exhibiti, adversus eum, qui furtivam rem apud se quæsitam & inventam non exhibuit. Sed hæ actiones, scilicet concepti & oblata, & furti prohibiti, nec non furti non exhibiti, in consuetudinem abierunt. Quum enim requisitio rei furtivæ hodiè secundum veterum observationem non fiat: merito ex consequentia etiam præfatæ actiones ab usu communi recesserunt: quum manifestum sit, quod omnes, qui scientes rem furtivam susceperint, & celaverint, furti nec manifesti obnoxii sunt.

5. ¶ Poena manifesti furti, quadrupli est, tam ex servi, quam ex liberi persona: nec manifesti, dupli.

6. ¶ Furtum autem fit, non solum cum quis interceptiendi causa rem alienam amoveret: sed generaliter, cum quis alienam rem invito domino contrectat. Itaque sive creditor pignore, sive is, apud quem res deposita est, ea re utatur, sive is, qui rem utendam accipit, in alium usum eam transferat, quam cujus gratia ei data est: furtum committit, veluti si quis argentum utendum acceperit, quasi amicos ad coenam invitaturus, & id peregrè secum tulerit: aut si quis equum gestandi causa commodatum sibi, longius aliquo duxerit: quod:

veteres scripserunt de eo, qui in aciem equum perduxisset.

7. § Placuit tamen eos qui rebus commodatis aliter uterentur, quam utendas acceperint, ita furtum committere: si se intelligant, id invito domino facere: cumque, si intellexisset, non permissurum, at si permissurum credant, extra crimen videri, optima sanè distinctione: quia furtum, sine affectu furandi non committatur.

8. § sed & si credat aliquis invito domino se rem commodatam sibi conrectare, domino autem volente id fiat: dicitur furtum non fieri. Vnde illud quaesitum est, cum Titius servum Mævi sollicitaverit, ut quasdam res domino subriperet, & ad eum perferret, & servus id ad Mævium pertulerit: Mævius (autem dum vult Titium in ipso delicto deprehendere, permiserit servo quasdam res ad eum perferre: utrum furti, an servi corrupti iudicio teneatur Titius, an neutro? Et cum nobis super hac dubitatione suggestum est, & antiquorum prudentium super hoc alterationes perspeximus, quibusdam neque furti, neque servi corrupti actionem præstantibus, quibusdam furti tantummodo; nos huiusmodi calliditati obviam euntes, per nostram decisionem sancimus, non solum furti actionem, sed & servi corrupti contra eum dari. Licet enim (is) servus deterior (à sollicitatore) minime factus est, & ideo non concurrant regulæ, quæ servi corrupti actionem introducunt: tamen consilium corruptoris ad perniciem probitatis servi introductum est, ut sit ei personalis actio imposita,

fita, tanquam (si) re ipsa fuisset servus corruptus: ne ex huiusmodi impunitate & in alium servum, qui facile posset corrumpi tale facinus à quibuidam perpetretur.

9. § Interdum etiam liberorum hominum furtum fit, veluti si quis liberorum nostrorum, qui in potestate nostra sunt, subreptus fuerit.

10. § Aliquando autem etiam suæ rei furtum quis committit: veluti si debitorem quam creditori pignoris causa dedit, subtraherit.

11. § Interdum (quoque) furti tenetur, qui ipse furtum non fecit: qualis est, is, cujus ope & consilio furtum factum est. In quo numero est, qui tibi nummos excussit, ut alius eos raperet: aut tibi obstiterit, ut alius rem tuam exciperet, aut oves tuas vel boves fugaverit, ut alius eas acciperet. Et hoc veteres scripserunt de eo, qui panno rubro fugavit armentum. Sed si quidem eorum per lasciviam, & non data opera, ut furtum admitteretur, factum est: in factum actio dari debet. At ubi ope Mavii Titius furtum fecerit, ambo furti tenentur. Ope & consilio ejus quoque furtum admitti videtur, qui scalas foris fenestris supponit: aut ipsas fenestras vel ostium effringit, ut alius furtum faceret, qui ve feramenta ad effringendum, aut scalas, ut fenestris supponerentur, commodaverit. sciens cujus rei gratia commodaverit. Certè qui nullam opem ad furtum faciendum adhibuit, sed tantum consilium dedit atque hortatus est ad furtum faciendum, non tenetur.

12. § Hi, qui in parentum vel dominorum potestate sunt, si rem eis subripiunt, furtum quidem faciunt, & res in furtivam causam cadit (nec ob id ab ullo usucapi potest, antequam in domini potestatem revertatur) sed furti actio non nascitur: quia nec ex alia ulla causa potest inter eos actio nasci. Si verò ope & consilio alterius furtum factum fuerit: quia utique furtum committitur, convenienter ille furti tenetur: quia verum est, ope & consilio ejus furtum factum esse.

13. § Furti autem actio ei competit, cujus interest rem salvam esse, licet dominus non sit. Itaque nec domino aliter competit, quam si ejus inter sit rem non perire.

14. § Vnde constat, creditorem de pignore subrepto furti (actione) agere posse, etiam si idoneum debitorem habeat: quia expedit ei pignori potius incumbere, quam in personam agere: adeò quidem, ut quamvis ipse debitor eam rem subriperit: nihilominus creditori competat actio furti.

15. § Item si fullo polienda curandave, aut sarcinator sarcienda vestimenta mercede certa (constituta) acceperit, eaq; furto amiserit: ipse furti habeat actionem, non dominus, quia domini nihil interest eam rem non perire, quam judicio locati à fullone aut sarcinatore rem suam persequi possit. Sed & bonæ fidei emptori subrepta re, quam emerit, quamvis dominus non sit, omninò competit furti actio quemadmodum & creditori. Fulloni verò & sarcinatori non aliter furti actionem competere placuit, quam si solvendo fuerint:

fuerint: hoc est, si domino rei æstimationem solvere possint. Nam si solvendo non sint: tunc quia ab eis suum dominus consequi non possit: ipsi domini furti competit actio: quia hoc casu ipsius interest rem salvam esse. Idem est, & si in parte solvendo fuerit fullo aut sarcinator.

16. ¶ Quæ de fullone aut sarcinatore diximus, eadem & ad eum, cui commodata res est, transferenda veteres existimabant. Nam ut ille fullo mercedem accipiendo, custodiam præstat: ita is quoque, qui commodatum utendi causa accepit, similiter necesse habet custodiam præstare. Sed nostra providentia etiam hoc in nostris decisionibus emendavit, ut in domini voluntate sit: siue commodati actionem adversus eum, qui rem commodatam accepit, movere desiderat: siue furti adversus eum, qui rem subripuit: & alterutra earum electa, dominum non posse expœnitentia ad alteram venire actionem, sed si quidem furem elegerit: illum, qui rem utendam accepit, penitus liberari, sin autem commodator veniat adversus eum, qui rem utendam accepit: ipsi quidem nullo modo competere posse adversus furem furti actionem, eum autem, qui pro re commodata convenitur, posse adversus furem furti habere actionem: ita tamen, si dominus sciens rem esse subreptam, adversus eum, cui res commodata fuerit, pervenit, sin autem nescius & dubitans rem esse subreptam, apud eum commodati actionem instituerit, postea autem re comperta voluerit remittere quidem commodati actionem, ad furti au-

rem actionem pervenire : tunc licentia ei conceditur & adversum furem venire , ob-
staculo nullo ei opponendo , quoniam incer-
tus constitutus movit adversus eum, qui rem
utendam accepit. commodati actionem: nisi
domino ab eo satisfactum fuerit : tunc ete-
nim omninò furem à domino quidem furti
actione liberari suppositum autem esse ei,
qui pro re sibi commodata domino satis-
fecit . cum manifestissimum sit , etiam si ab
initio dominus actionem commodati insti-
tuerit, ignarus rem esse subreptam, postea au-
tem hoc ei cognito , adversus furem transie-
rit; omninò liberari eum, qui rem commoda-
tam acceperit , quemcunque causæ exitum
dominus adversus furem habuerit: eadem de-
finitione obtinente, sive in parte, sive in so-
lidum solvendo sit is, qui rem commodatam
acceperit.

17. ¶ Sed is, apud quem res deposita est, cu-
stodiam non præstat : sed tantum in eo ob-
noxius est, si quid ipse dolo malo fecerit, qua-
de causa si res ei subrepta fuerit , quia resti-
tuendæ ejus rei nomine depositi non tenetur,
nec ob id ejus interest rem salvam esse : furti
agere non potest , sed furti actio domino
competit.

18. ¶ In summa, sciendum est, quæsitum es-
se, an impubes rem alienam amovendo fur-
tum faciat? Et placuit, quia furtum ex affectu
(furandi) consistit , ita demum obligari eo
crimine impuberem , si proximus pubertati
sit, & ob id intelligat se delinquere.

19. ¶ Furti actio, sive dupli, sive quadrupli,
tantum ad pænæ persecutionem perinet.
Nam

Nam ipsius rei persecutionem extrinsecus habet dominus, quam aut vindicando, aut condicendo potest auferre. Sed rei vindictio quidem adversus possessorem est: siue fur ipse possidet, siue alius quilibet: conditio autem adversus furem ipsum heredemve eius, licet non possideat, competit.

DE VI BONORUM

raptorum.

TITVLVS II.

Qui vi res alienas rapit, tenetur quidem etiam furti, (quis enim magis alienam rem invito domino contrectat, quam qui vi rapit? ideoque recte dictum est, eum improbum furem esse) sed tamen propriam actionem ejus delicti nomine prætor introduxit, quæ appellatur vi bonorum raptorum: & est intra annum quadrupli, post annum simpli: quæ actio utilis est, etiam si quis unam rem, licet minimam, rapuerit. Quadruplum autem non totum pœna est, sicut in actione furti manifesti diximus, sed in quadruplo inest & rei persecutio: ut pœna tripli sit, siue comprehendatur raptor in ipso delicto, siue non. Ridiculum enim esset levioris conditionis esse eum, qui vi rapit, quam qui clam amovet.

Ita tamen competit hæc actio, si dolo malo quis rapuerit. Nam qui aliquo errore ductus, rem suam esse existimans, & imprudens juris, eo animo rapuerit, quasi domino

liceat etiam per vim rem suam auferre à possessoribus: absolvi debet. Cui scilicet conveniens est, nec furti teneri eum, qui eodem hoc animo rapuit. Sed ne, dum talia excogitantur, inveniatur via per quam raptotes impune suam exerceant avaritiam: melius divalibus constitutionibus pro hac parte prospectum est, ut nemini liceat vi rapere vel rem mobilem vel se moventem, licet suam eandem rem existimet, sed si quis contra statuta principum fecerit, rei quidem suæ dominio cadere: si autem aliena (res) sit, post restitutionem ejus, etiam æstimationem ejusdem rei præstare. Quod non solum in mobilibus rebus, quæ rapi possunt, constitutiones obtinere consueverunt: sed etiam (in) invasionibus quæ circa res soli fiunt, ut ex hac causa ab omni rapina homines abstineant.

2. ¶ Sanè in hac actione non utique expectatur, rem in bonis actoris esse, nam siue in bonis sit, siue non: si tamen ex bonis sit, locum hæc actio habebit. Quare siue locata, siue commodata, siue etiam pignoriata, siue deposita sit (res) apud Titium, sic ut intersit ejus eam rem (per vim) non auferri (veluti si in deposita re culpam quoque promissit) siue bona fide possideat, siue usufructum quis habeat in ea, vel quid aliud juris, ut intersit ejus non rapi: dicendum est, ei competere hanc actionem, non ut dominium accipiat: sed illud solum, (quod) ex bonis ejus qui rapinam passus est, (id est) quod ex substantia ejus ablatum esse proponatur. Et generaliter dicendum est, ex quibus causis furti actio com-

petit

petit in re clam facta, ex eisdem causis omnes habere hanc actionem.

DE LEGE AQUILIA.

TITVLVS III.

DAmni injuriæ actio constituitur per legem Aquiliam: cujus primo capite cautum est, ut si quis alienum hominem, alienamve quadrupedem, quæ pecudum numero sit, injuria occiderit quanti ea res in eo anno plurimi fuerit, tantum domino dare damnetur.

1. ¶ Quod autem non præcise de quadrupede, sed de ea tantum, quæ pecudum numero est, cavetur: eo pertinet, ut neque de feris bestiis, neque de canibus cautum esse intelligamus: sed de iis tantum, quæ (gregatim) propriè pasci dicuntur: quales sunt equi, muli, asini, oves, boves, capræ: De suibus quoque idem placuit. Nam & sues pecudum appellatione continentur: quia & hi gregatim pascuntur. Sic denique & Homerus in Odyssea ait (sicut Elius Martianus in suis institutionibus refert,)

Δηὶς τόνγ'ι Σύσσα παρίμενον, οἱ δὲ νέμοντες.

Πάρ Κοραχθὸ πέτρῃ, ἱπὲ τῶ ὑπὲρ Ἀρεθῆσιν.

id est.

Socientem videas, qui errant per pascua; porcos
Ad Coracis saxum, juxta fontemque Arethusa-
sam.

2. § Injuria autem occidere intelligitur, qui nullo jure occidit. Itaque qui latronem (insidiatorem) occiderit, non tenetur, utique si aliter periculum effugere non potest.

3. § Ac ne is quidem hac lege tenetur, qui casu occidit, si modo culpa ejus nulla inveniat. Nam alioqui non minus ex dolo quam ex culpa quisque hac lege tenetur.

4. § Itaque si quis dum jaculis ludii, vel exercitatur, transeuntem servum tuum trajece-
rit, distinguitur. Nam si id à milite in eo cam-
po, ubi solitum est exercitari, admissum est:
nulla culpa ejus intelligitur, si aliustale
quid admiserit: culpæ reus est. Idem juris est
de milite, si in alio loco, quam qui ad exerci-
tandum militibus destinatus est, id admise-
rit.

5. § Item si putator ex arbore dejecto ra-
mo servum tuum transeuntem occiderit: si
propè viam publicam aut vicinalem id fa-
ctum est, neque proclamavit, ut casus evitari
posset, culpæ reus est: sed si proclamavit, nec
ille curavit præcavere, extra culpam est puta-
tor. Æquè extra culpam esse intelligitur, si
seorsum à via fortè, vel in medio fundo ex-
debat, licet non proclamavit: quia (in) eo loco
nulli extraneo jus fuerat versandi.

6. § Præterea, si Medicus, qui servum
tuum secuit, dereliquerit curationem (ejus,) &
ob id mortuus fuerit servus, culpæ reus
erit.

7. § Imperitia quoque culpæ adnumera-
tur: veluti si Medicus (ideo) servum tuum oc-
ciderit, quia malè eum secuerit, aut perperam
ei medicam eorum dederit.

8. § Impetu quoque mularum, quas mulio propter imperitiam retinere non potuit, si servus tuus oppressus fuerit: culpæ reus est mulio. Sed si & propter infirmitatem eas retinere non potuerit, cum alius firmior eas retinere potuisset: æquè culpa tenetur. Eadem placuerunt de eo quoque, qui cum æquo verberetur, impetum ejus aut propter infirmitatem, aut propter imperitiam suam retinere non potuerit.

9. § His autem verbis legis, *quanti ideo in anno plurimi fuerit*, illa sententia exprimitur: ut si quis hominem tuum, qui hodiè claudus, aut mancus, aut luscus erit, occiderit, qui in eo anno integer, aut pretiosus fuerit: non tanti teneatur, quanti hodiè erit, sed quanti in eo anno plurimi fuerit. Qua ratione creditum est penalem esse hujus legis actionem: quia non solum tanti quisque obligatur, quantum damni dederit, sed aliquando longè pluris. Ideòque constat in hæredem eam actionem non transire: quæ transitura fuisset, si ultra damnum nunquam lis æstimeretur.

10. § Illud non ex verbis legis, sed ex interpretatione placuit: non solum perempti corporis æstimationem habendam esse, secundum ea quæ diximus: sed eo amplius, quicquid præterea, perempto eo corpore, damni vobis illatum fuerit: veluti si servum tuum hæredem ab aliquo institutum, ante quis occiderit, quam is jussu tuo hæreditatem adierit, nam hæreditatis quoque amissæ rationem esse habendam constat. Item si ex pari mularum unam, vel ex quadrigis equorum unum quis

occiderit, vel ex comœdis unus servus occisus fuerit: non solum occisi sit æstimatio, sed eo amplius id quoque computatur, quanti depretiati sunt, qui supersunt.

11. ¶ Liberum autem est ei, cujus servus occisus fuerit, & ex iudicio privato legis Aquiliæ damnum persequi, & capitalis criminis (eum) reum facere.

12. ¶ Caput secundum legis Aquiliæ in usu non est.

13. ¶ Capite tertio de omni cætero damno cavetur. Itaque si quis servum, vel eam quadrupedem, quæ pecudum numero est, vulneraverit: five eam quadrupedem, quæ pecudum numero non est, veluti canem aut feram bestiam vulneraverit, aut occiderit hoc capite actio constituitur. In cæteris quoque omnibus animalibus, item in omnibus rebus, quæ anima carent, damnum per injuriam datum, hac parte vindicatur. Siquid enim ustum, aut ruptum, aut fractum fuerit: actio ex hoc capite constituitur, quanquam poterat sola rupti appellatio in omnes istas causas sufficere: Ruptum enim intelligitur, quod quoque modo corruptum est. Vnde non solum fracta, aut usta, sed etiam scissa & collisa, & effusa, & quoquo modo perempta, atque deteriora facta, hoc verbo continentur. Denique responsum est, si quis in alienum vinum aut oleum, id miscuerit, quo naturalis bonitas vini aut olei corrumpetur: ex hac parte legis (Aquiliæ) cum teneri.

14. ¶ Illud palam est, sicut ex primo capite te ita demum quisque teneri, si dolo aut culpa

culpa

culpa ejus homo aut quadrupes occisus occisive fuerit: ita ex hoc capite, de dolo aut culpa, (&) de cætero damno quemque teneri. (Ex) hoc tamen capite non quanti in eo anno, sed quanti in diebus triginta proximis res fuerit, obligatur is, qui damnum dederit.

15. ¶ At nec *plurimi* quidem verbum adjicitur. Sed Sabino rectè placuit, perinde habendam æstimationem, ac si etiam hac parte *plurimi* verbum adjectum fuisset, nam plebem Romanam, quæ Aquilio tribuno interrogante hanc legem tulit, contentam fuisse quod prima parte eo verbo usa esset.

16. ¶ Cæterum placuit, ita demum directam ex hac lege actionem esse, si quis præcipue corpore suo damnum dederit. Ideoque in eum, qui alio modo damnum dederit, utiles actiones dari solent, veluti si quis hominem alicuium, aut pecus ita incluserit, ut fame necaretur: aut jumentum ita vehementer egerit, ut rumpereetur: aut pecus in tantum exagitaverit, ut præcipitaretur: aut si quis alieno servo persuaferit, ut in arborem ascenderet, vel in puteum descenderet, & in adscendendo, vel descendendo, aut mortuus, aut aliqua parte corporis læsus fuerit, utilis actio in eum datur. Sed quis alienum servum (aut) de ponte aut de ripa in flumen dejecerit, & is suffocatus fuerit: eo, quod projecit, corpore suo damnum dedisse, non difficulter intelligi potest: ideoque ipsa lege Aquilia tenetur. Sed si non corpore damnum fuerit datum, neque corpus læsum fuerit, (sed alio modo alicui damnum contigerit: quod non sufficiat, neque directa,

neque utilis legis Aquiliæ actio: placuit eum, qui obnoxius fuerit, in factum actione teneri, veluti si quis misericordia ductus alienum servum compeditum solverit, ut fugeret.

DE INJURIIS.

TITVLVS IV.

Generaliter injuria dicitur omne, quod non jure fit, specialiter alias contumelia, quæ à contemnendo dicta est, quam Græci ὕβρις appellant: alias culpa, quam Græci ἐγκλημα dicunt, sicut in lege Aquilia damnum injuria datum accipitur: alias iniquitas & iniustitia, quam Græci (ἀνομίαν καὶ ἀδικίαν) vocant, cum enim prætor vel iudex non jure contra quem pronuntiat: injuriam accepisse dicitur.

1. § Injuria autem committitur non solum cum quis pugno pulsatus, aut fustibus cæsus: vel etiam verberatus erit: sed & si cui convicium factum fuerit, siue cujus bona quasi debitoris, qui nihil deberet possessa fuerint ab eo, qui intelligebat nihil eum sibi debere: vel si quis ad infamiam alicujus libellum, aut carmen, (aut historiam) scripserit, composuerit, ediderit, dolove malo fecerit, quo quid eorum fieret: siue quis matrem familias, aut prætextatum prætextatamve adfectatus fuerit: siue cujus pudicitia attentata esse diceretur: & denique aliis plurimis modis admitti injuriam manifestum est.

2. ¶ Patitur autem quis injuriam non solum per semetipsum, sed (etiam) per liberos suos, quos in potestate habet: itemque per uxorem suam, id enim magis prævaluit. Itaque si filia alicujus, quæ Titio nupta est, injuriam feceris: non solum filia nomine tecum injuriarum agi potest, sed etiam patris quoque & mariti nomine. Contra autem, si viro injuria facta sit: uxor injuriarum agere non potest. Defendunt enim uxores à viris, non viros ab uxoribus, æquum est. Sed & locer nurus nomine, cujus vir in (eius) potestate est, injuriarum agere potest.

3. ¶ Servis autem ipsis quidem nulla injuria fieri intelligitur, sed domino fieri per eos videtur, non tamen iisdem modis, quibus etiam per liberos & uxores: sed ita, cum quid atrocius commissum fuerit, & quod aperte ad contumeliam domini respicit: veluti si quis alienum servum (atrociter) verberaverit, & in hunc casum actio proponitur. At si quis servo convitium fecerit, vel pugno eum percusserit: nulla in eum actio domino competit.

4. ¶ Si communi servo injuria facta sit: æquum est, non pro ea parte, qua dominus quisque est, æstimationem injuriæ fieri, sed ex dominorum persona, quia ipsis fit injuria.

5. ¶ Quod si ususfructus in servo Titii est, proprietas, Mævii? magis Mævio injuria fieri intelligitur.

6. ¶ Sed si libero (homini) qui tibi bona fide servit, injuria facta sit: nulla tibi actio dabitur, sed suo nomine is experiri poterit, nisi in contumeliam tuam pulsatus sit, tunc enim

enim competit & tibi injuriarum actio. Idem ergo est & in servo alieno bona fide tibi serviente, ut totiens admittatur injuriarum actio, quotiens in tuam contumeliam injuria ei facta sit.

7. § Poena autem injuriarum ex lege duodecim tabularum propter membrum quidem ruptum talio erat: propter os verò fractum nummarie poenae erant constitutae, quasi in magna veterum paupertate. Sed postea praetores permittebant ipsis, qui injuriam passi sunt, eam aestimare, ut judex vel tanti (reum) condemner, quanti injuriam passus aestimaverit, vel minoris, prout ei visum fuerit. Sed poena quidem injuriae, quae ex lege duodecim tabularum introducta est, in consuetudinem abiit, quam autem praetores introduxerunt (quae etiam honoraria appellatur) in judiciis frequentatur. Nam secundum gradum dignitatis, vitaeque honestatem, crescit aut minuitur aestimatio injuriae, qui gradus condemnationis, & in servili persona non immerito servatur: ut aliud in servo actore, aliud in medii actus homine, aliud in vilissimo vel compedito jus (aestimationis) constituatur.

8. § Sed & lex Cornelia de injuriis loquitur, & injuriarum actionem introduxit, quae competit ob eam rem, quod se pulsatum quis, verberatumve, vel domum suam vi introitam esse dicat. Domum autem accipimus, sive in propria domo quis habitet, sive in conductae, sive gratis, sive hospitio receptus sit.

9. § Atrox injuria aestimatur vel ex facto, veluti si quis ab alio vulneratus sit, vel fustibus cesus, vel ex loco: veluti si cui in theatro, vel

in fo-

in foro, vel conspectu pratoris injuria facta sit, vel ex persona: veluti si magistratus injuriam passus fuerit, vel si senatori ab humili persona injuria facta sit, aut parenti patrono-ve fiat à liberis vel libertis. Aliter enim senatoris & parentis patronique, aliter extranei & humilis personæ injuria æstimatur. Nonnunquam & locus vulneris atrocem injuriam facit, velut nisi in oculo quis percussus fuerit. Parvi autem refert, utrum patrifamilias an filiofamilias talis injuria facta sit: nam & hæc atrox injuria æstimabitur.

10. ¶ In summa sciendum est, de omni injuria eum, qui passus est, posse vel criminaliter agere, vel civiliter. Et si quidem civiliter agitur, æstimatione facta secundum quod dictum est, pœna reo imponitur. Sin autem criminaliter: officio judicis extraordinaria pœna reo irrogatur: hoc videlicet observando, quod Zenoniana constitutio introduxit, ut viri illustres, quique super eos sunt, & per procuratores possint actionem injuriarum criminaliter vel persequi vel suscipere, secundum ejus tenorem, qui ex ipsa manifestius apparet.

11. ¶ Non solum autem is injuriarum tenetur qui fecit injuriam: id est, qui percussit: verum ille quoque tenetur, qui dolo fecit (injuriam), vel qui procuravit, ut cui mala pugno percuteretur.

12. ¶ Hæc actio diffimulatione aboletur, & ideo si quis injuriam dereliquerit, hoc est, statim passus ad animum suum non revocaverit: postea ex pœnitentia remissam injuriam non poterit recolare.

DE OBLIGATIONIBUS, quæ quasi ex delicto nas- cuntur.

TITVLVS V.

Si iudex litem suam fecerit: non propriè ex maleficio obligatus videtur, sed quia neque ex maleficio, neque ex contractu obligatus est, & utique peccasse aliquid intelligitur, licet per imprudentiam: ideo videtur, quasi ex maleficio teneri, & in quantum de ea re æquum regioni judicantis videbitur, poenam sustinebit.

1. Item is, ex cujus coenaculo, vel proprio ipsius, vel conducto, vel in quo gratis habitat, dejectum effusumve aliquid est, ita ut alicui noceret: quasi ex maleficio obligatus intelligitur. Idè autem non propriè ex maleficio obligatus intelligitur, quia plerumque ob alterius culpam tenetur, aut servi, aut liberi. Cui similis est is, qui ex parte qua vulgò iter fieri solet, id positum aut suspensum habet, quod potest (si ceciderit) alicui nocere. quo casu pœna decem aureorum constituta est. De eo verò, quòd dejectum effusumve est, duplici quantum damni datum sit, constituta est actio. Ob hominem verò liberum occisum, quinquaginta aureorum pœna constituitur. Si verò vivat, nocitumque ei esse dicatur: quantum ob eam rem æquum iudici videatur, actio datur. Iudex enim computare debet mercedem medicis præstitis, ceteraque impendia, quæ in curatione facta sunt, præterea operas, quibus

bus caruit aut cariturus est ob id, quod inutilis est factus.

2. § Si filiusfamilias seorsum à patre habitaverit, & quid ex cœnaculo ejus dejectum effusumve fuerit, sive quid positum suspensumve habuerit, cuius casus periculosus est: Juliano placuit in patrem nullam (esse) actionem, sed cum ipso filio agendum esse. Quod & in filiofamilias iudice observandum est, qui litem suam fecerit.

3. § Item exercitor navis aut cauponæ aut stabuli de dolo aut furto, quod in navi aut caupona aut stabulo factum erit, quasi ex maleficio teneri videtur, si modò ipsius nullum est maleficio, sed alicujus eorum, quorum opera navem aut cauponam aut stabulum exercet. Cum enim neque ex maleficio, neque ex contractu sit adversus eum constituta hic actio, & aliquatenus culpæ reus est, quod opera malorum hominum uteretur, ideò quasi ex maleficio teneri videtur. In his autem casibus in factum actio competit, quæ hæredi quidem datur, adversus heredem autem non competit.

DE ACTIONIBUS.

TITVLVS VI.

Superest, ut de actionibus loquamur. Actio autem nihil aliud est, quam jus persequendi in iudicio, quod sibi debetur.

1. § Omnium autem actionum, quibus inter aliquos apud iudices arbitrosve de quacunque re quaritur, summa divisio in duo ge-

nera deducitur, aut enim in rem sunt, aut in personam. Namque agit unusquisque, aut cum eo qui ei obligatus est, vel ex contractu vel ex maleficio: quo casu prodita sunt actiones in personam, per quas intendit adversarium ei dare aut facere oportere, & aliis quibusdam modis. Aut cum eo agit, qui nullo jure ei obligatus est, movet tamen alicui de aliqua re controversiam, quo casu prodita actiones in rem sunt. veluti si rem corporalem possideas quis, quàm Titius suam esse affirmet, possessor autem dominum ejus se esse dicat, nam si Titius suam esse intendat: in rem actio est.

2. ¶ Equè si agat (quis,) jus sibi esse fundo fortè vel ædibus utendi, fruendi, vel per fundum vicini eundi, agendi, vel ex fundo vicini aquam ducendi: in rem actio est. Eiusdem generis est actio de jure prædiorum urbanorum: veluti si (quis) agat jus sibi esse altius ædes suas tollendi prospiciendive, vel projiciendi aliquid, vel immittendi tignum in vicini ædes. Contra quoque de usufructu, & de servitutibus prædiorum rusticorum, item prædiorum urbanorum, invicem quoque prodita sunt actiones: ut si quis intendat jus non esse adversario utendi, fruendi: eundi agendi, aquamve ducendi: item altius tollendi prospiciendive, vel projiciendi immittendive, istæ quoque actiones in rem sunt, sed negativæ. Quod genus actiones in controversiis rerum corporalium proditum non est. Nam in his is agit, qui non possidet: ei verò, qui possidet, non est actio prodita, per quam neget rem actoris esse. Sanè uno casu, qui possidet, nihilominus (is) actoris

his partes obrinet, sicut in latioribus Digestorum libris opportunius apparebit.

3. ¶ Sed istæ quidem actiones, quarum mentionem habuimus, & si quæ sunt similes, ex legitimis & civilibus causis descendunt. Aliæ autem sunt, quas prætor ex sua jurisdictione comparatas habet, tam in rem, quam in personam, quas & ipsas necessarium est exemplis ostendere. (ut) ecce: Plerumque ita permittit (prætor) in rem agere, ut vel actor dicat se quasi usucepisse, quod non usuceperit: vel ex diverso possessor dicat adversarium suum non usucepisse, quod usuceperit.

4. ¶ Namque si cui ex iusta causa res aliqua tradita fuerit (veluti ex causa emptionis, aut donationis, aut dotis, aut legatorum) (&) necdum ejus rei dominus effectus est: si ejus rei possessionem casu amiserit, nullam habet in rem directam actionem ad eam persequendam: quippè ita proditæ sunt jure civili actiones, ut quis dominium suum vindicet, sed quia factum durum erat, eo casu deficere actionem: inventa est à prætore actio, in qua dicitur is qui possessionem amisit, eam rem se usucepisse, quam usu non cepit, & ita vindicat suam esse; quæ actio Publiciana appellatur, quoniam primum à Publicio prætore in edicto proposita est.

5. ¶ Rursus ex diverso, si quis cum Reipublicæ causa abesset, vel in hostium potestate esset rem ejus, qui in civitate esset, usuceperit: permittitur domino, si possessor reipublicæ causa abesse defuerit, tunc intra annum rescissa usucapione eam petere: id est, ita petere, ut

dicat possessorem usu non cepisse, & ob id suam rem esse. Quod genus actionis quibusdam & aliis simili æquitate motus prætor adcommodat, sicut ex latiore Digestorum seu Pandectarum volumine intelligere licet.

6. ¶ Item si quis in fraudem creditorum rem suam alicui tradiderit: bonis ejus à creditoribus possessis, ex sententia præsidis permittitur ipsis creditoribus, rescissa traditione, eam rem petere, id est, dicere eam rem traditam non esse, & ob id in bonis debitoris mansisse.

7. ¶ Item Serviana & quasi Serviana, (quæ etiam hypothecaria vocatur) ex ipsius prætoris jurisdictione substantiam capiunt. Serviana autem experitur quis de rebus coloni, quæ pignoris jure pro mercedibus fundi ei tenentur. Quasi Serviana autem est, qua creditores pignora hypothecæve persequuntur. Inter pignus autem & hypothecam (quantum ad actionem hypothecariam attinet) nihil interest, nam de qua re inter creditorem & debitorem convenerit, ut sit pro debito obligata: utraq; hac appellatione continetur, sed in aliis differentia est. Nam pignoris appellatione eam propriè rem contineri dicimus, quæ simul etiam traditur creditori, maxime si mobilis sit. At eam quæ sine traditione, nuda conventionem tenetur, propriè hypothecæ appellatione contineri dicitur.

8. ¶ In personam quoque actiones ex sua jurisdictione propositas habet prætor: veluti de pecunia constituta, cui similis videbatur receptitia. Sed ex nostra constitutione (cum (&) si quid plenius habebat, hoc in actionem

pecuniæ constitutæ transfusum est) (&) ea quasi supervacua iussa est cum sua auctoritate à nostris legibus recedere. Item prætor proposuit actionem de peculio servorum, filiorumque familiarum: & eam, ex qua queritur, an actor juraverit, & alias complures.

9. § De constituta autem pecunia cum omnibus agitur, quicumque pro se vel pro alio soluturos se constituerint: nulla scilicet stipulatione interposita. Nam alioqui si stipulanti promiserint, jure civili tenentur.

10. § Actiones autem de peculio, ideo adversus patrem dominumve comparavit prætor: quia licet ex contractu filiorum servorumve ipso jure non teneantur: æquum tamen est peculio tenus (quod veluti patrimonium est filiorum filiarumque, item servorum) condemnari eos.

11. § Item si quis postulante adversario juraverit, deberi sibi pecuniam, quam peteret, neque ei solvatur: justissime commendat ei talem actionem, per quam non illud, queritur, an ei pecunia debeatur, sed an juraverit.

12. § Pœnales quoque actiones prætor multas ex sua jurisdictione introduxit: veluti adversus eum, qui quid ex albo ejus corrupisset: & in eum, qui patronum vel parentem in jus vocasset, cum id non impetrasset: item adversus eum, qui vi exemerit eum, qui in jus vocaretur, cum, si ve dolo alius exemerit, & alias innumerabiles.

13. § Præjudiciales actiones in rem esse videntur: quales sunt per quas queritur, an aliquis liber, an libertus sit, vel de partu agnoscendo

cendo. Ex quibus ferè una illa legitimam causam habet, per quam queritur, an aliquis liber sit, ceteræ ex ipsius prætoris jurisdictione substantiam capiunt.

14. ¶ Sic itaque discretis actionibus, certum est, non posse actorem suam rem ita ab aliquo petere. *Si apparet eum dare oportere* Nec enim quod actoris est, id ei dari oportet: scilicet quia dari cuiquam id intelligitur, quod ita datur, ut ejus fiat. Nec res quæ (jam) actoris est, magis ejus fieri potest. Planè odio furum, quo magis pluribus actionibus teneantur, effectum est, ut extra pœnam dupli aut quadrupli, rei recipiendæ nomine fures etiam hac actione teneantur, *si appereat eos dare oportere*: quamvis sit adversus eos etiam (hæc) in rem actio, per quam rem suam quis esse petit.

25. ¶ Appellamus autem in rem quidem actiones, vindicationes: in personam verò actiones, quibus dare aut facere oportere intenditur, condictiones. Condicere enim est denuntiare prisca lingua, nunc verò abusivè dicimus condictionem actionem in personam esse, qua actor intendit dari sibi oportere. Nulla enim hoc tempore eo nomine denuntiatio fit.

16. ¶ Sequens illa divisio est, quod quædam actiones rei persequendæ gratia comparatæ sunt, quædam pœnæ persequendæ, quædam mixtæ sunt.

17. ¶ Rei persequendæ causa comparatæ, sunt omnes in rem actiones. Earum verò actionum, quæ in personam sunt, ex quidem, quæ ex contractu nascuntur, ferè omnes rei persequendæ

persequendæ causæ comparatæ videntur: vetuti quibus mutuam pecuniam, vel in stipulatum deductam petit actor, item commodati, depositi, mandati, pro socio, ex empto, vendito, locato, conducto. Planè si depositi agatur eo nomine, quòd tumultus, incendi, ruina, naufragii causa depositum sit: in duplum actionem prætor reddit: si modò cum ipso, apud quem depositum sit, aut cum herede ejus de dolo ipsius agitur, quo casu mista est actio.

18. ¶ Ex maleficiis verò proditæ actiones, aliæ tantum poenæ persequendæ causa comparatæ sunt: aliæ tam poenæ, quam rei persequendæ, & ob id mistæ sunt. Poenam tantum persequitur quis actione furti, siue enim manifesti agatur quadrupli, siue non manifesti dupli: de sola poena agitur, nam ipsam rem propria actione persequitur quis, id est, suam esse petens; siue fur ipse eam rem possideat, siue alius quilibet. Eo amplius adversus furem etiam condictio est (rei.)

19. ¶ Vi autem bonorum raptorum actio mista est: quia in quadruplo rei persecutio continetur: poena autem tripli est. Sed & legis Aquiliæ actio de damno injuria (dato,) mista est: non solum si adversus inficiantem in duplum agatur, sed interdum & si in simplum quisque agat: veluti si quis hominem claudum aut luscum occiderit, qui in eo anno integer & magni precii fuerit: tanti enim damnatur, quanti is homo eo in anno plurimi fuerit, secundum jam traditam divisionem. Item mista est actio contra eos, qui relicta sacrosanctis Ecclesiis, vel aliis venerabilibus

locis, legati vel fideicommissi nomine, dare distulerint: usque adeo, ut etiam in iudicium vocarentur, tunc enim & ipsam rem vel pecuniam, quæ relicta est, dare compelluntur, & aliud tantum pro pœna: & ideo in duplum ejus fit condemnatio.

20. ¶ Quædam actiones missam causam obtinere videntur, tam in rem, quam in personam: qualis est familiæ exerciscundæ actio, quæ competit coheredibus de dividenda hereditate. Item communi dividundo, quæ inter eos redditur, inter quos aliquid commune est, ut id dividatur. Item finium regundorum actio, qua inter eos agitur, qui confines agros habent. In quibus tribus judiciis permittitur iudici rem alicui ex litigatoribus ex bono & æquo adjudicare: & si unius pars prægravari videbitur, eum in vicem certa pecunia alteri condemnare.

21. ¶ Omnes autem actiones, vel in simplum conceptæ sunt, vel in duplum, vel in triplum, vel in quadruplum, ulterius autem nulla actio extenditur.

22. ¶ In simplum agitur: veluti ex stipulatione, ex mutui datione, ex empto, vendito, locato, conducto, mandato, & denique ex aliis quam plurimis causis.

23. ¶ In duplum agimus: veluti furti nec manifesti, damni iniuriæ, ex lege Aquilia, depositi ex quibusdam causis. Item servi corrupti: quæ competit in eum, cujus hortatu consiliove servus alienus fugerit, aut contumax adversus dominum factus est, aut luxuriose vivere cœperit, aut deniq; quolibet modo de-

terior

terior factus sit. In qua actiones earum etiam rerum, quas fugiendo servus abstulerit, æstimationo deducitur. Item ex legato, quod venerabilibus locis relictum est, secundum ea, quæ supra diximus.

24. § Tripli verò (agimus,) cum quidam maiorem vera æstimatione quantiatem in libello conventionis inserunt, ut ex hac causa viatores, id est, executores litium, ampliorem summam sportularum nomine exigere, tunc enim id, quod propter eorum causam damnum passus fuerit reus, (in) triplum ab actore consequetur? ut in hoc triplo etiam simplum, in quo damnum passus est, connumeretur. Quod nostra constitutio introduxit, quæ in nostro Codice fulget, quam proculdubio certum est ex lege condictitia emanare.

25. § Quadrupli autem agitur, veluti furti manifesti: item de eo, quod metus causa factum sit, deque ea pecunia, quæ in hoc data sit, ut is cui datur calumniæ causa, negotium alicui faceret, vel non faceret. Item, ex lege condictitia nostra constitutio oritur, in quadruplum condemnationem imponens iis executoribus litium, qui contra nostræ constitutionis normam à reis quicquam exegerint.

26. § Sed furti quidem nec manifesti actio, & servi corrupti, à cæteris, de quibus simul locuti sumus, eo differunt, quod hæ actiones omnimodo dupli sunt: at illæ, id est, damni injuriæ lege Aquilia, & interdum depositi, inficiatione duplicantur, in confitentem autem in simplum dantur. Sed illa, quæ de his competit, quæ relicta venerabilibus locis sunt, non

solum inficiatione duplicatur, sed etiam si distulerit relictis solutionem usquequo iussu magistratum (nostrorum) conveniatur. In confitentem verò, antequam iussu magistratum conveniatur solventem simpli reddi-
tur.

27. ¶ Item, actio de eo quod metus causa factum sit, à cæteris, de quibus simul locuti sumus, eo differt, quod ejus natura tacite continetur, ut qui iudicis iussu ipsam rem auctori restituat, absolvatur: quod in cæteris casibus non est ita: sed omnimodo quisque in quadruplum condemnatur, quod est & in furti manifesti actione.

28. ¶ Actionum autem quædam bonæ fidei sunt, quædam stricti juris. Bonæ fidei sunt hæ: ex empto, vendito, locato, conducto, negotiorum gestorum, mandati, depositi, pro socio, tutelæ, commodati, pignoratitia, familiæ eriscundæ, communi dividundo, præscriptis verbis, quæ de æstimato proponitur, & ea quæ ex permutatione competit, & hereditatis petitio. Quamvis enim usque adhuc incertum erat, inter bonæ fidei judicia connumeranda hereditatis petitio esset, an non: nostra tamen constitutio aperte eam esse bonæ fidei disposuit.

29. ¶ Fuerat antea & rei uxoriæ actio una ex bonæ fidei judiciis: sed cum plenior em esse ex stipulatu actionem invenientes, omne jus, quod res uxoria antea habebat, cum multis divisionibus in actionem ex stipulatu, quæ de dotibus exigendis proponitur, transtulerimus, merito rei uxoriæ actione sublata, ex stipulatu (actio,) quæ pro eo introducta est,

naturam bonæ fidei iudicii tantum in exactione dotis meruit, ut bonæ fidei sit: (sed) & tacitam ei dedimus hypothecam. Præferri autem aliis creditoribus in hypothecis tunc censuimus, cum ipsa mulier de dote sua exeriatur, cujus solius providentia hoc induximus.

30. ¶ In bonæ fidei iudiciis libera potestas permitti videtur iudici ex bono & æquo astimandi quantum aëtori restitui debeat. In quo & illud continetur, ut si quid invicem præstare aëtorem oporteat: eo compensato, in reliquum is, cum quo actum est debeat condemnari. Sed & in stricti juris iudiciis, ex rescripto divi Marci, opposita doli mali exceptione, compensatio inducebatur. Sed nostra constitutio easdem compensationes, quæ jure aperto nituntur, latius introduxit, ut actiones ipso jure minuant, siue in rem, siue in personam, siue alias quascunque: excepta sola de p sibi actione, cui aliquid compensationis nomine opponi, sanè iniquum esse credimus: ne sub prætextu compensationis, depositatum rerum quia ex actione defraude-
tur.

31. ¶ Præterea quasdam actiones arbitrarias, id est, ex arbitrio iudicis pendentes appellamus, in quibus, nisi arbitrio iudicis is, cum quo agitur, aëtori satisfaciat: veluti rem restituat, vel exhibeat, vel solvat, vel ex noxali causa servum dedat: condemnari debeat. Sed istæ actiones, tam in rem, quam in personam inveniuntur. In rem, veluti Publicana, Serviana de rebus coloni, quasi Serviana, quæ etiam hypothecaria vocatur. In personam, veluti

quibus de eo agitur, quod (vi) aut metus causa, aut dolo malo factum est. Item cum id, quod certo loco promissum est, petitur. Ad exhibendum quoque actio ex arbitrio iudicis pendet. In his enim actionibus & ceteris similibus, permittitur iudici ex bono & aequo, secundum cuiusque rei, de qua actum est, naturam aestimare, quemadmodum actori satisfieri oporteat.

32. § Curare autem debet iudex, ut omnino, quantum possibile ei sit, certæ pecuniæ vel rei sententiam ferat: etiam si de incerta quantitate apud eum actum est.

33. § Si quis agens, (in) intentione sua plus complexus fuerit, quam ad eum pertineat: a causa cadebat, id est, rem amittebat: nec facile in integrum restituebatur à prætore, nisi minor erat viginti quinque annis. Huic enim, sicut in aliis causis, causa cognita succurrebatur, si lapsus iuventute fuerat: ita & in hac causa succurri solitum erat. Sanè si tam magna causa iusti erroris interveniebat, ut etiam constantissimus quisque labi posset, etiam majori viginti quinque annis succurrebatur, veluti si quis legatum petierit: post deinde prolati fuerint codicilli, quibus aut pars legati adempta sit, aut quibusdam aliis legata data sint, quæ efficiiebant, ut plus petiisse videretur petitor, quam dodrantem, atque ideo lege Falcidia legata minuebantur. Plus autem quatuor modis petitur: re, tempore, loco, (&) causa. Re, veluti si quis pro decem aureis, qui ei debebantur, viginti petierit: aut si is, cuius ex parte res est, totam eam, vel maiorem partem suam esse

iudic-

intenderit. Tempore, veluti si quis ante diem, vel (ante) conditionem petierit. Qua enim ratione qui tardius solvit quam solvere deberet, minus solvere intelligitur: eadem ratione, qui præmaturè petit, plus petere videtur. Loco plus petitur: veluti cum quis id, quod certo loco sibi (dari) stipulatus est, alio loco petit, sine commemoratione illius loci, in quo sibi dari stipulatus est: verbi gratia, si is, qui ita stipulatus fuerit, *Ephesi dare spondes?* Romæ purè intendat sibi dari oportere. Ideo autem plus petere intelligitur: qui utilitatem, quam haberet promissor si Ephesi solveret, adimit ei pura intentione. Propter quam causam alio loco petenti arbitraria actio proponitur: in qua scilicet ratio habetur utilitatis, quæ promissori competitura fuisset, si illo loco solveret, (quo se soluturum spondit.) Quæ utilitas plerumque in mercibus maxima invenitur: veluti vino, oleo, frumento, quæ per singulas regiones diversa habent pretia. Sed & pecuniæ numeratæ non in omnibus regionibus sub eisdem usuris fœnerantur. Si quis tamen Ephesi petat, id est, eo loco petat, quo ut sibi detur stipulatus est: pura actione rectè agit: idque etiam prætor monstrat: scilicet quia utilitas solvendi salva est promissori. Huic autem, qui loco plus petere intelligitur, proximus est is, qui causa plus petit, ut ecce, si quis ita à te stipuletur, *Hominem Stichum, aut decem aureos dare spondes?* deinde alterum petat, veluti hominem tantum, aut decem aureos tantum. Ideo autem plus petere intelligitur, quia in eo genere stipula-

pulationis promissoris est electio, utrum pecuniam, an hominem solvere malit. Qui igitur pecuniam tantum, vel hominem tantum sibi dari oportere intendit, eripit electionem adversario: & eo modo suam quidem conditionem meliorem facit, adversarii vero (sui) deterio rem. Qua de causa talis in ea re prodita est actio, ut quis intendat hominem Stichum, aut aureos decem sibi dari oportere: id est, ut eodem modo peteret, quo stipulatus est. Præterea, si quis generaliter hominem stipulatus sit, & specialiter Stichum petat: aut generaliter vinum stipulatus sit: & specialiter Campanum petat: aut generaliter purpuram stipulatus sit, deinde specialiter Tyriam petat: plus petere intelligitur: quia electionem adversario tollit, cui stipulationis jure liberum fuit, aliud solvere, quàm quod peteretur. Quin etiam licet vilissimum sit, quod quis petat, nihilominus plus petere intelligitur: quia sæpè accidit, ut promissori facilius sit illud solvere, quòd majoris pretii est. Sed hæc quidem antea in usu fuerant: postea vero lex Zenoniana & nostra rem coarctavit. Et si quidem tempore plus fuerit petatum: quid statui oporteat Zenonis divæ memoriæ loquitur constitutio: si autem quantitate, vel alio modo plus fuerit petatum: (in) omne, si quod fortè damnum ex hac causa acciderit ei, contra quem plus petatum fuerit, commissa tripli condemnatione (sicuti suprà diximus) puniatur.

34. § Si minus in intentione sua complexus fuerit actor, quàm ad eum pertineat: veluti si cum ei decem (aurei) deberentur, quin-

quinque sibi dari oportere intenderit ; aut (si) cum totus fundus ejus esset , partem dimidiam suam esse petierit : sine periculo agit , in reliquum enim nihilominus , judex adversarium in eodem judicio (ei) condemnat , ex constitutione divæ memoriæ Zenonis.

35. ¶ Si quis pro alio intenderit: nihil eum periclitari placet; sed in eodem judicio, cognita veritate, errorem suum corrigere (ei) permittitur: veluti si is, qui hominem Stichum petere deberet, Erotem petierit: aut si quis ex testamento dari sibi oportere intenderit, quod ex stipulatu debetur.

36. ¶ Sicut præterea quædam actiones, quibus non (semper) solidum, quod nobis deberetur persequimur: sed modò solidum persequimur, modò minus ; ut ecce, si in peculium filii servi que agamus. Nam si non minus in peculio sit, quàm persequimur, in solidum dominus, paterve condemnatur: si verò minus inveniatur: eatenus condemnat judex, quatenus in peculio sit. Quemadmodum autem peculium intelligi debeat, suo ordine proponemus.

37. ¶ Item si de dote (in) judicio mulier agat : placet eatenus maritum condemnari debere , quatenus facere possit , id est, quatenus facultate ejus patiuntur. Itaque si dotis quantitati concurrant facultates ejus , in solidum damnatur : si minus , in tantum , quantum facere potest. Propter retentionem quoque dotis repetitio minuitur. Nam ob in pensas in res dotales factas , marito (quasi) reten-

tio concessa est : quia ipso jure necessariis sumptibus dos minuitur , sicut ex latioribus Digestorum libris cognoscere licet.

38. § Sed & si quis cum parente suo patronove agat : Item si socius cum socio, judicio societatis agat : non plus actor consequitur, quam adversarius ejus facere potest, Idem est si quis ex donatione sua conveniatur.

39. § Compensationes quoque oppositæ, plerumque efficiunt, ut minus quisque consequatur, quam ei debeatur. Nam ex bono & æquo habita ratione ejus, quod invicem actorem ex eadem causa præstare oportet, in reliquum cum, cum quo actum est (condemnat,) sicut jam dictum est.

40. § Cum eo quoque, qui creditoribus suis bonis cent, si postea aliquid acquisierit, quod idoneum emolumentum habeat, ex integro in id, quod facere potest, creditores experiuntur, inhumanum enim erat, spoliatum fortunis suis in solidum dampnari.

QUOD CUM EO, QUI

in aliena potestate est, negotium gestum esse dicitur.

TITVLVS VII.

QVia (tamen) superius mentionem habuimus de actione, qua in peculium filiorum familiarum servorumque agitur, opus est, ut de hac actione & de cæteris, quæ eorundem nomi.

nomine in parentes dominosve dare solent, diligentius admoneamus. Et quia, five cum servis negotium gestum sit, five cum his, qui in potestate parentum sunt, eadem ferè jura servantur: ne verbosa fiat disputatio, dirigamus sermonem in personam servi dominique, idem intellecturi de liberis quoque & parentibus, quorum in potestate sunt. Nam si quid in his propriè servetur, separatim ostendemus.

1. ¶ Si igitur jussu domini cum servo negotium gestum erit: in solidum prætor adversus dominum actionem pollicetur. scilicet quia is, qui ita contrahit, fidem domini sequi videtur.

2. ¶ Eadem ratione prætor duas alias in solidum actiones pollicetur: quarum altera exercitoria, altera institoria appellatur. Exercitoria tunc habet locum, cum quis servum suum magistrum navi proposuerit, & quid cum eo ejus rei gratia, cui præpositus erit, contractum fuerit. Ideo autem exercitoria vocatur, quia exercitor is appellatur, ad quem quotidianus navis quæstus pertinet. Institoria tunc locum habet, cum quis tabernæ fortè, aut cuilibet negotiationi servum suum præposuerit, & quid cum eo ejus rei causa, cui præpositus erit, contractum fuerit. Ideo autem institoria appellatur, quia qui negotiationibus præponuntur, institores vocantur. Istas tamen duas actiones prætor reddit, & si liberum quis hominem, aut alienum servum navi, aut tabernæ, aut cuilibet negotiationi præposuerit: scilicet quia eadem æquitatis ratio etiam eo casu interveniat.

3. ¶ Introduxit & aliam actionem prætor, quæ tributoria vocatur. Namque si servus in peculiari merce sciente domino negotietur, & quid cum eo ejus rei causa contractum erit: ita prætor jus dicit, ut quidquid in his mercibus erit, quodque inde receptum erit, id inter dominum, si quid ei debebitur, & cæteros creditores, pro rata portione distribuatur, & (ideo tributoria vocatur) quia ipsi domino distributionem prætor permittit. Nam si quis ex creditoribus queratur quasi minus ei tributum sit, quàm oportuerit, hanc eiactionem adcommodat, quæ tributoria appellatur.

4. ¶ Præterea introducta est actio de peculio, deque eo, quòd in rem domini versum erit: ut quamvis sine voluntate domini negotium gestum erit, tamen siue quid in rem ejus versum fuerit, id totum præstare debeat: siue quid non sit in rem ejus versum, id eatenus præstare debeat: quatenus peculium patitur. In rem autem domini versum intelligitur, quidquid necessario in rem ejus impenderit servus: veluti si mutuatus pecuniam creditoribus ejus solverit, aut ædificia ruentia fulserit, aut familiæ frumentum emerit, vel etiam fundum, aut quamlibet aliam rem necessariam mercatus erit. Itaque si ex decem puta aureis, quos servus tuus à Titio mutuo accepit, creditori tuo quinque aureos solverit, reliquos verò quinque quolibet modo consumpserit: pro quinque (quidem) in solidum damnari debes: pro cæteris verò quinque eatenus, quatenus in peculio sit. Ex quo scilicet apparet,

si toti decem aurei in rem tuam versi fuerint, totos decem aureos Titium consequi posse. Licet enim una est actio, qua de peculio, deque eo, quod in rem domini versum sit, agitur: tamen duas habet condemnationes. Itaque iudex, apud quem de ea actione agitur, ante dispicere solet, an in rem domini versum sit: nec aliter ad peculii estimationem transit, quam aut nihil in rem domini versum intelligatur, aut non totum. Cum autem quaeritur, quantum in peculio sit: ante deducitur, quicquid servus domino, eive, qui in potestate ejus sit, debet: & quod superest, id solum peculium intelligitur. Aliquando tamen id, quod ei debet servus, qui in potestate domini sit, non deducitur ex peculio: veluti si is in ipsius peculio sit, quod eo pertinet, ut si quis vicario suo servus: id ex peculio ejus non deducatur.

5. ¶ Ceterum dubium non est, quin is quoque qui iussu domini contraxerit, cuique institoria vel exercitoria actio competit: de peculio, deque eo, quod in rem domini versum est agere possit. Sed erit stultissimus, si omitta actione, qua facillimè solidum ex contractu consequi possit: se ad difficultatem perducatur probandi in rem domini versum esse vel habere servum peculium, & tantum habere, ut solidum sibi solvi possit. Is quoque, cui tributoria actio competit, æquè de peculio, & de in rem verso agere potest. Sed sanè huic modo tributoria expedit agere, modo de peculio, & de in rem verso. Tributoria ideo expedit agere, quia in ea domini conditio præcipua non est.

est, id est, quod domino debetur, non deducitur, sed ejusdem juris est dominus. cujus & ceteri creditores. At in actione de peculio ante deducitur, quod domino debetur: & in id, quod reliquum est, creditori dominus condemnatur. Rursus de peculio ideo expedit agere, quod in hac actione totius peculii ratio habetur: at in tributoria, ejus tantum, quo negotiatur. Et potest quisque tertiam fortè parte peculii, aut quarta, vel etiam minima negotiari: majorem autem partem in prædiis vel mancipiis, aut fœnebris pecunia habere. Prout ergo expedit, ita quisque vel hanc actionem vel illam eligere debet. Certè qui potest probare in rem domini versum esse: de in rem verso agere debet.

6. § Quæ diximus de servo & domino, eadem intelligimus & de filio & filia, & nepote & nepte, & patre avoque, cujus in potestate sunt.

7. § Illud propriè servatur in eorum persona, quod senatus consultum Macedonianum prohibuit, mutuas pecunias dare eis, qui in potestate parentis sunt: & ei qui crediderit, denegatur actio tam adversus ipsum filium filiamve, nepotem neptemve (sive adhuc in potestate sint, sive mortè parentis, vel emancipatione suæ potestatis esse cœperint) quam adversus patrem avumque: sive eos habeat adhuc in potestate, sive emancipaverit. Quæ ideo senatus prospexit, quia sæpè onerati ære alieno creditarum pecuniarum, quas in luxuriam consumeabant, vitæ parentum insidiabantur.

8. § Illud in summa admonendi sumus.

id, quod jussu patris domineve contractum fuerit, quodque in rem ejus versum erit: directò quoque posse à patre domineve condici, tanquam si principaliter cum ipso negotium gestum esset. Ei quoque, qui exercitoria vel institutoria actione tenetur, directò posse condici placet: quia hujus quoque jussu contractum intelligitur.

DE NOXALIBUS

Actionibus.

TITVLVS VIII.

EX maleficiis fervorum: veluti si furtum fecerint, aut bona rapuerint, aut damnum dederint, aut injuriam commiserint: noxales actiones prodixi sunt, quibus domino damnato permittitur, aut litis aestimationem sufferre, aut ipsum hominem noxae dedere.

1. § Noxa autem, est (ipsum) corpus: quod nocuit, id est, servus: noxia ipsum maleficium, veluti furtum, damnum, rapina, injuria.

2. § Summa autem ratione permixtum est noxae deditioe fungi. Namque erat iniquum, nequitiam eorum ultra ipsorum corpora dominis damnosam esse.

3. § Dominus noxali judicio servi sui nomine conventus, servum actori noxae dedendo liberatur: nec minus in perpetuum ejus servi dominum à domino transfertur. Sin autem damnum ei, cui deditus est, (servus) refara-

cierit quæ sita pecunia: auxilio prætoris invito domino manumitteretur.

4. ¶ Sunt autem constitutæ noxales actiones aut legibus, aut edicto prætoris. Legibus: veluti furti ex lege duodecim tabularum, damni iniuriæ ex lege Aquilia. Edicto prætoris: veluti iniuriarum, & vi bonorum raptorum.

5. ¶ Omnis autem noxalis actio caput sequitur. Nam si servus tuus noxam commiserit: quamdiu in tua potestate sit, tecum est actio. Si autem in alterius potestatem pervenerit: cum illo incipit actio esse. At si manumissus fuerit: directò ipse tenetur, & extinguatur noxæ deductio. Ex diverso quoque directa actio noxalis esse incipit. Nam si liber homo noxiam commiserit, & is servus tuus esse cœperit (quod quibusdam casibus effici primo libro tradidimus) incipit tecum esse noxalis actio, quæ ante directa fuisset.

6. ¶ Si servus domino noxiam commiserit: actio nulla nascitur. Namque inter dominum & eum, qui in potestate ejus est, nulla obligatio nasci potest. Ideoque & si in alienam potestatem servus pervenerit, aut manumissus fuerit: neque cum ipso, neque cum eo, cujus nunc in potestate sit, agi potest. Unde si alienus servus noxiam tibi commiserit, & is postea in potestate tua esse cœperit, interdicitur actio: quia in eum casum deducta sit, in quo consistere non potuit. Idcirco, si licet exierit de tua potestate, agere non potes: quemadmodum si dominus in servum suum aliquid commiserit, nec si manumissus aut alienatus fuerit, servus ullam actionem contra dominum habere potest.

7. ¶ Sed veteres quidem hoc in filiis familiarum masculis & feminis admiserunt: nova autem hominum conversatio huiusmodi asperitatem rectè respuendam esse existimavit, & ab usu communi hoc penitus recessit. Quis enim patiatur filium suum, & maximè filiam, in noxam alii dare, ut pene per (filii) corpus pater magis, quam filius periclitetur: cum in filiabus etiam pudicitia favor hoc benè excludat? Et ideo placuit in servos tantummodo noxales actiones esse proponendas: cum apud veteres legum commentatores invenimus sæpius dictum, ipsos filios familiarum pro suis delictis posse conveniri.

SI QUADRUPES

pauperiem fecisse dicatur.

TITVLVS IX.

A Nimalium nomine, quæ ratione carent, si qua lascivia, aut pavore, aut feritate pauperiem fecerint: noxalis actio lege duodecim tabularum prodita est. Quæ animalia si noxæ dedantur, proficiunt ideo ad liberationem: quia ita lex duodecim tabularum scripta est, ut puta, *Si quis calcitrosus calce percusserit, aut bos cornu petere solirus (cornu) petierit.* Hæc autem actio in iis, quæ contra naturam moventur, locum habet. Cæterum si genitalis sit feritas: cessat actio. Denique si ursus fugerit à domino, & sic nocuerit: non potest quondam dominus conveniri: quia desuit dominus esse, ubi fera evasit. Pauperies autem est
damnum

damnum sine injuria facientis datum. Nec enim potest animal injuriam fecisse dici, quod sensu caret. Hæc quidem ad noxalem pertinet actionem.

1. § Cæterum sciendum est, ædilitio edicto prohiberi nos canem, verrem, aprum, arsum, leonem ibi habere, qua vulgò iter fit: & si adversus ea factum erit, & nocitum libero homini esse dicatur: quod bonum & æquum judici videtur, tanti dominus condemnatur, cæterarum verò rerum, quanti damnum datum sit, dupli. Præter has autem ædilitias actiones, & de pauperie locum habebit. Numquam enim actiones, præsertim penales, de eadem re concurrentes, alia aliam consumit.

DE IIS, PER QUOS

agere possunt.

TITVLVS X.

Nunc admonendi sumus, agere posse quemlibet hominem, aut suo nomine, aut alieno. Alieno: veluti procuratorio, tutorio, curatorio: cum olim in usum fuisset, alterius nomine agere non posse, nisi pro populo, pro libertate, pro tutela. Præterea lege Horilia permissum erat furti agere eorum nomine, qui apud hostes essent, aut reipublicæ causa abessent, qui ve in eorum cuius tutela essent. Sed quia hoc non minimam incommoditatem habebat, quod alieno nomine, neque agere, neque excipere actionem licebat: cœperunt homines per procuratores litigare.

Nam

Nam & morbus , & ætas, & necessaria peregrinatio, itemque aliæ multæ causæ sæpe hominibus impedimento sunt, quo minus rem suam ipsi exequi possint.

1. ¶ Procurator neque certis verbis, neque præsepte (semper) adversario, imò plerumque eo ignorante constituitur. Cuicumque enim permiseris rem tuam agere, aut defendere, is tuus procurator intelligitur.

2. ¶ Tutores & curatores quemadmodum constituantur, primo libro expositum est.

DE SATISDACTIONIBUS.

TITVLVS XI.

Satisfactionum modus alius antiquitati placuit, alium novitas per usum amplexa est. Olim enim si in rem agebatur, satisfacere possessor compellebatur, ut si victus (esset,) nec rem ipsam restitueret, nec litis æstimationem: potestas esset petitori, aut cum eo agendi, aut cum fideiussoribus eius, quæ satisfactio appellatur *judicatum solvi*. Vnde autem sic appelletur, facile est intelligere. Namque stipulabatur quis, ut solveretur sibi, quod fuisset iudicatum. Multo magis is, qui in rem actione conveniebatur, satisfacere cogebatur, si alieno nomine iudicium accipiebat. Ipse autem, qui in rem agebat, si suo nomine petebat, satisfacere non cogebatur. Procurator verò si in rem agebat: satisfacere jubebatur, rem ratam dominum habiturum. Periculum enim erat, ne iterum dominus de eadem re experiretur. Tut-

res (verò) & curatores eodem modo, quo & procuratores satisfacere debere, verba edicti faciebant: sed aliquando his agentibus satisfactio remittebatur. Hac ita (erant) si in rem agebatur.

1. § Si verò in personam: ab actoris quidem parte eadem obtinebant, quæ diximus in actione, qua in rem agitur, ab ejus verò parte, cum quo agitur, si quidem alieno nomine aliquis interveniret: omnimodo satisfaceret, quia nemo defensor in aliena re sine satisfactione idoneus esse creditur. Quòd si proprio nomine aliquis judicium accipiebat in personam: *judicatum solvi* satisfacere non cogeatur.

2. § Sed hodiè hæc aliter observantur. Si ve enim quis in rem actione convenitur, five personali suo nomine: nullam satisfactionem pro litis æstimatione dare compellitur: sed pro sua tantum persona, quod in judicio permaneat usque ad terminum litis, vel committitur suæ promissioni cum jurejurando (quam juratoriam cautionem vocant) vel nudam promissionem, vel satisfactionem pro qualitate personæ suæ dare compellitur.

3. § Sin autem per procuratorem lis vel inferatur vel suscipitur in actoris quidem persona, si non mandatum actis insinuatum est, vel præsens dominus litis in judicio procuratoris sui personam confirmaverit: ratam rem dominum habiturum satisfactionem procurator dare compellitur: eodem observando, & si tutor, vel curator, vel aliæ tales personæ, quæ alienarum rerum gubernationem receperunt, litem quibuscumque per alium infe-

4. ¶ Si verò aliquis convenitur: si quidem præfens procuratorem dare paratus est: potest vel ipse in iudicium venire, & sui procuratoris personam per *iudicatum solvi* satisfactionem solenni stipulatione firmare, vel extra iudicium satisfactionem exponere, per quam ipse sui procuratoris fideiussor existat pro omnibus *iudicatum solvi* satisfactionis clausulis, ubi & de hypotheca suarum rerum convenire compellitur: sive in iudicio promiserit, sive extra iudicium caverit: ut iam ipse, quam heredes ejus obligentur. Alia insuper cautela, vel satisfactione propter personam ipsius exponenda, quòd tempore sententiæ recitandæ in iudicium veniet: vel si non venerit, omnia dabit fideiussor, quæ in condemnatione continentur, nisi fuerit provocatum.

5. ¶ Si verò reus præsto ex quacunque causa non fuerit, & alius velit defensionem ejus subire: nulla differentia inter actiones in rem vel personales introducenda, potest hoc facere: ita tamen, ut satisfactionem *iudicatum solvi*, pro litis æstimatione præstet. Nemo enim secundum veterem regulam (ut jam dictum est) alienæ rei sine satisfactione defensor idoneus intelligitur.

6. ¶ Quæ omnia apertius & perfectius à quotidiano iudiciorum usu in ipsis rerum documentis apparent.

7. ¶ Quam formam non solum in hac regia urbe, sed (etiam) in omnibus nostris provinciis (etsi propter imperitiam fortè aliter celebratur) obtinere censemus: quum necesse sit, omnes provincias, caput omnium nostrarum

rum civitatum, id est, hanc regiam urbem, e-
jusque observantiam sequi.

D E P E R P E T U I S E T
temporalibus actionibus, & quæ
ad heredes & in heredes
transeunt.

T I T V L V S XII.

HOc loco admonendi sumus, eas quidem
actiones, quæ ex lege, senatusve consulto,
sive ex sacris constitutionibus proficiscun-
tur: perpetuò solere antiquitus competere, de-
nec sacræ constitutiones: tam in rem, quam in
personam actionibus certos fines dederunt:
eas verò, quæ ex propria prætoris jurisdic-
tione pendent, plerumque intra annum vivere:
nam & ipsius prætoris intra annum erat im-
perium. Aliquando tamen & in perpetuum
extenduntur; id est, usque ad finem ex consti-
tutionibus introductum: quales sunt eæ, quas
bonorum possessori, cæterisque qui hæredis
loco sunt, ad commodat. Furti quoque mani-
festi actio, quamvis ex ipsius prætoris jurisdic-
tione proficiscatur: tamen perpetuò datur,
absurdum enim esse existimavit anno eam
terminari.

I. ¶ Non autem omnes actiones quæ in
aliquem aut ipso jure competunt, aut à præto-
re dantur: & in heredem æquè competunt, aut
dare solent. Est enim certissima juris regula,
ex maleficiis pœnales actiones in heredem
(rei) non competere, (veluti) furti: vi bono-
rum,

rum raptorum, injuriarum, damni, injuriarum
Sed heredibus hujusmodi actiones compe-
tunt, nec denegantur excepta injuriarum a-
ctione & si qua alia similis inveniatur Ali-
quando tamen etiam ex contractu actio con-
tra heredem non comperit: veluti cum testa-
tor dolosè versatus sit, & ad heredem ejus ni-
hil ex eo dolo pervenit. Pœnales autem a-
ctiones, quas supra diximus, si ab ipsis princi-
palibus personis fuerint contestata, & here-
dibus dantur & contra heredes transeunt.

2. § Supereft. ut admoneamus, quod si ante
rem-judicatam is, cum quo actum est, satisfa-
ciat actori: officio judicis convenit cum ab-
solvere, licet in ea causa fuisset judicii acci-
piendi tempore, ut damnari deberet, & hoc
est, quod antea vulgò dicebatur, omnia judi-
cia absolutoria esse.

DE EXCEPTIONIBUS.

TITULUS XIII.

SEquitur, ut de exceptionibus dispiciamus.
Comparatæ autem sunt exceptiones defen-
dendorum eorum gratia, cum quibus agitur.
Sæpè enim accidit ut licet ipsa persecutio qua
actor experitur, justa sit: tamen iniqua sit ad-
versus eum cum quo agitur.

1. § Verbi gratia, si metu coactus, aut do-
lo inductus, aut errore lapsus, stipulanti Titio
promissisti, quod non debueras [promittere:]
palam est, jure civili te obligatum esse: & a-
ctio, qua intenditur dare te oportere, efficax
est: sed iniquum est te condemnari. Ideoque

datur tibi excepti, quod metus causa, aut dolus mali, aut in factum composita ad impugnandam actionem.

2. § Idem juris est si quis [quasi] credendi causa pecuniam à te stipulatus fuerit, neque numeraverit. Nam, eam pecuniam à te petere posse eum, certum est, dare enim te oportet: quum ex stipulatione tenearis. Sed quia iniquum est. eo nomine te condemnari: placet exceptione pecuniæ non numeratæ te defendi debere, cujus tempora nos (secundum quod jam superioribus libris scriptum est) constitutione nostra coarctavimus.

3. § Præterea debitor si pactus fuerit cum creditore, ne à se pecunia peteretur nihilominus obligatus manet: quia pacto convento obligationes non omnino dissolvuntur: quæ de causa efficax est adversus eum actio, quam actor intendit, *Si apparet eum dare oportere*, sed quia iniquum est, contra pactum eum condemnari: defenditur per exceptionem pacti conventi.

4. § Æquè si debitor creditore deferente juraverit, nihil se dare oportere: adhuc obligatus permanet, sed quia iniquum est de perjurio queri: defenditur per exceptionem jurisjurandi, in iis quoque actionibus, quibus in rem agitur, æque necessariae sunt exceptiones veluti si petitore deferente possessore juraverit eam rem suam esse & nihilominus petitor eandem rem vindicet, licet enim verum sit, quod intendit, id est, rem ejus esse: iniquum tamen est possessorem condemnari.

5. § Item si in iudicio tecum actum fuerit, sive

sive in rem sive in personam : nihilominus obligatio durat : & ideo ipso jure de eadem re postea adversus te agi potest, sed debes per exceptionem rei judicatæ adjuvari.

6. ¶ Hæc exempli causa retulisse sufficiat. Alioqui quam ex multis variisque causis exceptiones necessariæ sint : ex latioribus Digestorum seu Pandectarum libris intelligi potest.

7. ¶ Quædam quædam ex legibus, vel ex iis, quæ legis vicem obtinent, vel ex ipsa prætoris jurisdictione substantiam capiunt.

8. ¶ Appellantur autem exceptiones aliæ perpetuæ & peremptoriæ ; aliæ temporales & dilatoriæ.

9. ¶ Perpetuæ & peremptoriæ sunt, quæ semper agentibus obstant, & semper rem de qua agitur perimunt : qualis est exceptio doli mali. & quod metus causa factum est, & pacti conventi, cum ita convenerit, ne omnino pecunia peteretur.

10. ¶ Temporales atque dilatoriæ sunt, quæ ad tempus nocent, & temporis dilationem tribuunt : qualis est pacti conventi, cum ita convenerit, ne intra certum tempus ageretur, veluti intra quinquennium : nam finito eo tempore non impeditur actor rem exequi : Ergo ii, quibus intra certum tempus agere volentibus obijcitur exceptio aut pacti conventi, aut alia similis : differre debent actionem, & post tempus agere. Ideò enim & dilatoriæ istæ exceptiones appellantur. Alioqui si intra tempus egerint, obijciturque sit exceptio : neque eo judicio quicquam consequerentur, propter exceptionem neq; post tempus olim

agere poterant: cum temere rem in iudicium deducebant, & consumebant, qua ratione rem amittebant. Hodie autem non ita strictè hoc procedere volumus, sed eum, qui ante tempus actionis vel obligationis litem inferre ausus sit Zenonianæ constitutioni subjacere, censemus, quam sacratissimus legislator de iis, qui tempore plus petierint, protulit, ut & inducias, quas ipse auctor sponte indulserit, vel quas natura actionis continet, si contempserit: in duplum habeantur, qui talem injuriam passi sunt: & post eas finitas non aliter litem suscipiant, nisi omnes expensas litis antea acceperint: ut actores tali poena perterriti, tempora litium doceantur observare.

II. ¶ Præterea etiam ex persona sunt dilatoriarum exceptiones, quales sunt procuratoriæ: veluti si per militem aut per mulierem agere quis velit. Nam militibus, nec pro patre, vel matre, vel uxore, nec ex sacro rescripto procuratorio nomine experiri conceditur: suis verò negotiis superesse sine offensa [militaris] disciplinæ possunt. Eas verò exceptiones, quæ olim procuratoribus propter infamiam vel dantis, vel ipsius procuratoris opponebantur: cum in iudiciis frequentari nullo modo perspeximus, conquiescere facimus: ne dum de iis altercatur, ipsius negotii disceptatio preteletur.

DE REPLICATIONIBUS.

TITULUS XIV.

Interdum evenit, ut exceptio, quæ prima facie iusta viderur, [tamen] iniquè noceat, quod cum accidit alia allegatione opus est, adjuvandi auctori gratia, quæ replicatio vocatur, quia per eam replicatur atque resolvitur ius exceptionis: veluti cum pactus est aliquis cum debitore suo, ne ab eo pecuniam petat, deinde postea in contrarium pacti sunt, id est, ut creditori petere liceat: si creditor agat, & excipiat debitor, ut iudicium demum condemnetur, si non convenerit ne eam pecuniam creditor petat: nocet ei exceptio, convenit enim ita, namque nihil minus hoc verum manet licet postea in contrarium pacti sunt, sed quia iniquum est creditorem excludi replicatio ei dabitur ex posteriore pacto convento.

1. ¶ Rursus interdum evenit, ut replicatio quæ prima facie iusta est, iniquè noceat, quod cum accidit alia allegatione opus est, adjuvandi rei gratia, quæ duplicatio vocatur.

2. ¶ Et si rursus ea prima facie iusta videatur, sed propter aliquam causam auctori iniquè noceat: rursus alia allegatione opus est, qua auctor adiuvetur, quæ dicitur triplicatio.

3. ¶ Quarum omnium exceptionum usum interdum ulterius, quam diximus, varietas negotiorum introducit, quas omnes aperius ex Digestorum latiore volumine est agnoscere.

4. ¶ Exceptiones autem, quibus debitor defenditur, plerumque adcommodari solent etiam fidejussoribus ejus & rectè: quia quod ab iis petitur, id ab ipso debitore peri videtur: quia mandari iudicio redditurus est eis, quod [ii] pro eo solverint. Qua ratione: & si de non petenda pecunia pactus quis cum reo fuerit, placuit perinde succurrendum esse per exceptionem pacti conventi illis quoque, qui pro eo obligati sunt, ac si etiam cum ipsis pactus esset, ne ab iis ea pecunia peteretur. Sanè quædam exceptiones non solent his accom- modari. Ecce enim debitor, si bonis suis cesserit & cum eo creditor experiatur: defendi- tur per exceptionem, si bonis cesserit. Sed hæc exceptio fidejussoribus non datur: ideo scili- cet, quia qui alios pro debitore obligat, hoc maximè prospicit, ut cum facultatibus lapsus fuerit debitor, possit ab iis, quos pro eo obli- gavit, suum consequi.

DE INTERDICTIS.

TITULUS XV.

Sequitur, ut dispiciamus de interdictis seu a- ctionibus quæ pro his exercentur. Erant autem interdicta formæ atque conceptiones verborum, quibus prætor aut jubebat aliquid fieri, aut fieri prohibebat, quod tunc maximè fiebat, cum de possessione, aut quasi posses- sione inter aliquos contendebatur.

1. ¶ Summa autem divisio interdictorum hæc est: quod aut prohibitoria sunt, aut resti- tutoria, aut exhibitoria. Prohibitoria sunt, qui-
bus

bus prætor vetat aliquid fieri, veluti vim sine vitio possidenti, vel mortuorum inferenti, quo ei jus erat inferendi: vel in sacro loco ædificari vel in flumine publico ripæ ejus aliquid fieri, quo pejus navigetur. Restitutoria sunt, quibus restitui aliquid jubet, veluti bonorum possessori possessionem eorum, quæ quis pro herede; aut pro possessore possidet [ex ea hæreditate:] aut eum jubet ei, qui vi de possessione fundi dejectus sit restitui possessionem. Exhibitoria sunt, per quæ jubet exhiberi: veluti eum, cujus de libertate agitur; aut liberum, cui patronus operas indicere velit, aut parvum liberos, qui in potestate ejus sunt. Sunt tamen qui putent, propriè interdicta ea vocari, quæ prohibitoria sunt, quia interdicere sit denuntiare & prohibere; restitutoria autem & exhibitoria propriè decreta vocari. Sed tamen obtinuit omnia interdicta appellari: quia inter duos dicuntur.

2. ¶ Sequens visio interdictorum hæc est, quod quædam adipiscendæ possessionis causa comparata sunt, quædam retinendæ. quædam recuperandæ.

1. ¶ Adipiscendæ possessionis causa interdictum accommodatur bonorum possessori, quod appellatur, *quorum bonorum*, ejusque vis & potestas hæc est: ut quod ex his bonis quisque, quorum possessio alicui data est, pro herede aut pro possessore possideat id ei, cui bonorum possessio data est, restituere debeat. Pro herede autem possidere videtur; qui putat se heredem esse. Pro possessore is possidet, qui nullo jure rem hereditariam, vel etiam totam

hereditatem sciens ad se non pertinere, possidet. Ideo autem adipiscendæ possessionis vocatur interdictum: quia ei tantum utile est, qui nunc primum conatur adipisci rei possessionem. Itaque si quis adeptus possessionem, amiserit eam: hoc interdictum ei inutile est. Interdictum quoque quod appellatur Salvianum, adipiscendæ possessionis causa comparatum est: eoque utitur dominus fundi de rebus coloni, quas is pro mercedibus fundi pignori futuras pepigisset.

4. ¶ Retinendæ possessionis causa comparata sunt interdicta *uti possidetis & utrubi*: cum ab utraque parte de proprietate alicujus rei controversia sit: & ante quaratur uter ex litigatoribus possidere, & uter petere debeat. Namque nisi antè exploratum fuerit, utrius eorum possessio sit: non potest petitoria actio institui: quia & civilis, & naturalis ratio facit, ut alius possideat, & alius à possidente petat. Et quia longè commodius est [& potius] possidere, quàm petere: ideo plerumque & fere semper ingens existit contentio de ipsa possessione. Commodum autem possidendi in eo est, quod etiam si ejus res non sit, qui possidet: si modò actor non potuerit suam esse probare, remanet [in] suo loco possessio: propter quam causam cum obscura sunt utriusque jura: contra potiores judicari solet. Sed interdicto quidem *uti possidetis*, de fundi vel ædium possessione contenditur: *utrubi* verò interdicto, de rerum mobilium possessione. Quorum vis ac potestas plurimam inter se differentiam apud veteres habebat. Nam *uti*

possidetis interdicto is vincebat, qui interdicti tempore possidebat: si modò nec vi, nec clam, nec precario nactus fuerat ab adversario possessionem: etiam si alium vi expulerat, aut clam arripuerat alienam possessionem, aut precario rogaverat aliquem, ut sibi possidere liceret, *utrobi* verò interdicto is vincebat qui maiore parte ejus anni, nec vi, nec clam, nec precario ab adversario possidebat. Hodie tamen aliter observatur. Nam utriusque interdicti potestas (quantum ad possessionem pertinet) exaequata est: uti ille vincat, [&] in re soli, & in re mobili, qui possessionem nec vi, nec clam, nec precario ab adversario litis contestata tempore detinet.

5. §. Possidere autem videtur quisque, non solum si ipse possideat, sed & si ejus nomine aliquis in possessione sit, licet is ejus juri subiectus non sit, qualis est colonus & inquilinus. Per eos quoque, apud quos deposuerit quis, aut quibus commodaverit, ipse possidere videtur. Et hoc est, quod dicitur retinere possessionem posse aliquem per quemlibet, qui ejus nomine sit in possessione. Quin etiam animo quoque solo retineri possessionem placet: id est, quamvis ipse neque sit in possessione, neque ejus nomine alius: tamen si non relinquenda possessionis animo, sed postea reversurus inde discesserit, retinere possessionem videatur. Adipisci verò possessionem per quos aliquis potest, secundo libro exposuimus. Nec ulla dubitatio est, quin animo solo adipisci possessionem nemo possit.

6. §. Recuperanda possessionis causa so-

let interdicti, si quis ex possessione fundi vel ædium vi dejectus fuerit: Nam ei proponitur interdictum *unde vi*, per quod is, qui dejecit, cogitur ei restituere possessionem: licet is ab eo qui vi dejecit, vi vel clam vel precario possideat. Sed ex constitutionibus sacris [ut supra diximas] si quis rem per vim occupaverit, si quidem in bonis ejus est, dominio ejus privatur, si aliena: post ejus restitutionem etiam æstimationem [rei] dare vim passo compellitur. Qui autem aliquem de possessione per vim dejecerit: tenetur lege Julia de vi privata aut de vi publica: sed de vi privata, si sine armis vim fecerit, sin autem cum armis eum de possessione vi expulerit, de vi publica [tenetur.] Armorum autem appellatione non solum scuta & gladios, & galeas, sed & fustes, & lapides significari intelligimus.

7. § Tertia divisio interdictorum hæc est, quod aut simplicia sunt, aut duplicia. Simplicia sunt veluti in quibus alter actor, alter reus [est:] qualia sunt omnia restitutoria aut exhibitoria: Nam actor is est qui desiderat aut exhiberi, aut restitui: reus autem is est, à quo desideratur, ut restituat, aut exhibeat. Prohibitoriorum autem interdictorum alia simplicia sunt alia duplicia. Simplicia sunt, veluti cum prætor prohibet in loco sacro, vel in flumine publico ripæ ejus aliquid fieri. Nam actor est qui desiderat, ne quid fiat: reus est, qui aliquid facere conatur. Duplicia sunt, veluti *uti possideas* interdictum. & *utrubi*. Ideo autem duplicia vocantur, quia par utriusque litigatoris in his conditio est, nec quisquam præcipue reus

reus vel actor intelligitur : sed unusquisque tam rei, quam actoris partes sustinet.

3. ¶ De ordine & vetere exitu interdictorum supervacuum est hodie dicere Nam quotiens extra ordinem jus dicitur [qualia sunt hodie omnia judicia] non est necesse reddi interdictum: sed perinde judicatur sine interdictis, ac si utilis actio ex causa interdicti red- dita fuisset.

DE POENA TEMERE

litigantium.

TITULUS XVI.

Nunc admonendi sumus, magnam curam egisse eos, qui jura sustinebant, ne facile homines ad litigandum procederent: quod & nobis studio est. Idque eo maximè fieri potest quod temeritas tam agentium, quam eorum, cum quibus agitur, modò pecuniaria poena, modo jurisjurandi religione, modò infamiae metu coercetur.

1. ¶ Ecce enim jusjurandum omnibus, qui conveniuntur, ex constitutione nostra defer- tur. Nam reus nō aliter suis allegationibus utitur, nisi prius juraverit, quod putans se bona instantia uti ad contradicendum pervenit. At adversus inficientes ex quibusdam causis du- pli[vel tripli] actio constituitur, veluti si dam- ni injuria, aut legatorum locis venerabilibus relictorum nomine agatur. Statim autem ab

initio pluris, quam simpli est actio: velut furti manifesti quadrupli: nec manifesti dupli. Nam ex his & aliis quibusdam causis (sive quis neget, sive fateatur) pluris, quam simpli est, actio. Item actoris quoque calumnia coerceatur. Nam etiam actor pro calumnia jurare cogitur ex nostra constitutione. Utriusque etiam partis advocati iusjurandum subeunt: quod alia nostra constitutione comprehensum est. Hæc autem omnia pro veteris calumniæ actione introducta sunt, quæ in desuetudinem abiit: quia in partem decimam litæ actores multabat, quod nusquam factum esse invenimus, sed pro his introductum est [&] præfatum iusjurandum, & ut improbus litigator (&) damnum, & impensas litis inferre adversario suo cogatur.

2. ¶ Ex quibusdam iudiciis damnati, ignominiosi sunt: veluti furti, ut bonorum raptorum, injuriarum, de dolo item tutela, mandati, depositi, directis; non contrariis actionibus. Item pro socio, quæ ab utraque parte directe est: & ob id quilibet ex sociis eo iudicio damnatus, ignominia notatur. Sed fur quidem, aut vi bonorum raptorum, aut injuriarum aut de dolo, non solum damnati notentur ignominia: sed & pæcti, & rectè, plurimum interest utrum ex delicto aliquis, an ex contractu debitor sit.

3. ¶ Omnium autem actionum instituentiarum principium, ab ea parte edicti profiscitur, qua prætor edicit de in ius vocando. Utique enim in primis adversarius in ius vocandus est: id est, ad eum vocandos, qui
ius

ius dicturus sit. Qua parte prætor parentibus & patronis, item parentibus liberisque patronorum & patronarum hunc præstat honorem: ut non aliter liceat liberis libertisque eos in ius vocare, quam si ab ipso prætore veniam postulaverint & impetraverint. Et si quis aliter vocaverit: in eum poenam solidorum quinquaginta constituit.

DE OFFICIO JUDICIS,

TITULUS XVII.

Superest, ut de officio judicis disp. ciamus. Et quidem in primis illud observare debet judex, ne aliter judicet quam legibus, aut constitutionibus aut moribus prodium est.

1. § Ideoque si noxali judicio aditus est, observare debet, ut si condemnandus videtur dominus, ita debeat condemnare, *Publicum Mæium Lucio Titio in decem aureos condemnare, aut noxam dedere.*

2. § Et si in rem actum sit [coram iudice:] siue contra petito rem judicaverit: absolvere debet possessorem, siue contra possessorem iuberi ei debet, ut rem ipsam restituat cum fructibus. Sed si possessor neget in præsentem se restituere posse, & sine frustratione videbitur tempus restituendi causa petere, indulgendum est ei: ut tamen de litis æstimatione caveat cum fidejussore si intra tempus quod ei datum est, non restituerit. Et si hereditas petita sit, eadem circa fructus interveniunt, quæ diximus intervenire de singularum rerum petitione. Il-

lorum autem fructum. quos culpa sua possessor non perceperit: [five illorum.] quos perceperit: in utraque actione eadem ratio penè habetur, si prædo fuerit. Si verò bonæ fidei possessor fuerit: non habetur ratio [neque] consumptorum, neque non perceptorum. Post inchoatam autem petitionem, etiam illorum [fructuum] ratio habetur, qui culpa possessoris percepti non sunt, vel percepti consumpti sunt.

3. ¶ Si ad exhibendum actum fuerit: non sufficit, si exhibeat rem is. cum quo actum est: sed opus est, ut etiam rei causam debeat exhibere, id est, ut eam causam habeat actor quam habiurus esset, si cum primum ad exhibendum egisset, exhibita res fuisset. Ideoque si inter moras [exhibendi] usucapta sit res à possessore: nihilominus condemnabitur. Præterea fructum mediæ temporis, id est, ejus quod acceptum ad exhibendum iudicium, ante rem judicatam intercesserit: rationem habere debet iudex. Quod si neget reus, cum quo ad exhibendum actum est, in præsentem se exhibere posse, & tempus exhibendi causa petat, idque sine frustratione postulare videatur: dari ei debet, ut tamen caveat se restituendum, quod si neque statim iussu iudicis rem exhibeat, neque postea exhibiturum se caveat: condemnandus sit in id, quod actoris intererat, si ab initio res exhibita esset.

4. ¶ Si familiæ erciscundæ [iudicio] actum sit: singulas res singulis hæredibus adjudicare debet, & si in alterius persona prægravare videatur adjudicatio: debet hunc invicem co-
here.

heredi certa pecunia (sicut jam dictum est) condemnare. Eo quoque nomine cohæredi quisque suo condemnandus est quod solus fructus hereditarii fundi perceperit, aut rem hereditariam corruperit, aut consumpserit. Quæ quidem similiter inter plures quoque, quam duos cohæredes, subsequuntur.

5. ¶ Eadem interveniunt, & si communi dividundo de pluribus rebus actum sit. Quod si de una re, veluti de fundo siquidē iste fundus commodè regionibus divisionem recipiat: partes ejus singulis adjudicare debet. & si unius pars prægravare videbitur: is invicem certa pecunia alteri condemnandus est. Quod si commodè dividi non possit: veluti si homo fortè, aut mulus erit, de quo actum sit, tunc totus uni adjudicandus est & is invicem alteri certa pecunia condemnandus est.

6. ¶ Si finium regundorum actum fuerit dispicere debet judex, an necessaria sit adjudicatio quæ sanè uno casu necessaria est, si evidentialioribus finibus distingui agros commodius sit, quam olim fuissent distincti. Nam tunc necesse est, ex alterius agro partem aliquam alterius agri domino adjudicari: quo casu conveniens est, ut is alteri certa pecunia debeat condemnari. Eo quoque nomine condemnandus est quisque hoc judicio, quod fortè circa fines aliquid malitiosè commisit: verbi gratia, quia lapides finales furatus est, vel arbores finales excidit. Contumaciæ quoque nomine quisque eo judicio condemnatur: veluti si quis jacente iudice metiri agros passus non fuerit.

7. § Quod autem istis judiciis alicui adjudicatum fuerit : id statim ejus fit, cui adjudicatum est.

DE PUBLICIS JUDICIIS.

TITULUS XVIII.

Publica judicia neque per actiones ordinantur, neque omnino quicquam simile habent[cum] cæteris judiciis, de quibus locuti sumus, magnaue diversitas eorum est & in instituendo, & in exercendo.

1. § Publica autem dicta sunt, quod cuius ex populo executio eorum plerumque datur.

2. § Publicorum judiciorum quædam capitalia sunt, quædam non capitalia. Capitalia dicimus, quæ ultimo supplicio afficiunt [homines.] vel [etiam] aquæ & ignis interdictione, vel deportatione, vel metallo. Cætera si quam infamiam irrogant, cum damno pecuniario: hæc publica quidem sunt, non tamen capitalia.

3. § Publica autem judicia hæc sunt, lex Julia majestatis, quæ in eos qui contra Imperatorem, vel rempublicam aliquid moliti sunt, suum vigorem extendit. Cujus poena animæ amissionem sustinet & memoria rei etiam post mortem damnatur.

4. § Item lex Julia de adulteriis coercendis, quæ non solum temeratores alienarum nuptiarum gladio punit, sed & eos, qui cum masculis nefandam libidinē exercere audent. Sed eadem lege Julia etiam stupri flagitium

punitur, cum quis sine vi vel virginem, vel viduam honestè viventem stupraverit. Poenam autem eadem lex irrogat stupratoribus: si honesti sunt, publicationem partis dimidia bonorum: si humiles, corporis coercitionem cum relegatione.

5. ¶ Idem lex Cornelia de sicariis, quæ homicidas ultore ferro persequitur, vel eos, qui hominis occidendi causa cum telo ambulant. Telum autem (ut Cajus noster ex interpretatione legum duodecim tabularum scriptum reliquit) vulgo quidem id appellatur, quod ab arcu mittitur, sed & omne significat, quod manu cujusque jacitur. sequitur ergo, ut lignum, & lapis, & ferrum hoc nomine contineatur: dictum ab eo, quod in longinquum mittitur, [a] Græca voce *πῆλξ* figuratum. Et [sic] hanc significationem invenire possumus & in Græco nomine nam quod nos telum appellamus, illi *βέλος* appellant. Admonent n. s. epigrammata in Xerolopho urbis faustissimæ scripta, καὶ τὰ βέλη ὅμᾶς ἐφεπέλο ο λόγγαί, πρῶτα πα σφειδόναι πλείστοι καὶ λίδεϊ i. e. Et hujusmodi tela simul ab eis ferebantur, lanceæ, spicula, fundæ plurimæ autem & lapides. Sicarii autem appellantur a *σικα*, quod significat terreum cultrum. Eadem lege & venefici capite damnantur qui artibus odiosis, tam venenis, quam susurris magicis homines occiderint, vel mala medicamenta publicè vendiderint.

6. ¶ Alia deinde lex asperissimum crimen nova poena persequitur, quæ Pompeja de par-

ricidiis

ricidiis vocatur: qua cavetur, ut si quis parens, aut filii, aut omnino adfinitatis ejus, quæ nuncupatione parentum continetur, fata præparaverit (sive clam, sive palam id ausus fuerit) [nec non is, cuius dolo malo id factum est, vel cōscius criminis existit, licet extraneus sit,] poena parricidii puniatur, & neque gladio neque ignibus, neq; ulli alii solenni poenæ subjiciatur sed insutus culeo cum Cane & Gallo gallinaceo, & Vipera, & Simia, & inter eas ferale angustias comprehensus, (secundum quod regionis qualitas tulerit) vel in vicinum mare, vel in annem projiciatur, ut omnium elementorum usu vivus carere incipiat, & ei cœlum superstiti, [&] terra mortuo auferatur. Si quis autem alias cognatione vel adfinitate personas conjunctas necaverit: poenam legis Corneliae de sicariis sustinebit.

7. § Item lex Cornelia de falsis quæ etiam testamentaria vocatur, poenam irrogat ei, qui testamentum, vel alud instrumentum falsum scripserit, signaverit, recitaverit subjecerit, vel signum adulterinum fecerit, sculpserit, expresserit sciens dolo malo. Eiusque legis poena in servos, ultimum supplicium est (quod etiam in lege de sicariis & veneficis servatur) in liberos verò deportatio.

8. § Item lex Julia de vi publica seu privata adversus eos exoritur, qui vim vel armatam, vel sine armis commiserint. Sed si quidem armata vis arguatur deportatio ei ex lege Julia de vi publica irrogatur, si verò sine armis: in tertiam partem bonorum [suorum] publicatio imponitur: Sin autem per vim ra-

ptus virginis, vel vidua, vel sanctimonialis, vel alterius fuerit perpetratus: tunc & raptores, & ii, qui opem [huic] flagitio dederunt, capite puniuntur secundum nostræ constitutionis definitionem, ex qua hoc apertius possibile est scire.

9. ¶ Item lex Julia peculatus eos punit qui publicam pecuniam, vel rem sacram, vel religiosam furati fuerint. Sed si quidem ipsi iudices tempore administrationis publicas pecunias subtraxesint: capitali animadversione puniuntur: & non solum hi, sed etiam qui ministerium eis ad hoc exhibuerint, vel qui subtractas ab his scientes susceperint. Alii vero qui in hanc legem inciderint: poenæ deportationis subjungentur.

10. ¶ Est & inter publica judicia lex Flavia de plagiaris, quæ interdum capitis poenam ex sacris constitutionibus irrogat, interdum leviolem.

11. ¶ Sunt præterea publica judicia, lex Julia de ambitu, lex Julia repetundarum, & lex Julia de annona, & lex Julia de residuis, quæ de certis capitulis loquuntur: & animæ quidem amissionem non irrogant: aliis autem poenis eos subiciunt qui præcepta earum neglexerint. Sed de publicis judiciis hæc exposuimus, ut vobis possibile sit summo digito, & quasi per indicem ea tetigisse: alioqui diligentior eorum scientia vobis ex laxioribus Digestorum seu Pandectarum libris Deo propitio advenitura est.

INSTITUTIONUM
FINIS.

Lib. L. Digestorum Tit XVI.

DE VERBORUM SIGNIFICATIONE.

1. *Paulus* libro primo ad
Edictum.

VERBUM hoc, *si quis*, tam masculos
quam feminas complectitur.

2. *Paulus* libro primo ad
Edictum.

Urbis appellatio muris: Romæ autem
continentibus ædificiis finitur quod la-
tius patet.

1. ¶ Cujusque diei major pars est horarum
septem primarum diei, non supremarum.

3. *Ulpianus* libro secundo ad Edictum.

Itinere faciendo viginti millia passuum in
dies singulos peragenda. sic sunt accipien-
da: ut, si post hanc dinumerationem minus
quam viginti millia supersint, integrum diem
occupent veluti viginti unum millia sunt
passus: biduum eis attribuetur, quæ dinu-
meratio ita demum facienda erit, si de die non
conveniat.

1. ¶ Ejus, qui apud hostes discessit, dici
hereditas non potest, qui servus decessit.

4. *Paulus* libro 2. ad Edictum.

Nominis appellatione rem significari, Pro-
culus ait.

1. *Idem*

5. *Idem* libro 1. ad Edictum.

REi appellatio latior est, quam pecuniarum, quam etiam ea, quæ extra computationem patrimonii nostri sunt, continet: cum pecuniarum significatio ad ea referatur, quæ in patrimonio sunt.

1. § Opere locato, conducto: his verbis Labeo significari ait id opus, quod Græci ἀπὸ τέλεσµα vocant, (non ἔργον) id est, ex opere facto corpus aliquod perfectum.

6. *Ulpianus* libro 3. ad Edictum.

Nominis & rei appellatio ad omnem contractum & obligationem pertinet.

1. § Verbum *Ex legibus* sic accipiendum esse: tam ex legum sententia, quam ex verbis.

7. *Paulus* libro 2. ad Edictum.

Sponsio appellatur, non solum quæ per sponsus interrogationem fit, sed omnis stipulatio promissæque.

8. *Idem* libro 3. ad Edictum.

Verbum *Oportebit* tam præsens, quam futurum tempus significat.

1. § Actionis verbo non continetur exceptio.

9. *Ulpianus* libro 3. ad Edictum.

Marcellus apud Iulianum notat, verbo *Perisse* & scissum & fractum contineri, & vi raptum.

10. *Idem* libro 6. ad Edictum.

Creditorum accipiendos esse constat eos, quibus debetur ex quacunque actione, vel persecutione, vel iure civili sine ulla exceptionis perpetuæ remotione, vel honorario, vel extraordinario, sive purè, sive in diem, vel sub

conditione. Quod si natura debeatur, non sunt loco creditorum. Sed si non sit mutua pecunia, sed contractus: creditores accipiuntur.

11. *Gajus* libro primo ad Edictum Provinciale.

Creditorum appellatione non hi tantum accipiuntur, qui pecuniam crediderunt: sed omnes, quibus ex qualibet causa debetur.

12. *Ulpianus* libro sexto ad Edictum.

(U) si cui ex empto, vel ex locato, vel ex alio ullo debetur. Sed et si ex delicto debeatur, mihi videtur posse creditoris loco accipi. Quod si ex populari causa, ante litis contestationem recte dicetur creditoris loco non esse, postea esse.

1. § Minus solvit, qui tardius solvit: nam & tempore minus solvitur.

13. *Idem* libro 7. ad Edictum.

Mulieris appellatione etiam virgo viri potens continetur.

1. § Res abesse videntur (ut *Sabinus* ait, & *Pedius* probat) etiam hæ, quarum corpus manet, forma mutata est: & ideo si corruptæ reddita sint, vel transfigurata, videri abesse, quoniam plerumque plus est in manus pretio quam in re.

2. § Definere autem abesse res tunc videntur, cum sic redit in potestatem, ne amittere (eius) possessionem possimus.

3. § Ob hoc, quod furto pridem subtracta est, abest & ea res quæ in rebus humanis non est.

14. *Paulus* libro septimo ad Edictum.

Labeo & *Sabinus* existimant, si vestimentum scissum reddatur, vel res corrupta red.

reddita sit, veluti scyphi collisi, aut tabula rasa pictura, videri rem abesse? quoniam earum rerum pretium non in substantia, sed in arte sit positum. Item si dominus rem, quæ furto sibi aberat, ignorans emerit: rectè dicitur res abesse, etiam si postea id ita esse scierit: quia videtur res ei abesse, cui pretium abest.

1. § Rem amisisse videtur, qui adversus nullum ejus persequendæ actionem habet.

15. *Ulpianus* libro 10. ad Edictum.

Bona civitatis abusive publica dicta sunt, sola enim ea publica sunt, quæ populi Romani sunt.

16. *Gajus* libro tertio ad Edictum Provinciale.

EVM qui vectigal populi Romani conductum habet, publicanum appellamus, nam publica appellatio in compluribus causis ad populum Romanum respicit: civitates enim privatorum loco habentur.

17. *Ulpianus* libro decimo ad Edictum.

Inter publica habemus non sacra, nec religiosa: nec quæ publicis usibus destinata sunt: sed si qua sunt civitatum velut bona: sed peculia servorum civitatum proculdubio publica habentur.

1. § Publica vectigalia intelligere debemus, ex quibus vectigal fiscus capit: quale est vectigal portus, vel venalium rerum, item salinarum, & metallorum, & picariarum.

18. *Paulus* libro 9 ad Edictum.

MVnus tribus modis dicitur, uno donum: & inde munera dici, dari, mittive, altero onus: quod cum remittatur, vacationem mittit.

litia munerisque præstat: inde immunitatem appellari, tercio officium: unde munera militaria, & quosdam milites munificos vocari. Igitur municipes dici, quod munera civilia capiant.

19. *Ulpianus* libro II. (ad Edictum.)

L Ab eo libro primo prætoris urbani definit, quod quædam agantur, quædam gerantur, quædam contrahantur. Et actum quidem generale verbum esse, siue verbis, siue re quid agatur: ut in stipulatione, vel numeratione. Contractum autem ultro citroque obligationem, quod Græci *συνάλλαγμα* vocant, veluti emptionem, venditionem, locationem, conductionem, societatem. Gestum rem significare sine verbis factam.

20. *Idem* libro duodecimo (ad Edictum.)

Verba Contraxerunt, gesserunt, non pertinent ad testandi jus.

21. *Paulus* libro undecimo (ad Edictum.)

Princeps bona concedendo, videtur etiam obligationes concedere.

22. *Gajus* libro quarto (ad Edictum Provinciale)

Plus est in restitutione quam in exhibitione, nam exhibere est, præsentiam corporis præbere, restituere est, etiam possessorem facere, fructusque reddere pleraque præterea restitutionis verbo continentur.

23. *Ulpianus* libro quarto decimo (ad Edictum.)

Rei appellatione & causa & jura continentur.

24. *Gajus* libro 6. ad Edictum Provinciale.

Nihil est aliud hereditas, quam successio in universum jus quod defunctus habuit.

25. *Paulus* libro vigesimo primo

[ad Edictum]

Redè dicimus eum fundum totum nostrum esse, etiam cum ususfructus alienus est: quia ususfructus non domini pars, sed servitutis sit: ut via & iter, nec falsò dici, (totum) meum esse, cujus non potest ulla pars dici alterius esse hoc & *Julianus*, & est verius.

1. §. *Quintus Mucius* ait, partis appellatiq- ne rem pro indiviso significari nam quod pro diviso nostrum sit, id non partem, sed totum esse. *Servius* non ineleganter partis appellatione utrumque significari.

26. *Ulpianus* libro 16. (ad Edictum.)

Partum non esse partem rei furtivæ. *Scævola* libro undecimo quaestionum scribit.

27. *Idem* libro septimodecimo [ad Edictum.]

Ager est locus, qui sine villa est.

1. §. Stipendium à stipe appellatum est, quod per stipes id est modica æra, colligatur. *Idem* hoc etiam tributum appellari *Pomponius* ait. Et sanè appellatur à tributione tributum: vel ex eo, quod militibus tribuatur.

28. *Paulus* libro vicesimo primo

[ad Edictum]

Alienationis verbum etiam usucapionem continet. vix est enim, ut non videatur alienare, qui patitur usucapi. Eum quoq; alienare dicitur, qui non utendo amisit servitutes. Qui occasione acquirendi non utitur, non intelligitur alienare: veluti qui hereditatem

omittit, aut optionem intra certum tempus datam non amplectitur.

1. § Oratio, quæ neque conjunctionem, neque disjunctionem habet, ex mente pronuntiantis, vel disjuncta vel conjuncta accipitur.

29. *Idem* libro sexagesimo sexto

[ad Edictum.]

Conjunctionem enim nonnunquam pro disjunctione accipit, Labeo ait; ut in illa stipulatione, *Mihi heredi que meo, te heredemque tuum.*

30. *Gajus* libro septimo ad Edictum

[Provinciale.]

Silva cadua est, (ut quidam putant) quæ in hoc habetur, ut caderetur Servius eam esse quæ succisa rursus ex stirpibus aut radicibus renascitur.

1. § Stipula illecta est spicæ in messe dejectæ, nec dum lectæ, quæ rustici, cum vacaverint, colligunt.

2. § Novalis est terra præcisa, quæ anno cessavit, quam Græci *νέανην* vocant.

3. § Integra autem est, in quam nondum dominus pascendi gratia pecus immisit.

4. § Glans caduca est, quæ ex arbore cecidit.

5. § Pascua silva est, quæ pascui pecudum destinata est.

31. *Ulpianus* libro octavodecimo ad Edictum.

Pratum est, in quo ad fructum percipiendum falce duntaxat opus est, ex eo dictum, quod paratum sit ad fructum capiendum.

32. *Pas.*

32. *Paulus* libro vigesimo quarto
[ad Edictum.]

MInus solutum intelligitur, etiam si nihil
esset solutum.

33. *Ulpianus* libro vigesimo septimo
ad Edictum.

Palam est coram pluribus.

34. *Paulus* libro 24. [ad Edictum.]

Actionis verbo etiam persecutio continetur.

35. *Idem* [libro septimodecimo ad Edictum.]

Restituere autem is intelligitur, qui simul
& causam actori reddit, quam is habiturus
esset, si statim iudicii accepti tempore res
ei reddita fuisset, id est, & usucapionis causam
& fructuum.

36. *Ulpianus* [libro vigesimo tertio ad
Edictum.]

Litis nomen [omnem] actionem significat,
sive in rem sive in personam sit.

37. *Paulus* [libro 6. ad Edictum]

Verbum *Oportere* non ad facultatem iudicis
pertinet, qui potest vel pluri vel minori
condemnare, sed ad veritatem refertur.

38. *Ulpianus* libro 25. ad Edictum.

Ostentum *Labeo* definit, omne contra na-
turam cuiusque rei genitum, factumque,
duo genera (autem) sunt ostentorum, unum
quotiens quid contra naturam nascitur, tri-
bus manibus fortè aut pedibus, aut qua alia
parte corporis, quæ naturæ contraria est al-
terum cum quid prodigiosum videtur, quæ
Græci φαντάσματα, id est, visiones vocant.

39. *Paulus* libro 53. [ad Edictum.]

Subsignatum dicitur, quod ab aliquo sub-
scriptum est. nam veteres subsignationis
verbo pro adscriptione uti solebant.

1. ¶ Bona intelliguntur cuiusque, quæ de-
ducto ære alieno supersunt.

2. ¶ Detestari est, absenti denunciare.

3. ¶ Incertus possessor est, quem ignora-
mus.

40. *Ulpianus* libro 56.

Detestatio est denuntiatio facta cum testa-
tione.

1. ¶ Servi appellatio etiam ad ancillam re-
fertur.

2. ¶ Familiæ appellatione liberi quoque
continentur.

3. ¶ Unicus servus familiæ appellatione
non continetur. Ne duo quidem familiam
faciunt.

41. *Gaius* libro 2: ad Edictum

Provinciale.

Armorum appellatio non utique scuta &
gladio, & galeas significat: sed & fustes,
& lapides.

42. *Ulpianus* [libro 57. ad Edictum.]

Probrum & opprobrium, id est probra
quædam natura turpia sunt, quædam civi-
liter, & quasi more civitatis, ut puta furtum,
adulterium. natura turpe est. enimverò tutelæ
damnari, hoc non natura probrum est. sed
more civitatis, nec enim natura probrum est,
quod potest etiam in hominem idoneum in-
cidere.

43. *Idem* [libro quinquagesimo octavo
ad Edictum.]

Verbo *Victus* continentur, quæ esui, potui-
que, cultuique corporis, quæque ad vi-
vendum homini necessaria sunt, vestem quo-
que victus habere vicem, Labeo ait.

44. *Gajus* libro vigesimo secundo [ad
Edictum Provinciale.]

Et cætera, quibus tuendi, curandive cor-
poris nostri gratia utimur, ea appellatione
significantur.

45. *Ulpianus* [libro quinquagesimo octavo
ad Edictum.]

Instratum omne vestimentum contineri,
quod injiciatur, Labeo ait, neque enim du-
bium est, quin stragula vestis sit omne pal-
lium *πρὸς τὴν πομπήν*. In victum ergo vestem acci-
piemus, non stragula, instratum omnem stra-
gulam vestem.

46. *Idem* libro 59. [ad Edictum.]

Pronuntiatum & statutum idem potest,
promiscuè enim & pronuntiasse & statuisse
solemus dicere eos qui jus habent cognos-
cendi.

1. ¶ Matrem familias accipere debemus
eam, quæ non inhonestè vixit, matrem enim
familias à cæteris foeminis mores discernunt,
atque separant, proinde nihil intererit, nupta
sit, an vidua, ingenua sit, an libertina, nam ne-
que nuptiæ, neque natales faciunt matrem
familias; sed boni mores.

47. *Paulus* libro quinquagesimo sexto
ad Edictum.

Liberationis verbum eandem vim habet,
quam solutionis.

48. *Gajus* libro ad Edictum prætoris
urbani titulo.

Q*ui neque sequantur neque ducantur.*

Solutum non intelligimus eum, qui licet
vinculis levatus sit, manibus tamen tene-
tur, ac ne eum quidem intelligimus solutum,
qui in publico sine vinculis servatur.

49. *Ulpianus* libro quinquagesimo nono
ad Edictum.

Bonorum appellatio aut naturalis, aut civi-
lis est: Naturaliter bona ex eo dicuntur
quod beant, hoc est beatos faciunt, beare est
prodesse. In bonis autem nostris computari
sciendum est, non solum quæ domini nostri
sunt, sed & si bona fide à nobis possideantur,
vel superficiaria sint. Equè bonis adnumera-
bitur, etiam si quid est in actionibus, petiti-
onibus, persecutionibus, nam hæc omnia in bo-
nis esse videntur,

50. *Idem* libro sexagesimo primo ad Edictum.

Nurus appellatio etiam ad pronurum, &
ultra porrigenda est.

51. *Gajus* libro vigesimo tertio ad Edictum
Provinciale.

Appellatione parentis non tantum pater,
sed etiam avus, & proavus, & deinceps o-
mnes superiores continentur: sed & mater &
avia, & proavia.

52. *Ulpianus* libro sexagesimo primo

[ad Edictum]

Patroni appellatione & patrona confine-
tur.53. *Paulus* libro quinquagesimo nono
ad Edictum.

Sæpè ita comparatum est. ut conjuncta pro
disjunctis accipiantur, & disjuncta pro con-
junctis, interdum soluta pro separatis. Nam
cum dicitur apud veteres, *Agnatorum genti-
liumque*, pro separatione accipitur. At cum
dicitur, *Super pecunia tutelave sua*, tutor sepa-
ratim sine pecunia dari non potest. Et cum
dicimus, *Quod dedi aut donari*: utraque con-
tinemus. Cum verò dicimus, *Quod eum dare
facere oportet*: quodvis eorum sufficit proba-
re. Cum verò dicit præter, *Si donum, munus,
operas redemerit*: si omnia imposita sunt, cer-
tum est, omnia redimenda esse ex te etgo pro
conjunctis habentur, si quædam imposita
sunt, cætera non desiderabuntur.

1. ¶ Item dubitatum, illa verba, *Ope, consi-
lio*, quemadmodum accipienda sunt: senten-
tiæ conjungentium aut separantium? sed ve-
rius est, quod & *Labeo* ait, separatim accipien-
da: quia aliud factum est ejus, qui ope, aliud
ejus, qui consilio furtum facit, sic enim alii
condici potest, alii non potest, & sanè post ve-
terum auctoritatem eò perventum est, ut ne-
mo ope videatur fecisse, nisi & consilium ma-
lignum habuerit: nec consilium habuisse no-
ceat, nisi & factum secutum fuerit.

54. *Ulpianus* libro sexagesimo secundo

[ad Edictum.]

Conditionales creditores dicuntur & hi, quibus nundum competit actio, est autem competitura: vel qui spem habent, ut competat.

55. *Paulus* libro sextodecimo brevis Edicti.

Creditor autem is est, qui exceptione perpetua summoverti non potest, qui autem temporalem exceptionem timet, similis est conditionali creditori.

56. *Ulpianus* libro sexagesimo secundo

[ad Edictum.]

Cognoscere instrumenta, est relegere & recognoscere, dispungere est conferre accepta & data

1. § Liberorum appellatione continentur non tantum qui sunt in potestate, sed omnes, qui sui juris sunt: siue virilis, siue foeminini sexus sunt, exve foeminini sexus descendentes.

57. *Paulus* libro quinquagesimonono

[ad Edictum]

Cui praecipua cura rerum incumbit, & qui magis quam ceteri diligentiam, & sollicitudinem rebus quibus praesunt, debent: hi magistri appellantur. Quin etiam ipsi magistratus per derivationem à magistris cognominantur, unde etiam cujuslibet disciplinae praetores, magistratus appellari à monendo, vel monstrando.

1. § Persequi videtur, & qui satis accipit.

53. *Gajus* libro vigesimo quarto ad Edictum Provinciale.

Licet inter gesta & facta videtur quædam esse subtilis differentia : attamen *καταχρηστικῶς*, id est, *abusive*, nihil inter factum & gestum interest.

1. ¶ Paternos liberos rectè videmur dicere nostros liberos, liberorum liberos non rectè nostros liberos dicimus.

59. *Ulpianus* libro sexagesimo octavo [ad Edictum.]

Portus appellatus est conclusus locus, quo importantur merces, & inde exportantur, eaque nihilominus statio est conclusa, atque munita, inde angiportum dictum est.

60. *Idem* libro 69. [ad Edictum.]

Locus est non fundus, sed portio aliqua fundi: fundum autem integrum aliquid est & plerumque sine villa locum accipimus. Cæterum adeo opinio nostra & constitutio locum à fundo separat, ut & modicus locus possit fundus dici, si fundi animum eum habuimus. Non etiam magnitudo locum à fundo separat, sed nostra affectio, & quælibet portio fundi poterit fundus dici, si jam hoc constituerimus: necnon & fundus, locus constitui potest, nam si eum alii adjunxerimus fundo, locus fundi efficietur.

1. ¶ Loci appellationem non solum ad rustica, verum ad urbana quoque prædia pertinere, *Labeo* scribit.

2. ¶ Sed fundus quidem suos habet fines: locus verò latere potest, quatenus determinetur, & definiatur.

61. *Paulus* libro sexagesimo quinto

[ad Edictum.]

Satisfactionis appellatione interdum etiam repromissio continetur: qua contentus fuit cui satisfactio debebatur.

62. *Gajus* libro vigesimo sexto ad Edictum Provinciale.

Tigni appellatione in lege duodecim tabularum omne genus materiae, ex qua aedificia constant, significatur.

63. *Ulpianus* [libro septuagesimo primo ad Edictum.]

Penes te amplius est, quam apud te, nam apud te est, quod qualiter qualiter a te teneatur; penes te est, quod quodammodo possideatur.

64. *Paulus* libro 67. ad Edictum.

Intestatus est, non tantum qui testamentum non fecit, sed etiam cuius ex testamento hereditas adita non est.

65. *Ulpianus* libro septuagesimo secundo ad Edictum.

Heredis appellatio non solum ad proximum heredem, sed & ad posteriores refertur, nam & heredis heres, & deinceps heredis appellatione continetur.

66. *Idem* libro septuagesimo quarto ad Edictum.

Mercis appellatio ad res mobiles tantum pertinet.

67. *Idem* [libro septuagesimo sexto ad Edictum.]

Alienatum non proprie dicitur, quod adhuc in dominio venditoris manet, venditum tamen recte dicitur.

1. ¶ Donationis verbum simpliciter loquendo, omnem donationem comprehendisse videtur siue mortis causa, siue non mortis causa fuerit.

68. *Idem libro septuagesimo septimo ad Edictum.*

Illa verba, *arbitratu Lucii Titii fieri*, ius significant, & in servum non cadunt.

69. *Idem libro septuagesimo octavo ad Edictum.*

Hæc verba, *Cui rei dolus malus aberit*, *afuerit*, generaliter comprehendunt omnem dolum, quicumque in hanc rem admissus est, de qua stipulatio est interposita.

70. *Paulus libro septuagesimo tertio [ad Edictum.]*

Sciendum est, heredem etiam per multas successiones accipi, nam paucis speciebus heredis appellatio proximum continet. Veluti in substitutione impuberis. *Quisquis mihi heres erit, idem filio heres esto*; ubi heredis heres non continetur, quia incertus est. Item in lege *Ælia Sentia* filius heres proximus potest libertum paternum ut ingratum accusare, non etiam si heredi heres extiterit. Idem dicitur in *operarum exactione*, ut filius heres exigere possit, non ex successione effectus.

1. ¶. verba hæc, *Is ad quem ea res pertinet*, sic intelliguntur, ut qui in universum dominium vel jure civili vel jure prætorio succedit, contineatur.

71. *Ulpianus libro septuagesimo ad Edictum.*

Aliud est capere, aliud accipere. Capere cum effectu accipitur, Accipere est, si quis non

accepit, ut habeat, ideoque non videtur quis capere, quod erit restitutus sicut pervenisse proprie illud dicitur quod est remansurum.]

1. ¶ Hæc verba, *Hs rebus rectè præstari*, hoc significant, ne quid periculum vel damnum ex ea re stipulator sentiret.

7. *Paulus libro 76 [ad Edictum.]*

Appellatione rei, pars etiam continetur

73. *Ulpianus libro 30. [ad Edictum.]*

Hæc verba in stipulatione posita, *Eam rem rectè restitui*, fructus continent, *Rectè* enim verbum pro viri boni arbitrio est.

74. *Paulus libro secundo ad Edictum ædilium curulium*

Signatorius anulus ornamenti appellatione non continetur.

75. *Idem libro 50. ad Edictum.*

Restituere is videtur, qui id restituit, quod habiturus esset actor, si controversia ei facta non esset.

76. *Idem libro quinquagesimo primo ad Edictum.*

Dedisse intelligendus est etiam is, qui permutavit, vel compensavit.

77. *Idem [libro 49 ad Edictum.]*

Frugem pro redditu appellari, non solum quod frumentis aut leguminibus; verum & quod ex vino silvis cædvis cretifodinis, lapidicinis capitur. Julianus scribit fruges omnes esse, quibus homo vescatur, falsum esse: non enim carnem, aut avem ferasve aut poma fruges dici. Frumentum autem id esse, quod arista se teneat, rectè Gallum definisse, lupinum

num verò & fabam fruges potius dicit: quia non arista, sed siliqua continentur, quæ Servius apud Alfenum in frumento contineri putat.

78. *Paulus libro 3. ad Plautium.*

Interdum proprietatem quoque verbum possessionis significat: sicut in eo, qui possessiones suas legasset, responsum est.

79. *Idem libro 6. ad Plautium.*

Impensæ necessariae sunt, quæ si factæ non sint, res aut peritura, aut deterior futura fit.

1. ¶ Utiles impensas esse Fulcinius ait, quæ meliorem dotem faciant, [non] deteriore esse non sinant: ex quibus redditus mulieri adquiratur: sicut arbuti pastinatione ultra quam necesse fuerat: item doctrinam puerorum, quorum nomine onerari mulierem ignorantem vel invitam, non oportet: ne cogatur fundo, aut mancipiis carere. In his impensis & pristinum & horreum insulæ dotali adjectum, plerumque dicemus.

2. ¶ Voluptariae sunt, quæ speciem duntaxat ornant non etiam fructum augent: ut sunt viridia, & aquæ salientes, incrustationes, loricationes, picturae.

80. *Idem libro 9. ad Plautium.*

In generali repetitione legatorum etiam datæ libertates continentur ex mente legis duodecim tabularum.

81. *Idem libro 10. ad Plautium.*

Cum prætor dicat, ut opus factum restituatur, etiam damnum datum actor consequi debet: nam verbo restitutionis omnis utilitas actoris continetur.

82 *Idem* libro 14 ad Paulinum.

Verbum *Amplius* ad eum quoque pertinet, cui nihil debetur: sicuti ex contrario minus solum videtur, etiam si nihil esset exactum.

83. *Iavolenus* libro 5. ex Plantio.

Propriè bona dici non possunt, quæ plus incommodi, quam commodi habent.

84. *Paulus* libro 2. ad Vitellium.

Filii appellatione omnes liberos intelligimus.

85. *Marcellus* libro 1. Digestorum.

Neratius Priscus tres facere existimat collegium, & hoc magis sequendum est.

86. *Celsus* libro 5. Digestorum.

Quid aliud sunt jura prædiorum, quam prædia qualiter se habent a? ut bonitas, salubritas, amplitudo?

87. *Marcellus* libro duodecimo
Digestorum

UT Alfenus ait, urbs est Roma, quæ muro cingeretur. Roma est etiam, qua continenti ædificia essent. Nam Romam non muro tenus existimari, ex consuetudine cotidiana posse intelligi, cum diceremus Romam nos ire, etiam si extra urbem habitaremus.

88. *Celsus* libro octavodecimo Digestorum.

Tantum quisque pecuniæ relinquit quantum ex bonis ejus refici potest, sic dicimus, centies aureorum habere, qui tantum in prædiis, cæterisque similibus rebus habeat. Non idem est in fundo alieno legato, quam is hereditaria pecunia parari potest: neque quisquam eum, qui pecuniam numeratam

tam habet, habere dicit, quidquid ex ea parari potest.

89. *Pomponius* libro sexto ad Sabinum.

BOves magis armentorum, quam iumentorum generis appellantur.

1. § Hoc sermone, *Dum nupta erit*, primæ nuptiæ significantur.

2. § Intet edere & reddere rationes, multum interest, nec is, qui edere iussus sit, reliquum reddere debet, nam & argentarius edere rationem videtur, etiamsi quod reliquum sit apud eum non solvat.

90. *Ulpianus* libro vigesimo septimo ad Sabinum.

Qui uti optimæ maximæque sunt, ædes tradit: non hoc dicit, servitutem illis deberi, sed illud solum, ipsas ædes liberas esse, hoc est. nulli servire.

91. *Paulus* libro 2. Fideicommissorum.

MEorum & tuorum appellatione actiones quoque contineri dicendum est.

92. *Idem* libro septimo [Questionum.]

Proximus est cui nemo antecedit, supremus est, quem nemo sequitur.

93. *Celsus* [libro decimonono Digestorum.]

MOventium. item mobilium appellatione idem significamus, si tamen apparet defunctum animalia duntaxat, quia se ipsa moverent, moventia vocasse, quod verum est.

94. *Idem* libro 20. Digestorum.

Verbum reddendi quanquam significatum habet retrò dandi, recipit tamen & per se dandi significationem.

95. *Marcellus* libro 14. Digestor.

Potest reliquorum appellatio & universos significare.

96. *Celsus* libro 25. Digestorum.

Littus est, quousque maximus Fluctus à mari pervenit. idque Marcum Tullium ajunt, cum arbiter esset, primum constituisse.

1. § Arædia dicimus aliquorum esse, non utique communiter habentium ea, sed [vel] alio aliud habente.

97. *Idem* libro 32 Digestorum.

Cum stipulamur, *Quanta pecunia ex hereditate Titii ad te pervenerit*: res ipsas. quæ pervenerunt, non pretia earum spectare videmur.

98. *Idem* libro 39. Digestorum.

Cum bisextum Kalendis est: nihil refert [utrum] prior an posteriore die quis natus sit. & deinde sextum Kalendas ejus natalis dies est, nam id biduum pro uno die habetur: sed posterior dies intercalatur, non prior, ideo quo anno intercalatum non est, sexto Kalendas natus, cum bisextum Kalendis est, priorem diem natalem habet.

1. § Cato putat; mensem intercalarem addititium esse, omnesque ejus dies pro momento temporis observat, extremoque diei mensis Februarii attribuit Quintus Mucius.

2. § Mensis autem intercalaris constat ex diebus viginti octo.

99. *Ulpianus* libro 3. de Officio Consulis.

Notionem accipere possumus & cognitionem & jurisdictionem.

1. § Continentes provincias accipere debemus

mus eas quæ Italiæ junctæ sunt; utputa Galliam, sed & Provinciam Siciliam magis inter continentes accipere nos oportet, quæ modico freto Italia dividitur.

2. ¶ Instrumentorum appellatione quæ comprehendantur, perquam difficile erit separare, quæ enim propriè sint instrumenta propter quæ dilatio danda sit, inde dignoscemus, si in præsentiam personæ, quæ instruere possit, dilatio petatur: puta qui actum gessit, licet in servitute: vel qui actor fuit constitutus: putem videri instrumentorum causa peti dilationem.

100. *Idem libro 2. de officio consulis.*

Speciosas personas accipere debemus, clarissimas personas utriusque sexus, item eorum, quæ ornamentis senatoris utuntur.

101. *Modestinus libro 9. Differentiarum.*

Inter stuprum & adulterium, hoc interesse quidam putant: quod adulterium in nuptam stuprum in viduam committitur, sed lex Julia de adulteriis hoc verbo indifferenter utitur.

1. ¶ Divortium inter virum & uxorem fieri dicitur, repudium verò sponsæ remitti videtur, quod & in uxoris personam non absurdè cadit.

2. ¶ Verum est morbum esse temporalem corporis imbecillitatem, vitium verò perpetuum corporis impedimentum, veluti si talum excussit. Nam & luscus itaque vitiosus est.

3. ¶ Servis legatis etiam ancillas deberi, quidam putant: quasi commune nomen utrumque sexum contineat.

102. *Idem* libro 7. Regularum.

Derogatur legi, aut abrogatur : derogatur legi, cum pars detrahitur, abrogatur legi, cum prorsus tollitur.

103. *Idem* libro 8. Regularum.

Licet capitalis Latine loquentibus omnis causa existimationis videatur : tamen appellatio capitalis, mortis, vel amissionis civitatis, intelligenda est.

104. *Idem* libro secundo excusationum.

(H) *τῶν τέκνων προσηγορία καὶ ἐπὶ τῶν γγόνων ἐκέρνεται.*

Natorum appellatio & ad nepotes extenditur.

105. *Idem* [libro undecimo Responsorum.]

Modestinus respondit, his verbis, *Libertis libertabusque meis, libertum libertæ testatoris non contineri.*

106. *Idem* libro singulari de Præscriptionibus.

Dimissoriæ litteræ dicuntur, quæ vulgo apostolici dicuntur, dimissoriæ autem dictæ, quod causa ad eum, qui appellatus est, dimittitur.

107. *Idem* libro tertio Pandectarum.

Designare libertum hoc est, testificari, cujus ex liberis libertum eum esse voluit.

108. *Idem* libro 4. Pandectarum.

Debitor intelligitur is, à quo invito exigì pecunia potest.

109. *Idem* libro 5. Pandectarum.

Bona fidei emptor esse videtur, qui ignoravit eam rem alienam esse: aut putavit eum, qui vendidit, jus vendendi habere, puta procuratorem aut tutorem esse.

110. *Idem* libro 6. Pandectarum.

Sequester dicitur, apud quem plures eandem rem, de qua controversia est, deposuerunt: dictus ab eo, quod occurrenti, aut quasi sequenti eos, qui contendunt, committitur.

111. *Javolenus* libro 6. ex Cassio.

Censeri est constituere, & precipere: unde etiam dicere solemus, Censeo hoc facias: & semet aliquid consuisse. inde censoris nomen videtur esse tractum.

112. *Idem* libro 11. ex Cassio.

Littus publicum est eatenus, qua maxime fluctus exaestuatur. Idemque juris est in lacu, nisi is totus privatus est.

113. *Idem* libro 4. ex Cassio.

Morbus fonticus est, qui cuique rei noceat.

114. *Idem* libro 15. ex Cassio.

Solvendo esse nemo intelligitur, nisi qui solidum potest solvere.

115. *Idem* libro 4. Epitomarum.

Quæstio est, fundus à possessione vel agro, vel prædio quid distet, fundus est omne quidquid solo tenetur. Ager est, [si] species fundi ad usum hominis comparatur. Possessio ab agro juris proprietate distat, quidquid enim apprehendimus, cuius proprietas ad nos non pertinet, aut nec potest pertinere: hoc possessionem appellamus. Possessio ergo usus,

ager proprietas loci est. Prædium utriusque
suprascriptæ nomen generale est: nam & ager
& possessio hujus appellationis species sunt.

116. *Idem* libro 7. Epistolarum.

Quisquis mihi alius filii filiusve heres sit, La-
beo non videri filiam contineri: Proculus
contra, mihi Labeo videtur verborum figu-
ram sequi. Proculus mentem testantis respon-
dit: Non dubito, quin Labeonis sententia ve-
ra non sit.

117. *Idem* libro 9. Epistolarum.

Non potest videri minus solvisse is, in
quem amplioris summæ actio non com-
petit.

118. *Pomponius* libro 2. ad Quintum
Mucium.

Hostes hi sunt, qui nobis aut quibus nos
publicè bellum decrevimus, cæteri latro-
nes aut prædones sunt.

119. *Idem* libro tertio [ad Quintum
Mucium]

Hereditatis appellatio sine dubio continet
etiam damnosam hereditatem. Juris e-
nim nomen est: sicuti bonorum possessio.

120. *Idem* libro quinto [ad Quintum
Mucium.]

Verbis legis duodecim tabularum his, *Vel
legas sit suæ rei, ita jus esto*, latissima pote-
stas tributa videtur & heredis instituendi, &
legata, & libertates dandi, tutelas quoque
constituendi, sed id interpretatione coangu-
statum est vel legum, vel auctoritate jura con-
stituentium.

121. *Idem libro sexto [ad Quintum Mucium.]*

USura pecuniarum, quam percipimus, in fructu non est : quia non ex ipso corpore, sed ex alia causa est, id est, nova obligatione.

122. *Idem libro octavo ad Quintum Mucium.*

Servius ait : si ita scriptum sit, *Filio filiisque meis hosce tutores do* : masculis duntaxat tutores datos? quoniam singulari casu hoc, *filio*, ad pluralem videtur transiisse, continentem eundem sexum, quem singularis prior petitus habuisset, sed hoc facti, non juris habet questionem, potest enim fieri, ut singulari casu de filio senserit, deinde plenius omnibus liberis prospexisse in tutore dando voluerit, quod magis rationabile esse videtur.

123. *Idem libro vigesimo sexto ad Quintum Mucium.*

Verbum erit interdum etiam præteritum, nec solum futurum tempus demonstrat, quod est nobis necessarium scire, & cum codicilli ita confirmati testamento fuerint, *Quod in codicillis scriptum erit*, utrumne futuri temporis demonstratio fiat an etiam præteriti, si ante scriptos codicillos quis relinquat, quod quidem ex voluntate scribentis interpretandum est. Quemadmodum autem hoc verbum est, non solum præsens, sed & præteritum tempus significat : ita & hoc verbum erit, non solum futurum, sed interdum etiam præteritum tempus demonstrat, nam cum dicimus, *Lucius Titius solutus est [ab] obligatione* : & præteritum & præsens significamus : si-

cut hoc, *Lucius Titius allegatus est*, & idem fit, cum ita loquimur. *Troja capta est*, non enim ad præsentis facti demonstrationem refertur is sermo, sed ad præteritum.

124. *Proculus libro secundo Epistolarum.*

HÆc verba, *ille aut ille*, non solum disjunctivæ, sed etiam subdisjunctivæ orationis sunt. Disjunctivum est: veluti cum dicimus, *aut dies aut nox est*, quorum positio altero, necesse est tolli alterum: item sublato altero, poni alterum, ita simili figuratione verbum potest esse subdisjunctivum. Subdisjunctivi autem genera sunt duo. Vnum, cum ex propositis finibus ita non potest uterque esse, ut possit neuter esse, veluti cum dicimus, *aut sedet, aut ambulat*, nam ut nemo potest utrumque simul facere: ita aliquis potest neutrum; veluti is, qui accumbit. Alterius generis est, cum ex propositis finibus ita non potest neuter esse, ut possit utrumque esse, veluti cum dicimus, *omne animal aut facit, aut patitur*, nullum est enim, quod nec facit, nec patitur: at potest simul & facere, & pati.

125. *Idem libro 5 Epistolarum.*

NEpos Proculo suo salutem. Ab eo, qui ita dotem promisit. *Cum commodum erit dotis filia mea tibi erunt aurei centum*, putasne protinus nuptiis factis dotem peti posse? quid? si ita promississet. *Cum potuero, doti erunt*? quod si aliquam vim habeat posterior obligatio, possit verbum quo modo interpretaris? utrum ære alieno deducto, an extante? Proculus: *Cum dotem quis (ita) promisit, Cum potuero, doti tibi erunt centum*: existimo ad id, quod actum est, inter-

interpretationem redigendam esse, nam qui ambiguè loquitur: id loquitur, quod ex his, quæ significantur, sensu, proprius est tamen, ut hoc eum sensisse existimem, deducto ære alieno potero, potest etiam illa accipi significatio, cum salva dignitate mea potero, quæ interpretatio eo magis accipienda est, si ita promissum est, *cum commodum erit*: hoc est cum sine incommodo meo potero.

126. *Idem* libro 6. Epistolarum.

SI, cum fundum tibi darem, legem ita dixi, *Uti optimus maximusque esset*, & adjeci, jus fundi deterius factum non esse per dominum præstabitur, amplius eo præstabitur nihil: etiam si prior pars, qua scriptum est, *uti optimus maximusque sit*, liberum esse significat, eoque, si posterior pars adjecta non esset, liberum præstare deberem: tamen inferiore parte satis me liberatum puto, quod ad jura attinet, ne quid aliud præstare debeam, quam jus fundi per dominum deterius factum non esse.

127. *Callistratus* libro quarto de Cognitionibus.

VEstis appellatione tam virilis, quam muliebri, & scenica, etiam si in tragica, aut citharædica sit, continetur.

128. *Ulpianus* (libro primo) ad legem Juliam & Papiam.

Spadonum generalis appellatio est: quo nomine tam hi, qui natura spadones sunt: Item thlibiæ, thlasiæ, sed & si quod aliud genus spadonum est, continentur,

129. *Paulus* libro primo ad legem Juliam & Papiam.

Qui mortui nascuntur, neque nati, neque procreati videntur : quia nunquam liberi appellari potuerunt.

130. *Ulpianus* libro secundo ad legem Juliam & Papiam.

Lege obvenire hereditatem non improprie quis dixerit & eam, quæ ex testamento defertur : quia lege duodecim tabularum testamentariae hereditates confirmantur.

131. *Idem* libro tertio ad legem Juliam & Papiam.

Aliud fraus est, aliud poena, fraus enim sine poena esse potest : poena sine fraude esse non potest, poena est noxae vindicta, fraus & ipsa noxa dicitur, & quasi poenæ quædam præparatio.

I. ¶ inter multam autem & poenam multum interest : cum poena generale sit nomen, omnium delictorum coercitio : multa specialis peccati, cuius animadversio hodie pecuniaria est poena autem non tantum pecuniaria, verum capitis & existimationis irrogari solet, & multa quidem ex arbitrio ejus venit, qui multam dicit : poena non irrogatur, nisi quæ quaque lege, vel quo alio jure specialiter huic delicto imposita est, quinimmò multa ibi dicitur, ubi specialis poena non est imposita. Item multam is dicere potest, cui judicatio data est : magistratus solos & præfides provinciarum posse multam dicere mandatis permissum est, poenam autem unusquisque irrogare potest, cui hujus criminis sive delicti executio competit.

132. *Paulus* libro tertio ad legem
Juliam & Papiam.

Anniculus amittitur, qui extremo anni die moritur, & consuetudo loquendi id ita esse declarat, *Ante diem decimum Kalendarum, post diem decimum Kalendarum*, neque utro enim sermone undecim dies significantur.

1. § Falsum est eam peperisse, cui mortuus filius exsecutus est.

133. *Ulpianus* libro quarto ad legem
Juliam & Papiam.

Si quis sic dixerit, ut intra diem mortis ejus aliquid fiat: ipse quoque dies, quo quis mortuus est numeratur.

134. *Paulus* libro secundo ad legem
Juliam & Papiam.

Anniculus non statim ut natus est, sed trecentesimo sexagesimo quinto die dicitur, incipiente planè, non exacto die: quia annum civiliter, non ad momenta temporum, sed ad dies numeramus.

135. *Ulpianus* libro quarto ad legem
Juliam & Papiam.

Quæret aliquis: si portentosum, vel monstrosum, vel debilem mulier ediderit, vel qualem visu vel vagitu novum, non humanæ figuræ, sed alterius magis animalis, quam hominis partum: an, quia enixa est, prodest ei debeat? & magis est, ut hæc quoque patientibus profint, nec enim est, quod eis imputetur, quæ, qualiter potuerunt, statutis obtemperaverunt: neque id, quod fataliter accessit, matri damnum injungere debet.

136. *Idem* libro quinto ad legem Iuliam
& Papiam.

Generi appellatione & neptis, & proneptis,
tam ex filio, quam ex filia editorum, ceterarumque maritos contineri, manifestum est.

137. *Paulus* libro secundo ad legem
Iuliam & Papiam.

Ter enixa videtur, etiam qui trigeminos peperit.

138. *Idem* libro quarto ad legem
Iuliam & Papiam.

Hæreditatis appellatione bonorum quoque possessio continetur.

139. *Ulpianus* libro septimo ad legem
Iuliam & Papiam.

Ædificia Romæ fieri etiam ea videntur, quæ in continentibus Romæ ædificiis fiant.

I & Perfecisse ædificium is videtur, qui ita consummavit, ut jam in usu esse possit.

140. *Paulus* libro sexto ad legem
Iuliam & Papiam.

Cepisse quis intelligitur, quamvis alii adquisiit.

141. *Ulpianus* libro octavo ad legem
Iuliam & Papiam.

Etiam ea mulier, cum moreretur, creditur filium habere, quæ exciso utero edere possit, nec non etiam alio casu mulier potest habere filium, quem mortis tempore non habuit: ut puta cum, qui ab hostibus remeavit.

142. *Paulus libro sexto ad legem**Iuliam & Papiam.*

TRipliei modo conjunctio intelligitur, aut enim re per se conjunctio contingit, aut re & verbis, aut verbis tantum. Nec dubium est quin conjuncti sint, quos & nomen & rei complexus jungit, veluti, *Titius & Maevius ex parte dimidia heredes sunt*, vel (ita) *Titius Maeviusque heredes sunt*. Vel, *Titius cum Maevio ex parte dimidia heredes sunt*, videamus autem: ne, etiam si hos articulos detrahas &, quæ, cum, interdum tamen conjunctos accipi oporteat, veluti *Lucius Titius, Publius Maevius ex parte dimidia heredes sunt*, vel ita, *Publius Maevius, Lucius Titius heredes sunt*. *Sempronius ex parte dimidia heres esto*, ut *Titius & Maevius* veniant in partem dimidiam, & re & verbis conjuncti videantur. *Lucius Titius ex parte dimidia heres esto*. *Sejus ex parte, qua Lucium Titium heredem institui, heres esto*. *Sempronius ex parte dimidia heres esto*. Iulianus dubitari posse, tres semisses facti sint, an Titius in eundem semissem cum Gajo & Sejo institutus sit, sed eo quod Sempronius quoque ex parte dimidia scriptus est verisimilius esse, in eundem semissem duos coactos, & conjunctim heredes scriptos esse.

143. *Ulpianus libro nono (ad legem**Iuliam & Papiam.)*

ID apud se quis habere videtur, de quo habet actionem, habetur enim, quod peti potest.

144. *Paulus* libro decimo ad legem
Juliam & Papiam.

Libro memorialium.

MAFFURIUS scribit pellicem apud antiquos
eam habitam, quæ cum uxor non esset,
cum aliquo tamen vivebat: quam nunc verò
nomine amicam, paulo honestiore concubi-
nam appellari, Granius Flaccus in libro de
jure Papiriano scribit, pellicem nunc vulgò
vocari, quæ cum eo, cui uxor sit, corpus mis-
ceat, quosdam eam, quæ uxoris loco sine nu-
ptiis in domo sit, quam Παλλακήν Græci vo-
cant.

145. *Ulpianus* libro decimo (ad legem
Juliam & Papiam.)

Virilis appellatione interdum etiam totam
hæreditatem contineri dicendum est.

146. *Terentius Clemens* libro 2. (ad legem
Juliam & Papiam.)

SOceri, socrus appellatione avum quoque &
aviam uxoris vel mariti contineri, respon-
detur.

147. *Idem* libro tertio ad legem Ju-
liam & Papiam.

Qui in continentibus urbis nati sunt, Romæ
nati intelligantur.

148. *Gajus* libro octavo ad legem
Juliam & Papiam.

Non est sine liberis, cui vel unus filius,
unave filia est, hæc enim enuntiatio, hæ-
bet liberos, (non habet liberos) semper plurati-
vo numero profertur: sicut & pugillares, &
codicilli.

149. *Idem* libro decimo ad legem

Iuliam & Papiam.

NAm quem sine liberis esse, dicere non possumus: hunc necesse est dicamus liberos habere.

130. *Idem* libro nono ad legem

Iuliam & Papiam.

Si ita à te stipulatus fuero, *Quanto minus à Titio consecutus fuero, tantum dare spondes?* non solet dubitari, quin si nihil à Titio fuero consecutus, totum debeas, quod Titius debuerit.

151. *Terentius Clemens* libro 5. ad legem

Iuliam & Papiam.

Delata hereditas intelligitur, quam quis possit adeundo consequi.

152. *Hajus* libro decimo ad legem

Iuliam & Papiam.

Hominis appellatione tam feminam, quam masculum contineri, non dubitatur.

153. *Terentius Clemens* libro 11. ad legem

Iuliam & Papiam.

Intelligendus est mortis tempore fuisse, qui in utero relictus est.

154. *Macer* (libro primo ad legem vigesimam)

Mille passus non à militario urbis, sed continentibus ædificiis numerandi sunt.

155. *Licinius Rufinus* libro septimo Regularum.

Proximi appellatione etiam ille continetur qui solus est,

156. *Idem* libro 10. Regularum.

MAjore parte anni possedisse quis intelligitur, etiam si duobus mensibus possederit: si modo adversarius ejus aut paucioribus diebus, aut nullis possederit.

157. *Ulpianus* libro 1. de verborum, quæ ad jus pertinent, significatione.

Paries est, sive murus, sive maceria est.

1. ¶ Item via est, sive semita, sive iter est.

158. *Celsus* libro vigesimo quinto Digestorum.

In usu juris frequenter uti nos Cascellius ait singulari appellatione, cum plura generis ejusdem significare velimus, nam & mul-tum hominem venisse Romam: & piscem vi-lem esse dicimus. Item in stipulando satis habemus de herede cavere. *Sic res secundum me heredemve meum judicata erit, & rursus. Quod ob eam rem te heredemve tuum, nempe æquæ, si plures heredes sint, continentur stipu-latione.*

159. *Ulpianus* libro primo ad Sabinum.

ETiam aureos nummos æs dicimus.

160. *Idem* (libro secundo ad Sabinum.)

Ceterorum & reliquorum appellatione et-iam omnes continentur, ut Marcellus di-xit, circa eum cui optio servi legata est, ceteri Sempronio: nam tentat, si non optet, omnes ad Sempronium pertinere.

161. *Idem* libro 7. ad Sabinum.

Non est pupillus, qui in utero est.

162. *Pomponius* libro secundo ad
Sabinum.

IN vulgari substitutione , qua ei, qui supremus morietur, heres substituitur, rectè substitutus etiam unico intelligitur : exemplo duodecim tabularum , ex quibus proximis adgnatus & solus habetur.

1. ¶ Si quis ita in testamento scripserit. *Si quid filio meo acciderit , Damas servus meus liber esto*: mortuo filio, Damas liber erit, licet enim accidant & vivis , sed vulgi sermone etiam mors significatur.

163. *Paulus* libro 2. ad Sabinum.

Illa verba *Optimus maximusque* , vel in eum cadere possunt, qui solus est. Sic & circa edictum prætoris supremæ tabulæ habentur & solæ.

1. ¶ Pueri appellatione etiam puella significatur, nam & feminas puerperas appellant retentes ex partu, & Græcè *παῖδιον* communiter appellatur.

164. *Ulpianus* libro quinto decimo
ad Sabinum.

Nomen filiarum & in posthumam cadere, questionis non est , quamvis posthumæ non cadere in eam, quæ in rebus humanis sit, certum sit.

1. ¶ Partitionis nomen non semper dimidium significat: sed prout est adiectum, potest enim juberi aliquis & maximam partiri posse, & vigesimam, & tertiam, & prout libuerit, sed si non fuerit portio adiecta, dimidia pars debetur.

2. ¶ Habere, sicut pervenire , cum effectu accipiendum est.

165. *Pomponius libro 5. (ad Sabinum.)*

Venisse ad heredem nihil intelligitur, nisi deducto ære alieno.

166. *Idem libro sexto ad Sabinum.*

Urbana familia, & rustica, non loco, sed genere distinguitur, potest enim aliquis dispensator non esse servorum urbanorum numero: veluti is, qui rusticarum rerum rationes dispense, ibique habitet, non multum abest à villico, insularius autem urbanorum numero est. Videndum tamen est, ipse dominus, quorum loco quemque habuerit, quod ex numero familiae, & vicariis apparebit.

1. ¶ *Pernoctare extra urbem intelligendus est, qui nulla parte noctis in urbe est. Per enim totam noctem significat.*

167. *Ulpianus libro vigesimo quinto ad Sabinum.*

Carbonum appellatione materiam non contineri, sed an lignorum? & fortassis quis dicet. nec lignorum: non enim lignorum gratia habuit. Sed & titiones, & alia ligna cocta, ne fumum faciant, utrum ligno, an carboni an suo generi adnumerabimus? & magis est, ut proprium genus habeatur Sulphurata quoque de ligno æquè eandem habebunt definitionem. Ad faces quoque parata non erunt lignorum appellatione comprehensa, nisi hæc sit voluntas. Idem & de nucleis olivarum, sed & de balanis est, vel si qui alii nucleis. De pinu autem integri strobili, ligni appellatione continebuntur.

168. *Paulus* libro quarto (ad Sabinum.)

Pali & pertica in numerum materiae redigendi sunt, & ideo lignorum appellatione non continentur.

169. *Idem* libro 5 ad Sabinum.

Non tantum in traditionibus, sed & in emptionibus, & stipulationibus, & testamentis adjectio haec, *Uti optimus maximusque est*, hoc significat, ut liberum praestetur praedium, non ut etiam servitutes ei debeantur.

170. *Ulpianus* libro trigesimo tertio ad Sabinum.

Hæredis appellatione omnes significari successores credendum est, etsi verbis non sint expressi.

171. *Pomponius* libro sextodecimo ad Sabinum.

Pervenisse ad te rectè dicitur, quod per te ad alium pervenerit: ut in hereditate à liberto per patronum filiumfamilias patrie ejus adoptivo acquisita responsum est.

172. *Ulpianus* libro trigesimo octavo ad Sabinum.

Liberti appellatione etiam libertam contineri placuit.

173. *Idem* libro trigesimo nono ad Sabinum.

Collegarum appellatione hi continentur, qui sunt ejusdem potestatis.

1. ¶ Qui extra continentia urbis est, abesse ceterum usque ad continentia, non abesse videbitur.

174. *Idem* libro quadragesimo (secundo ad Sabinum.)

Aliud est promittere furem non esse, aliud furto noxaque solutum, qui enim dicit furem non esse, de hominis proposito loquitur, qui furtis noxaque solutum, nemini esse furti obligatum promittit.

175. *Pomponius* libro vigesimo secundo (ad Sabinum.)

Faciendi verbo, reddendi etiam causa continetur.

176. *Ulpianus* libro quadragesimo quinto ad Sabinum.

Solutionis verbo, satisfactionem quoque omnem accipiendam placet, solvere dicimus, eum qui fecit, quod facere promisit.

177. *Idem* libro quadragesimo septimo ad Sabinum.

Natura cavillationis quam Graeci *καπινα* (id est, *acervalem syllogismum*) appellaverunt, hac est, ut ab evidenter veris per brevissimas mutationes disputatio ad ea, quae evidenter falsa sunt, perducatur.

178. *Idem* libro quadragesimo nono ad Sabinum.

Pecuniae verbum, non solum numeratam pecuniam complectitur: verum omnem omnino pecuniam, hoc est, omnia corpora, nam corpora quoque pecuniae appellatione contineri, nemo est qui ambiget.

1. § Hereditas juris nomen est, quod & accessionem & decessionem in se recipit: hereditas autem vel maximè fructibus augetur.

2. § Actionis verbum & speciale est, &
 genus.

generale, nam omnis actio dicitur, sive in personam, sive in rem sit petitio, sed plerumque actiones personales solemus dicere, petitionis autem verbo, in rem actiones significari videntur, persecutionis verbo extraordinarias persecutiones puto contineri: ut puta fideicommissorum, & si quæ alia sunt, quæ non habent juris ordinarii executionem.

3. ¶ Hoc verbum debuit omnem omnino actionem comprehendere intelligitur, sive civilis, sive honoraria, sive fideicommissi sui persecutio.

179. *Idem libro quinquagesimo primo ad Sabinum.*

Inter hæc verba, *Quanti ea res erit, vel, Quanti eam rem esse pareat*, nihil interest: in utraque nempe clausula placet veram rei æstimationem fieri.

180. *Pomponius libro trigesimo ad Sabinum.*

Tugurii appellatione omne ædificium, quod rusticæ magis custodiæ convenit, quam urbanis ædibus, significatur.

1. ¶ Osilius ait, tugurium à recto, tanquam regularium, esse dictum: ut toga, quod ea regamur.

181. *Idem (libro 35. ad Sabinum.)*

Verbum illud *pertinere*, latissime patet, nam & eis rebus petendis aptum est, quæ dominii nostri sunt: & eis, quas jure aliquo possideamus, quamvis non sint nostri domini, pertinere ad nos etiam ea dicimus, quæ in nulla eorum causa sint, sed esse possint.

182. *Vlpianus* libro vigesimo septimo
ad Edictum.

Paterfamilias) liber peculium non potest
habere, quemadmodum nec servus bo-
na.

183. *Idem* libro vigesimo octavo
ad Edictum.

Tabernæ appellatio declarat omne utile ad
habitandum ædificium, non ex eo quod
tabulis cluditur.

184. *Paulus* libro trigesimo
(ad Edictum.

Inde tabernacula, & conubernales dicti
sunt.

185. *Vlpianus* libro vigesimo octavo
ad Edictum.

Instructam autem tabernam sic accipimus,
quæ & rebus & hominibus ad negotiationem
paratis constat.

186. *Idem* (libro trigesimo ad Edictum.)

Commendare nihil aliud est, quam depo-
nere.

187. *Idem* libro trigesimo (secundo
ad Edictum.)

Verbum *Exactæ pecuniæ*, non solum ad so-
lutionem referendum est: verum etiam ad
delegationem.

188. *Paulus* libro trigesimo tertio
ad Edictum.

Habere duobus modis dicitur: altero, iure
dominii, altero, obtinere sine interpella-
tione id, quod quis emerit.

1. ¶ Cautum intelligitur: siue personis, siue
rebus cautum sit.

189. *Idem* libro trigesimo quarto

(ad Edictum.)

FACERE oportere & hanc significationem habet, ut abstineat quis ab eo facto, quod contra conventionem fieret & curaret ne fiat.

190. *Vlpianus* libro trigesimo quarto

ad Edictum.

PROVINCIALES eos accipere debemus, qui in provincia domicilium habent : non eos, qui ex provincia oriundi sunt.

191. *Paulus* libro trigesimo quinto

(ad Edictum)

INTER divortium & repudium, hoc interest, quod repudiari etiam futurum matrimonium potest : non rectè autem sponsa divortisse dicitur : quod divortium ex eo dictum est, quod in diversas partes eunt, qui discedunt.

192. *Vlpianus* libro trigesimo septimo

ad Edictum.

HÆC adjectio plurisve, non infinitam pecuniam continet, sed modicam : ut taxatio hæc, *Solidos decem plurisve*, ad minutulam summam referatur.

193. *Idem* libro trigesimo octavo ad Edictum.

HÆC verba, *Quanticam rem parat esse*, non ad quod interest, sed ad rei æstimationem referuntur.

194. *Vlpianus* (libro quadragesimo

tertio ad Edictum)

INTER donum & munus, hoc interest, quod inter genus & speciem nam genus esse donum. Labeo à donando dictum, munus speciem, nam munus esse donum cum causa, ut puta natalitium, nuptialitium.

195. *Idem* libro quadragesimo sexto
ad Edictum.

Pronuntiatio sermonis in sexu masculino
ad utrumque sexum plerumque porrigi-
tur.

1. § *Familia* appellatio qualiter accipiat, videamus, & quidem variè accepta est, nam & in res, & in personas deducitur. In res, ut puta in lege duodecim tabularum his verbis, *adgnatus proximus familiam habeto* Ad personas autem refertur familiarum significatio ita, cum de patrono & liberto loquitur lex: *ex ea familia*, inquit, *in eam familiam*, & hic de singularibus personis legem loqui constat.

2. § Familiarum appellatio refertur & ad corporis cujusdam significationem, quod aut jure proprio ipsorum, aut communi universæ cognationis continetur. Jure proprio familiam dicimus, plures personas, quæ sunt sub unius potestate aut natura, aut jure subjectæ: ut puta patremfamilias, matremfamilias, filiumfamilias, filiamfamilias, quinque deinceps vicem eorum sequuntur, ut puta nepotes, & neptes, & deinceps. Pater autem familias appellatur, qui in domo dominium habet, recteque hoc nomine appellatur, quamvis filium non habeat, non enim solam personam ejus, sed & jus demonstramus, denique & pupillum patremfamilias appellamus, & cum paterfamilias moritur, quotquot capita ei subjecta fuerint, singulas familias incipiunt habere, singuli enim patrumfamiliarum nomen subeunt. Idemque eveniet & in eo, qui emancipatus est: nam & hic sui juris effectus, propriam familiam habet. Communi jure fami-

familiam dicimus omnium adgnatorum: nam etsi patrefamilias mortui singuli singulas familias habent, tamen omnes, qui sub unius potestate fuerunt, rectè ejusdem familiarum appellabuntur, qui ex eadem domo & gente proditi sunt.

3. ¶ Servitium quoque solemus appellare familias, ut in edicto prætoris ostendimus sub titulo de furtis, ubi prætor loquitur de familia publicanorum, sed ibi non omnes servi, sed corpus quoddam servorum demonstratur hujus rei causa paratum, hoc est, vectigalis causa: alia autem parte edicti omnes servi continentur, ut de hominibus coactis, & vi bonorum raptorum: item redhibitoria, si deterior res reddatur emptoris opera, aut familiarum ejus, & interdicto unde vi, familiarum appellatio omnes servos comprehendit, sed & filii continentur.

4. ¶ Item appellatur familia plurium personarum, quæ ab ejusdem ultimi genitoris sanguine profiscuntur, sicuti dicimus familiam Juliam, quasi à fonte quodam memorie.

5. ¶ Mulier autem familiarum suarum & caput, & finis est.

196. *Gajus* libro sexto decimo ad Edictum.
Provinciale.

Familiarum appellatione & ipse princeps familiarum continetur.

1. ¶ Fœminarum liberos in familia earum non esse, palàm est: quia qui nascuntur, patris, non matris, familiam sequuntur.

197. *Vlpianus* libro quinquagesimo
ad Edictum.

Indicasse est detulisse, arguisse, accusasse, &
convicisse.

198. *Idem* libro 2. de omnibus
tribunalibus.

Urbana prædia, omnia ædificia accipimus,
non solum ea, quæ sunt in oppidis: sed &
si fortè stabula sunt, vel alia meritoria in vil-
lis, & in vicis: vel si prætoria voluptati tan-
tum deservientia: quia urbanum prædium
non locus facit, sed materia. Proinde horti
quoque, si qui sunt in ædificiis constituti, di-
cedum sit urbanorum appellatione con-
neri. Plane si plurimum horti in reditu sunt,
vinearii fortè, vel etiam olitorii, magis hæc
non sunt urbana.

199. *Idem* libro octavo de omnibus
tribunalibus.

Absentem accipere debemus eum, qui non
est eo loco, in quo loco petitur, non enim
trans mare absentem desideramus, & si fortè
extra continentia urbis sit, abest, cæterum us-
que ad continentia, non abesse videbitur, si
non latitet.

1. ¶ Abesse non videbitur, qui ab hostibus
captus est, sed qui à latronibus detinetur.

200. *Julianus* libro secundo
Digestorum.

Hæc stipulatio Noxis solutum præstare? non
existimatur ad eas noxas pertinere, quæ
publicam exercitationem, & coercionem ca-
pitalem habent.

201. *Idem* libro octuagesimo primo

Digestorum.

Iuxta interpretatione recipiendum est, ut appellatione filii sicuti filiam familias contineri sæpè respondebimus, ita & nepos videatur comprehendi, & patris nomine avus quoque demonstrari intelligatur.

202. *Alfenus Varus* (libro secundo

Digestorum)

Cum in testamento scriptum esset, ut hæres in funere, aut in monumento duntaxat aureos centum consumeret, non licet minus consumere, si amplius vellet, licet: neque ob eam rem contra testamentum facere videtur.

203. *Idem* libro septimo Di-

gestorum.

In lege censoria portus Siciliæ inscriptum erat, *Servos quos domo quis ducet suo usui, pro his portorium ne dato, quærebatur*, si quis à Sicilia servos Romam mitteret fundi instruendi causa, utrum pro his hominis portorium dare deberet, necne, respondit, duas esse in hac scriptura quæstiones; primam, quid esset domum ducere: alteram, quid esset suo usui ducere. Igitur quæri soleret utrum ubi quisque habitaret, sive in provincia, sive in Italia, an duntaxat in sua cujusque patria domus esse rectè diceretur: sed de ea re constitutum esse, eam domum unicuique nostrum debere existimari, ubi quisque sedes & tabulas haberet, suarumque rerum constitutionem fecisset. Quid autem *usui suo*, magnam habuisse dubitationem, & magis placet, quod victus sui causa paratum est, tantum contineri. Itemque de servis eadem ratione quæri, qui eorum

usui suo

DIOG

DIOG

usus sui causa parati essent : utrum dispensatores, insularii, villici, atrienfes, textores, operarii, quoque rustici, qui agrorum colendorum causa haberentur, ex quibus (agris) paterfamilias fructus caperet, quibus se toleraret: omnes denique servos, quos quisque emisset, ut ipse haberet, atque eis ad aliquam rem uteretur, neque ideo emisset, ut venderet. Et sibi videri eos demum usus sui causa patremfamilias habere, qui ad ejus corpus tuendum, atque ipsius cultum præpositi, destinatique essent, quo in genere junctores, cubicularii, coci, ministratores, atque alii, qui ad ejusmodi usum parati essent, numerarentur.

204. *Paulus* libro 2 epitomarum
(Alfeni.)

PVeri appellatio tres significationes habet: unam, cum omnes servos pueros appellaremus: alteram, cum puerum contrario nomine puellæ diceremus: tertiam, cum statem puerilem demonstraremus.

205. *Idem* libro quarto Epitomarum
Alfeni.

QVi fundum vendidit, pomum recepit: nuces, & ficos, & uvas dumtaxat duracinas, & purpureas, & quæ ejus generis essent, quas non vini causa haberemus, quas Græci *ἑσθητὰς*, id est, *comestibiles*, appellarent, recepta videri.

206. *Julianus* libro 6. ex Minicio.

Vinaria vasa propriè vasa torcularia esse placet: dolia autem & serias tamdiu in ea causa esse, quamdiu vinum haberent, cum sine vino esse desinerent, in eo numero non esse;

esse: quoniam ad alium usum transferri possent, veluti si frumentum in his addatur, eandem causam amphorarum esse: ut cum vinum habeant, tum in vasis vinariis: cum inanes sint, tum extra numerum vinariorum sint, quia aliud in his addi possit.

207. *Africanus* libro 3. *Quæstionum*.

Mercis appellatione homines non contineri, *Mela* ait, & ob eam rem mangones non mercatores, sed venaliciarios appellari ait, & rectè.

208. *Idem* libro 4. *Quæstionum*.

Bonorum appellatio, sicut hereditatis, universitatem quandam ac ejus successionis, & non singulares res demonstrat.

209. *Florentinus* libro decimo *Institutionum*.

Coram Titio aliquid facere jussus, non videtur præsentem eo fecisse, nisi is intelligat, itaque si furiosus, aut infans sit, aut dormiat: non videtur coram eo fecisse. Scire autem, non etiam velle is debet: nam & invito eo rectè fit, quod jussum est.

210. *Marcianus* libro 7. *Institutionum*.

Is, qui natus est ex Mancipiis urbanis, & missus est in villam nutriendus, in urbanis servis constituetur.

211. *Florentinus* libro 3. *Institutionum*.

Fundi appellatione omne ædificium, & omnis ager continetur: sed in usu urbana ædificia, ædes rustica, villæ dicuntur. Locus vero sine ædificio, in urbe area, rure autem ager appellatur. Idemque ager cum ædificio, fundus dicitur.

212 *Ulpianus* libro I. de Adulteriis.

PRÆVARICATORES eos appellamus, qui causam adversariis suis donant, & ex parte actoris in partem rei concedunt, à varicando enim prævaricatores dicti sunt.

213. *Idem* libro primo Regularum.

Cedere diem significat incipere deberi pecuniam. Venire diem significat eum diem venisse, quo pecunia peti possit. Vbi purè quis stipulatus fuerit: & cecit, & venit dies: ubi in diem: cecit dies, sed nondum venit, ubi sub conditione: neque cecit, neque venit dies pendente adhuc conditione.

1. ¶ **Æs** alienum est, quod nos aliis debemus, æs suum est, quod alii nobis debent.

2. ¶ **Lata culpa** est nimia negligentia: id est, non intelligere, quod omnes intelligunt.

214. *Marcianus* libro primo publicorum iudiciorum.

MUNUS propriè est, quod necessariò obimus, lege, more, imperiove eius, qui iubendi habet potestatem. Dona autem propriè sunt, quæ nulla necessitate juris, officii, sed sponte præstantur; quæ si non præstantur, nulla reprehensio est, & si præstantur, plerumque laus inest, sed in summa in hoc ventum est: ut non quodcunque munus, id & donum accipiatur: at quod donum fuerit, id munus rectè dicatur.

215. *Paulus* libro singulari ac legem *Fufiam Caniniam*.

POTESTATIS verbo plura significantur, in persona magistratum, imperium, in persona liberorum patria potestas, in persona servi, domi-

dominium. At cum agamus de noxæ deditio-
ne cum eo, qui servum non defendit: præsen-
tis corporis copiam facultatēque significa-
mus. In lege Arinia in potestatem domini
rem furtivam venisse videri, & si ejus vindi-
candæ potestatem habuerit, Sabinus & Cas-
sius ajunt.

216. *Ulpianus* libro primo ad legem
Æliam Sentiam.

Verum est eum, qui in carcere clusus est,
non videri neque vinctum, neque in vin-
culis esse, nisi corpori ejus vincula sint adhi-
bita.

217. *Javolenus* libro primo ex Poste-
rioribus *Labeonis.*

Inter illam conditionem, *Cum* dari potuerit, &
postquam dari potuerit, multum interest, nam
posteriolem scripturam, uberiolem esse
constat, at *cum* dari potuerit, arctiolem: & id
tantummodo tempus significari, quo pri-
mum dari possit.

1. ¶ Item ita data conditione, *Illud* facito in
diebus, si nihil præterea fuisset adjectum, in bi-
duo conditionem impleri oportet.

218. *Papinianus* libro 27. *Quæstionum.*

Verbum *Facere* omnem omnino faciendi
causam complectitur: dandi, solvendi,
numerandi, judicandi, ambulandi.

219. *Idem* libro secundo *Responforum.*

In conventionibus contrahentium volunta-
tem potius, quam verba, spectari placuit.
Cum igitur ea lege fundum vectigalem mu-
nicipes locaverint, ut ad heredem ejus, qui
suscepit, pertineret: jus heredum ad legata-
rium quoque transferri potuerit.

220. *Callistratus* libro 2. *Quæstionum*.

Liberorum appellatione nepotes, & pronepotes, cæterique, qui ex his descendunt, continentur, hos enim omnes suorum appellatione lex duodecim tabularum comprehendit. totiens enim leges necessarium videntur in cognatione singulorum nominibus uti, veluti *Filiis nepotibus, pronepotibus, cæterorumve*, qui ex his descendunt: quotiens non omnibus, qui post eos sunt, præstitum voluerint: sed solis his succurrant, quos nominatim enumerent. At ubi non personis certis, non quibusdam gradibus præstatum, sed omnibus, qui ex eodem genere orti sunt: liberorum appellatione comprehenduntur.

1. ¶ Sed & *Papirius Fronto* libro tertio responsorum ait, prædio cum villico & contubernali ejus & filiis legato, nepotes quoque ex filiis contineri: nisi voluntas testatoris aliter habeat, filii enim appellatione sæpe & nepotes accipi multifariam placere.

2. ¶ *Divus* quoque *Marcus* rescripsit, non videri sine liberis defunctum, qui nepotem suum heredem reliquit.

3. ¶ Præter hæc omnia natura nos quoque docet parentes pios, qui liberorum procreandorum animo & voto uxores ducunt: filiorum appellatione omnes, qui ex nobis descendunt, contineri, nec enim dulciore nomine possumus nepotes nostros, quàm filii appellare: etenim idcirco filios filiasve concepimus, atque edimus, ut ex prole eorum earumve diuturnitatis nobis memoriam in ævum relinquamus.

221. *Paulus* libro decimo Responsorum.

PAulus respondit, falsum tutorem eum verè dici, qui tutor non est, siue habenti tutor datus est, siue non, sicut falsum testamentum, quod testamentum non est, & modius iniquus, qui modius non est.

222. *Hermogenianus* libro secundo Juris Epitomarum.

PECUNIAE nomine non solum numerata pecunia: sed omnes res, tam soli, quam mobiles, & tam corpora, quam iura continentur.

223. *Paulus* libro secundo Sententiarum.

LATÆ culpæ finis est, non intelligere id, quod omnes intelligunt.

1. § Amicos appellare debemus, non levitiora conjunctos: sed quibus fuerint iura cum patrefamilias, honestis familiaritatis sita rationibus.

224. *Venulejus* libro septimo Stipulationum.

VINCULORUM appellatione, vel privata, vel publica vincula significant, custodiæ verò, tantum publicam custodiam.

225. *Tryphoninus* libro primo Disputationum.

FUGITIVUS est, non is, qui solum consilium fugiendi à domo suscepit, licet id se facturum jactaverit: sed qui ipso facto fugæ initium mente deduxerit, nam & furem, adulterum, aleatorem, quanquam aliqua significatione ex animi propositione cujusq; sola quis dicere posset: ut etiam is, qui nonnunquam alienam invito domino subtraxerit, nunquam alienam matremfamilias corruperit, si modo ejus

mentis sit, ut occasione data id commissurus sit: tamen oportere eadem hæc crimina assumpto actu intelligi, & ideo fugitivum quoque & erroneum non secundum propositionem solam, sed cum aliquo actu intelligi constat.

226. *Paulus libro 1. Manualium.*

Magna negligentia, culpa, est, magna culpa dolus est.

227. *Idem libro Manualium.*

Ex illa parte edicti, *Tum quem ei heredem esse oportet*, hæredis hæredibus bonorum possessio non defertur.

I. § Item in substitutione his verbis, *Quisquis mihi hæres erit*, proximus hæres tantum significatur, imo non tantum proximus hæres, sed etiam scriptus.

228. *Idem libro singulari de cognitionibus.*

Municipes intelligendi sunt, & qui in eodem municipio nati sunt.

229. *Idem libro singulari de Tacitis fideicommissis.*

Transacta finitave intelligere debemus, non solum de quibus controversia fuit, sed etiam quæ sine controversia sint possessa.

230. *Idem libro singulari ad Senatusconsultum Orficianum.*

Ut sunt iudicio terminata, transactione composita, longioris temporis silentio finita.

231. *Idem libro singulari ad Senatusconsultum Terryllianum.*

Quod dicimus eum, qui nasci speratur, pro superstite esse: tunc verum est, cum de

de ipsius jure quaeritur, aliis autem non prodest, nisi natus.

232. *Gajus* libro primo de Verborum obligationibus.

Haec enuntiatio. Quae sunt pluris aureorum triginta; simul & quantitatis & estimationis significativa est.

233. *Idem* libro primo ad legem duodecim tabularum.

Si calvitur & moretur, & frustretur. Inde & calumniatores appellati sunt, quia per fraudem & frustrationem alios vexarent litibus, Inde & cavillatio dicta est.

1. §. Post Kalendas Januarias die tertio pro salute principis vota suscipiuntur.

2. §. *Telum* vulgò quidem id appellatur, quod ab arcu mittitur, sed nunc omne significatur, quod mittitur manu. Ita sequitur, ut & lapis, & lignum, & ferrum hoc nomine continetur. Dictumque ab eo quod in longinquum mittitur, [Græca voce] figuratum ἀπὸ τῆς τῆλῆς, i. ab eo quod est longè. Et hanc significationem invenire possumus & in Græco nomine, nam, quod nos telum appellamus, illi βίβλος appellant, eoque nomine vulgò quidem id significatur, quod ab arcu mittitur: sed non minus omne significatur, quod [cum] mittitur manu [ἀπὸ τῆς βαλλεσθαι: i. e. d. jacienda: Admonet nos Εὐεφον, i. e. Xenophon: nam ita scribit: Καὶ πᾶς βίβλον ὁμοῦ ἐφέρει, λόγχοι, τοξενιαὶ (φονδύαι, & σκῆπτροι δὲ καὶ αἰδοί. i. e. Ei tela simul ferebantur, hasta, sagitta, funda, plurimi item lapides,]

des.] Et id, quod ab arcu mittitur, quod Græcos quidem proprio nomine *τοξον*, (i.e. sagitta) vocatur: apud nos autem communi nomine telum appellatur.

134. *Idem* libro secundo ad legem duodecim tabularum.

Quos nos hostes appellamus, eos veteres *perduelles* appellabant, per eam abiectionem indicantes, cum quibus bellum esset.

1. §. Locuples est, qui satis idoneè habet pro magnitudine rei: quam actor restituentem esse petit.

2. §. Verbum *Vivere* quidam putant ad cibum pertinere, sed *Ofilius* ad *Atticum* ait, his verbis & vestimenta & stramenta contineri, sine his enim vivere neminem posse.

235. *Idem* libro tertio ad legem duodecim tabularum.

Ferri propriè dicimus, quæ quis suo corpore bajulat: portari ea, quæ quis iumento secum ducit: agi ea, quæ animalia sunt.

1. §. Fabros tignarios dicimus non eos duntaxat, qui tigna dolarent; sed omnes qui ædificarent.

236. *Idem* libro quarto ad legem duodecim tabularum.

Qui venenum dicit, adjicere debet, utrum malum, an bonum, nam & medicamenta venena sunt: quia eo nomine omne continetur, quod adhibitum naturam ejus, cui adhibitum esset, mutat: cum id, quod nos venenum appellamus, Græci *φάρμακον* dicunt. apud illos quoque tam medicamenta, quam quæ

quæ nocent. hoc nomine continentur, unde adjectione alterius, nomine distinctio fit, admonet nos summus apud eos poëtarum Homerus. nam sic ait,

φάρμακα πολλὰ μὲν ἐσθλαὶ μεμνημένα, πολλὰ
δὲ ληυρά.

id est,

*Penena multa quidem bona mixta, multa sunt
mala.*

1. §. Glandis appellatione omnis fructus continetur, ut Lavolenus ait, exemplo Græci sermonis, apud quos omnes arborum species ἀκροδρυα (id est, extremitates arborum) appellantur.

237. Idem libro quinto ad legem duodecim tabularum:

DUobus negativis verbis quasi permittit lex, magis quam prohibuit, idque etiam Servius animadvertit.

238. Idem libro sexto ad legem duodecim tabularum.

PLEBS est cæteri cives sine Senatoribus.

1. §. Detestatum est testatione denuntiatum.

2. §. Pignus appellatum à pugno: quia res, quæ pignori dantur, manu traduntur, unde etiam videri potest verum esse, quod quidam putant pignus propriè rei mobilis consistui.

3. §. Noxiæ appellatione omne delictum continetur.

239. Pomponius libro singulari Enchiridii.

Pupillus est, qui, cum impubes est, desit in patris potestate esse aut morte, aut emancipatione.

1. §. Servorum appellatio ex eo fluxit, quod Imperatores [nostri] captivos vendere, ac per hoc servare, nec occidere solent.

2. §. Incola est, qui aliqua regione domicilium suum contulit, quem Græci *πρόικοι* (id est *juxta habitantem*) appellant. Nec tantum hi, qui in oppido morantur, incolæ sunt: sed etiam qui alicujus oppidi finibus ita agrum habent, ut in eum se quasi in aliquam sedem recipiant.

3. §. Munus publicum est officium privati hominis, ex quo commodum ad singulos, universosque cives, remque eorum imperio magistratus extraordinarium pervenit.

4. §. Advena est, quem Græci *ἀπείκοι* (id est, *domo profugum, colonum advenientem*) appellant,

5. §. Decuriones quidam dictos ajunt ex eo, quod initio, cum coloniæ deducerentur decima pars eorum, qui deducerentur, consilii publici gratia conscribi solita sit.

6. §. Urbs ab urbe appellata est, urbare est aratro definire. & Varus ait: urbem appellari curvaturam aratri, quod in urbe condenda adhiberi solet.

7. §. Oppidum ab ope dicitur, quod ejus rei causa mœnia sint constituta.

8. §. Territorium est universitas agrorum intra fines cujusque civitatis. quod ab eo di-

stinctum

Cum quidam ajunt, quod magistratus ejus lo-
ci intra eos fines terrendi, id est summo ven-
di, jus habet.

9. §. Verbum *sum* ambiguum est, utrum
de toto, an de parte significet, *ideo* qui jurat
suum non esse, adjicere debet, neque sibi
communem esse.

240. *Paulus* ex libris sex, libro primo Impe-
rialium sententiarum in cognitionibus
prolatarum.

Cum quærebatur, an verbum *Soluto matri-
monio dotem reddi*, non tantum divortium,
sed & mortem contineret, hoc est, an de hoc
quoque casu contrahentes sentiant, & multi
putabant hoc sensisse, & quibusdam aliis
contra videbatur: secundum hoc motus Im-
perator pronuntiavit, id actum eo pacto, ut
nullo casu remaneret dos apud maritum.

241. *Quintus Mucius Scaevola* libro
singulari *op. v.*

In rutis casis ea sunt, quæ terra non tenen-
tur, quæque opere structili, tectoriove non
continentur.

242. *Lavolenns* libro 2. ex Posterioribus
Labeonis.

Malum navis esse partem, artemonem au-
tem non esse. Labeo ait: quia pleræque
naves sine malo inutiles essent, ideoque pars
navis habetur. artemo autem magis adjecta-
mento, quam pars navis est.

2. §. Inter projectum & immissum hoc in-
teresse ait Labeo: quod projectum esset id, quod
ita proveheretur, & nusquam requiesceret,
qualia *meeniana*, & *suggrunda* essent immis-

sum autem, quod ita fieret, ut aliquo loco requiesceret, veluti tigna, trabes, quæ immitterentur.

2. §. Plumbum, quod tegulis poneretur, ædificii esse ait Labeo: sed id, quod hypæ: hui regendi causa, poneretur contra esse.

3. §. Viduam non solum eam, quæ aliquando nupta fuisset, sed eam quoque mulierem, quæ virum non habuisset, appellari, ait Labeo: quia vidua sic dicta est, quasi vecors, vesanus, qui sine corde, aut sanitate esset, similiter viduam dictam esse, sine duitate.

4. §. Straturam loci alicujus ex tabulis factis, quæ æstate tollerentur, & hyeme ponerentur, ædium esse ait Labeo: quoniam perpetui usus paratæ essent, neque ad rem pertinere, quod interim tollerentur.

243. *Scævola libro 18. Digestorum.*

Scævola respondit: Semper acceptum est, ut libertorum appellatione etiam hi contineri intelligantur, qui eodem testamento vel posteriore loco manumitterentur: nisi si manifestè is, à quo peterentur, contra defuncti voluntatem doceret peti.

244. *Labeo libro 4. Pithanon à Paulo epitomatorum.*

Si qua poena est, multa est, si qua multa est, poena est *Paulus*: Utrumque eorum falsum est, namque harum rerum dissimilitudo ex hoc quoque apparet: quod de poena provocatio non est: simulatque enim victus quis est ejus maleficiis, cujus poena est statuta, statim ea debetur: at multæ provocatio est, nec ante debetur, quam aut non est provocatum, aut pro-

provocator victus est, nec aliter, quam si is dixit, cui dicere licet. Ex hoc quoque earum rerum dissimilitudo apparere poterit, quia poenae certae singulorum peccatorum sunt: multae contra, quia eius iudicis potestas est, quantam dicat, nisi cum lege est constitutum, quantam dicat.

245. *Pomponius libro 40. Epistolarum.*

Staturae affixae basibus frustilibus, aut tabulae relegatae catenis, aut erga parietem affixae, aut si similiter cohaerent lychni, non sunt aedium: ornatus enim aedium causa parantur, non quo aedes perficiantur.

1. §, Idem Labeo ait: Prothyrum; quod in aedibus [interim qui] fieri solet, aedium est.

246. *Idem (libro 16. Epistolarum.*

A pud Labeonem Pithan non ita scriptum esse exhibet, qui praestat ejus, de quo agitur, praesentiam, nam etiam qui sistit, praestat ejus, de quo agitur, praesentiam, nec tamen [eum] exhibet. [&] qui mutum aut furiosum aut infantem exhibet, non potest videri ejus praestare praesentiam: nemo enim ex eo genere praesens satis aptè appellari potest.

1. §. Restituit, non tantum qui solum corpus, sed etiam qui omnem rem conditionemque reddita causa praestet, & tota restitutio juris est interpretatio.

Lib. L. Digestorum Tit. XVII:
 DE [DIVERSIS] REGULIS
 JURIS ANTIQUI,

1. *Paulus* [lib. 16. ad *Plautium*.]

Regula est, quæ rem, quæ est, breviter enarrat, non ex regula jus sumatur : sed ex jure, quod est, regula fiat. Per regulam igitur brevis rerum narratio traditur, & (ut ait *Sabinus*) quasi causæ coniectio est quæ simul cum in aliquo vitata est, perdit officium suum.

2. *Ulpianus* [libro 1. ad *Sabinum*.]

Fœminæ ab omnibus officiis civilibus vel publicis remotæ sunt : & ideo nec iudices esse possunt, nec magistratum gerere, non postulare, nec pro alio intervenire, nec procuratores existere.

1. §. Item impubes omnibus officiis civilibus debet abstinere.

3. *Idem* libro 3. ad *Sabinum*.

Ejus est non nolle, qui potest velle.

4. *Idem* [libro 6. ad *Sabinum*.]

Velle non creditur, qui obsequitur imperio patris, vel domini.

5. *Paulus* [libro 2. ad *Sabinum*.]

In negotiis contrahendis alia causa habita est furiosorum, alia eorum, qui fari possunt, quamvis actum rei non intelligerent : nam furiosus nullum negotium contrahere potest : pupillus omnia tutore auctore agere potest.

6. *Ulpianus* [libro 7. ad Sabinum.]

Non vult heres esse, qui ad alium transferre voluit hereditatem.

7. *Pomponius* [libro 3. ad Sabinum.]

Ius nostrum non patitur eundem in paganis, & testato & intestato decessisse. earumque rerum naturaliter inter se pugna est, [testatus, & intestatus.]

8. *Idem* [libro 4. ad Sabinum.]

Iura sanguinis nullo jure civili dirimi possunt.

9. *Ulpianus* [libro quintodecimo ad Sabinum.]

Semper in obscuris, quod minimum est, sequimur.

10. *Paulus* [libro tertio ad Sabinum.]

Secundum naturam est, commoda cujusque rei eum sequi, quæ sequentur incommoda.

11. *Pomponius* [libro 5. ad Sabinum.]

Id, quod nostrum est, sine facto nostro ad alium transferri non potest.

12. *Paulus* [libro 3. ad Sabinum.]

In testamentis plenius voluntates testantium interpretantur.

13. *Ulpianus* [libro 10. ad Sabinum.]

Non videtur cepisse, qui per exceptionem [à petitione] remouetur.

14. *Pomponius* [libro 16. ad Sabinum.]

In omnibus obligationibus, in quibus dies non ponitur, presenti die debetur.

15. *Paulus* [libro 4. ad Sabinum.]

[I]s qui actionem habet ad rem recuperandam, ipsam rem habere videtur.

16. *Ulpianus* [libro 21. ad *Sabinum*.]

Imaginaria venditio non est pretio accedente.

17. *Idem* [libro 2. ad *Sabinum*.]

Cum tempus in testamento adicitur, credendum est, pro herede adjectum, nisi aliam mens fuerit testatoris: sicuti in stipulationibus promissoris gratia tempus adicitur.

18. *Pomponius* [libro 6. ad *Sabinum*.]

Quæ legata mortuis nobis ad heredem nostrum transeunt, eorum commodum per nos his, quorum in potestate sumus, eodem casu adquirimus, aliter atque quod stipulati sumus, nam & sub conditione stipulantes, omnimodo eis adquirimus, etiam si liberatis nobis potestate domini conditio existat.

P A U L U S.

Si filiusfamilias sub conditione stipulatus, & emancipatus fuerit: deinde exstiterit conditio: patri actio competit: quia in stipulationibus id tempus spectatur, quo contrahimus.

19. *Ulpianus* [libro 24. ad *Sabinum*.]

Qui cum alio contrahit, vel est, vel debet esse non ignarus conditionis ejus: heredem autem hoc imputari non potest, cum non sponte cum legatariis contra-

1. §. Non solet exceptio si nocere his, quibus voluntas testatoris non refragatur.

20. *Pomponius* [libro 7. ad *Sabinum*.]

Quotiens dubia interpretatio libertatis est, secundum libertatem respondendum erit.

21. *Ulpianus* [libro 27. ad Sabinum.]

Non debet, cui plus licet, quod minus est,
non licere.

22. *Idem* [libro 28. ad Sabinum.]

Npersonam servilem nulla cadit obliga-
tio.

¶ Generaliter probandum est, ubicunque
in bonæ fidei judiciis confertur in arbitrium
domini vel procuratoris ejus conditio, pro
boni viri arbitrio hoc habendum esse.

23. *Idem* [libro 29. ad Sabinum.]

Contractus quidem dolum malum duntaxat recipiunt: quidem & dolum, & culpam, dolum tantum, depositum, & precarium, dolum, & culpam, mandatum commodatum, venditum, pignori acceptum, locatum, item dotis datio, tutela, negotia gesta, in his quidem & diligentiam, societas & rerum communio & dolum, & culpam recipit, sed hæc ita, nisi si quid nominatim convenit, vel plus, vel minus, in singulis contractus, nam hoc servabitur: quod initio convenit, legem enim contractus dedit, excepto eo, quod Celsus putat, non valere, si convenerit, ne dolus præstetur, hoc enim bonæ fidei iudicio contrarium est: & ita utimur. Animalium verò casus, mortes, quæque sine culpa accedunt, fugæ fervorum, qui custodiri non solent, rapiæ, tumultus, incendia, aquarum magnitudines impetus prædonum à nullo præstantur.

24. *Paulus* [libro 5. ad Sabinum.]

Quatenus cujus interfit, in tacto, non in ipso consistit.

25. *Pomponius* [libro 11. ad Sabinum.]

PLus cautionis in re est, quam in persona.

26. *Ulpianus* [libro 30. ad Sabinum.]

Qui potest invitis alienare, multo magis & ignorantibus & absentibus potest.

27. *Pomponius* [libro sextodecimo ad Sabinum.]

Nec ex prætorio nec ex solemni jure privatorum conventionem quicquam immutandum est, quamvis obligationum causæ pactione possint immutari & ipso jure, & per pacti conventi exceptionem, quia actionum modus vel lege, vel per prætorem introductus, privatorum pactionibus non infirmatur: nisi tunc, cum inchoatur actio, inter eos convenit.

28. *Ulpianus* [libro 5. ad Scabinum.]

Divus Pius rescripsit eos, qui ex liberalitate conveniuntur, in id, quod facere possunt, condemnandos.

29. *Paulus* [libro 8. ad Scabinum.]

Quod initio vitiosum est, non potest tractu temporis convalescere.

30. *Ulpianus* [libro 36. ad Scabinum.]

Nuptias non concubitus, sed consensus facit.

31. *Idem* [libro 42. ad Scabinum.]

Verum est, neque pacta, neque stipulationes factum posse tollere: quid enim impossibile est, neque pacto, neque stipulatione potest comprehendi, ut utilem actionem aut factum efficere possit.

32. *Idem* [libro 43. ad Sabinum.]

Quod attinet ad jus civile, servi pro nullis habentur, non tamen & jure naturali, quia, quod ad jus naturale attinet, omnes homines æquales sunt.

33. *Pomponius* [libro 22. ad Sabinum.]

In eo, quod vel is, qui petit, vel is, à quo petitur, lucro facturus est, durior causa est petitoris.

34. *Ulpianus* [libro quadragésimo quinto ad Sabinum.]

Semper in stipulationibus & cæteris contractibus id sequimur, quod actum est, aut, si non appareat, quid actum est, erit consequens, ut id sequamur, quod in regione, in qua actum est, frequentatur. Quid ergo, si neque regionis mos appareat quia varius fuit? ad id, quod minimū est, redigenda summa est.

35. *Idem* [libro 48. ad Sabinum.]

Nihil tam naturale est, quam eo genere quidve dissolvere, quo colligatum est; ideo verborum obligatio verbis tollitur: nudi consensus obligatio contrario consensu dissolvitur.

36. *Pomponius* [libro 27. ad Sabinum.]

Culpa est, immiscere se rei ad se non pertinenti.

37. *Ulpianus* [libro 51. ad Sabinum.]

Nemo, qui condemnare potest, absolvere non potest.

38. *Pomponius* [libro 29. ad Sabinum.]

Sicuti poena ex delicto defuncti heres teneri non debeat: ita nec lucrum facere, si quid ex ea re ad eum pervenisset.

35. *Idem* libro 32. ad Sabinum.

IN omnibus causis pro facto accipitur id, in quo per alium moræ sit, quo minus fiat.

40. *Idem* [libro 34. ad Sabinum.]

Furiosi, vel ejus, cui bonis interdictum sit, nulla voluntas est.

41. *Ulpianus* (libro 26. ad Edictum.)

Non debet actori licere, quod reo non permittitur.

42. *Ulpianus* (libro 26. ad Edictum.)
In re obscura melius est favere repetitioni, quam adventitio lucro.

42. *Gaius* [libro 9. ad Edictum Provinciale.]

Qui in alterius locum succedunt, justam habent causam ignorantie, an id, quod peteretur, deberetur. Fidejussores quoque non minus, quam heredes, justam ignorantiam possunt allegare. Hæc ita de herede dicta sunt: si cum eo agatur: non etiam si agat, nam planè, qui agit, certus esse debet: cum sit in potestate ejus, quando velit, experiri: & ante debet rem diligenter explorare, & tunc ad agendum procedere.

43. *Ulpianus* (libro 28. ad Edictum.)

Nemo ex his, qui negant se debere, prohibetur etiam alia defensione uti, nisi lex impedit.

44. *Ulpianus* (libro 29. ad Edictum.)
i. §. Quotiens concurrunt plures actiones ejusdem rei nomine, una quis experiri debet.

44. *Idem* (libro 29. ad Edictum.)

Totiens in heredem damus de eo, quod ad eum pervenit, quotiens ex dolo defuncti convenitur, non quotiens ex suo.

45. *Idem* (libro 30. ad Edictum.)

Nequè pignus, neque depositum, neque precarium, neque emptio, neque locatio rei suæ consistere potest.

1. §. Privatorum conventio juri publico non derogat.

46. *Gaius* libro 10. ad Edictum Provinciale.

Quod à quoquo poena nomine exactum, est, id eidem restituere nemo cogitur.

47. *Ulpianus* [libro 30. ad Edictum.]

Consilii non fraudulentæ nulla obligatio est, cæterum si dolus & calliditas intercessit, de dolo actio competit.

1. §. Socii mei socius, meus socius non est.

48. *Paulus* (libro 35. ad Edictum.)

Quidquid [in] calore iracundiæ vel fit, vel dicitur non prius ratum est, quam si perseverantia apparuit iudicium animi fuisse, ideoque brevi reversa uxor, nec divertisse videtur.

49. *Ulpianus* [libro trigesimo quinto ad Edictum.]

Alterius circumventio alii non præbet actionem.

50. *Paulus* (libro trigesimo nono ad Edictum.)

Culpa caret, qui scit, sed prohibere non potest.

51. *Gaius* (libro quintodecimo ad Edictum Provinciale.)

Non videtur quisquam id capere, quod ei necesse est alii restituere.

3. *Ulpianus* [libro 44. ad Edictum.]

Non defendere videtur, non tantum qui latitat, sed & is qui praesens negat se defendere, aut non vult suscipere actionem.

53. *Paulus* [libro 42. ad Edictum.]

Cujus per errorem dati repetitio est, ejus consulto dati donatio est.

34. *Ulpianus* [libro 46. ad Edictum.]

Nemo plus juris ad alium transferre potest quam ipse haberet.

55. *Gajus* libro secundo de testamentis ad Edictum urbicum.

Nullus videtur dolo facere, qui suo jure utitur.

56. *Idem* libro tertio de legatis ad Edictum urbicum.

Semper in dubiis benigniora praefenda sunt.

57. *Idem* [libro 18. ad Edictum Provinciale.]

Bona fides non patitur, ut bis idem exigatur.

58. *Ulpianus* [libro 2. Disputationum.]

Ex poenalibus causis non solet in patrem de peculio actio dari.

59. *Idem* [libro 3. Disputationum.]

Heredem ejusdem potestatis jurisque esse, cujus fuit defunctus, constet.

60. *Idem* [libro 10. Disputationum.]

Semper qui non prohibet pro se intervenire, mandare creditur. Sed & si quis ratum habuerit, quod gestum est; obstringitur mandati actione.

61. *Idem* (libro 3. *Opinionum*.)

Domum suam reficere unicuique licet, dum non officiat invito alteri, in quod jus non habet.

62. *Julianus* (libro 6. *Digestorum*.)

Hereditas nihil aliud est, quam successio in universum jus quod defunctus habuerit.

63. *Idem* (libro 17. *Digestorum*.)

Qui sine dolo malo ad iudicium provocat, non videtur moram facere.

64. *Idem* (libro 29. *Digestorum*.)

Ea quæ raro accidunt, non temerè (in) agendis negotiis computantur.

65. *Idem* (libro 54. *Digestorum*.)

Ea est natura cavillationis, quam Græci *σάρπη* (i. e. *acervalem syllogismum*) appellant, ut ab evidenter veris per brevissimas mutationes disputatio ad ea, quæ evidenter falsa sunt, perducatur.

66. *Idem* (libro 60. *Digestorum*.)

Marcellus: Definit debitor esse is, qui naturalis est exceptionem justam, nec ab æquitate naturali abhorrentem.

67. *Idem* (libro 87. *Digestorum*.)

Quotiens idem sermo duas sententias exprimit: ea potissimum excipiat, quæ rei gerendæ aptior est.

68. *Paulus* libro singulari de dotis repetitione.

In omnibus causis id observatur, ubi personæ conditio locum facit beneficio, ibi deficiente ea beneficium quoque deficiat. ubi verò genus actionis id desiderat: ibi, ad quemvis persecutio ejus devenerit, non deficiat ratio auxilii.

69. *Idem* [libro singulari de adsignatione libertorum.]

INvito beneficium non datur.

70. *Ulpianus* [libro 1. de officio Proconsulis.]

Nemo potest gladii potestatem sibi datam, vel ejus alterius coercionis, ad alium transferre.

71. *Idem* libro 2. de officio proconsulis.

OMnia, quaecunque causae cognitionem desiderant, per libellum expediri non possunt.

72. *Lavolentus* [libro tertio ex posterioribus Labeonis.]

Fructus rei est vel pignori dare licere.

73. *Quintus Mucius Scaevola* libro singulari *ὁρῶν*.

Quo tutela rediit, eo hereditas pervenit, nisi cum foeminae heredes intercedunt.

1. §. Nemo potest tutorem dare cuiquam, nisi ei quem in suis heredibus, cum moritur habuit, habiturusve esset, si vixisset.

2. §. Vi factum id videtur esse, qua de re quis, cum prohibetur, fecit clam, quod quisque, cum controversiam haberet, habiturumve se putaret, fecit.

3. §. Quae in testamento ita sunt scripta, ut intelligi non possint: perinde sunt, ac si scripta non essent.

4. §. Nec paciscendo, nec legem dicendo, nec stipulando quisquam alteri cedere potest.

74. *Papinianus* (libro 1. Quaestionum.)

Non debet alteri per alterum iniqua conditio inferri.

75. *Idem* (libro 3. Quæstionum.)

Nemo potest mutare consilium suum, in al-
terius injuriam.

76. *Idem* (libro 4. Quæstionum.)

In totum omnia, quæ animi destinatione a-
genda sunt, non nisi vera & certa scientia
perfecti possunt.

77. *Idem* [libro vigesimo octavo Quæ-
stionum.]

Actus legitimi, qui recipiunt diem, vel con-
ditionem, veluti mancipatio, acceptilatio,
hereditatis aditio, servi optio, datio tutoris,
in totum vitiantur per temporis vel condi-
tionis adjunctionem, nonnunquam tamen a-
ctus suprascripti tacite recipiunt, quæ aperte
comprehensa vitium adferunt, nam si acce-
ptum feratur ei, qui sub conditione promisit,
ita demum egisse aliquid acceptilatio intel-
ligitur, si obligationis conditio extiterit,
quæ si verbis nominatim acceptilationis com-
prehendatur, nullius momenti faciet actum.

78. *Idem* (libro 11. Quæstionum.)

Generaliter, cum de fraude dicitur putatur, non
quid habeat actor, sed quid per adversa-
rium habere non potuerit, considerandum
est.

79. *Idem* (libro 12. Quæstionum.)

Fraudis interpretatio semper in jure civili
non ex eventu duntaxat, sed ex consilio
quoque desideratur.

80. *Idem* [libro 13. Quæstionum.]

In toto jure, generi per speciem derogatur
& illud potissimum habetur, quod ad spe-
ciem directum est.

81. *Idem* (libro 2. Responsorum.)

Quæ dubitationis tollendæ causa contrariis inferuntur, jus commune non laudant.

82. *Idem* (libro 9. Responsorum.)

Donari videtur, quod nullo jure cogente conceditur.

83. *Idem* (libro 2. Definitionum.)

Non videntur rem amittere, quibus propria non fuit.

84. *Idem* (libro 3. Quæstionum.)

Cum amplius solutum est, quam debebatur, cujus pars non invenitur, quæ repeti possit: totum esse indebitum intelligitur, manente pristina obligatione.

1. §. Is natura debet, quem jure gentium dare oportet, ejus fidem secuti sumus.

85. *Idem* (libro 6. Quæstionum.)

In ambiguis pro dotibus respondere melius est.

1. §. Non est novum, ut, quæ semel utiliter constituta sunt, durent, licet ille casus exstiterit, à quo initium capere non potuerunt.

2. §. Quotiens æquitas desiderii, naturalis ratio aut dubitatio juris moratur: justis decretis temperanda est.

86. *Idem* (libro 7. Quæstionum.)

Non solet deterior conditio fieri eorum, qui litem contestati sunt, quam si non: sed plerumque melior.

87. *Idem* (libro 13. Quæstionum.)

Nemo enim in persequendo deteriore causam sed meliorem facit. Denique post litem contestatam heredi quoque prospicere.

cur, & heres tenetur ex omnibus causis.

88. *Scævola* (libro 5. *Quæstionum*.)

Nulla intelligitur mora ibi fieri, ubi nulla petitio est.

89. *Paulus* (libro 10. *Quæstionum*.)

Quamdiu possit valere testamentum, tamē diu legitimus non admittitur.

90. *Idem* (libro 15. *Quæstionum*.)

In omnibus quidem, maximè tamen in jure, æquitas spectanda sit.

91. *Idem* (libro decimo septimo *Quæstionum*.)

Quotiens duplici jure deferatur alicui successio: reputato novo jure, quod antè deferatur, supererit vetus.

92. *Scævola* (libro 5. *Responsorum*.)

Si librarius in transcribendis stipulationis verbis errasset: nihil nocere, quo minus & reus, & fidejussor teneatur.

93. *Mæcianus* (libro 1. *Fideicommissorum*.)

Filius familias neque retinere, neque recuperare, neque adipisci possessionem rei peculiaris videtur.

94. *Ulpianus* (libro 2. *Fideicommissorum*.)

Non solent, quæ abundant, vitare scripturas.

95. *Idem* (libro 6. *Fideicommissorum*.)

Nemo dubitat, solvendo videri eum, qui defenditur.

96. *Mæcianus* (libro 12. *Fideicommissorum*.)

In ambiguis orationibus maximè sententia spectanda (est) ejus, qui eas protulisset.

97. *Hermogenianus* [libro 3. Juris Epitomarum.]

EA sola deportationis sententia aufert, quæ ad fiscum perveniunt.

98. *Idem* [libro 4. Juris Epitomarum.]

Quotiens utriusque causa lucri ratio vertitur, is præferendus est, cujus in lucrum causa tempore præcedit.

99. *Venerius* [libro 1. Stipulationum.]

Non potest improbus videri, qui ignorat, quantum solvere debeat.

100. *Gaius* [libro 1. A. singularium.]

Omnia, quæ jure contrahuntur, consensu jure percutiunt.

101. *Paulus* [libro singulari de Cognitionib.]

Ubi lex duorum mensium fecit mentionem, & qui sexagesimo & primo die venerit, audiendus est, ita enim & Imperator Antonius cum Divo patre suo rescripsit.

102. *Ulpianus* [libro 1. ad Edictum.]

Qui veritate prætoris fecit, hic adversus edictum fecisse proprie dicitur.

103. *Idem*. Eius est actionem denegare, qui possit & dare;

104. *Paulus* [libro 1. ad Edictum.]

Nemo de domo sua extrahi debet.

105. *Ulpianus* [libro 2. ad Edictum.]

Si in duabus actionibus alibi summa major, alibi infamia est, præponenda est causa existimationis. Ubi autem æquiparant famosa judicia, & si summam imparem habeant, pro paribus accipienda sunt.

105. *Paulus* (libro 2. ad Edictum.)

Ubicunque causa cognitio est, ibi praetor desideratur.

106. *Idem* [libro 2. ad Edictum.]

Libertas inestimabilis res est.

107. *Gajus* [libro 1. ad Edictum Provinciale.]

Cum servo nulla actio est.

108. *Paulus* [libro 4. ad Edictum.]

Ferè in omnibus poenalibus judiciis, & aetati, & imprudentiae succurritur.

109. *Idem* [libro 5. ad Edictum.]

Nullum crimen patitur is, qui non prohibet cum prohibere (non potest).

110. *Idem* (libro 6. ad Edictum.)

In eo, quod plus sit, semper inest & minus.

1. §. Nemo alienae rei ex promissor idoneus videtur, nisi sic cum satisfactione.

2. §. Pupillus pati posse non intelligitur.

3. §. Ubi verba conjuncta non sunt: sufficit alterutrum esse factum.

4. §. Mulieribus tunc succurrendum est, cum defendantur, non ut facilius calumniemur.

111. *Gajus* [libro 2. ad Edictum Provinciale.]

Pupillum, qui proximus pubertati sit, capax esse & furandi, & injuriae faciendae.

1. §. In heredem non solent actiones transferre, quae poenales sunt ex maleficio: veluti furti, damni, injuriae, vi bonorum raptorum, injuriarum.

112. *Paulus* (libro 8. ad Edictum.)

Nihil interest, ipso jure quis actionem non habeat, an per exceptionem infirmetur.

113. *Gajus* (libro 3. ad Edictum Provinciale.)

In toto & pars continetur.

114. *Paulus* (libro 9. ad Edictum.)

In obscuris inspicere solet, quod verisimilius est, aut quod plerumque fieri solet.

115. *Idem* (libro 10. ad Edictum.)

Si quis obligatione liberatus sit, potest videri cepisse.

1. §. Non potest videri accepisse, qui stipulatus potest exceptione summoverti.

116. *Ulpianus* (libro 11. ad Edictum.)

Nihil consensui tam contrarium est, qui & bonæ fidei judicia sustinet, quàm vis atque merus: quem comprobare, contra bonos mores est.

1. §. Non capitur, qui jus publicum sequitur.

2. §. Non videntur, qui errant, consentire.

117. *Paulus* (libro 11. ad Edictum.)

Prætor bonorum possessorem heredis loco in omni causa habet.

118. *Ulpianus* (libro 12. ad Edictum.)

Qui in servitute est, usucapere non potest: nam cum possideatur, possidere non videtur.

119. *Idem* (libro 15. ad Edictum.)

Non alienat, qui duntaxat omittit possessionem.

120. *Paulus* libro 12. ad Edictum.

Nemo plus commodi heredi suo relinquit, quam ipse habuit.

121. *Idem* libro 13. (ad Edictum.)

Qui non facit, quod facere debet: videtur facere adversus ea, quia non facit. Et qui facit, quod facere non debet: non videtur facere id, quod facere iussus est.

122. *Gajus* (libro 5. ad Edictum Provinciale.)

Libertas omnibus rebus favorabilior est.

123. *Ulpianus*. (libro 14. ad Edictum.)

Nemo alieno nomine lege agere potest.

1. *¶* Temporaria permutatio ius provinciae non invocat.

124. *Paulus* (libro 16. ad Edictum.)

Ubi non voce, sed praesentia opus est: mutus, si intellectum habet, potest videri respondere. Idem in surdo, hic quidem (&) respondere potest.

1. *¶* Furiosus absentis loco est & ita Pomponius libro primo Epistolarum scribit.

115. *Gajus* (libro 5. ad Edictum Provinciale.)

Favorabiliores rei potius, quam actores habentur.

126. *Ulpianus* (libro 15. ad Edictum.)

Nemo praeo est, qui pretium numeravit.

1. *¶* Locupletior non est factus, qui libertum adquisierit.

2. *¶* Cum de lucro duorum quaeratur: melior est causa possidentis.

127. *Paulus* (libro 20. ad Edictum.)

Cum praetor in heredem dat actionem, quatuor ad eum pervenit sufficit, si vel momento ad eum pervenit ex dolo defuncti.

128. *Idem* libro 19. (ad Edictum.)

IN pari causa possessor potior haberi debet.

1. § Hi. qui in universum jus succedunt, heredis loco habentur.

129. *Idem* libro 31. (ad Edictum.)

Nihil dolo creditor facit, qui suum recipit.

1. § Cum principalis causa non consistit, nec ea quidem, quæ sequuntur, locum habent.

130. *Ulpianus*. (libro 18. ad Edictum.)

Nunquam actiones, præsertim poenales, de eadem re concurrentes, alia aliam consumit.

131. *Paulus* (libro 22. ad Edictum.)

Qui dolo defuerit possidere, pro possidente damnatur: quia pro possessione dolo est.

132. *Gaius* (libro 7. ad Edictum Provinciale.)

Impedita culpæ adnumeratur.

133. *Gaius* (libro 8. ad Edictum Provinciale.)

Melior conditio nostra per servos fieri potest; deterior fieri non potest.

134. *Ulpianus* (libro 21. ad Edictum.)

Non fraudantur creditores, cum quid non acquiritur à debitore: sed cum quid de bonis deminuitur.

1. § Nemo ex suo delicto meliorem suam conditionem facere potest.

135. *Idem* (libro 23. ad Edictum.)

EA, quæ dari impossibiles sunt, vel quæ in rerum natura non sunt, pro non adjectis habentur.

136. *Paulus* (libro 28. ad Edictum.)

Bona fides tantundem possidenti præstat, quantum veritas, quotiens lex impedimento non est.

137. *Ulpianus* (libro 25. ad Edictum.)

Qui auctore iudice comparavit, bonæ fidei possessor est.

138. *Paulus* (libro 27. ad Edictum.)

Omnis hereditas, quamvis postea adeatur, tamen cum tempore mortis continuatur.

1. § Nunquam crescit ex postfacto præteriti delicti estimatio.

139. *Gaius* (libro ad Edictum prætoris urbani.)

Omnes actiones, quæ morte, aut tempore pereunt, semel inclusæ iudicio, salvæ permanent.

1. § Non videtur perfectè cuiusque id esse, quod ex causa auferri potest.

140. *Ulpianus* (libro 56. ad Edictum.)

Ab sententia eius, qui reipublicæ causa abest, neque ei, neque alij damnum esse debet.

141. *Paulus* (libro quinquagesimo quarto ad Edictum.)

Quod contra rationem juris receptum est, non est producendum ad consequentia.

1. § Vni duo pro solido heredes esse non possunt.

142. *Idem* (libro 56. ad Edictum.)

Qui tacet, non utique fatetur: sed tamen verum est, cum non negare.

143. *Ulpianus* (libro 62. ad Edictum.)

QUod ipsis, qui contraxerunt, obstat, & successoribus eorum obstat.

144. *Paulus* (libro 62. ad Edictum.)

Non omne, quod licet, honestum est.

i. §. In stipulationibus id tempus spectatur, quo contrahimus.

145. *Ulpianus* (libro 66. ad Edictum.)

Nemo videtur fraudare eos, qui sciunt, & consentiunt.

146. *Paulus* (libro 62. ad Edictum.)

QUod quis dum servus est, egi: proficere libero facto non potest.

147. *Gaius* (libro vigesimo quarto ad Edictum Provinciale.)

Semper specialia generalibus insunt.

148. *Paulus* (libro 16. brevis Edicti.)

Cujus effectus omnibus prodest, ejus & partes ad omnes pertinent.

149. *Ulpianus* (libro 67. ad Edictum.)

EX qua persona quis lucrum capit, ejus factum prestare debet.

150. *Idem* (libro 68. ad Edictum.)

Partem esse conditionem oportet ejus, qui quid possideat, vel habeat, atque ejus, cujus dolo malo factum sit, quo minus possideret, vel haberet.

151. *Paulus* (libro 64. ad Edictum.)

Nemo damnum facit, nisi qui id fecit, quod facere jus non habet.

152. *Ulpianus* (libro 69. ad Edictum.)

Hoc jure utimur: ut, quidquid omnino per vim fiat, aut in vis publicæ, aut (in vis)

aut crimen incidat.

1. §. De jicit, & qui mandat.

2. §. In maleficio ratihabitio mandato comparatur.

3. §. In contractibus, quibus doli præstatio vel bona fides inest, heres in solidum tenetur.

153. *Paulus* (libro sexagesimo quinto ad Edictum.)

FERÈ è quibuscunque modis obligamur: iisdem in contrarium actis liberamur: cum quibus modis adquirimus, iisdem in contrarium actis amittimus. Ut igitur nulla possessio adquiri, nisi animo & corpore, potest: ita nulla amittitur, nisi in qua utrumque in contrarium actum fit.

154. *Ulpianus* (libro septuagesimo ad Edictum.)

CUM par delictum est duorum, semper oneratur petitor, & melior habetur possessoris causa: sicuti fit, cum de dolo excipitur petitoris; neque enim datur talis replicatio petitori. Aut si rei quoque in ea re dolo actum fit.

1. §. Illi debet permitti poenam petere, qui in ipsam non incidit.

155. *Paulus* (libro sexagesimo quinto ad Edictum.)

FACTUM cuique suum, non adversario nocere debet.

1. §. Non videtur vim facere, qui jure suo utitur, & ordinaria actione experitur.

2. §. In poenalibus causis benignius interpretandum fit.

156. *Ulpianus* (libro septuagesimo ad Edictum.)

NONUS nemo (rem) cogitur defendere.

1. §. Cui damus actiones, eidem ex-

ceptionem competere multo magis quis dixerit.

2. § Cum quis in alius locum successerit: non est æquum ei nocere hoc, quod adversus eum nocuit, in cuius locum successit.

3. § Plerumque emptoris eadem causa esse debet circa petendum ac defendendum, quæ fuit actoris.

4. § Quod cuique (pro eo) præstatur, invito non tribuitur.

157. *Idem* (libro septuagesimo primo ad Edictum.)

AD ea, quæ non habent atrocitatem facinoris vel sceleris, ignoscitur servis; si vel dominis, vel his, qui vice dominorum sunt, (veluti tutoribus, & curatoribus) obtemperaverint.

1. § Semper, qui dolo fecit, quominus haberet, pro eo habendus est, ac si haberet.

2. § In contractibus successoribus ex dolo eorum, (quibus) successerunt, non tantum in id quod petunt, verum etiam in solidum tenentur: hoc est, unusquisque pro ea parte, quæ heres est.

158. *Gaius* libro vigesimo sexto ad Edictum Provinciale.

CReditor, qui permittit rem venire, pignus dimittit.

159. *Paulus* (libro septuagesimo ad Edictum.)

Non ut ex pluribus causis deberi nobis idem potest, ita ex pluribus causis idem possit nostrum esse.

160. *Ulpianus* (libro septuagesimo sexto
ad Edictum.)

Aliud est vendere, aliud vendenti consen-
tire.

1. ¶ Refertur ad universos, quod publicè
fit per maiorem partem.

2. ¶ Absurdum est plus juris habere (cum.)
cui legatus sit fundus, quam heredem, aut
ipsum testatorem, si viveret.

161. *Idem* (libro septuagesimo septimo
ad Edictum.)

In jure civili receptum est, quotiens per
eum, cujus interest conditionem non im-
pleri, fiat, quo minus impleatur, perinde ha-
beri, ac si impleta conditio fuisset, quod ad
libertatem, & legata, & ad heredum institu-
tiones perducitur, quibus exemplis stipula-
tiones quoque committuntur, cum per pro-
missorem factum esset, quo minus stipulator
conditioni pareret.

162. *Paulus* (libro septuagesimo
ad Edictum.)

Quia propter necessitatem recepta sunt,
non debent in argumentum trahi.

163. *Ulpianus* (libro quinquagesimo
primo ad Edictum.)

Cujus est de iudi: eidem & vendendi, &
concedendi ius est.

164. *Paulus* (libro quinquagesimo
primo ad Edictum.)

Poenalia iudicia semel accepta, in heredes
transmitti possunt.

165. *Ulpianus* (libro quinquagesimo tertio ad Edictum.)

Cum quis possit alienare, poterit & consentire alienationi. Cui autem donare non conceditur, probandum erit, nec si donationis causa, consenserit, ratam ejus voluntatem habendam.

166. *Paulus* (libro quadragesimo octavo ad Edictum.)

Qui rem alienam defendit, nunquam locuples habetur.

167. *Idem* (libro quadragesimo nono ad Edictum.)

Non videntur data, quæ eo tempore, quo dantur, accipientis non sunt.

1. §. Qui jussu judicis aliquid facit, non videtur dolo malo facere, qui parere necesse habet.

168. *Idem* (libro ad Plautium.)

Rapienda occasio est, quæ præbet benignius responsum.

1. §. Quod factum est, cum in obliquo sit, ex affectione cujusque capit interpretationem.

169. *Idem* libro secundo ad Plautium.

Is damnum dat, qui jubet dare: ejus vero nulla culpa est, cui parere necesse sit.

1. §. Quod pendet non est pro eo quasi sit.

170. *Idem* libro 4. ad Plautium.

Factum à judice, quod ad officium ejus non pertinet, ratum non est.

171. *Idem* libro quarto ad Plautium.

Nemo ideo obligatur, quia recepturus est ab alio, quod præstiterit.

172. *Idem* (libro quinto ad Plautium.)

In contrahenda venditione ambiguum par-
tum contra venditorem interpretandum
est.

1. §. Ambigua autem intentio ita acci-
pienda est, ut res salva auctori sit.

173. *Idem* libro sexto ad Plautium.

In condemnatione personarum, quæ in id
quod facere possunt damnantur, non to-
tum quod habent, extorquendum est, sed &
ipsarum ratio habenda est, ne egeant.

1. §. Cum & verbum *Restituas* lege inve-
nitur, et si non specialiter de fructibus addi-
tum est, tamen etiam fructus sunt restituen-
di.

2. §. Vnicuique sua mora necet, quod & in
duobus reis promittendi observatur.

3. §. Dolo facit, qui petit, quod redditu-
rus est.

174. *Idem* (libro octavo ad Plautium.)

Qui potest facere, ut possit conditioni pare-
re: jam posse videtur.

1. §. Quod quis, si velit, habere non po-
test: id repudiare non potest.

175. *Idem* (libro undecimo ad Plautium.)

In his, quæ officium per liberas fieri perso-
nas leges desiderant, servus intervenire
non potest.

1. §. Non debeo melioris conditionis esse,
quam auctor meus, à quo jus in me transit.

176. *Idem* (libro 13. ad Plautium.)

Non est singulis concedendum, quod per
magistratum publicè possit fieri, ne occa-
sio sit majoris tumultus faciendi.

1. §. Infinita æstimatio est libertatis, & ne-
cessitudinis.

177. *Idem* (libro 4. ad Plautium.)

Qui in jus vel dominium alterius succedit,
jure ejus uti debet.

1. § Nemo videtur dolo exsequi, qui igno-
rat causam, cur non debeat petere.

178. *Idem* (libro quintodecimo ad
Plautium.)

Cum principalis causa non consistat, ple-
rumque ne ea quidem, quæ sequuntur, lo-
cum habent.

179. *Idem* (libro sextodecimo
ad Plautium.)

In obscura voluntate manumittentis faven-
dum est libertati.

180. *Idem* (libro septimodecimo
ad Plautium.)

Quod iussa alterius solvitur: pro eo est,
quasi ipsi solutum esset.

181. *Idem* (libro 1. ad Vitellium.)

Si nemo subiit hereditatem, omnis vis te-
stamenti solvitur.

182. *Idem* (libro tertio ad Vitellium.)

Quod nullius esse potest, id ut alicujus fie-
ret, nulla obligatio valet efficere.

183. *Marcellus* (libro tertio Dige-
storum.)

Et si nihil facile mutandum est ex solenni-
bus: tamen, ubi æquitas evidens poscit,
subveniendum est.

184. *Celsus* (libro septimo
Digestorum.)

Vani timoris iusta excusatio non est.

185. *Idem* (libro octavo Di-
gestorum.)

Impossibile nulla obligatio est.

186. *Idem* (libro 12. Digestorum.)

Nihil peti potest ante id tempus, quo per rerum naturam persolvi possit. Et cum solvendi tempus obligationi additur : nisi eo præterito peti non potest.

187. *Idem* (libro 16. Digestorum.)

Si quis prægnantem uxorem reliquit, non videtur sine liberis decessisse.

188. *Idem* (libro septimodecimo Digestorum.)

Ubi pugnancia inter se in testamento juberentur, neutrum ratum est.

189. *Idem* (libro decimo tertio Digestorum.)

Pupillus nec velle, nec nolle in castitate, nisi apposita tutoris auctoritate, creditur: nam quod animi judicio fit, in eo tutoris auctoritas necessaria.

190. *Idem* (libro vigesimo quarto Digestorum.)

Quod evincitur, in bonis non est.

191. *Idem* (libro trigesimo tertio Digestorum.)

Neratius consultus, in, quod beneficium dare se quasi viventi Cæsar rescripserat, jam defuncto dedisse existimaretur: respondit, non videri sibi principem, quod ei, quem vivere existimabat, concessisset, defuncto concessisse, quem tamen modum esse beneficii sui vellet, ipsius æstimationem esse.

192. *Marcellus* (libro vigesimo nono Digestorum.)

Ea, quæ in partes dividi non possunt, solidæ à singulis heredibus debentur.

I. *¶* In re dubia benigniorem interpreta-
tionem sequi, non minus justius est, quam tu-
lius.

193. *Celsus* (libro trigesimo octavo
Digestorum.)

OMnia ferè jura heredum perinde habentur,
ac si continuò sub tempus mortis heredes
exstitissent.

194. *Modestinus* (libro sexto Diffe-
rentiarum.)

Qui per successionem quamvis longissimam
defuncto heredes constiterunt, non mi-
nus heredes intelliguntur, quam qui princi-
paliter heredes existunt.

195. *Idem* (libro septimo Differentia-
rum.)

Expressa nocent, non expressa non no-
cent.

196. *Idem* (libro octavo Regularum.)

Privilegia quædam causæ sunt, quæcum per-
sonæ, & ideo quædam ad heredem trans-
mittuntur, quæ causæ sunt: quæ personæ sunt,
ad heredem non transeunt.

197. *Idem* (libro singulari de Ritu
Nuptiarum.)

Semper in conjunctionibus non solum quid
liceat, considerandum est: sed & quid ho-
nestum sit.

198. *Lavolentus* (libro tertiodecimo
ex Cassio.)

Neque in interdicto neque in cæteris causis
pupillo nocere oportet dolum tutoris, si-
ve solvendo est siue non est.

199. *Idem* libro sexto Epistolarum.

Non potest dolo carere, qui imperio magi-
stratus non paruit,

200. *Idem* libro septimo Epistolarum.

Quotiens nihil sine captione investigari potest: eligendum est, quod minimum habeat iniquitatis.

201. *Idem* (libro decimo Epistolarum.)

Omnia, quæ ex testamento proficiscuntur, ita statum eventus capiunt, si initium quoque sine vitio ceperint.

203. *Idem* (libro decimo Epistolarum.)

Omnis definitio in jure civili periculosa est: parum est enim, ut non subverti possit.

203. *Pomponius* (libro 8. ad Quintum Mucium.)

Quod quis ex culpa sua damnum sentit: non intelligitur damnum sentire.

204. *Idem* (libro 28. ad Quintum Mucium.)

Minus est actionem habere, quam rem.

205. *Idem* (libro 39. ad Quintum Mucium.)

Plerumque fit, ut etiam ea, quæ nobis abire possint, proinde in eo statu sint, atque si non essent ejus conditionis, ut abire possent. & ideo, quod fisco obligamus, & vindicari interdum, & alienare, & servitutem (in) prædio imponere possumus.

206. *Idem* (libro nono ex Variis lectionibus.)

Iure naturæ æquum est, neminem cum alterius detrimento & injuria fieri locupletari.

et c.

207. *Ulpianus* libro 1. ad legem
Juliam & Papiam.

Res judicata pro veritate accipitur.

208. *Paulus* (libro tertio ad legem
Juliam & Papiam.)

Non potest videri defuisse habere, qui nun-
quam habuit.

209. *Ulpianus* (libro quarto ad legem
Juliam & Papiam.)

Servitutem mortalitati ferè compara-
mus.

210. *Lucius Rufinus* (libro secundo
Regularum.)

Quæ ab initio inutilis fuit institutio, ex
postfacto conualescere non potest.

211. *Paulus* (libro quinquagesimo
nono ad Edictum.)

Servus reipublicæ causa abesse non po-
test.

F I N I S

I N D E X TITULORUM S E U

Rubricarum quatuor librorum INSTITUTIONUM JUSTINIANI.

*In quo numerus prior librorum, alter Titulorum, pre-
missus verò paginarum hujus edi-
tionis demonstratur.*

A.

de **A**cquisitione per adrogationem. 3. 11. 177
Actionibus. 4. 6. 257

Ademptione legatorum & translatione. 2. 21.
256.

Adoptionibus. 1. 11. 24

Adsignatione libertorum. 3. 9. 168

Attiliano tutore & eo qui ex lege Julia &
Titia dabatur. 5. 20. 57

Auctoritate tutorum & curatorum. 2. 21. 39

B.

Bonorum Possessionibus. 3. 10. 169

C.

de **C**apitis deminutione. 2. 16. 54

Codicillis. 2. 25. 138

Curatoribus. 3. 25. 138

4. 23. 41

D.

de Divisione stipulationum.	3.19.186
Donationibus.	2.7.75
Duobus reis stipulandi & promittendi.	3.16.184.

E.

de Emptione & venditione.	3.24.196
Eo, cui libertatis causa bona addicuntur.	3.13.175.
Exceptionibus.	4.13.265
Excusationibus tutorum vel curatorum.	3.25.44.
Exheredatione liberorum.	2.13.94

F.

de Fideicommissariis hereditatibus & ad S.	
C, Trebellianum.	2.23.129
Fidejussoribus.	3.21.199
Fiduciaria tutela.	1.19.37

G.

de Gradibus cognationum.	3.6.159
--------------------------	---------

H.

de Heredibus instituendis.	2.14.98
Hereditatibus quæ ab intestato deferuntur.	3.1.140.
Heredum qualitate & differentia.	2.19.111
His qui sui vel alieni juris sunt.	1.8.17.

I.

de Ingenuis.	1.4.12
Injuriis.	4.4.130.
	Inoffi.

Index Titulorum.

Inofficioso testamento.	2.18.109
Interdictis.	4.15.270
Inutilibus stipulationibus.	3.10.187
Is per quos agere possumus.	4.10.260
Iure naturali, gentium & civili.	1.6.7
Iure personarum.	1.3.11
Iustitia & iure.	1.1.6

L.

de Legatis.	2.20.115
Lege Aquilia.	4.4.227
Lege Falcidia.	2.22.129
Lege Fusia Caninia tollenda.	1.7.17
Legitima agnatorum successione.	3.2.149
Legitima agnatorum tutela.	1.15.33
Legitima parentum tutela.	1.18.36
Legitima patronorum tutela.	1.17.36
Libertinis.	1.5.12
Literarum obligationibus.	3.22.195
Locatione & conductione.	3.25.200

M.

de Mandato.	3.27.206
Militari testamento.	2.11.89

N.

de Noxalibus actionibus.	4.8.157
Nuptiis.	1.10.19

O.

de Obligationibus.	3.14.178
Obligationibus ex consensu.	3.23.196
Obligationibus quæ quasi ex contractu nascuntur.	3.28.109
Obligationibus quæ ex delicto nascuntur.	4.1.217

Obli

Index Titulorum.

Obligationibus quasi ex delicto. 4.5.236
Officio judicis. 4.17.277

P.

de Patria potestate 1.5.19

Perpetuis & temporalibus actionibus. 4.12.
264.

Per quas personas cuique acquiritur. 2.9.81

Per quas personas nobis obligatio adquiri-
tur. 3.29.221

Pœna temerè litigantium. 4.16.175

Publicis judiciis. 4.18.280

Pupillari substitutione. 2.10.103

Q.

Quibus alienare licet vel non. 2.8.78

Quibus ex causis manumittere non licet. 1.
9.14.

Quibus modis ius patriæ potestatis solvitur.
1.12.27.

Quibus modis re contrahitur obligatio. 3.35.
179.

Quibus modis testamenta infirmantur. 2.17.
106.

Quibus modis tollitur obligatio. 3.30.213

Quibus modis tutela finitur. 1.22.140

Quibus non est permittum facere testamen-
tum. 2.12.91

Qui testamento tutores dari possunt. 1.14.35

Quod cum eo, qui in aliena potestate est, ar-
gotium gestum esse dicitur. 4.7.251

Index Titulorum.

R.

de Rebus corporalibus & incorporalibus. 2.

2. 65.

Replicationibus.

4. 14. 269

**Rerum divisione & adquirendo ipsarum do-
minio.**

2. 1. 11

S.

de Satisfactione tutorum vel curatorum. 3.

24. 43.

Satisfactionibus.

4. 11. 261

Senatusconsulto Orphitiano.

3. 4. 157

Senatusconsulto Tertulliano.

3. 3. 154

Servili cognatione.

3. 7. 162

Servitutibus prædiorum.

2. 7. 66

Singulis rebus per fideicommissum relictis. 2.

24. 136.

Si quadrupes pauperiem fecisse dicatur. 4.

2. 259.

Societate.

3. 26. 203

Stipulatione fervorum.

3. 18. 185

Succeffione Cognatorum.

3. 3. 153

Succeffione libertorum.

3. 8. 154

**Succeffionibus sublatis, quæ fiebant per bo-
norum venditiones, & ex Senatusconsulto
Claudio.**

3. 15. 177

Suspectis tutoribus vel curatoribus. 1.

36. 48

T.

de Testamentis ordinandis.

2. 10. 35

Testamento militari.

2. 11. 39

Tutelis.

1. 17. 1

de

Index Titulorum.

de Verborum obligationibus.	3.16.181
Vibonorum raptorum.	4.2.226
Vfucapionibus & longi temporis præscrip- tionibus.	2.6.71
Vfu & habitatione.	2.5.69
Vfufuctu.	2.4.67
Vulgari fubftitutione.	2.15.102

De verborum fignificatione.	234
De regulis juris.	326

F I N I S.



VERBORUM COLLECTIO

juxta ordinem Alphabeti.

ex Tit. Digestor.

De Verborum significatione,

Per P. C. B.

A	Besse l. 13. § 1. & ult. l. 14. in pr. l. 173. § 1 l. 199	
Abrogare.		l. 202
Absens.		173. § 1. l. 199
Accidere.		l. 162. §. fin.
Accipere.		l. 78
Ἀκρόσπουα.		l. 236. §. fin.
Acta.		l. 58
Actionis verbo.	l. 3. §. 13. l. 34. 178. §. 2	
Actu.		l. 225. in fin.
Adulter.		l. 325
Adulterium.		l. 108
Advena.		l. 293. §. 4
Ædes uti optimæ maximæ		l. 90
Ædificia urbana, rustica.		l. 211
Ædificii ap.		l. 242. §. 2
Ædium appellatio.	l. 311, l. 242, § fin. 245	
Æris appell.		l. 159
Æs alienum.		l. 213. §. 1
Æs suum.		l. 213. §. 1
Affectus animi.		l. 225
Ager.	l. 270 115. §. 2. l. 211	
		Ager

Agere.	1. 19
Agi.	1. 235
Alcator.	1. 215
Alienationis verbo.	1. 28
Alienatum.	1. 67
Aliquorum.	1. 96. § fin.
Ambiguè loquens.	1. 185
Amici.	1. 225. § 1
Amittere.	1. 14. § fin.
Amphora.	1. 206
Amplius.	1. 270. § 1
Angiportum.	1. 59 in fin.
Anniculus.	1. 123. 134
Annulus signatorius.	1. 74. in fin.
Annus civilis.	1. 234
Ante & post.	1. 132
Αποικία.	1. 239. § 1
Apostoli.	1. 106
Απόστασμα.	1. 5. § fin.
Apud te.	1. 67
Arbitratu fieri.	1. 68
Area.	1. 211
Arma.	1. 42
Armentorum ap.	1. 89. in pr.
Artemon.	1. 342
Adsignare libertum.	1. 107
Attestari.	1. 39
Aut.	1. 116

Βίλθ.	1. 230. § fin.
Bisextilis annus.	1. 98. in pr.
Bona.	1. 24. 19. § 2. 1. 83. 162
Bona civitatis.	1. 19
Bona hereditatis.	1. 198
	Bona

SIGNIFICATIONE.

Bonis quid proprium,	l. 182
Bonorum appell.	l. 49. 208
Bonorum possessio,	l. 319. 128
Boves.	l. 89

C æpisse.	l. 140
Cætera & cæterorum.	l. 44. 260
Calumniari.	l. 233. in pr.
Capere.	l. 71. in pr.
Capitalis.	l. 108
Carbonum appell.	l. 167
Cavillatio.	l. 177. 233. in pr.
Cautum.	l. 188. § fin.
Cedere diem.	l. 213. in pr.
Censere.	l. 111
Censor.	Ibid.
Centum in funus constitutis.	l. 202
Civitates.	l. 16
Cognoscere.	l. 50. in pr.
Collegarum appell.	l. 173. in pr.
Collegium.	l. 85
Commendare.	l. 186
Commodum cum erit.	l. 125
Commune.	l. 230. in fin.
Concedere bona.	l. 21
Conjuncta pro disjunctis.	l. 29 58
Conjunctio.	l. 142
Continentes provincie.	l. 9. § 9
Contractus.	l. 19. § 2
Contrahere.	l. 19. 20
Contubernales.	l. 184
Coram facere.	l. 209
Creditor temporalis.	l. 10. 11. 12. 55
Conditionalis.	l. 54. 55
	Culpa

INDEX DE VERBORVM.

Culpa. l. 220. lata l. 213. §. fin. magn21.

226

Cum fari poterit. 1.217

Cum commodum erit. 1.225

Cum potuero dabo. ibid.

Custodia verbo. 1.224

Deducto ære alieno. 1.39. §. 1. l. 165

Debere. 1.178. §. fin.

Debitor. 1.208

Decurio unde. 1.539. §. 5

Dedisse. l. 1. in pr. l. 76

Delata hereditas. 1.151

Derogare. 1.102

Deterius jus fundi factum non esse. 1.126

Detestari. 1.39. §. 3

Detestatio. 1.40

Detestatum. 1.238. §. 1

Diei pars major. 1.2. §. 1

Demissoria literæ. 1.106

Disjunctum. 1.53. in pr. l. 24

Dispungere. 1.56. in pr.

Divortium. 1.501. §. 1. l. 191

Dolia. 1.106

Dolus. 1.226. malus 1.69

Dominus ubi cujusque. 1.302. in pr.

Donatio. 1.55. in pr. l. 67. §. fin.

Donum. L. 194. 214

EDere ratione. 1.89. §. 2

Emancipatus. 1.195

Empior bonæ fidei. 1.109

Erio. 1.205

Erit. 1.123

ER. ibid.

Exa

SIGNIFICATIONE.

Exacta pecunia.	l. 183
Excisus.	l. 148
Exhibere.	l. 22. 246. in pr.
Ex Legibus.	l. 6. § fin.

Fabri ignarii; tignarii & lignarii. l. 238
fin.

Facere.	l. 218
Facere oportere l. 119. ad Faces paratum.	l. 167
Faciendi verbo.	l. 178
Familiz ap.	l. 4. § fin. 95. 196
Familia urbana, rustica.	l. 266. in pr.
Falsum.	l. 227
Ferri.	l. 235 in pr.
Filiarum appellatio.	l. 264 in pr.
Filius excisus.	l. 248
Filii appellatio.	l. 24. 201. 220. § fin.
Filii Filiusve	l. 123
Filio filiisque.	l. 123
Filium habere.	l. 148
Finita.	l. 229. 230
Fraus.	l. 151. in pr.
Fruges.	l. 77
Frumentum	ibid.
Frustrari.	l. 239. in pr.
Fugitivus.	l. 216
Fundus.	l. 60. in pr. & fin. 115. 213
Fur.	l. 225
Furem non esse.	l. 174
Furto noxaeque solutum.	ibid.

Generi appell. l. 136
Gerere. l. 19. 20
Gestum. l. 16 in fin. l. 53. in pr.

Gaudere

INDEX DE VERBORUM

Caudia appellatione. l. 236. §. fin.

Gens caduca. l. 30. §. 4

HAbere. l. 143. 164. §. fin. l. 188. §. 3

Habere filium. l. 142

Heredem esse oponere. l. 227. in pr.

Heredis appell. l. 65. 170

Hereditatis appell. l. 3. §. l. 24. 129. 138. 278.

§ 1

Hereditas legitima, testamentaria. l. 130

delata. l. 131

Hominis appellatio. l. 152

Hostes. l. 118. 234. in pr.

Ille aut ille. l. 324

Impensa necessaria, utiles, voluptaria. l. 79

Immissum. l. 242. §. 1

Immunitas. l. 18

Incertus possessor. l. 39. §. fin.

Incola. l. 239. §. 2

Indicare reum. l. 197

In diebus. l. 217. §. fin.

Istrumentorum appell. l. 99. §. fin.

Integra terra. l. 30. §. 2

Intestatus. l. 64

Intra diem mortis. l. 133

In utero existens. l. 133. 251

Iter diei. l. 9

Iumentorum appell. l. 39. in pr.

Kalendis bissextis. l. 58. in pr.

Calendarium ante vel post diem. l. 228

in pr.

SIGNIFICATIONE.

L Atrones.	l. 11. in fin.
L Legare.	l. 120
Legatorum peritio generalis.	l. 80
Legum appell.	l. 6. §. 1
Liberorum appell.	l. 36. §. 1. l. 220. in pr.
Liberos habere.	l. 148. 149
Liberationis verbo.	l. 47
Liberti appel.	l. 172. 245
Liberti nostri.	l. 58. §. fin.
Libertorum, libertarum appell.	l. 105. 172. 243
Lignorum appell.	l. 167. 168
Lignum coctum.	l. 167.
Lis.	l. 36
Litteræ dimissoriae.	l. 106
Littus publicum.	l. 96. 112
Locuples.	l. 234. §. 2
Locus.	l. 60. in pr. §. 1
Luscus.	l. 101. §. 2

M Agistratus.	l. 57. in pr.
M Magistri.	ibid.
Mangones.	l. 207
Major pars anni.	l. 156
Malum.	l. 242. in pr.
Masculorum appell.	l. 195. in pr.
Materfamilias.	l. 46. §. 1
Medicamentum.	l. 236
Mensis intercalaris.	l. 98. in fin.
Meorum, tuorum appell.	l. 91
Mercis appel.	l. 66. 207
Meum totum.	l. 25. in pr.
Mille passus.	l. 154
Minus solutum.	l. 12. §. fin. l. 32. 82. 117
Mobilium & moventium appell.	l. 66. 207

INDEX DE VERBORUM

Modius iniquus.	l. 212
Morari.	l. 233
Morbus.	l. 101. §. 2
Morbus fonticus.	l. 113
Mortis tempore esse.	l. 153
Mortui apud hostes hereditas.	l. 3. §. fin.
Mortuus natus.	l. 129
Multa.	l. 131. §. 1. l. 244
Mulier.	l. 195. §. fin.
Mulieris appellatione.	l. 18
Municipes.	l. 13. in fin. 218
Munificus.	l. 10
Munus.	l. 13. 194. 214
Munus publicum.	l. 239. §. 2

N asciturus.	l. 232
Natorum appellatio.	l. 104. §. 2
Navis appellatio.	l. 42. in pr.
Negativa duo.	l. 237
Negligentia magna.	l. 216
Nominis appellatio.	l. 436
Nostri liberti.	l. 58. §. fin.
Nostrium totum.	l. 16. in pr.
Notionis appellatio.	l. 23
Novalis terra, ager.	l. 10. §. 2
Noxix appellatio.	l. 218
Noxiis solutum prestare.	l. 218
Nupta dum erit.	l. 19. §. 3
Nurus appellatio.	l. 50

O fficium.	l. 18
Ope, consilio.	l. 51. §. 1.
Operis appellatio.	l. 5. §. fin.
Oponebis,	l. 4
	• per.

SIGNIFICATIONE.

Oportere.	1. 7
Oppidum.	1. 39. §. 7
Opprobrium.	1. 42
Optimus maximus.	1. 126. 163. 169
Orationis nec disjunctivæ nec conjunctivæ interpretatio.	1. 38. §. fin.
Ornamenti appell.	1. 74.
Ostentum.	1. 38

Παιδίον.	1. 163. §. fin.
Palam.	1. 33
Pali.	1. 168
Παλλακή.	1. 144
Πάροιχοι.	1. 339. §. 2.
Parentis appell.	1. 51
Paries.	1. 147
Paterfamilias.	1. 195. §. 2
Patris appellatio.	1. 25. §. fin. 16
Partitionis verbo.	1. 194 §. 1
Partus.	1. 126
Partus monstrosus, portentosus, debilis.	1. 175
Pascua silva.	1. 30. §. fin.
Patris appell.	1. 201
Patroni appell.	1. 52
Peculii proprium.	1. 182
Pecuniæ appell.	1. 1. 23. 97. 178. 222
Pellex.	1. 144
Penes te.	1. 63
Peperisse.	1. 132. §. fin.
Perduelles.	1. 234
Perfecisse.	1. 139. §. fin.
Perisse.	1. 9
Περὶ ἑστέρας.	1. 45

INDEX DE VERBORUM

Pernoctare.	l. 166. §. fin.
Persequi.	l. 57. §. fin.
Persecutionis verbo.	l. 178. §. 1.
Persona speciosa.	l. 100
Perticæ.	l. 168
Pertinere.	l. 70. §. fin. 188
Pervenisse.	l. 264. §. fin. 171
Pervenisse ad te.	l. 172
Petitionis verbum.	l. 178. §. 2
Πάντασμάλα.	l. 38. in fin.
Πάρμακεν.	l. 236
Pignus.	l. 238. §. 2
Plebs.	l. 238. in pr.
Plumbum.	l. 242 §. 2
Pluris aureorum κxx.	l. 132
Plurive.	l. 192
Pœna.	l. 131. 244
Pomi appell.	l. 205
Portari.	l. 133
Portus.	l. 50
Possessio.	l. 78. 15
Posse, cum potuero.	l. 123
Post diem decimum.	l. 133
Posthuma.	l. 164
Postquam fari poterit.	l. 117
Potestatis verbo.	l. 215
Prædia aliquorum.	l. 96 §. fin.
Prædiorum jura.	l. 86
Prædium.	l. 149. in fin.
Prædones.	l. 118
Præfens.	l. 17 §. fin.
Præstari recte.	l. 71. §. fin.
Prævaricatores.	l. 312
	Præsum

SIGNIFICATIONE.

Oportere.	l. 7
Oppidum.	l. 39. §. 7
Opprobrium.	l. 42
Optimus maximus.	l. 126. 163. 169
Orationis nec disjunctivæ nec conjunctivæ interpretatio.	l. 38. §. fin.
Ornamenti appell.	l. 74.
Ostentum.	l. 38

Παιδίον.	l. 163. §. fin.
Palam.	l. 33
Pali.	l. 168
Παλακή.	l. 144
Πάροιχα.	l. 339. §. 2.
Parentis appell.	l. 51
Paries.	l. 147
Paterfamilias.	l. 195. §. 2
Patris appellatio.	l. 25. §. fin. 26
Partitionis verbo.	l. 194 §. 1
Partus.	l. 16
Partus monstrosus, portentosus, debilis.	l. 135
Pascua silva.	l. 30. §. fin.
Patris appell.	l. 201
Patroni appell.	l. 52
Peculii proprium.	l. 183
Pecuniæ appell.	l. 3. 33. 97. 178. 222
Pellex.	l. 144
Penes te.	l. 63
Peperisse.	l. 132. §. fin.
Perduelles.	l. 234
Perfecisse.	l. 139. §. fin.
Perisse.	l. 9
Περὶ προμά.	l. 45

INDEX DE VERBO U M

Servus urbanus.	l. 210
Silva cadua.	l. 30. in pr. pascua. l. 30. 5
Συναλλαγμα.	l. 19. vers. 2
Singularis appell.	l. 158
Si quis.	l. 1
Soceri & socrus appell.	l. 146
Soluta pro separatis.	l. 53
Servitus.	l. 86
Solvende esse.	l. 14
Solutionis verbum.	l. 176
Solutus.	l. 48
Soluto matrimonio.	l. 240
Sonticus morbus.	l. 11
Spadonam appell.	l. 118
Speciosa persona.	l. 100
Sponsio.	l. 7
Statutum.	l. 46
Stipendium.	l. 27. 1
Stragula.	l. 45
Stratum.	l. 41
Stratura.	l. 242. 4
Stuprum.	l. 10
Subdisjunctivum.	l. 124
Subsignare.	l. 39. in pr.
Substitutio vulgaris.	l. 36
Sulphurata.	l. 167
Sumptibus constitutis.	l. 202
Συναλλαγμα.	l. 19
Supremus.	l. 92. 162. 163
Summ.	l. 290 §. fin.
T Aberna.	l. 183. 184
Tabernacula.	l. 184
Taberna in sumptibus.	l. 85
	Tiana.

SIGNIFICATIONE.

Pratum.	1. 31
Probrum.	1. 42
Projectum.	1. 242. §. 8
Pronunciatum.	1. 46
Provinciales.	1. 190
Proximus.	1. 51. 155. 162
Publica.	1. 15. 16. 17
Publicanus.	1. 16
Pueri appellatio.	1. 166. §. fin. 294
Puerpera.	1. 163. §. fin.
Pupillus.	1. 161. 230

Q uanta pecunia.	1. 97
Quanti ea res erit, vel esse paret.	1. 179. 19
Quisquis mihi heres erit.	1. 227
Quanto minus.	1. 150
Quisquis mihi filius filiae heres sit.	1. 116

R aptum.	1. 9
Rectè.	1. 71. in fin. 73
Reddere rationes.	1. 94
Rei appellatio.	1. 6. 23. 72
Reliquorum.	1. 95. 160
Repudium.	1. 101. §. 1. 1. 191
Restituere.	1. 29. 33. 35. 246. §. 8
Restitutionis verbo.	1. 82
Romæ appellatio.	1. 2. 87. 139. 147
Ruta cæsa.	1. 241

S atisfactionis appellatio.	1. 69
Separata.	1. 93
Sequester.	1. 110
Seriz.	1. 206
Servi appel.	1. 40. 11. 1. 101. fin. 239

INDEX DE VERBO CUM

Servus urbanus.	l. 210
Silva cadua.	l. 30. in pr. pascua. l. 30. 5
Συναμαγμα.	l. 19. vers. 2
Singularis appell.	l. 158
Si quis.	¶ l. 7
Soceri & socrus appell.	l. 146
Soluta pro separatis.	l. 53
Servitus.	l. 86
Solvende esse.	l. 14
Solutionis verbum.	l. 176
Solutus.	l. 48
Soluto matrimonio.	l. 240
Sonticus morbus.	l. 11
Spadonum appell.	l. 118
Speciosa persona.	l. 100
Sponsio.	l. 7
Statutum.	l. 46
Stipendium.	l. 27. 1
Stragula.	l. 45
Stratum.	l. 41
Stratura.	l. 242. 4
Stuprum.	l. 10
Subdisjunctivum.	l. 124
Subsignare.	l. 39. in pr.
Substitutio vulgaris.	l. 16
Sulphurata.	l. 167
Sumptibus constitutis.	l. 202
Συναμαγμα.	l. 19
Supremus.	l. 92. 162. 163
Summ.	l. 230 §. fin.

T Aberna.	l. 183. 184
Tabernacula.	l. 184
Taberna instructa.	l. 86
	Ταβηρα,

SIGNIFICATIO

Τέχνα.	l. 190
Telum.	l. 233. §. 2
Terra integra.	l. 30. 2.
Ter enixa.	l. 137
Terra novalis.	l. 90. 3
Territorium.	l. 239. 8
Testamentum falsum.	l. 231
Tigni appel.	l. 62
Titio.	l. 67
Toga.	l. 180. fin.
Totum meum.	l. 25. in pr.
Totum nostrum.	ibid.
Τοξομα.	l. 33. fin.
Transacta.	l. 129 230
Tributum.	l. 27 fin.
Tigurii appel.	l. 180 in pr.
Tutor falsus.	l. 211
Vasa vinaria.	l. 206
Vestigal publicum.	l. 17. fin.
Vecors.	l. 142. 3
Venditum.	l. 67. in pr.
venenum bonum, malum.	l. 236
Venire ad heredem.	l. 105
Venire diem.	l. 213. in pr.
Verba contrahentium.	l. 219
vesanus.	l. 242. 1
vestis appel.	l. 127
Via.	l. 157. 1
Victus nomine	l. 43: 44. 45. 234. fin.
Vidua.	l. 242. 3
Villa.	l. 211
Vinctus.	l. 216
Vinculorum appell.	l. 216 26

INDEX DE VERBOR. SIGNIFIC.

Virilis appell.	l. 145
Virium.	l. 101. 2
Vivere.	l. 134. 2
Voluntas contrahentium.	l. 219
Vota.	l. 123. 1
Urbana prædia.	l. 198
Urbanum mancipium.	l. 210
Urbare.	l. 239. 6
Urbs.	l. 2. 8. 39. 6
Urbum.	l. 239. 6
Usu suo.	l. 203
Usura.	l. 121
Serpentes.	l. 177

Finis indicis in Titulum ff. de Verborum significatione.



E P I T O M E
REGULARUM JURIS,
Ex Titulo Digestorum secundum
ordinem alphabeticum
collecta.

per P. C. B.

Absentia Reipublicæ causa non nocet. l.
140

Abundantia non vitiant scripturas. l. 40

Actio certa, ex quibus in unam rem eligenda
est. l. 43 1

Actio cum servis nulla. l. 16 7

Actio exceptione infirmata, pro nulla. l. 112

Actio in rem, pro re est. l. 15

Actione concessa, & exceptio conceditur. l.
156, 1.

Actionem habere minus est, quam re. l. 204

Actio tempore peritura, lite contestata per-
petuatur. l. 139. in pr. 164

Actor certus esse debet. l. 42. in fin.

Actori non licet, quod reo prohibetur. l. 41

Aditio hereditatis ex intervallo, cum tem-
pore mortis continuatur. l. 138. in pr. 193

Æquitas in jure spectanda. l. 90

Æquitas mutat solennia. l. 183

Æquitate desiderante jus mutatur. l. 85. fin.

Ætati in causis penalibus succurritur. l. 108

Alienare qui potest & consentire potest. l. 165

Alterius nomine nemo lege agere potest. l.
123

Amitti proprium tantum potest. l. 83

Amittitur eo modo, quo acquiritur. l. 143

Arbiter in bonæ fidei judicio vir bonus acci-
pitur. l. 18 1

INDEX DE REGULIS JUR'IS.

Beneficium ratione actionis competens ad actionem sequitur. l. 68. in fin.

Beneficium invito non datur. l. 69. § 6. 4

Beneficium personale cum persona perit. l. 68. 196.

Bona fides bis idem non exigit. l. 57

Bona fides veritati comparatur. l. 136

Bonorum possessor heredis loco est. l. 117

Captio minima ex duabus eligenda est. l. 200.

Casus à nullo præstatur. l. 25. in fin.

Caveri alteri non potest. l. 73. fin.

Cautio realis personali potior est. l. 25

Circumventio alterius alii non parit actionem. l. 49

Cognitionem quæ desiderant, libello non expediuntur. l. 75. 105

Commoda sequuntur incommoda. l. 10

Concessa contra jus, non habent consequentiam. l. 145

Coucubitus non facit nuptias. l. 30

Condemnare potest, qui absolvere. l. 37

Conditio contrahentium inspicienda. l. 19

Conditio impleta, vide Impletum.

Conditio iniqua alteri non inferenda. l. 74

Conditio non melior fit ex proprio delicto. l. 134. § fin.

Consensus nuptias facit. l. 50

Consilii mutatio non præjudicat alteri. l. 75

Consilii non fraudulentum nulla obligatio. l. 47

Consulto dari, donatio est. l. 53

Constituta utiliter ex post facto non vitiantur. l. 55. §. 2

Con-

INDEX DE REGVLIS IVRIS.

Contestatione litis melioratur conditio. l.

87

Contracta jure, contrario jure pereunt. l. 35

100, 53.

Contractus legem facit. l. 22. circa med.

Contrahentium conditio inspicienda. l. 19

Contrario jure per. l. 35. 1000. 155

Conventio dat legem contractui. l. 23. circa med.

Conventio privata non mutat jus. l. 27

Creditor rem venire permittens, pignus a. mittit. l. 153

Culpa caret, qui scit, sed prohibere nequit. l. 50.

Culpa est immiscere se rei alienæ. l. 36

Culpa sua damnum sentiens, damnum non sentit. l. 103

Damnum dat, qui jubet dare. l. 169

Damnum ex culpa sua sentiens, damnum non videtur sentire. l. 103

Dati per errorem, repetitio: consulto, donatio. l. 53

Defensor rei alienæ non habetur locuples. l. 166.

Definitio in jure periculosa. l. 202

Delicto suo nemo fit ditior. l. 34. § fin.

Delictum ex post facto non æstimatur. l. 138 § fin.

Denegare potest qui concedere. l. 101. § fin.

Deportationis sententia aufert ea quæ fisci sunt. l. 97

Die in contractu omisso, statim debetur. l. 14

Disjunctivorum alterutrum factum sufficit. l. 110. § 3

Dividi quæ nequeunt, solida debentur. l. 192

Doli exceptio legatario non nocet. l. 19. § fin.

INDEX DE REGVLIS IVRIS.

Dolo caret, qui utitur jure suo. 1.55

Dolo non caruit, qui magistratui non paruit. 1.199

Dolo non petit, qui nescivit cur peteret, 1.177. §. fin.

Dolo qui defuit possidere pro possessore est. 1.130. 150

Dolus pro possessione est. 1.130

Dolus tutoris pupillo non nocet. 1.198.

Domo sua nemo extrahi debet. 1.103.

Donare cui licet, & vendere, & concedere, 1.165.

Dubii tollendi causa adjectum, non mutat Jus, 1.165.

Effectus cui proderit, ad eum partes ejus pertinent. 1.148.

Emptor ejusdem juris est, cujus author. 1.156 §. 3

Errantes non consentiunt. 1.116. §. fin.

Errore dati repetitio est. 1.53

Error scriptoris partibus non nocet. 1.92

Evincendum à nobis in bonis non est. 1.190

Expressa non tacita, nocent. 1.77. 195

Ex promissor idoneus est, qui satisfiat. 1.100. §. 1.

Facienda non faciens, facit adversus officium. 1.111.

Factum cuique suum, non adversario nocet. 1.155

Factum habetur, quod per adversarium impeditur. 1.39

Factum pacto non tollitur. 1.32

Femina ab officiis remota. 1.2. in pr.

Filius possidere rem peculiarem nequit 1.99

Fisco

INDEX DE REGVLIS IVRIS.

Visco obligata, nisi cum onere alienari nequeunt. l. 205

Fraudari scientes, & consentientes nequeunt. l. 45

Fraudulentus reus ad interesse tenetur. l. 78

Fraus civiliter tam consilio quam eventu æstimatur, l. 79

Furiosi contractus nullus. l. 5. in fin.

Furiosus absentis loco est. l. 124. §. fin.

Generi per speciem derogatur. l. 82

Gladii potestas delegari nequit. l. 70

Habere rem non vult qui eam transferri. l. 1. 0

Hereditas ex intervallo adita cum morte continuatur. l. 183. §. 93

Hereditas quo pervenit eo tutela redit. l. 73 in pr.

Hereditas una, duobus in solidum dari nequit. l. 141. §. fin.

Hereditate missa, testamentum perit. l. 18

Heres de dolo suo in solidum: defuncti vero in id quod ad eum pervenit, tenetur.

l. 44. 127. 152. §. fin. l. 157. §. fin.

Heres ejusdem juris est cujus defunctus. l. 130

Homines omnes natura æquales. l. 32

Idem bis non exigit bona fides. l. 67

Idem ex pluribus causis deberi potest. l. 159

Ignorans debitum non est improbus. l. 99

Ignorantia fidejussoris justa est. l. 42. vers. 1

Ignorantia successoris justa est. l. 42. in pr.

Imperitia culpæ annumeratur. l. 132

Imple in

in | |

in | |

in | |

INDEX DE REGVLIS IVRIS.

Impletum habetur, cum impedit *is* cujus interest. l. 161

Impossibile non cadit in pactum. l. 31

Impossibilium nulla est obligatio. l. 185

Impossibilia natura, lege non confirmantur. l. 188

Impossibilia pro non adjectis habentur. l. 135
§. fin.

Imprudentia in pœnalibus succurritur. l. 180

Impubes ab officiis remotus. l. 2. fin.

Incommoda sequuntur commoda. l. 10

Indebitum solvens non obligatur. l. 171

In dubio pro libertate. l. 20. 179. consuetudo
sequenda 34, circ. med. pro eo quod benignius est l. 16. 192. §. fin. pro dote. l. 85. in
pr. pro eo quod rei aptius est. l. 67. pro
sententia proferentis. l. 96. pro fama. l.
104. pro possessore. l. 154. pro emptore. l.
173

Iniqua conditio alteri non inferenda. l. 74

Initium in stipulationibus spectatur. l. 19

Impari causa oneratur petitor. l. 154

Institutio initio inutilis, ex postfacto non
convalescit. l. 210

Intellectui carentia pro nullis sunt. l. 75. §. 8

Interesse facti, non juris est. l. 24

Invito beneficium non datur. l. 69. 156

Invito quis potest; ignorante vel absente po-
test. l. 26

Invitus defendere nemo cogitur. l. 156. in pr.

Ita factum, ratum non est, nisi perseveretur.
l. 48

Iudicata res pro veritate habetur. l. 207

Iudicis incompetentis factum pro nullo
est. l. 370

Iudicium quæ requirunt, vera & recta scien-
tia

INDEX DE REGVLIS IVRIS.

sia perfici debent. l. 76

Iura sanguinis jure civili non dirimuntur.
l. 8

Ius qui sequitur non fallitur. l. 116. §. 1

Iussu meo quod solvitur, ipse solvisse vide-
or. l. 18

Iussu qui facit iudicis, dolo caret. l. 167. §. fin.

Legatarius plus juris non habet, quam de-
functus. l. 160. §. fin.

Legati servo acquisiti commodum domino
prodest. l. 18

Legitimè constituta, ex post facto non vi-
tiantur. l. 85. §. 1

Leviora delicta servis domino obtempe-
rantibus ignoscuntur. l. 157

Liberalitatis reus ad possibile tenetur. l. 18
& ita ne egeat. l. 173. in pr.

Libertas omnibus rebus favorabilior. l. 122

Libertas res inæstimabilis. l. 176. §. fin.

Libertati in dubio favetur. l. 20

Libertum qui habet, non est ditior. l. 126

§. 2

Licita non semper honesta. l. 144

Locupletari nemo cum alterius detrimento
debet. l. 200

Lucra turpia, ab herede extorquenda. l. 58

Lucro in pari possessor potior est. l. 98

Lucrum petentis durior est causa l. 33. 41. §. 1

Lucrum qui capit factum præstare debet. l.

149

Magistratus quod facit non permittitur
singulis. l. 176. in pr.

Major pars quod statuit, ad omnes refertur.
l. 160. §. 1

Mandat pro se, qui non prohibet. l. 60

Matrimonium non licitum, sed honestum

esse debet. 1.197

Metus consensui contrarius. 1.176

Meum, amplius meum fieri nequit. 1.45

Minus ei licet, cui plus licet. 1.21

Mora cuique sua nocet. 1.173. § 3

Mutatio consilii alteri nocere non debet. l.

75

Mutatio temporaria, ius provinciae non in-
novat. l. 123. § fin.

Mutus, ubi non voce sed praesentia opus est,
videtur respondere. 1.124

Natura prohibita, lege non confirmantur.
l. 188. § fin.

Necessitate factum, non trahitur in conse-
quentiam. 1.162

Neganti debitum permittitur alia defensio.
l. 43

Nolle potest, qui velle. 1.3

Nostrum, amplius nostrum fieri nequit. 1.159

Nostrum quandoque alienari nequit. 1.205

Nostrum sine facto nostro non transfertur.
l. 12

Nullius quod esse potest obligari nequit. l.
182

Obligari nequit, quod nullius esse potest.
l. 182

Obligata fisco, non nisi cum onere transfe-
runtur. 1.205

Obligatione liberatus, videtur cepisse. l. 15
in pr.

in Obscuro verisimilius. l. 114: & benignius
accipiendum. 1.168

Omittens possessionem, non alienat. l. 119

Pactio privata non mutat leges. l. 17. 45. §.
fin.

Parandi necessitas caret culpa. 1.160

INDEX DE REGVLIS IVRIS.

Part major quod statuit, refertur ad omnes.

l. 160. §. 1

Pendentia non extant.

l. 169. §. fin.

Personale beneficium, cum persona perit. l.

68

Petitur inique antequam solvi potest, l. 186

Pignori dare, fructus rei est, l. 72

Plus cui licet, & minus licet, l. 21

Plus transferre quis nequit, quam ipse ha-
bet, l. 54

Plus continet, minus, l. 110

Pœnæ nomine exactum solventi non reddi-
tur, l. 46

Pœnales ejusdem rei actiones aliz alias
perimunt, l. 230

Pœnali in causa, benignius respondendum,
l. 155. in fin.

Pœnalis actio non transit ad heredem, l.
111. §. fin.

Pœnalis actio personam non transgreditur,
l. 58

Pœnalis actio semel accepta, transit in he-
redem, l. 164

Pœnam recte petis qui in ipsam non incidit,
l. 154 §. fin.

Possessor habetur qui dolo defuit, l. 131, 150
157. §. 1

Possessor in pari lucro, præfertur, l. 98, 126. §.
fin, l. 128

Potens facere ut conditioni pareatur, posse
videtur, l. 274

Potestas gladii delegari nequit, l. 6

Prædo non est, qui pretium solvit, l. 12

Principale cum interit, interit & accessio-
rium, l. 129. §. fin. l. 178

Privata conventio non mutat jus, l. 27, 45 §. fin.
Pri

INDEX DE REGVLIS IVRIS.

- Privilegia personalia, cum persona : realia
cum reintereunt. l. 196
- Provesane sine dolo moram non facit. l. 93
- Pugnantium in testamento, neutrum ratum
est. l. 188
- Pupillus authore tutore, rite contrahit, l. 5.
in fin. ex dolo tutoris non tenetur. l. 198.
nec velle nec nolle potest. l. 189. pati non
potest. l. 110. §. 2. pubescens furti, injuriæ
capax. l. 113
- R**aro accidentia non constituunt jus. l. 64
- Rati habitio mandato comparatur, l. 50
in fin.
- Recepta contra jus, non habent consequen-
tiam. l. 143
- Regula vitata, perdit officium. l. 1. in fin.
- Repetitio favorabilior, quam lucrum adven-
titium. l. 41. §. 1
- Res judicata pro veritate est. l. 107
- Reus favorabilior actore, l. 125
- Reus fraudulentus ad interesse tenetur. l. 78
- S**anguinis jura, civili non dirimuntur. l. 8
- Scientes & conscientes fraudari neque-
unt. 145
- Scripta sine sensu non scripta habentur. l. 71
§. 3
- Scriptoris error, partibus non nocet. l. 93
- Servitus mortalitati comparatur. l. 209
- Servo stipulante commodum domini est. l. 18
- Servus civili jure pro nullo est. l. 32. domini
conditionem meliorem, deteriore facere
non potest. l. 133. in causa libera inter-
venire nequit. l. 175. in pr. non obligatur.
l. 22. non usucapit. l. 188. quæ fecit, ei li-
berty non profunt. l. 146

INDEX DE REGVLIS IVRIS.

Socii mei socius, socius meus non est. l. 47.

§. fin.

Solennia nisi ex æquitate non mutantur, l. 183

Solida debentur, quæ dividi nequeunt. l. 192

Solvendo est qui defenditur. l. 95

Solvens pretium, non est prædo. l. 126

Solvitur quodque eo genere quo colligatur.

l. 33. 100. 153

Specialia insunt generalioribus. l. 107

Stipulationum initium spectatur. l. 19. 144

§. fin.

Stipulante servo, commodum domini est.

l. 18

Successione duplici delata, una repudiata, alia valet. l. 98

Successore ejusdem juris, cujus author fuit. l.

143. 175. §. fin. 177

Surdus ubi non voce opus est, præsens esse potest. l. 124

Suum recipiens, dolo non facit. l. 129

Tacita non semper necent. l. 77 108

Temporaria mutatio jus provinciarum non mutat. l. 123. §. fin.

Tempus in stipulatione, promissoris causa adjicitur. l. 17. 136. in testamentis, hereditas

l. 17. in pr.

Tempus in stipulatione quod spectatur. l.

19. 141. §. fin.

Testamentaria successio potior legitima est. l. 89

Testamentorum interpretatio plenior. l. 12

Testamentum perit, hereditate non adita. l.

181, & valet quod initio constitit. l. 28

Testatus & intestatus paganus esse nequit. l. 7

Tip

INDEX DE REGVLIS IVR I

Timor vanus non excusat.	l. 184
Totum continet partem.	l. 115
Transferre quis non potest plus quam ha- bet.	l. 54
Tutela redit eo, quo hereditas venit. 73. in pr.	
Tutoris datio est suorum heredum. l. 73. § 1	
Tutoris dolus pupillo non nocet.	l. 198

V Anus timor non excusat.	l. 188
Velle potest qui nolle.	l. 34
Vendere & vendenti consentire, diversa. l. 160. in pr.	
Vim non facit, qui vitur jure suo. l. 153. § 1	
Vis consensui contraria.	l. 116
Vitiosum initio, tempore non conualecit. l. 26	

E N D

Institutiones Justiniani

Colonia 1703

J.rom.f. 119

urn:nbn:de:bvb:12-bsb10566332-4

VD18 14430444-001